

ნიკო ბაგრატიონი

# ბურჰუნ

მთბონება



საბჭოთა მწერალი  
თ ბ ი ლ ი ს ი  
1 . 9 . 5 . 1



ገጽ ፩

ገጽ ፩

გამომცემლობა  
„საბჭოთა მწერალი“

ნიკო ბაგრატიონი

# ბუჩქბთან

მოგონება

9835

თარგმნა და შენიშვნები  
დაურთო

რაქდენ გვეტაძემ



თბილისი  
1 9 5 1



## წინასიტყვაობა

ამ ოცი-ოცდახუთი წლის წინათ თბილისის ქუჩებზე ხშირად შეხვდებოდით არაჩვეულებრივი სიმაღლის ახოვან ვაჟკაცს, რომელსაც ძველებური ქართული ჩოხა-ახალუხი ეცვა. ნაცნობები მას „ნიკობურს“, ხანაც უფრო მოკლედ „ბურს“ ეძახდნენ, მაგრამ ბევრმაროდი იცოდა საიდან მიიღო ამ ქართველმა კაცმა ასეთი უცნაური მეცსახელი, როდი იცოდნენ, რომ ამ ბერიკაცს თითქმის ფანტასტიკური ბიოგრაფია ჰქონდა. თავისი ცხოვრების მანძილზე მან შემოიარა ნახევარი მსოფლიო, ახალგაზრდობის წლებში ის იარაღით ხელში იბრძოდა სამხრეთ აფრიკის ჯუნგლებში, მამაცურად და თავგანწირულად იცავდა ბურების პატარა რესპუბლიკას და ამის გამო იყო, რომ კაცთმოძულე ინგლისელმა იმპერიალისტებმა მას დახვრეტა მიუსაჯეს. ის სრულიად უბრალო შემთხვევის წყალობით გადარჩა სიკვდილს იმ წუთებში, როცა ინგლისელ ჯარისკაცს თოფი უკვე შემართული ჰქონდა მის მოსაკლავად. ეს ძალიან საინტერესო ამბავია და ნიკო ბაგრატიონი ამაზე ვრცლად მოგვითხრობს წინამდებარე თავის მემუარებში.

ნიკო ბაგრატიონის მემუარებს ინტერესით წაიკითხავს მკითხველი. მემუარების ავტორი — მეფე-პოეტის არჩილის (1647 — 1713 წ.) შორეული შთამომავალი იყო. არჩილ მეფისა და მისი

შვილის ბაქარის საგვარეულო თოფი სწორედ მათს ოჯახში ინახებოდა. ნიკო ბაგრატიონი დაიბადა და აღიზარდა მუხრანში, ძველი ფეოდალის პატრიარქალურ ოჯახში. წინამდებარე წიგნში ავტორი აგვიწერს თავისი ბავშვობისა და სიყრმის წლებს და ჩვენს თვალწინ იშლება ფეოდალური არისტოკრატის ყოფა-ცხოვრების რღვევისა და ღვერადაციის მკაფიო სურათი. მართალია, მემუარების ამ პირველ ნაწილში მკითხველისათვის მოულოდნელი და უცნობი არაფერი არ არის, ქართულმა მწერლობამ არა ერთგზის დაგვინატა ფეოდალური არისტოკრატის რღვევისა და დაცემის პროცესი, რომელიც კაპიტალიზმის შემოჭრის უშუალო შედეგი იყო. მე-19 საუკუნემ საქართველოც შემოაბრუნა ისტორიის ახალი გზისაკენ. ვ. ი. ლენინი აღნიშნავდა, რომ „რუსეთის კაპიტალიზმი კავკასიას ითრევდა საქონლის მსოფლიო ბრუნვაში, ანიველირებდა მის ადგილობრივ თავისებურებებს—ძველებური პატრიარქალური კარჩაკეტილობის ნაშთს, ქმნიდა ბაზარს თავისი ფაბრიკებისათვის“.\* ეს ისტორიულად გარდაუვალი პროცესი ბუნებრივად აყენებდა უმაღლესი წოდების ყოფნა-არყოფნის საკითხს. თავადაზნაურობა თანდათან ჰკარგავდა მამულებს. კაპიტალიზმმა, როგორც ყოველი სხვა საგანი, ისე ფეოდალის მამულიც ალებ-მიცემობის საგნად აქცია. გაბატონებულ წოდებას ხელიდან ეცლებოდა უკანასკნელი დასაყრდენი. მემამულეთა მიწები ნელა-ნელა ახლად მომძლავრებული ბურჟუაზიის ხელში გადადიოდა.

ვერც ავტორის პაპის, ნიკოლოზ ბაგრატიონის ოჯახი ასცდა ამ ისტორიულ ხვედრს. როცა ნიკო ბაგრატიონი თავის ოჯახის ვითარებას გადმოგვცემს და გულისტკივილით მოგვითხრობს თავის უშუალო წინაპრების თავგადასავალს,—ჩვენ ნათლად ვხედავთ არის-

ვ. ი. ლენინი. თბზულებანი, ტ. III, გვ. 704.

ცოკრაციული წოდების რღვევისა და დაკნინების პროცესს ერთი ოჯახის მაგალითზე. ცხადია, ნიკო ბაგრატიონის მემუარებში შეუძლებელია ვეძებოთ ზუსტი ანალიზი ამ ფითარებისა, მაგრამ ფაქტები, რომლებსაც ავტორი იხსენებს, თავისთავად მეტყველებენ. მემუარისტი მოგვითხრობს თავისი პაპის ამბებს, იხსენებს ეგრეთ წოდებულ „პრიკაზს“, სადაც მემამულეები აგირაგებდნენ თავის მამულსა და ქონებას. ვილაც ავანტიურისტმა, რომელიც მცოდნე ფინანსისტის როლში მოეგლინა ქართველ თავად-აზნაურობას—მოაგროვა ორ მილიონ მანეთამდე ფული და ამ ფულიანად ამერიკაში გაიქცა. ამ ავანტიურის შედეგად მუხრანელ ბაგრატიონს 600 ათასი მანეთი თავისი პროცენტებით ვალად დაეღვა. ეს იყო უზარმაზარი თანხა, რომლის გადახდა მუხრანელ მემამულეს აღარ შეეძლო. გადახდის ვადები კი მალე მოვიდა, და რადგანაც ბაგრატიონს ფული არა ჰქონდა, სახლიდან ორი ურემი ვერცხლეული გაიტანეს, გაჰყიდეს და ამ ფულით მარტო სართი ანუ პროცენტები გადაიხადეს, ვალი კი კვლავ ვალად დარჩა. ეს ამბავი, როგორც აღვნიშნეთ, ავტორის პაპის, ნიკოლოზ ბაგრატიონის დროს ხდებოდა.

ნიკოლოზ ბაგრატიონის ოჯახი ჩვენს ყურადღებას იპყრობს უმთავრესად იმ მხრივ, რომ, როგორც მემუარების ავტორი გადმოგვცემს, აქ თავს იყრიდა იმდროინდელი ინტელიგენცია. ამ ოჯახში ხშირად შევხვდებოდით პლატონ იოსელიანსა და სრულიად ახალგაზრდა რაფიელ ერისთავს, აქვე ხშირად სტუმრად ყოფილა ნიკოლოზ ბარათაშვილი, შემდეგში ამ ოჯახს დაუახლოვდა ახალგაზრდა ილია ქავჭავაძე, რომელიც თვით ამ მემუარების ავტორის ნათლობასაც დასწრებია. მემუარების ავტორი გადმოგვცემს არაერთ საინტერესო ცნობას ამ აღამიანებზე. ამ მხრივაც წინამდებარე წიგნს ერთგვარი მნიშვნელობა ენიჭება ჩვენი კულტურის ისტორიის შესწავლის თვალსაზრისითაც.

პაპის სიკვდილის შემდეგ ბაგრატიონების ოჯახს „პრიკაზმა“ მამულები აუწერა და საჯაროდ გაუყიდა. იწუება არზების წერა, დაუცხრომელი ფაციფუცი, რათა საბოლოო კატასტროფისაგან იხსნან ოჯახი. ეს ყველაფერი ხდება ბავშვის თვალწინ და წიგნის ავტორიც ამ ბავშვობის შთაბეჭდილებებს ძალზე მკაფიოდ გადმოგვცემს. იგი გვიხატავს იმდროინდელ სოფელს, რომელიც დანახულია არისტოკრატიულ ოჯახში აღზრდილი ბავშვის თვალით. ამიტომ ყოველივე ამას ჩვენ კრიტიკული თვალით უნდა შევხედოთ: მემუარი ეკუთვნის აღამიანს, რომელიც აღზრდილია იმ ფეოდალურ ოჯახში, იმ არისტოკრატიულ ბუდეში, რომელსაც ისტორიამ სავსებით სამართლიანად სასიკვდილო განაჩენი გამოუტანა; ბუნებრივია, რომ ავტორს ძვალ-რბილში აქვს გამჟღადარი ამ წოდების მსოფლმხედველობა, იგი მისი ღვიძლი შვილია; ამიტომ მაღალი წოდების ყველა ტკივილს საკუთარ ტკივილად მიიჩნევს. ეს ნათლად ატყვია მემუარების პირველ ნაწილს.

პატარა ნიკო ბაგრატიონი თავიდანვე გატაცებული იყო ძველი წიგნებითა და ფანტასტიკური ზღაპრებით. ის მოუსვენარი და დაუცხრომელი ტემპერამენტის კაცი იყო. 1899 წელს ნიკო ბაგრატიონი პეტერბურგს მიემგზავრება. ამ ხანებში მას აღეძრა შორეულ ქვეყნებში გამგზავრების სურვილი. საბაბად ის მოიგონა, თითქოს ლომებზე სანადიროდ აფრიკაში წასვლა უნდოდა, სინამდვილეში კი როგორც თვითონ ავტორი გადმოგვცემს, მას უნდოდა ენახა უცხო ხალხები, გაცნობოდა მათს ზნე-ჩვეულებებს, კულტურას, დამტკბარიყო უცხო ბუნების სილამაზით. პეტერბურგიდან ბაგრატიონი პარიზს მიემგზავრება, აქედან ჩადის მარსელში და მარსელიდან საოკეანო გემით შიდის აფრიკისაკენ; ერთხანს ის ჩერდება ალექსანდრიაში; იმ ხანებში ყველა—დიდი და პატარა, ქალი და კაცი ინგლის-ბურების მოსალოდნელ ომზე ღა-

პარაკობდა. მსოფლიოს ხალხები უშუალოდ შეეჭყურებდნენ იმ ამბავს, რომ იმპერიალისტური ინგლისი ბურჟუაზიის რესპუბლიკის მოსპობასა და განადგურებას აპირებდა. და აი, ნიკო ბაგრატიონის არსებაში ხდება უდიდესი გარდატეხა. სამოგზაუროდ უცხოეთში წასული ტურისტის ბრძოლის წყურვილით აღინთება და მტკიცედ გადასწყვეტს დადგეს დამატებითი ხალხის მხარეზე. ის მართლაც გაემგზავრება ტრანსვალში და ბურჟუაზიის ერთადერთი ინგლისელი ინტერვენტებს. ავტორი წერს: „მთელი ჩემი არსება მოიცავდა ბურჟუაზიის თანაგრძნობამ და უყოყმანოდ ღრმად გულში ამოვიჭყერი დავმარებოდი თავისუფლებისმოყვარე პატარა ხალხს, რომელსაც ინგლისი მოსპობას უქადოდა“.

ინგლის-ბურჟუაზიის ომმა იმდროინდელ პრესაში სათანადო გამოძახილი ვერცხვავდა. ქართველი ხალხის საამაყო შვილი ამხანაგი ლ. პ. ბერია აღნიშნავს: „ნოე ჟორდანიას ჟერ კიდეც 1898-1899 წლებში აშკარად გამოდიოდა დასავლეთ ევროპის იმპერიალიზმის აპოლოგიით, იცავდა კაპიტალიზმის ცივილიზაციური მისიის იდეას კოლონიური და ჩამორჩენილი ქვეყნებისათვის, ამტკიცებდა რა, რომ ჩამორჩენილმა კოლონიურმა ხალხებმა უცხოეთის კაპიტალის ბატონობა ისტორიულად აუცილებელი, პროგრესული მოვლენად უნდა მიიჩნიონ და შესაფერისად შეაფასონ კაპიტალიზმის დამსახურებას. ინგლისისა და ბურჟუაზიის ომთან დაკავშირებით ჟორდანიას აშკარად ვერცხვავდა სოციალ-იმპერიალისტურ თეზისს“.\* სწორედ იმ ხანებში, როცა ინგლისელი იმპერიალისტები, ეს პირისპირიანი ჟალათები თავს დაესხნენ ბურჟუაზიას, ჟორდანიას წერდა: „ინგლისი დედაჩემს დიდებულ ინგლისად, ახალი ცხოვრების მოციქულად და ახა-

\* ლ. პ. ბერია — „ამიერკავკასიის ბოლშევიკური ორგანიზაციების ისტორიის საკითხისათვის“, მეექვსე გამოცემა, 1945 წ., გვ. 20.



ლი დროშის მატარებლად. დეე, ის იყო ს ცივილიზაციის მე-  
თაური და მებანიანტრეო“. („კვალი“, № 51, 1899 წ.).

მაგრამ ნოე უორდანიას აზრი—ქართველი ხალხის აზრი როდი  
იყო. ქართველი პროგრესული ინტელიგენცია, მოწინავე წრეები,  
მთელი ქართველი ხალხი თანაგრძნობით და აღტაცებით უესცქე-  
როდა ბურების ბრძოლას და მათს გამარჯვებას ნატრობდა. იმდრო-  
ინდელი უურნალ-გაზეთების ფურცლებზე დაიბეჭდა არა ერთი წე-  
რილი, რომელიც გამსჭვალულია ბურებისადმი აშუარა სიმპატიით.  
ეს საფესებით ბუნებრივია.

და აი ისეთ დროს, როცა ნაციონალისტი და ოპორტუნისტი,  
ქართველი ხალხის მოღალატე და გამყიდველი ნოე უორდანიას  
მლიქვნელურ ხოცბას ასხამდა ინგლისელ დამპყრობლებს—ამ დროს  
ქართველი კაცი იარაღით ხელში ებრძოდა ინგლისელების ურდოებს,  
რომლებიც ველურად უსწორებდნენ ანგარიშს თავისუფლებისმოყვა-  
რე ბურებს, სწვავდნენ სოფლებს, სოცავდნენ ქალებსა და ბავშვებს.  
წინამდებარე წიგნში მოთხრობილი ამბავი ადასტურებს, თუ რაო-  
დენად კეთილშობილური სულის ადამიანი იყო ნიკო ბაგრატიონი,  
რომელსაც სიცოცხლის უკანასკნელ დღეებამდე, იმ განვლილი ბრძო-  
ლის მოსაგონებლად „ნიკო ბურს“ ეძახოდნენ.

ნიკო ბაგრატიონი თავის მემუარებში ნიღაბს ჰკლდეგს პირსისხ-  
ლიან ინგლისელ მტაცებლებს, რომელთაც კაპიტალიზმის არსებო-  
ბის მთელ მანძილზე უდანაშაულო ადამიანთა სისხლის ზღვები  
დააყენეს. ავტორი ვრცლად გადმოგვცემს ინგლის-ბურების ომის  
მთელ ეპოპეას. საერთოდ ეს მემუარები ფრიად საინტერესო ადამიან-  
ური დოკუმენტია, რომლის გამოქვეყნებას მკითხველი კმაყოფი-  
ლებით უნებდება.

ბ უ რ ე ბ თ ა ნ



## ნაწილი პირველი

ბუნების სიმშვენიერე და მისი საკვირველებანი, ცისა და მიწის საიდუმლოებანი მუდამ იტაცებდა ჩემს ბავშვურ გონებას. არა ერთხელ მიოცნებია ფეხით მომეველო მთელი ქვეყანა და საკუთარი თვალით მეხილა თუ რისაგან შესდგებოდა ის და როგორ იყო დასახლებული. იმავე დროს ვნატრობდი, ისეთი ძალა მქონოდა, რომ შემძლებოდა შევბრძოლებოდი ცხრათავიან დევებს და ქვეყნად სიკეთე დამემყარებია.

ამ სურვილებს დღითი დღე მიღვიძებდა ჩემი მოხუცი გამდელი თინათინი თავისი შესანიშნავი ზღაპრებით და თქმულებებით.

გამდელი ჩემს მამიდებთან ერთად იზრდებოდა, ყურს უვდებდა მათ მეცადინეობას, მამიდებზე უკეთესად იცოდა ზეპირად უკვდავი რუსთაველის უბადლო ქმნილება.



მას იტაცებდნენ მისი გმირები, თავის ახალგაზრდა ქალბატონებთან ერთად მსჯელობდა მათზე, გამოთქვამდა თავის აზრებს... ტარიელზე შეყვარებულიც კი იყო...

გამდელი ისე ნელა და ტკბილად მიყვებოდა ზღაპრებს, თითქოს ნაკადული ჩურჩულებსო. მის ხმაში იმდენი გრძნობა და თილისმა იყო, რომ მე მთლად ვერთოდი, ღამე ვერ ვიძინებდი და გული იმ უცნობი მხარეებისაკენ მიილტვოდა, რომლებსაც გამდელი ამიწერდა. ყოველი ზღაპრის მოსმენის შემდეგ, სიტყვას ვაძლევდი ჩემს თავს, რომ ოდესმე უთუოდ წავიდოდი იმ საარაკო ქვეყნებში, თან საყვარელ ტარიელად გახდომას ვნატრობდი. მაგრამ ვიცოდი, რომ ამისათვის საჭირო იყო გაზრდა, დავაჟიაცება, ძალ-ღონის მოკრება და ცოდნის მოხვეჭა.

ბევრი ლოდინი იყო საჭირო, რადგან მაშინ მხოლოდ ზუთი წლის ვიყავი და უკანასკნელ წელს ვატარებდი სანუკვარსა და საყვარელ გამდელთან, რომელსაც ჩემთვის მუდამ მზად ჰქონდა კარგი ზღაპარი და გემრიელი ჩურჩხელა.

გადია მანებივრებდა, მიფარავდა ჩემი უფროსი ძმების თავდასხმებისაგან, მაგრამ უძლური იყო მამაჩემის ნება-სურვილის წინაშე და ამიტომ ის ცრემლებად იღვრებოდა, როცა მის კალთას მომგლიჯეს და ჩემს უფროს ძმასთან ერთად სასტიკ აღმზრდელს მიმაბარეს.

გაქრენ ზღაპრები, ტკბილი ოცნებები და მათთან ერთად ჩურჩხელებიც. აღმზრდელმა და მისმა თანაშემწეებმა დაიწყეს ჩვენი ძამაკაცური, მკაცრი აღზრდა: წერა-კითხვის გარდა, გვასწავლიდნენ ცხენზე ჯდომას, თოფ-ია-

რალის ხმარებას და გვაჩვენებენ ყოველგვარი სიძნელე-  
ების ატანას.

მე განსაკუთრებულ უნარს ვიჩენდი თოფის სროლა-  
ში. მალე ისე გავიწაფე თვალი და ხელი, რომ გაფრე-  
ნილ ჩიტს არ ავაცდენდი. მომწონდა და მიყვარდა ეს  
ვარჯიშობა, ძალზე ვცდილობდი და სწრაფი დახელოვ-  
ნებით აღტაცებაში მომყავდა ჩემი აღმზრდელი ზაქრო.

ჩვენი წვრთნა წარმოებდა ყოველდღე ერთი წესით  
და ამიტომ იგი მალე მოსაბეზრებელი გახდა.

ერთადერთი გასართობი ამ ჩვენს ერთფეროვან ცხოვ-  
რებაში, მცხეთაში<sup>1</sup>) ან წილკანში<sup>2</sup>) ხატობაზე წასვლა იყო.

სალოცავად მივდიოდით მთელი ჩვენი შინაყმებით.  
წინასწარვე იგზავნებოდა როგორც სამღვდელოებისა-  
თვის მისართმევი ძღვენი და შესაწირი, ისე ჩვენი ოჯა-  
ხისათვის საჭარო ყოველგვარი სანოვაგითა და საკლა-  
ვით დატვირთული ურმები.

სამგზავრო სამზადისების დროს ჩემი უფროსი ძმა  
ლევანი, რატომღაც გულგრილად იქცეოდა, მე კი პირ-  
იქით, ძალიან ვღელავდი, ყველაფერი უნდა გამეგო,  
ყველაფერში უნდა ჩაერეულიყავი. ხან ჩემი ახალგაზრ-  
და მამიდების ოთახებში შევირბენდი, ხან თავლაში, სა-  
დაც ასუფთავებდნენ ცხენებსა და წესრიგში მოჰყავდათ  
უნაგირები და მოსართავები.

ბოლოს, მოურავი მოახსენებდა მამაჩემს, რომ სამ-  
გზავროდ ყველაფერი მზად იყო. დიდი ხნის ნანატრ  
დღეს ჩვეულებრივ, შაბათისათვის დანიშნავდნენ, რომ  
დროულად ჩავსულიყავით და კვირას წირვა გულდასმით  
მოგვესმინა.

ბებიასა და დედაჩემისათვის საუკეთესო, ყველაზე გა-  
ნიერ ურემს ამოარჩევდნენ. რომ არ დანჯღრეულიყვნენ,  
ქალებზე ბაწრებს დახლართავდნენ, ზედ აუარებელ ლე-  
იბებსა და ბალიშებს დააწყობდნენ და შემდეგ ნოხს გა-  
დაათარებდნენ. ურემს ზევიდან ნოხისავე ჩარდახს გაუ-  
კეთებდნენ. ამნაირად მოწყობილ ურემს შეუბამდნენ ორ-  
წყვილ საუკეთესო კამეჩს; კამეჩები ისე იყვნენ დაბანილ-  
ნი და გასუფთავებულნი, რომ გიშერივით ბზინავდნენ-  
ურმებს, სადღესასწაულოდ, ფერად ტანსაცმელში გა-  
მოწყობილი მებაღეები მართავდნენ, რომელთაც მეხ-  
რებდად თან ახლდათ 8-10 წლის ბიჭები.

ურემზე პირველად ჩემი ლამაზი დედა ავიდოდა, შემ-  
დეგ, თითქმის ხელზე ატატებულს, მოახლეები ბებიაჩემს  
თამარს აიყვანდნენ, და როცა ძლივსძლივობით საბოლო-  
ოდ მოხერხებულად მოეწყობოდნენ, მაშინ პირველი ეს  
ურემი დაიძვროდა ადგილიდან და მოშორდებოდა კიბეს.

დანარჩენი მსახურნი, რომელნიც თან უნდა გვხლე-  
ბოდნენ, ჩქარობდნენ დამსხდარიყვნენ კიბიდან მოშორე-  
ბით მდგარ სხვა ურემებზე, რათა უკან გაპყოლოდნენ წინა  
ურემს, რა თქმა უნდა, იმ მანძილის დაშორებით, რაც  
დადგენილი იყო მოწიწებისა და პატივისცემის ნიშნად.

ერთხელ, ერთ-ერთი ასეთი გამგზავრებისას, ჩვენ,  
მამაჩემის მეთაურობით, სრულ საქურველში გამოწყო-  
ბილნი, კიბეზე ვიდექით: ეროვნულ, შინდისფერ ჩოხებ-  
ში ჩაცმულებს გვეკიდა ხანჯლები, ხმლები და მოკლე  
თოფები მხარზე გვექონდა გადაგდებული.

დაიწყეს ცხენების მოყვანაც: მამას შესანიშნავი დო-  
ლის შავი ცხენი მოგვარეს, რომელიც თავისი ჩამოსხმუ-

ლი ფეხებით ამაყად მოაბიჯებდა, ფრუტუნობდა და ისე აბრიალებდა დიდრონ თვალებს, თითქოს ეძებდა იმას, ვინც გაბედავდა მასზე შეჯდომას. ორი მეჯინიბე ძლივს უკავებდა თავს, მაგრამ მამამ მოსაზრებაც არ აცალა, ისე მარდათ მოიქნია ტანი და პირდაპირ კიბიდან უნაგირზე დაახტა, აღვირი მაგრად მოსწია და ამით ცხენს აგრძნობინა, რომ ის მისი პატრონი იყო. მეჯინიბეები ჯანზე გახტნენ, ცხენი ყალყზე შედგა, მაგრამ მამამ მოხდენილი მოძრაობით მოთოკა იგი და ეზოში გააჯირითა.

ცხენოსანმაც და ცხენმაც აღფრთოვანება გამოიწვიეს დამსწრე აზნაურებსა და ფარეშებში, რომლებიც უძველესი დროიდანვე დიდი მემამულის ყმებად ითვლებოდნენ. ჩვენი აღმზრდელების გარდა, კიდევ ოცი აზნაური მაინც იქნებოდა. ყველანი მშვენივრად ჩაცმულნი და შეიარაღებულნი საჩქაროდ მიცვივდნენ თავიანთ ცხენებს, რომ თან ხლებოდნენ მამაჩემს.

ბოლოს ჩვენი ჯერიც დადგა. მოუთმენლობისაგან ვკანკალებდი, ჩემი თვალის წინ გაიფლვა ტარიელის შესანიშნავმა სახემ, და მეჩვენებოდა, რომ ის ჩემში განსხეულდა და მეც, ამ ხოტბაშესხმული გმირივით, თითქოს ტაიქს უკვე მივაქროლებდი.

ამ ოცნებებში გართული, შეცრივ ზაქრომ ხელით ამიტაცა, თავის ცხენზევე უკან შემომისვა და მიბრძანა მისი ქამარი ხელში მაგრად მჭეროდა; ცხენს მათრახი გადაჰკრა და ჩემს ძმებსა და სხვა აღმზრდელებთან ერთად მოექუსლეთ, რომ მამას დავწეოდით და მასთან ერთად გვევლო.

ამ გიჟურ ქენებაში, უნდა გამოვტყდე, მღელვარებით-საგან კი არ ვცახცახებდი, არამედ შიშისაგან, — მეშინოდა, რომ ცხენიდან გადმოვვარდებოდი, ზაქროს კი ერთხელაც არ მოუხედნია ჩემსკენ, რომ გაეგო, თუ რა მდგომარეობაში ვიყავი.

მე კი მრცხვენოდა მეტქვა მისთვის, რომ მეშინოდა და მთელი მგზავრობა ისე გადავიტანე, ერთი სიტყვითაც არ გამომიმჟღავნებია ჩემი შიში.

აი, ასეთი სასტიკი ზომებით, ყოველგვარ პირობებში, გვაჩვევდნენ მედგრობასა და გამძლეობას.

შემდეგ, როცა ცხოვრების ასპარეზზე გამოსვლა მომიხდა, არა ერთხელ მომგონებია და მადლობის გრძობით განვმსჭვალულვარ ჩემი მკაცრი, მაგრამ მაინც საყვარელი ზაქროსადმი, რომელიც ყოველთვის ცდილობდა ჩაეგონებია ჩემთვის, რომ საერთოდ მამაკაცი, და მისი აზრით, განსაკუთრებით ბატონიშვილი, უნდა იყოს ნამდვილი ვაჟკაციო. თვითონ ზაქრო ადლიანი მხარბეჭის მქონე და ღონიერი, გულითაც მხნე და უშიშარი იყო. მამაჩემის მარჯვენა ხელად ითვლებოდა. მამა ხშირად მიდიოდა ხოლმე სახლიდან და მაშინ ის მთელ სახლს მართავდა.

ჩორთით მივდიოდით—მამას, მეტად თავაზიან ადამიანს, დაუშვებლად მიაჩნდა ქალებისათვის გადაესწრო და გზაზე მტვრის ბუდი დაეყენებია, მით უმეტეს, როცა საქმე დედას, დებს, ცოლს და ბავშვებს ეხებოდა, ამიტომ ურმები წინ მიდიოდნენ. საათნახევრის შემდეგ მივედით სვეტიცხოველის დიდებულ ტაძართან, რომელსაც უკვე განვლილი ჰქონდა თხუთმეტი საუკუნე მრავ-



ვალტანჯული ქართველი ხალხის ისტორიისა და რომელსაც თავისი სიდიადით, გაჭირვების წუთებში, ბევრჯერ გაუმხნევებია ქართველთა გული.

ამ ჯერად კვირას მოგვიხდა ხატობაზე წასვლა.

ჩვენ წირვის ბოლოს მივუსწარიტ და ეპისკოპოსი მთელი თავისი კრებულთ, სრულ შემოსილობაში შეუდგა პაპაჩემის ნიკოლოზის (სამწუხაროდ მე არ მოვსწრებივარ პაპას, ჩემს დაბადებამდე რამდენიმე ხნით ადრე გარდაცვლილა) და მამაჩემის უმცროსი ძმის, ირაკლის ხსოვნის პანაშვიდის გადახდას. ირაკლი ნიქეგოროდის პოლკის ოფიცერი ყოფილიყო და იმავე პოლკის ოფიცერს წერეთელს მოეკლა ექვიანობის ნიადაგზე.

ირაკლის ჯორჯაძის ქალი დაენიშნა. ნიშნობის შემდეგ ეს ამბავი აღფრთოვანებით უამბო თურმე მან თავის ამხანაგს წერეთელს. ირაკლას ვერც კი წარმოედგინა, რომ ის მისი მოქიშპე აღმოჩნდებოდა. ექვიანობით გაბოროტებულმა წერეთელმა დაუყოვნებლივ იძრო რეგოლვერი, ესროლა და იქვე მოკლა.

ოცდაოთხი წლის ულამაზესი ვაჟკაცის ასეთმა ნაადრევმა დაღუპვამ სიცოცხლე მოუსწრაფა ჯერ კიდევ მაგარ, ჯანიანს, სამოცდაორი წლის მოხუცს, ნიკოლოზს, შვილის სიკვდილს თან დაერთო ოჯახის მთლიანი დარბევა, რაზედაც შემდეგ მექნება ლაპარაკი.

პანაშვიდის შემდეგ სამადლობელი პარაკლისი გადავიხადეთ. მერმე გავეშურეთ წმიდა ნინოს დედათა მონასტრის—სამთავროს წინამძღვრის სანახავად და მისგან დალოცვის მისაღებად. წინამძღვარი ნინო, ცხოვრებაში კნენა ამილახვარისა, ქმრით დედაჩემს ენათე-

სავებოდა. ის მეტად ჭკვიანი, განათლებული ქალი იყო და დაქვრივების შემდეგ მკაცრ, ასკეტურ ცხოვრებას ეწეოდა. მონასტრის საქმეებს შესანიშნავად განაგებდა, დიდი პატივისცემა და სიყვარული ჰქონდა მოხვეჭილი როგორც მონაზნებში, აგრეთვე მცხეთის ირგვლივ მდებარე სოფელთა მცხოვრებლებში.

მონასტერთან არსებობდა წმინდა ქართულ საწყისებზე დაფუძნებული ქალთა სკოლა, სადაც ქალიშვილები, განურჩევლად მათი წოდებისა და მდგომარეობისა, ღებულობდნენ განათლებას, აღზრდას და ემზადებოდნენ ღირსეული დედები ყოფილიყვნენ.

სამი დღე დავრჩით მასთან სტუმრად. ამ ხნის განმავლობაში სულ აღერსსა და ნებიერობაში ვიყავით. მონასტრის არც ერთი სენაკი არ დარჩენილა, რომ არ გამოგვეცოცხლებია ბავშვური ხმაურით. ამ სენაკებში განუწყვეტლივ გვიმასპინძლებოდნენ ყოველგვარი ტკბილეულობით—ჩურჩხელებით, ფალუსტაკით, ჩამიჩით და გემრიელი ცხელი ნაზუქებით, მაგრამ ყველაზე უფრო ვტკბებოდით იმ თავისუფლებით, რომელიც მოგვანიჭა ჩვენი აღმზრდელების მახვილი თვალის და შეუბრალებელი სიმკაცრის მოშორებამ.

მამაჩემის მხლებელ მამაკაცთა ამაღას, წმიდა სავანის კედლებს შიგნით შემოსვლის ნება არ ჰქონდა. ამიტომ კარავი მონასტერთან გაშალეს და დროს უქმად არ კარგავდნენ—გაბმით ღზინობდნენ, საიდანღაც ზურნაცკი მოიყვანეს. გაფიცხებული საცეკვაო ხმები აღწევდნენ მოხუცი ნინოს სმენამდე. ეტყობოდა მას არ სიამოვნებდა ეს, რადგანაც აღკვეცილთა შორის ბევრი ახალგაზრ-

და ქალი ერია და შესაძლო იყო მათში დათრგუნვილი  
ნამდვილი ცხოვრების სურვილი ხელახლა გაღვიძებუ-  
ლიყო, მაგრამ წინამძღვარი რატომღაც მაინც სდუმდა.  
მამასაც არ უნდოდა აეკრძალა მონასტრის კედლებთან  
საუკუნოებით დაწესებული ღვინი.

გათავდა ხატობა. ნეტარი უღარდელი დრო ისე  
გაქრა, თითქოს ჯადოქრული წუთები ყოფილიყოს. უკვე  
სახლს, მეცადინეობას უნდა დავბრუნებოდით და შეწყ-  
ვეტილიყო ჩვენი მხიარულება. მივიღეთ რა ეპისკოპო-  
სისა და ნინოს კურთხევა, გავეშურეთ უკანვე სახლისა-  
კენ ყოველგვარი წესებისა და ეტიკეტის დაცვით.

აი, ჩვენ უკვე სახლში ვართ. ისევ დავუბრუნდით გო-  
ნებრივ და ფიზიკურ მეცადინეობას. უკანასკნელი მე-  
ძალზე მღლიდა და მქანცავდა; უჯანო, სუსტი ბავშ-  
ვი ვიყავი, ხშირად ავადმყოფობდი და ოჯახის ღამაზ  
წევრთა შორის მახინჯად ვიყავი მიჩნეული, რის გამო  
მშობლები მაინცადამაინც არ მწყალობდნენ. ამან საგრძ-  
ნობი დაღი დაასვა ჩემს სულს, რომელიც მუდამ სით-  
ბოს და ალერსს ეძებდა; ამიტომ იყო, რომ ყოველი  
უბრალო საბაბის გამოც გამდელთან მივრბოდი გულში  
ჩასაკრავად და ალერსის მისაღებად.

მან იცოდა ჩემი სულიერი წონასწორობის აღდგენა.  
მის მეტი მე არავინ მყავდა, ვისთანაც შემძლებოდა მიე-  
სულიყავი და ჩემი მწუხარება გამეზიარებია. ღედა მუ-  
დამ მოუცლელი იყო. ის ძლივს ასწრებდა მასპინძლობა  
გაეწია აუარებელ ნათესავებისა და მამაჩემის მეგობრე-  
ბისათვის, რომლებიც ძველი სტუმართმოყვარეობის გა-  
მო მუდამ ავსებდნენ ჩვენი სახლის დიდ დარბაზებს. დე-



დას, როგორც ვთქვი, არამც თუ ეცალა ჩვენთვის, არამედ მეტწილად იშვიათად ვხედავდით მას.

დილაობით, ჩვენი აღმზრდელების თანხლებით გამოვეცხადებოდით მშობლებს, ხელზე ვემთხვეოდით დედას და მამას, შემდეგ ვუპასუხებდით ერთი და იგივე კითხვებზე—ჯანმრთელობის და სწავლის შესახებ და დინჯად დავსხდებოდით მაგიდის ბოლოში ფინჯან რძის მოლოდინში. ჩაის ჩვენ არ გვასმევდნენ, მას მხოლოდ ბებიას და მეტად პატივსაცემ, სახელოვან სტუმრებს მიართმევდნენ ხოლმე. ახალგაზრდებს, იმისდა მიხედვით, წლის თუ რა დრო იყო, მიუტანდნენ მწვადებს, შემწვარ გოჭს, ნედლ თევზს—ორაგულს, რომელიც ბევრი ცურავდა განიერ ქსანში, განსაკუთრებით გაზაფხულზე, როცა ის ქვირითს ყრიდა მდინარის სათავეში.

მამაჩემი ძველი გვარის ნაშიერი და მეფის შთამომავალი იყო—მეფე არჩილის ხაზით, იმ არჩილის, მ) რომელმაც იმპერატორ პეტრე პირველის<sup>4)</sup> დროს, თავისი დღეები რუსეთში დალია. მეფე არჩილის ვაჟი ალექსანდრე, პეტრეს ბავშვობის მეგობარი, არტილერიის პირველი ფელცეხმეისტერი იყო, პეტრე დიდის გვერდით მონაწილეობას ღებულობდა პოლტავის ბრძოლაში.<sup>5)</sup> ამ ბრძოლაში ტყვედ ჩავარდა, ათი წელიწადი სტოკჰოლმის<sup>6)</sup> ციხე-სიმაგრეში გაატარა და განთავისუფლების შემდეგ, პეტერბურგისკენ მომავალი, გზაში გარდაიცვალა.

მამაჩემი სამხედრო სამსახურში მსახურობდა, გენერალ ოგლობჯიოს<sup>7)</sup> ადიუტანტად იყო, მასთან ერთად გაატარა კავკასიის მთელი ომი და პორუჩიკის ჩინში, ოჯა-

ხური მდგომარეობის გამო, იძულებული იყო სამსახურისათვის თავი დაენებებია.

მამა გვიამბობდა ხოლმე, რომ თურქეთის არმიის დამარცხებისას<sup>8)</sup> ტყვედჩაგვარდნილმა თურქეთის გენერალურმა შტაბმა, რომლის უფროსი ინგლისელი უილიამსი ყოფილიყო, არ მოინდომა გაეგლო ჩვენი მთავარსარდლის წინ, როგორც დამარცხებულს და რუსეთის გენერალურ შტაბიდან ნებართვა მიიღო პეტერბურგში თავისუფლად წასულიყო.

ასეთი უცნაური განკარგულების გამო, არა მარტო ჯარი იყო ნაწყენი, არამედ მთელი რუსეთიც.

ცნობილია, რომ ინგლისელები, ჯერ კიდევ უძველესი დროიდანვე ცდილობდნენ ძირი გამოეთხარათ რუსეთის სიძლიერისათვის, ხან სპარსეთისა და ხან თურქეთის მხრიდან, მაგალითად, ნადირ-შაჰის<sup>9)</sup> დროს გამოჩნდა ვიღაც ინგლისელი ავანტიურისტი ელტონი, რომელიც აგულიანებდა ნადირ-შაჰს, თავს დასხმოდა რუსეთს, სამხედრო მზადებაც კი დაიწყეს, მაგრამ ამ დროს, საბედნიეროდ, სპარსეთში აჯანყებამ იფეთქა და ნადირ-შაჰი მოკლულ იქნა.

სპარსეთი მოიცვა ანარქიამ<sup>10)</sup> და რუსეთის წინააღმდეგ გალაშქრების ამბავი დროებითი დავიწყებას მიეცა. იმავე დროს, პეტერბურგში ინგლისის ელჩი უიტგორტი დედოფალ ეკატერინესთან — შემდეგში ეკატერინე მეორესთან<sup>11)</sup> — ლხინობდა.

ალექსანდროპოლში,<sup>12)</sup> როცა გენერალ ოგლობჯიომ დამარცხებული ანატოლიის არმია განაიარაღა, თურქეთის არმიის მთავარსარდალმა ფაშა ზიულიმ არ ინება

თავისი იარაღი მისთვის ჩაებარებია, როგორც მან უწოდა, მოლაღატისათვის და როცა მამაჩემის ვინაობა გაიგო, იარაღი, როგორც ღირსეულ პიროვნებას, მას გადასცა. მისეული თოფი დიდი ხნის განმავლობაში მე მქონდა სახლში, შემდეგ კი საქართველოს მუზეუმს გადავეცი.

როცა მამაჩემი ფაშას თოფს ართმევდა, მისი ყურადღება ერთმა ლამაზმა ახალგაზრდა სამხედრო პირმა მიიქცია თურმე, ალბათ, ფაშას ადიუტანტმა, რომელიც მოწიწებით მდგარა ფაშას უკან.

ფაშას თავის მხლებელი მამიჩემისათვის გაუცვნია და მათთვის საუბრის საშუალებაც მიუცია. მამაჩემი გამოლაპარაკებია ახალგაზრდას და ვინაობაც უკითხავს.

ახალგაზრდას მშვენიერი, წმინდა ქართული ენით უპასუხნია, რომ მისი წინაპრები — ქართველები, თურქეთში გაუყიდნიათ, და თუმცა მუსულმანობა ძალდატანებით მიუღიათ, ენა მაინც შეუნარჩუნებიათ. ამ ახალგაზრდის და მისი ძმის ოცნება ყოფილა ოდესმე როგორმე დაბრუნებოდნენ სამშობლოს.

მაგრამ საბრალო ახალგაზრდა, რომლის თვალეში ვედრება გამოიხატებოდა, სამხედრო ტყვედ არ ითვლებოდა, რომ გადაცვლა მოხერხებულყო, არამედ, საუბედუროდ, თურმე მონა ყოფილიყო; ამასთანავე, ეტყობოდა, რომ ფაშას ეს ახალგაზრდა დიდათ უღირდა, და მამაჩემს მისი განთავისუფლების ცდამ ამაოდ ჩაუარა.

მამაჩემი, როგორც აღვნიშნე, ოჯახური პირობების გამო იძულებული გამხდარა სამხედრო სამსახური მიეტოვებინა.

ნიკოლოზ პირველმა<sup>13</sup>) თვალთმაქცურად უწოდა საქართველოს თავისი „გვირგვინის მარგალიტი“. დიდი დღესასწაულის დროს საქართველოს ღერბი მესამე რიგში მიჰქონდათ, ნამდვილად კი საქართველოში სულ სხვა პოლიტიკას აწარმოებდა.

ქართველი ხალხის გულის მოსაგებად იმავე ნიკოლოზ პირველმა მცხეთის ტაძრის დათვალიერებისას<sup>14</sup>) რუს ეგზარხოს<sup>15</sup>) „ღურაკი“ დაუძახა, თითქოს იმისათვის, რომ მან სვეტიცხოვლის შესანიშნავი ქართული ფრესკები კირით გაათეთრებინა.

ვორონცოვი<sup>16</sup>) ფრთხილად განაგრძობდა ქართველი ხალხის დამონების საქმეს. მან პირველმა შექმნა ე. წ. „პრიკაზი“, სადაც მემამულეებს შეეძლოთ დაეგირავენინათ თავიანთი მამულები და ქონება, ვითომდაც მათივე სასარგებლოდ.

საქმის კარგად და წესიერად დაყენებისათვის მოიწვია ვილაც ებრაელი ხასკინი, როგორც მცოდნე ფინანსისტი, რომელმაც სულ ცოტახანში გაფცქვნა მემამულეები, მოაგროვა ორი მილიონი მანეთი და ამ ფულიანად ამერიკაში გაიქცა.

პაპაჩემს ვალად დაედვა ექვსასი ათასი მანეთი თავისი პროცენტებით, ეს ისეთი დიდი თანხა იყო, რომ მის გონებას ვერც კი წარმოედგინა. გადახდის ვადები მალე მოვიდა და რადგანაც ფული არ მოეპოვებოდა, სახლიდან ორი ურემი ვერცხლეულის და რამდენიმე ძვირფასი ნივთის გატანა მოუხდა.

ყველაფერი ეს ახალგორელმა სომეხმა მზარეულოვმა შეისყიდა და ფული „პრიკაზში“ იქნა შეტანილი

სართის, ანუ პროცენტების გადასახდელად. ვალი კი კვლავ ვალად დარჩა. დაიწყო სატანჯველი ხანა ოჯახისათვის, რომელსაც მთავრობა ისედაც არ უყურებდა კარგი თვალით მამაჩემის პაპის ედიშერ ივანეს ძის გამო, რომელიც მაშინ, როცა იგი 22 წლისა ყოფილა, თავად თარხნიშვილთან, ჯავახიშვილთან და სხვებთან ერთად მონაწილეობა მიუღია 1810 წლის გლეხთა აჯანყებაში<sup>17</sup>). მარკიზ პაულუჩის<sup>18</sup>) დროს. ამისათვის იგი გადაუსახლებიათ ჯერ ვლადიკავკავში<sup>19</sup>), შემდეგ კი რუსეთში, სახელდობრ სად, დღემდე საიდუმლოებითაა მოცული. მიწერ მოწერის ნებაც არ ჰქონია.

ასე უკვალოდ გაჰქრა ის. მას დარჩა ქერივი თამარი, მაჩაბლის ქალი და სამი წლის ვაჟი. თამარი საცხოვრებლად თავისი მშობლების სახლში დაბრუნდა, რადგან მას ეშინოდა, კიდევ რამე ახალი უსიამოვნება არ მიეყენებია მთავრობას და ნათესავებს; რომელნიც ყოველივე ღონისძიებებით ცდილობდნენ წაერთმიათ მისთვის მიწები. მშობლებთან წასული თამარი განუწყვეტლივ უგზავნიდა თხოვნებს გენერალ ერმოლოვს<sup>20</sup>) და თხოვდა, რომ მცირეწლოვანის შვილისათვის მეურვედ გენერალ მაიორი კონსტანტინე ბაგრატიონ-მუზრანელი<sup>21</sup>) დაენიშნათ.

როცა ნიკოლოზს ჩვიდმეტი წელი შესრულებია, იგი თავის დედით დაბრუნებულა მამისეულ მამულში და შეურთავს ივანე ჯორჯაძის ასული თამარი.

პაპაჩემი ნიკოლოზი გორის რაზმში<sup>22</sup>) მსახურობდა და დაჯილდოვებული ყოფილა ჯარისკაცის გიორგის ჯვრით. დედაჩემის გადმოცემით, ნიკოლოზს დიდი უნარიანი



და გამჭრიახი გონება ჰქონია. ყველაფერი აინტერესებდა. ცდილობდა, რომ შვილებისთვის, განსაკუთრებით ვაჟებისათვის, კარგი განათლება მიეცა, რომ მათ შეძლებოდათ ღირსეულად მხარში ამოდგომოდნენ იმდროინდელ ჭკვიანსა და სწავლულ ადამიანებს. პაპაჩემის ოჯახში მსვლელობა ჰქონიათ პლატონ იოსელიანს<sup>23</sup>) და სრულიად ახალგაზრდა რაფიელ ერისთავს<sup>24</sup>), რომელიც ძალიან მხიარული და ცეკვების მოყვარული ყოფილა. ის, თურმე, ცეკვებს ასწავლიდა ჩემს უმცროს მამიდებს, ერთი მათგანი, ლამაზი მართა კიდევ შეყვარებია, მაგრამ უიმედოდ.

პაპაჩემის ხშირი სტუმარი ყოფილა ნიკოლოზ ბარათაშვილიც. იქ კითხულობდნენ მის ლექსებს და თარზე ამღერებდნენ „სულო ბოროტოს“.

შემდეგ პაპაჩემის ოჯახს ხშირად ეწვეოდა ხოლმე ახალგაზრდა პოეტი, ილია გრიგოლის-ძე ჭავჭავაძეც, რომელიც დუშეთის მაზრაში 1864 წელს მომრიგებელ შუამავლად დაუნიშნავთ, შემდეგ კი მოსამართლის თანამდებობაზე გადაუყვანიათ. თანახმად მაშინდელი ეტიკეტისა, ილია სადარბაზოდ დადიოდა მისდამი რწმუნებულ მაზრის ყველა მემამულესთან, ჩვენი სახლი კი, როგორც დუშეთთან ახლომდებარე, ახალგაზრდებით ყოველთვის სავსე, რომელიც წარმოადგენდა მხიარულ კულტურულ წრეს, უფრო მეტად იზიდავდა ახალგაზრდა პოეტს. მის მოსვლას ყოველთვის მოუთმენლად ელოდებოდნენ თურმე. მე დავიბადე 1868 წელს, და, ფრონტიდან მამაჩემის ერთ-ერთ დროებით ჩამოსვლის დროს მომნათლეს, და სწორედ მაშინ განსაკუთრებით გამოუჩენია თავი ახალ-

გაზრდა ქაეჭავაძეს თავისი მკვერმეტყველებით. მას მა-  
მაჩემისათვის მიუმართავს შესანიშნავი ქართული ენით  
და ურჩევია, რომ შვილები ქართულ წესზე აღეზარდა  
და ჩაენერგა მათთვის სამშობლოსა და ხალხის სიყვა-  
რული.

ამ ხანებში პაპაჩემის ოჯახი საგრძნობლად შერყე-  
ული ყოფილა ხასკინის მიერ ფულის გატაცების გამო.  
ამას თან დართვია გლეხების ბატონყმობიდან განთავი-  
სუფლება<sup>25</sup>), რასაც მემამულეები, კერძოდ პაპაჩემი მძი-  
მე მდგომარეობაში ჩაუგდია.

საქართველოში ბატონყმობის არსებობის შესახებ  
ცნობები XVII საუკუნიდან გვხვდება, დაკანონებულ  
ხასიათს კი XVIII საუკუნიდან—მეფე ვახტანგ VI-ის<sup>26</sup>)  
დროიდან ღებულობს. ვახტანგი ნიკოლოზის პაპის სახლი-  
შვილი იყო, და ამ საფუძველზე საგვარეულო თოფი მისი  
ვაჟის ბაქარისაგან გადაეცა მეფე კონსტანტინეს, შემ-  
დეგ—დამოუკიდებელი ედიშერს და ედიშერისაგან—პა-  
პაჩემს ნიკოლოზს, რასაც მოწმობს თვით თოფზე არსე-  
ბული წარწერები. ეს თოფი, როგორც რელიკვია, ჩვენს  
სახლში ინახებოდა და ამტკიცებდა გვარეულობაში ჩვე-  
ნი შტოს უფროსობას. 1925 წელს ეს თოფიც საქ. მუ-  
ზეუმს ჩავაბარე.

\* \*

თავადი ვორონცოვი თავის პოლიტიკას ატარებდა,  
მისი მეუღლე კი—ელისაბედ ქსავერის ასული, გრაფ  
ბრანიცკის ქალი, ცნობილი თავადი პოტიომკინ-თავრი-  
ზელის დისწული, თავის მხრივ მართავდა შესანიშნავ

ნადიმებს, ქმრებს და მამებს აიძულებდა, ამ წვეულებებზე მიეყვანათ თავიანთი ცოლები და ქალიშვილები ახალ მოდაზე ჩაცმულები. მკერავებად გამოწერილი იყვნენ ფრანგი ქალები. ამ ქალების ერთმა ჯგუფმა თბილისში გახსნა სამკერვალო სახლი „რუსელი“. მოდებზე აუარებელი ფული იხარჯებოდა.

ამ ახალი წესების გავლენით, ქართველმა ქალებმა თანდათანობით იწყეს ეროვნული ტანსაცმელის გახდა და მის ნაცვლად ევროპულის ტარება. სწავლობდნენ რუსულსა და ფრანგულ ენებს, რისთვისაც გახსნილი იყო პირველი ფრანგული პანსიონი ქალებისათვის, მადამ ფაერის ხელმძღვანელობით.

ქნენა ვორონცოვისა თვითონ დადიოდა სოფლებში—იმ თავადაზნაურთა ოჯახებში, სადაც ახალგაზრდა ქალები ეგულვებოდა; მისი მისვლის შედეგად უკმაყოფილო მამებს უხდებოდათ ლეიბის ქვეშ შენახულ არა ერთი ასი მანეთის გამოღება, ანდა ცნობილ „პრიკაზისათვის“ მიმართვა.

ასეთსავე მდგომარეობაში ჩავარდა პაპაჩემი ნიკოლოზ ედიშერის-ძე. მას ოთხი ქალიშვილი ყავდა, უფროსი—სალომე, მამის საყვარელი შვილი, გათხოვილი იყო თავად არჩილ ბაგრატიონ-მუხრანელზე, მუხრანელებიდან ყველაზე მდიდარ თავადზე. მისი შესანიშნავი, მაღალსვეტებიანი სახლი, ანჩისხატის ტაძრის გვერდით მდებარეობდა. ეს სახლი, კარგი ქართველი ხუროთმოძღვრის გემოვნებით აშენებული, ნახევრად ევროპულად, ნახევრად ქართული სტილით იყო მოწყობილი.

არჩილი ყოველგვარი გასართობების და ცბრკის დიდი



მოყვარული 29 წლის ვაჟკაცი, უშვილოდ გარდაიცვალა, მადლიერმა ცირკის მსახიობებმა არჩილის კუბო მცხეთამდე წაიღეს ხელით. მას დარჩა მეუღლე, რომელსაც არჩილის ნათესავები მოსვენებას არ აძლევდნენ, ბოლოს ის საშინელ გაჭირვებას განიცდიდა. მისი მშობელი ოჯახიც, ძალზე დაღარიბებული, ვერაფრით დაეხმარა.

მეორე ქალიშვილი, 14 წლის ლამაზი მართა, განსაკუთრებით მოეწონა ვორონცოვის მეუღლეს და ერთხელ წაიყვანა თავის ნადიმზე.

ნადიმზე ყველაზე უკეთესი შთაბეჭდილება მართამ მოახდინა. მისმა შესანიშნავმა სილამაზემ მიიპყრო იქ მყოფი მთელი ახალგაზრდობის ყურადღება. მაგრამ მართას ასეთმა მოწონებამ მამამისი საგონებელში ჩააგდო, — პაპაჩემს სიძედ გარდა ქართველისა, არაფინ უნდოდა, ამიტომ მან მართას გათხოვება დააჩქარა და კოტახნის წინათ დაქვრივებულ თავად რევაზ ერისთავს გაატანა ცოლად. რევაზი ძალიან მდიდარი, მაგრამ საცოლზე თითქმის 40 წლით უფროსი, მეტისმეტად ეჭვიანი კაცი გამოდგა.

რევაზმა ახალგაზრდა ცოლი ჩაკეტა თავის თეთრ სასახლეში; ეს სასახლეც ისეთივე ლამაზი და სვეტებიანი იყო, როგორც თბილისში არჩილ მუხრანელის სახლი; ის მდინარე ქსნის ნაპირზე მდებარეობდა, საცხოვრებელ ადგილებიდან სრულიად განცალკევებულად. რევაზის პირველი ცოლი ეკატერინე,<sup>27</sup>) პოეტ ნიკოლოზ ბართაშვილის მკვიდრი და იყო, რომელთანაც ხშირად და დიდხნობით სტუმრობდა ხოლმე პოეტი. ამ შესანიშნავი

ბუნების წიაღში, სადაც უღრანი ტყე შემოსალტოდა ან-  
კარა, ჩქარ მდინარე ქსანს და სადაც ირმის ჯოგები ისე  
მოდრიოდნენ წყლის დასალევად, რომ ადამიანებს არც  
კი ერიდებოდნენ, პოეტს მრავალი დღე გაუტარებია.

ხშირსა და ფოთლოვან ტყეში გაისმოდა ბულბულის  
სტვენა, სადღაც მწყემსი სალამურს უკრავდა და შორს  
კი, ვიღაცა ურმულს მღეროდა.

მრავალხმიანი, გულწრფელი სიმღერა იფანტებოდა  
ლაქვარდში და ადრიანი დილის ჰაერში მისი გამოძა-  
ხილი აღწევდა სასახლემდე, სადაც ყველაფერი თანდა-  
თანობით გამოცოცხლებას იწყებდა. პირველი თვითონ  
პატრონი გამოდიოდა აივანზე და მადლიერი თვალით  
უყურებდა მის ირგვლივ გაშლილ პანორამას, უნებუ-  
რად იხდიდა ქუდს და პირჯვარს იწერდა.

ეს მიწიერი სამოთხე მთელს არემარეში უხვად აფრქ-  
ვევდა ბალისა და მინდვრის ყვავილების სურნელებას.

მთელი სახლი, მზის მცხუნვარე სხივებში გახვეული,  
რადაც ფეერიულ ჰაეროვან შენობას აგონებდა ადამიანს.

აქ, ბუნებასთან ახლოს, ბარათაშვილს არა ერთხელ  
განუცდია უიმედო სიყვარულით გამოწვეული გულის  
ტკივილიც.

როგორც პოეტს, მას ხელგაშლილი ხვდებოდნენ,  
აღფრთოვანებაში მოდიოდნენ და ხოტბას ასხაძნენ მის  
მუხას, მაგრამ ღარიბ და კოჭლ ახალგაზრდისათვის ეს  
არ კმაროდა.

ყოველივე ეს გავლენას ახდენდა ახალგაზრდა კაცზე,  
მით უმეტეს, რომ მის გატაცებას და სიყვარულს ყოველ-  
თვის იწვევდნენ საქართველოს ულამაზესი ქალები, რო-

გორც, მაგალითად, თავად ალექსანდრე ჭავჭავაძის ქალიშვილი, ეკატერინე<sup>28)</sup> და ქეთევან შალვა ერისთავის ასული, ელიზბარ ერისთავის მეუღლე.

მიუხედავად დიდი სურვილისა, რომ არავისთვის არ ეჩვენებია თავისი საუნჯე — მეუღლე, ამაყ მემამულეს ერისთავს არ შეეძლო სხვებს ჩამორჩენოდა და არ გადაეხადა პირველი შვილის ნათლობა. მან დიდი წვეულება გამართა, სტუმრები ანადირა კიდევც, მხოლოდ ერთი პირობით: — ირმები არამც და არამც არ მოეკლათ. უძველესი დროიდან არსებობს ლეგენდა, თითქოს ბაგრატიონის სახლიდან მტრებმა ქორთა ბავშვი ტყეში გაიტაცეს და იქ ნადირის შესაჭპელად დასტოვეს, მაგრამ ბავშვს ირემმა ძუძუ აწოვა და გამოზარდაო. ამიტომ ბაგრატიონის ოჯახის ყველა წევრს და მათ ახლო ნათესავებს აკრძალული ჰქონდათ ირმის მოკვლა.

ერისთავს ნათლობაზე მოპატიჟებული ჰყავდა მეფის ნაცვლის, თავადი ვორონცოვის მთელი ახალა, მისი ახალგაზრდა ადიუტანტის გრაფ ვორონცოვ-დაშკოვის<sup>29)</sup> მეთაურობით. დაშკოვი ნათლიად იყო მიწვეული.

ახალგაზრდები სამი დღის განმავლობაში ქეიფობდნენ, მხიარულობდნენ და მიუხედავად ეჭვიანი ქმრის სიმკაცრისა, მაინც ახერხებდნენ და ბედავდნენ აღფრთოვანებული თვალებით ემზირათ სილამაზით ბრწყინვალე ახალგაზრდა კნეინასათვის.

შემდეგში, როცა ვორონცოვ დაშკოვი მეფისნაცვლად დანიშნეს და კვლავ დაბრუნდა თბილისში, მოიგონათ თავისი ახალგაზრდობა, მილტოზში<sup>30)</sup> მხიარულად გატარებული დრო და მოისურვა ერისთავის ოჯახის რომე-

ლიმე წევრის ნახვა, მაგრამ აღარავინ იყო, მოხუცები უკვე გარდაცვლილიყვნენ, რევაზის ერთადერთი ქალიშვილი კი ქმართან ერთად ვლადიკავკაჟში ცხოვრობდა.

პაპა ნიკოლოზის სიკვდილის შემდეგ, მამაჩემს მოვალეები აღრჩობდნენ, „პრიკაზი“ მამულებს უწერდა და საჯაროდ უყიდდა. ამნაირად გაუყიდეს თბილისში შტკერის მთელი მარჯვენა ნაპირი მუხრანის ხიდიდან დაწყებული. იქ მაშინ ბორანი მუშაობდა, რომელსაც ხალხი ავლაბარში გადაჰყავდა. ეს ბორანი საგრძნობ შემოსავალს იძლეოდა, ესეც მოგვესპო. ასე, ამნაირად მიგდიოდით საბოლოო გადატაკებამდე. ბოლოს, ბევრი ტანჯვის შემდეგ, მამამ პეტერბურგში წასვლა გადაწყვიტა, რომ თხოვნა მიერთმია მეფე ალექსანდრე მეორისათვის,<sup>31)</sup> რათა მისთვის მოეხსნათ სახაზინო ვალი 600 ათასი მანეთის რაოდენობით და მისი პროცენტებიც.

მეტი ცდა აღარ შეიძლებოდა. არზა დაუწერა ახლად შედგენილმა სიძემ, იმ დროის შესაფერად დიდად განსწავლულმა, მრავალ აკადემიის წევრ-კორესპონდენტმა, ცნობილმა მწიგნობარმა პლატონ ეგნატეს-ძე იოსელიანმა.

იმ ხანად, ალექსანდრე II-ის ნაცვალთა კავკასიაში, მისი ძმა მიხეილ ნიკოლოზის-ძე იყო.<sup>32)</sup> ის ცდილობდა ხალხს თავდაბალ კაცად მოჩვენებოდა. ხშირად დადიოდა ბაზარში, გამბედავი და ენამახვილი ყარაჩოხელები „მიხაკო“-ს უძახოდნენ, დამტვრეული რუსულით ელაპარაკებოდნენ და სანოვაგეს თავაზობდნენ.

მისი მეუღლე — გერმანელი ქალი, ოლგა თეოდორეს ასული, მკაცრი წესების ადამიანი იყო. თვითონ ძალიან მშვიდსა და სათნო ცხოვრებას ეწეოდა და სურდა, რომ



მთელი საზოგადოება ასევე მოქცეულიყო. თავად ბარიატინსკის<sup>33</sup>) მხიარულ წვეულებებსა და დროსტარებას მიჩვეულთათვის, ასეთი ცხოვრება მეტად მოსაწყენი აღმოჩნდა. ოლგა თეოდორეს ასულის დაჟინებით, ციმბირში გადაასახლეს ანდრონიკაშვილი, რომელმაც აფხაზებისა და მეგრელების ძველ ჩვეულებას წაბაძა და საცოლედ მოიტაცა აბაშიძის ქალიშვილი.

თავისი შვაბების გადმოსახლებით, ოლგა თეოდორეს ასულმა თბილისში დიდი ახალშენი მოაწყო, რისთვისაც დაუთმეს მტკვრის მარცხენა ნაპირი—ვერის ხიდიდან მოყოლებული დიდუბემდე—თავისი შესანიშნავი ბაღებით. ახალშენს გადასცეს ძროხები და მერძეობისათვის საჭირო ინვენტარიც. ეს შვაბები მთელ თბილისს აწოდებდნენ რძის ნაწარმს; ბორჩალოს რაიონშიაც დააარსეს ყველის დასამზადებელი ქარხნები. ამ ქარხნებში ისინი იყენებდნენ ადგილობრივი მცხოვრებლების შრომას, რაშიაც უმნიშვნელო გროშებს იხდიდნენ.

დიდი მთავრის დროს, უცნაურმა „პრიკაზმა“ თავისი სახე თანდათან შეიცვალა.

\* \*

იოსელიანის მიერ საქართველოს არქეოლოგიის შესახებ მრავალრიცხოვანი ნაშრომების გამო სრულიად ღირსეულად დამსახურებულმა პროფესორის მალალმა წოდებამ და დიდი მთავრის მიხეილ ნიკოლოზის-ძის კანცელარიის დირექტორის თანამდებობამ ააგულიანა მამაჩემის მესამე და, ძალიან განათლებული და ნაკით-

ხი—ანა ნიკოლოზის ასული, ცოლად გაჰყოლოდა მას, მაგრამ ისიც თითქმის 30 წლით უმცროსი იყო თავის ქმარზე. წლოვანებაში ასეთი განსხვავების გამო, ანა თავის მეუღლეს მხოლოდ „ბატონობით“ მიმართავდა ხოლმე.

დიდი მთავარი მიხეილ ნიკოლოზის-ძე მეტისმეტად წყალობდა პლატონ იოსელიანს და ხშირად აპატიებდა ხოლმე მას ზოგჯერ არა თავაზიან და ახირებულ საქციელს, მაგალითად, ერთხელ იოსელიანის კაბინეტში თურმე შესულა დიდი მთავარი და, იოსელიანისათვის, რომელიც ამ დროს რაღაცას წერდა, მიუმართავს: „პლატონ იგნატიევიჩი!“—პლატონს ხმა არ გაუცია, მეორედ დაუძახნია, იოსელიანს წერა კვლავ განუგრძვია. ეს უხერხულობა რომ გაექარწყლებია, დიდ მთავარს უთქვამს: „მე სულ დამავიწყდა, რომ როდესაც ფილოსოფოსი წერს, ხელი არ უნდა შეუშალო“. „სრული სიმართლეა, თქვენო აღმატებულება,“—უპასუხნია პლატონს.

პლატონის მიერ მეუღლისადმი თავაზიანი მოპყრობისა და მისი ღრმა ინტელიგენტობის წყალობით, მათი წლოვანების განსხვავება, როგორღაც შესამჩნევი არ იყო, თუმცა, პაპაჩემი რომ ცოცხალი ყოფილიყო, მიუხედავად იოსელიანის ბევრი დადებითი მხარეებისა, ეს ქორწინება მაინც არ მოხდებოდა, რადგან პაპა მოითხოვდა, რომ სიძეები წარმოშობით მისებრ მაღალი წოდების ყოფილიყვნენ. პლატონი დიდ პატივს ცემდა თავის მეუღლის ოჯახის წევრებს, მაგრამ მიუხედავად ამისა, ზოგჯერ მაინც წამოცდებოდა ხოლმე ყველა მუხრანელების მიმართ:—„ფულის მკვნეტაეები არიანო“.. თვითონ პლატონი მეტად ყაირათიანი იყო.

თხოვნა, ხასკინისეული ვალის ჩამოწერის შესახებ უკვე დაწერილი იყო და მცხეთაში კურთხევის მიღების შემდეგ, მამაჩემი, როგორც ყოფილი სამხედრო პირი, ფოსტის ცხენებით გაემგზავრა პეტერბურგისაკენ.

რითი გათავდებოდა ასეთი ყოველმხრივ გაბედული მგზავრობა, ან რას მოუტანდა ის გაუბედურებულ და გალატაკებულ ოჯახს, სადაც სანთლის მაგიერ ახლა ხშირად კვარი ენთო?

საბედნიეროდ, მეფემ ისმინა მამაჩემის ვედრება და მთელი ვალი ჩამოწერილი იქნა.

სატახტო ქალაქში სამი თვის ყოფნის შემდეგ, მამაჩემი გახარებულა და გამხნევებული დაბრუნდა მუხრანში, სადაც გულის ფანცქალით ელოდებოდა მთელი ოჯახი.

როცა კარგად დაისვენა, ზაქროსაგან ჩაიბარა საქმეები და კვლავ შეუდგა შვილების მომავალ განათლების საქმეზე ზრუნვას. გიმნაზიაში ჩვენი შესვლა ჯერ აღრე იყო. იმ ხანად ფრანგული ენა სულ უფროდაუფრო შემოდიოდა მოდაში. თითქმის ყველა არისტოკრატიულ ოჯახში იყვნენ ფრანგი აღმზრდელები. დედაჩემი ინსტიტუტში აღზრდილი იყო, მაშასადამე, ფრანგულად ლაპარაკობდა, მაგრამ მას ჩვენთვის არ ეცალა, ამიტომ მამაჩემმა გადაწყვიტა, მე და ჩემი ძმა მოვეშორებოთ ოჯახისათვის და მივებარებოთ ფრანგთა ოჯახში.

ასეთ „კულტურულ“ ოჯახად მამაჩემმა თბილისში დალაქ ბერლემონის ოჯახი მიიჩნია. ბერლემონი სიამოვნებით დაეთანხმა მამაჩემის სურვილს. ოქტომბრის ერთ დღეს, როცა რთველი სავსებით მოთავებულ იყო, ყოველგვარი სანოვაგით დატვირთული ურმით, ჩვენმა

ზაქრომ მიგვიყვანა ახალ საცხოვრებელ ადგილზე, გზაში ერთხელ კიდევ ჩამოგვართვა სიტყვა, რომ წესიერად მოვიქცეოდით და არ შევარცხვენდით არც ოჯახს და არც ზაქროს.

ლევანი მთელი გზა ტიროდა, მე თავს ვიმაგრებდი, ვიგონებდი ტარიელს და ვცდილობდი წარმომედგინა, თუ როგორ მოიქცევოდა ის ჩემს მდგომარეობაში, მაგრამ, როდესაც დამშვიდობებისას ზაქრომ ხელი მოგვხვია და ვიგრძენი, რომ ჩვენი მოშორება მისთვისაც ძნელი იყო, თავი ველარ შევიკავე და ავტირდი. ზაქრო უშვილოთ ბერდებოდა და მთელი მამობრივი გრძნობები ჩვენზე გადმოქონდა.

ფრანგის ქალს, ეტყობოდა არ მოეწონა ჩვენი ალერსიანი გამომშვიდობება და ჩქარობდა მის შეწყვეტას, ზაქრო მოურიდებლად გამოაბრძანა გარეთ და მე და ჩემი ძმა დავრჩით, თითქოს უცხო მხარეში, სრულიად მარტონი. ასე დაიწყო ჩვენი ცხოვრების ახალი ხანა, რომელსაც უნდა დავმორჩილებოდით.

მოხუცი ბერლემონი, ძალიან ლამაზი, რბილი ხასიათის და გულუბრყვილო, ნაზად გვეალერსებოდა, ლოყაზე ხელს გვითათუნებდა და, ჩვენთვის სრულიად გაუგებარ ენაზე რაღაცას ბუტბუტებდა, რაც არც ჩვენს გონებასა და არც ჩვენს გულში არავითარ გამოძახილს არ პოულობდა. რუსული ენა, რომელიც მისმა მოსამსახურემ აცოდა, უფრო მეტი გასაგები იყო ჩვენთვის.

ყველაფრის ატანა შეიძლებოდა, გარდა იქაური კვებისა, საშინელება იყო მუდამ ერთი და იგივეს ქამა—ყოველდღე მზადდებოდა ფხალეული და კარტოფილი,



სხვადასხვა სახით. მე ნაკლები მოთხოვნების ვიყავი და ნაკლებ აზიზობას ვიჩენდი, ლევანს კი თვალთ დასანახავადაც ეზარებოდა ასეთი სადილები, განსაკუთრებით სტაფილო, რასაც დილაობით ძალით გვაჭმევდნენ და გვარწმუნებდნენ, რომ სტაფილო აუცილებელია ბავშვისათვისო. გვძულდა კარტოფილიც, როცა მას მოგვიტანდნენ, პირდაპირ ჯოჯოხეთი შეიქნებოდა: არც ხვეწნა და არც მუქარა ლევანზე არ მოქმედებდა. მაშინ როკაპი ფრანგი ქალი აიძულებდა ლევანს ინდაურივით ეყლაპა მთელ-მთელი კარტოფილები: ქმარი ლევანს თავს დაუჭერდა და ძალით გადებულ პირში, ცოლი ჩანგლით კარტოფილს ჩაუტენიდა და მანამდე ეკავა ჩანგალი, სანამ ლევანი არ ჩაყლაპავდა კარტოფილს.

ასეთი წამება ყოველდღე მეორდებოდა სამი წლის განმავლობაში, ბერლემონები ტრაბახობდნენ, რომ პატარა აზიელებს ვწვრთნითო.

მალე ჩვენ მშვენივრად დავიწყეთ წმინდა ფრანგულ ენაზე ლაპარაკი. ბერლემონებმა გვაიძულეს დაგვევიწყებია ჩვენი მშობლიური ენა; როცა მამა ჩამოდიოდა ხოლმე, მასთან ლაპარაკისათვის თარჯიმანი გვჭირდებოდა. მამას უხაროდა ჩვენი ასეთი წარმატება და მადლობას უხდიდა ჩვენს მწვალებელს, რომლის საქციელის შესახებ ვერაფერს ვეუბნებოდით მამაჩემს, რათა გაბრაზებულ ქალს შემდეგში მეტად არ ვეწვალებიეთ.

თვითონ ბერლემონი, მისი ვაჟი და ქალი ყოველთვის კარგად და გულთბილად გვეპყრობოდნენ, დედა კი იმათთვისაც ისეთი იყო, როგორც ჩვენთვის.

წამთრის გრძელ ლამეებში, ხან ვაჟი და ხან ქალი-

შვილი გვიკითხავდნენ ანდერსენის<sup>34</sup>) ზღაპრებს. მთელ დღის ნამტირალევი ლევანი, რაღაც გულცივობას იჩენდა მათდამი, მე კი სიამოვნებით ვისმენდი, რა თქმა უნდა არა ისეთი აღფრთოვანებით, როგორც მშობლიურ საქართველოს გმირულ თქმულებებს, მაგრამ მაინც ეს იყო უხილავი მხარის ამბები, რომლებიც მე ძალზე მაინტერესებდნენ და მიზიდავდნენ. კიდევ უფრო მეტად მიწოდოდა გავცნობოდი მაინ-რიდის<sup>35</sup>) და ახლ ვერნის<sup>36</sup>) წიგნებს, მაგრამ ბერლემონის ცოლი არ გვაძლევდა ნებას და გვარწმუნებდა, რომ ეს წიგნები აღელვებენ ისედაც თავქარიან ბიჭებს, და მათი კითხვა საჭირო არ არისო.

განვლო სამმა წელმა. გათავდა ჩვენი სწავლის მძიმე გამოცდის ვადა და ყოველ წუთში მოუთმენლად ველოდით ზაქროს. ყოველ ხმაურს ვაყურადებდით, და აი, მაისის ერთ მშვენიერ დღეს, როცა გრძელი და თვალის-მომკრელი მზის სხივი შემოიჭრა ჩვენს ნახევრად ბნელოთახში, რომელიც მოთავსებული იყო სადალაქოს უკან, ვაქარ სარაჯიშვილის სახლში სასახლის ქუჩაზე,—დავი-ნახეთ ზაქრო.

ჩვენს სიხარულს და აღფრთოვანებას საზღვარი არ ჰქონდა, მაგრამ თავს ვიკავებდით, რომ ბერლემონებს არ წყენოდათ. საჩქაროდ ჩავალაგეთ ჩვენი ბარგი, გამოვეთხოვეთ ბერლემონების მთელ ოჯახს და წავყევით ზაქროს.

უბედურება ის იყო, რომ ამ ხნის განმავლობაში სრულიად გადაგვავიწყდა მშობლიური ენა, თავს მხოლოდ იმით ვინუჯეშებდით, რომ ქართული ენის ხმოვანება გვქონდა ჩარჩენილი სმენასა და გონებაში.

მთელი გზა თბილისიდან მუხრანამდე ჩუმად ვიყავით. როცა მშობელ სახლს მივუახლოვდით, გულმა გაშალებული ძგერა დაგვიწყო. სახლში ყველაფერი სამხიარულოდ და არაჩვეულებრივად გვეჩვენებოდა, საალერსოდ ხელიდან ხელში გადავდიოდით—მამიდან დედასთან, ბებიასთან, მამიდებთან და ბოლოს ჩემს უსაყვარლეს, სამი წლის უნახავ გამდელთან.

ჩვენით და ფრანგებთან ჩვენი ყოფნის შედეგებით კმაყოფილმა მამაჩემმა ნება დაგვრთო, ყველაფერი შემოგვერბინა და დაგვეთვალიერებია, რასაც კი მოვისურვებდით; ჩვენც ვისარგებლეთ ამით და არც ერთი კუთხე არ დაგვიტოვებია უნახავი—საქონლის ბაკი, საჯინიბო, კოშკშიაც კი ვიყავით, მთელი ჩვენი შინამოსამსახურეები დაეკოცნეთ, ყოველი მათგანი თავისებურად გვესალმებოდა და უკვე ისეთ განათლებულებად გვთვლიდნენ, რომ სახელის დაძახებას ვეღარ გვიბედავდნენ და „ბატონიშვილობით“ მოგვმართავდნენ.

მუხრანში სვირნობისას, მე როგორც ბუნების დიდი მოყვარული, იმ ადგილამდე მივედი, რომელიც ძველ მუხრანად ითვლება. იქ ასწლოვანი მწვანე მუხები ჩრდილს ფენდნენ უძველესსა და ნახევრად დანგრეულ, ე.წ. წმინდა გიორგის ეკლესიას. საქართველოში გიორგი დიდ წმიდანად ითვლებოდა და მას ყველა თაყვანს ცემდა.

ყოველწლიურად, 23 აპრილს, გიორგობას მთელი სოფლები თავიანთი ოჯახებით თავს იყრიდნენ ამ ტაძართან, რომ წმიდა და ისტორიულ კედლებთან ღამე გაეთიათ და შესაწირი შეეწირათ. მეორე დღეს კი, წირვის შემდეგ, კიდაობა იმართებოდა. კიდაობდნენ ნამდ-

გილი ბუმბერაზები, რომლებიც თავისი ხერხებით ფრანგ მოჭიდავეებსაც არ ჩამოუვარდებოდნენ. კიდაობის დროს ზურნა უკრავდა და მისი ხმები აქეზებდნენ გოლიათ მოჭიდავეებს.

მე სიამოვნებით ვუყურებდი მამაპაპურ სანახაობას, აღფრთოვანებაში მოვყავდი მოჭიდავეების ღონესა და სიმკვირცხლეს და თვალს ვერ ვაცილებდი მოცეკვავე ტანწერწეტა ახალგაზრდა ქართველ ქალებს.

იმავ დროს, საპატივცემო, ხანშიშესული მანდილოსნები ისხდნენ მათზე არა ნაკლებ პატივცემულ მაქანკლებთან ერთად, ათვალეირებდნენ საცოლო ვაჟებს და გასათხოვრებს, იმისდა მიხედვით, თუ ვისთვის ვინ იყო შესაფერი, და გულდასმით უსმენდნენ მაქანკლებს, რომლებიც დაწვრილებით უყვებოდნენ მათი მდგომარეობის, ქონებისა და წარმოშობის შესახებ.

აქაური გლეხების ნახევარი სომხები იყვნენ. ეს შემდეგნაირად მოხდა: როცა ჩვენმა წირაპარმა მუხრანელმა წილად მუხრანი მიიღო, ის ყარაბახში წავიდა, იქ შეისყიდა მონა-სომხები, ჩამოიყვანა მუხრანში და დაასახლა. ისინი ერთგული ყმები გამოდგნენ, მაგრამ თავისებენა და გრიგორიანული სარწმუნოება კი შეინარჩუნეს.

\* \*

საქართველოს რუსეთთან შეერთებისას<sup>37</sup>), იმის გამო, რომ საქართველოს მეფის ოჯახი მეტად მრავალრიცხოვანი იყო, რუსეთის მთავრობამ გადაწყვიტა ოჯახის წევრები ნათესაური ხარისხის მიხედვით დაეყო, და რომ პენს

სია ნაკლები, ან სულ არ მიეცათ, უმცირებდნენ ტიტულებს. მაგალითად, მუხრანელები „უგანათლებულესი“ თავადებიდან „უბრწყინვალესად“ გახადეს, ასე ჩასწერეს გვარტომობის უწყებაში და, რა თქმა უნდა, არავითარი პენსია აღარ დაუნიშნეს.

ყველაფერი ეს უბრალო რამ იყო იმასთან შედარებით, რაც გენერალ გოლოვინმა<sup>38</sup>) ჩაიდინა. მან ერთ მშვენიერ დღეს განაცხადა, რომ საქართველოში გლეხობის გარდა წოდება არ არსებობსო.

გოლოვინის ასეთმა განცხადებამ საშინელი აღშფოთება გამოიწვია და ლამის აჯანყების მიზეზი შეიქნა. იგი საქართველოს საჩქაროდ მოაშორეს და მის მაგივრად დანიშნეს მეტად განათლებული ადამიანი, გენერალი ნეიდგარტი<sup>39</sup>), რომელიც სულით და გულით ცდილობდა საქართველოში ნორმალური მდგომარეობა დაემყარებია, რაც მეტად ძნელი იყო გოლოვინის მიერ შექმნილი არევდარევის შემდეგ.

\* \*

მოვიდა მინდვრის სამუშაოების დრო. ამ მუშაობაში შე დიდ მონაწილეობას ვიღებდი, ადრიანად, დილიდანვე მიყვებოდი ხან მამაჩემს და ხან ზაქროს, მაგრამ ახლა არა მის ზურგს უკან შემომჯდარი, არამედ საკუთარი ცხენით.

მამამ, ხედავდა რა ჩემს სიყვარულს სოფლის მეურნეობისადმი, სახლსა და გლეხობასთან ახლო ყოფნის სურვილს, მაჩუქა კარგად გახედნილი ცხენი ქართული



უნაგირით. ცხენს მოსართავი მოვერცხლილი ჰქონდა, რაც ჩემს ძმებში დიდ შურს იწვევდა.

აღფრთოვანებით ვუმზერდი თვალუწვდენელ, მობი-  
ბინე ხავერდოვან მწვანე მდელოს, ხალიჩასავით აკრე-  
ლებულს მინდვრის ყვავილებით და ეს მასულდგმულე-  
ბელი სანახაობა თითქოს მეც მმატებდა სიცოცხლეს.

მაგონდება ჩემი ყანაში ყოფნა — უკან მივყვებოდი ხოლ-  
მე გუთანს და მთელი ძალით ვაწვებოდი მას, რომ სახ-  
ნისს რაც შეიძლება უფრო დიდი ბელტი გადაებრუნებია,  
ვცდილობდი, მორჩილ ხარებს ისე ევლოთ, რომ ჩემი  
კვალი სწორი გამოსულიყო. ჩემს სიხარულს საზღვარი  
არ ჰქონდა, როცა ჩემთან მომუშავე გლეხი მაქებდა. შეს-  
ვენების წუთებში მოკითხულ მისგან შოთის პურს და  
ყველს მადიანად და გემრიელად ვჭამდი, რადგან ეს უკვე  
ჩემი შრომით ნაშოვნია ლუკმა იყო.

საშემოდგომო თესვასთან ერთდროულად პურსაც  
მკიდნენ. ხეესურები და ფშაველები ასობით ჩამოდო-  
ოდნენ მთიდან სამუშაოდ, და ქირით მკიდნენ პურს.

მახსოვს ერთი ღონიერი, ფართო მხარბეჭიანი მომ-  
კელი; ვარდისფერ ბაგეზე ბავშვური ღიმილი უთამაშებ-  
და, მის ნაცად ხელს მუშაობა ისე ემარჯვებოდა, რომ  
ნამგლის ერთი მოქნევით, თავის მწკრივს თითქმის ნა-  
ხევრად მკიდა. ის მიწას გრძნობდა, თითქოს მასთან  
იყო შეზრდილი, ყნოსავდა მის სუნს და იკრებდა ახალ  
ძალას. როცა მუშაობით დაღლილი შედგებოდა, მთელ  
ქვეყანას მფლობელის თვალით გაჰყურებდა.

არც თიბვისა და არც მკის ნება არ დამრთეს, რად-  
გან ეშინოდათ ნამგალითა და ცელით, გამოუცდელიობის

გამო, ხელი ან ფეხი არ დამეშავებია, მაგრამ, სამაგი-  
ეროდ, მოთიბულით კი ვიჯერე გული—ვაგროვებდი თი-  
ვას და ფიწლის მოხდენილი მოქნევით ურემზე ვყრიდი.  
დაბინდებისას ურმების მთელი მწკრივი გაუდგებოდა  
სახლის მიმართულებით, სადაც ჩვენი ზაქროს მეთვალ-  
ყურეობით, თივას ზვინებად დგამდნენ.

თვალს ახარებდა შესანიშნავი საქართველოს ღამე,  
მოციმციმე ვარსკვლავებით მოჭედულ ცის თალზე მედი-  
დურად მცურავი მთვარე გზას უნათებდა დატვირთულ  
ურმებს.

მამაჩემი მუშებს ეზოში დახვდებოდა. საუკუნოების  
მანძილზე სიხარულის საწინდარი—თავმოხდილი ქვევრი  
უცდიდა დაღლილთ, მაგრამ სულით მხნე ადამიანებს. იქვე  
გემრიელი ლობიოთი სავსე დიდ ქვაბთან ფუსფუსებდა  
მოხუცი მზარეული, რომელიც დიდახნიდან, როცა ჯერ  
კიდევ პატარა ბიჭი იყო, ჩვენს ოჯახს ემსახურებოდა.

ჩქარა გაირბინა მხიარულმა ზაფხულმა, დადგა შე-  
მოდგომა, ოქროდასხმული ნაყოფის სიძძიმით ხეების  
ტოტები მიწამდე იხრებოდნენ, დამწიფებულ ვაშლსა და  
მსხალს ყუნწები ძლივს იმაგრებდნენ, უკვე დაბერტყილი  
კაკალი გასახმობად იყო გაფენილი. ფაქრზი ხავერდოვანი  
ატმებიც ჩქარობდნენ დამწიფება მოესწროთ ჯერ კიდევ  
მცხუნვარე მზის სხივებზე.

სექტემბრის ბოლოს უთუოდ მოვკრეფდით ხილს,  
რომ ყურძენს ჩრდილი მოშორებოდა და დამწიფება-  
დატკობის საშუალება მიცემოდა.

თეთრი და შავი ყურძნის მტევნები ღამაზად ელვა-  
რებდნენ მწვანე ფოთლებში, ჰაერში ფუტკრის განუ-





ნიკო მაგრატიონი

წყვეტილი ბზუილი იდგა, ფუტკარიც ჩქარობდა მოეთაგებია თავისი გულმოდგინე და ბეჯითი შრომა.

ოქტომბრის დასაწყისში შეუდგებოდნენ ყურძნის კრეფის სამზადისს—ასუფთაებდნენ დიდრონ, ღრმა ქვევრებს, ქვევრში ჩასული კაცი სარცხით რეცხვისას, ხშირად დამთვრალა შიგ ჩარჩენილი ღვინის სუნით. ამზადებდნენ საწნახლებს და გოდრებს. ერთი სიტყვით ყველგან, როგორც უშველებელ მარანში, ისევე მთელ სახლში, ყველაფერი მოძრაობდა—ელოდნენ სტუმრებს, შორეულ და ახლო ნათესავეების ჩამოსვლას.

რთველის დაწყების დღეს, მთელი შინამოსამსახურეები ზურგზე მოკიდებული გოდრებით, მათთან ერთად სტუმრებიც, რა თქმა უნდა, ვისაც სურდა, და ოჯახის წევრები მოედებოდნენ ვრცელ ზვრებს. დილიდან გვიან საღამომდე ვენახებში ისმოდა ქართული მელოდიური სიმღერები, ზედიზედ იტვირთებოდა ურმები და მარანში შიპქონდათ. მარანში შეტანამდე დიასახლისის განკარგულებით, ყურძნის ნაწილს საჩამიჩედ არჩევდნენ, ნაწილს ჯაგნებად საზამთროდ ინახავდნენ, დანარჩენს კი უზარმაზარ საწნახელში ყრიდნენ.

საღამოს მოიტანდნენ ტკბილით სავსე უშველებელ კასრებს, პირამდე ავსებდნენ ქვევრებს, საჩურჩხლე ტკბილს დიდრონ ქვაბებში ასხამდნენ, ხარშავდნენ თათარას, შიგ ავლებდნენ მაგარ ძაფზე აცმულ ნიგვზეულს. ამოვლების შემდეგ, მეორე დღეს, მზეზე გაკიდებდნენ, აშრობდნენ და როცა ჩურჩხელები უკვე მზად იყო, ახვევდნენ სუფთა ტილოში და ინახავდნენ.

ორი კვირა მაინც გრძელდებოდა რთველი, მთელი

3. ნ. ბაგრატიონი



ეს დრო პირდაპირ დღესასწაული იყო—აზარფეშა მხი-  
არულად გადადიოდა, იქვე, ბაღში მსხდომ მოქეიფეთა  
ხელიდან ხელში, ისმოდა გულითადი „ალავერდი“, რო-  
მელსაც თან მოჰყვებოდა საუკეთესო სურვილები და  
მომავალის იმედები... ადამიანს, როგორც უდ მდგო-  
მარეობაშიაც არ უნდა იყოს ის, ყოველთვის გაუელვებს  
იმედი ნების სხივის მაგვარად; ასეთია ადამიანის ბუნე-  
ბა, ის ყოველთვის ცდილობს გული არ გაიტეხოს,  
ხვედრს ძლიოს, ასეთივე იყო მამაჩემიც—ჰკვიანი, ენერ-  
გიული, მიუხედავად ყველა გადატანილ სიძნელეებისა,  
როგორც საბრძოლო, ისე ოჯახურისა, მაინც ვაჟკაცუ-  
რი მამაკაცის მთლიან ტიპს წარმოადგენდა.

შემოდგომის სამუშევრები მოთავდა, წლიური სარ-  
ჩო უზრუნველყოფილი იყო. მამას ისევ გავახსენდით,  
და რადგანაც წლოვანობით გიმნაზიაში შესასვლელად  
კიდევ პატარები ვიყავით, ოჯახურ თათბირზე გადაწყ-  
და, რომ მოსამზადებლად გავეგზავნეთ თბილისში ჩვენს  
სიძესთან, იოსელიანთან, შესახედავად თუმცა მკაცრსა,  
მაგრამ არსებითად ძალიან კეთილსა და გასაოცრად გუ-  
ლისხმიერ მოხუცთან.

იოსელიანი ზაფხულობით დუშეთში ცხოვრობდა  
თავის პატარა კარმიდამოში, სადაც გაშენებული ჰქონ-  
და შესანიშნავი საზღვარგარეთული ჯიშებით განთქმუ-  
ლი ხილის ბაღი. პლატონი ნამდვილი ქველმოქმედი და  
გულშემატკივარი იყო იქაური ღარიბი მოსახლეობისა,  
ყოველგვარ მათ გაჭირვებას გამოეხმაურებოდა ხოლმე—  
დაწყებული თხოვნების წერიდან, გათავებული ფულით  
დახმარებამდე.



მიუხედავად იმისა, რომ ჩვენ მოყვარულ მამიდასთან შივედიოდით, მაინც გული გვწყდებოდა მშობლიური მუხრანის დატოვების გამო, მაგრამ ჩვენ უკვე ვიცოდით, რომ უსწავლელი კაცი ცხოვრებაში უძლური იყო. ამის შესახებ ყოველ ფეხის გადადგმაზე და უზარმაზარი სახლის ყოველ კუთხეში გვესმოდა ლაპარაკი.

პლატონს თბილისში რტიშჩევისა<sup>40)</sup> და ამალლების ქუჩების კუთხეში შესანიშნავი საკუთარი სახლი ჰქონდა. ის თავისი მდგომარეობის მიხედვით, ფართოდ ცხოვრობდა—ვინც კი, ცოტაოდენ მაინც იყო კულტურის მატარებელი, საზოგადოებრივად და გონებრივად მაღლა მდგარი, მისთვის იოსელიანის სახლის კარები ყოველთვის ღია იყო; მათ გულღიას ხვდებოდა და პატივს ცემდა მამიდაჩემი, ჭკვიანი და სტუმართმოყვარე დიასახლისის სახით.

პლატონი, როგორც ნამდვილი პატრიოტი, სიხარულით ღებულობდა მონაწილეობას საქართველოს კულტურულ-ნაციონალური ცხოვრების ყოველ გამოვლინებაში, მაგალითად, როცა ერისთავის პიესა—„გაყრა“<sup>41)</sup> ზელახლა კნეინა მანანა ორბელიანის<sup>42)</sup> სახლში დაიდგა, პლატონი ერთ-ერთი მთავარი როლის შემსრულებელი იყო, რამაც დიდი სიამოვნება მიანიჭა საზოგადოებას დანარჩენთა უხეირო თამაშთან შედარებით.

დიდი მთავარი მიხეილ ნიკოლოზის-ძეც დაესწრო ამ ოჯახურ წარმოდგენას.

პლატონმა საქმისადმი დიპლომატიური მიდგომა იცოდა, ყველაფერს ისე მოაწყობდა, ისე მოიქცეოდა, რომ არავის აწყენინებდა. ის განაგრძობდა არქეოლოგიურ მუ-

შაობას, ამდიდრებდა საქართველოს თავის ღრმა ცოდნით, იცოდა რამდენიმე უცხოური ენა, მიწერ-მოწერა ჰქონდა ევროპის დიდ არქეოლოგ-მეცნიერებთან და საქართველოში ჩამოსვლისას ოჯახში მიიპატიებდა ხოლმე მათ. შეიძლება ითქვას, რომ პლატონის ხანგრძლივი ცხოვრების მანძილზე არ ყოფილა ერთი ისეთი დღეც, რომ მას რაიმე არ გაეკეთებოდა ქვეყნის სასარგებლოდ. ერთი სიტყვით, ყველა შესაძლებლობით ცდილობდა, როგორც მეცნიერებაში, ისე საზოგადოებრივ ცხოვრებაში, თავისი წვლილი შეეტანა, რომ სიკვდილს წინ საშუალება ჰქონოდა ეთქვა: „ღიას, მე ვცხოვრობდიო“.

არქეოლოგიის როგორც იშვიათმა მკოდნემ და მოყვარულმა, მან მოახერხა საბერძნეთში გამგზავრება — ათონში.<sup>43</sup>) სადაც დიდი პატივისცემით მიიღეს ქართული „ივერიის მონასტრის“ ბერებმა. პლატონმა უკან დაბრუნებისას ათონიდან თან ჩამოიტანა ერთი ძველისძველი ქართული ხელნაწერი სახარება. ბოლოს, თავისი შესანიშნავი ბიბლიოთეკა, რომელაც შეიცავდა არა მარტო ძველი ქართული წიგნების კოლექციას, არამედ სხვა ქვეყნების იშვიათ წიგნებითაც მდიდარი იყო, მან საქართველოში წერა-კითხვის გამავრცელებელ საზოგადოებას უანდერძა იმ პირობით, რომ შემდეგში ის ქართული უნივერსიტეტისათვის გადაეცათ. მართლაც, მისი გარდაცვალებისთანავე მისმა ქვრივმა<sup>44</sup>) მთელი წიგნები ჩააწყობა თორმეტ დიდ ყუთში და დანიშნულებისამებრ გაგზავნა.

პლატონს არ მოსწონდა მაშინდელი სოციალური უთანასწორობა, და როდესაც გენერალ-ლეიტენანტმა, თავადმა ივანე კონსტანტინეს-ძე ბაგრატიონ-მუხრანელ-

მა<sup>45</sup>) გლახს ურემი არ გაატარებინა თავის მიწაზე, პლატონმა, რომელიც იმ დროს მასთან იყო სტუმრად, უწინასწარმეტყველა ამაყ მემამულეს და უთხრა: „გახსოვდეს, შენ ახლა ერთი ურემი არ გაატარე, დადგება ისეთი დრო, როდესაც ასეული ურემი გაივლის შენს დარბაზებთან“.

საერთოდ, იოსელიანი ამ გენერალს არ ერიდებოდა, რადგან ისიც ახსოვდა, თუ როგორ უმართებულოდ მოეპყრო ის მამაჩემს—ისარგებლა რა იმით, რომ მისი ძმა გიორგი სენატორი<sup>46</sup>) იყო, და შეეძლო უკანონო საქმეც კი ისე გაეტარებია სენატში, როგორც მას სურდა.

მამაჩემის მუხრანში არ ყოფნის დროს, მან სამასი დესეტინა საუკეთესო მიწა წაგვართვა, რომელსაც „მუხრანის თვალი“ ერქვა. ამ ადგილზე მან გარდაშესანიშნაფი, აივნებითა და სვეტებით მორთული სახლისა, ღვინის ღიღი და საუკეთესო სარდაფებიც ააშენა. ამ სარდაფებში ქვევრების ნაცვლად ღიდრონ ხის კასრებში აყენებდნენ ღვინოს. მან გამოიწერა ფრანგი-მელვინე ჟორჟი და ღვინის დაყენება ფრანგულ ყაიდაზე დაიწყო. მისი ღვინოები მთელ საქართველოში განთქმული იყო. მან აუარებელი ვენახები გააშენა ამერიკული წესით, მიწები არა მარტო ჩვენ წაგვართვა, არამედ გლახებსაც ართმევდა, რომ გაეფართოებია თავისი უკანონოდ მიღებული სამფლობელო. გენერლის სახლის აივნიდან მოჩანდა კავკასიის ქედი და ყაზბეგი, რომელიც მზის სხივებით გაბრწყინებული, ამაყად იდგა საქართველოს ბუნებრივი საზღვრების სადარაჯოზე.

გენერალს მუხრანში მხოლოდ ორი კომლი გლახი

ჰყავდა—კარაპეტოვები და მამულაშვილები, დანარჩენი მისი გლეხები დილომში ცხოვრობდნენ.

მიუხედავად ამისა, მას მაინც სურდა რეზიდენცია მუხრანში ჰქონოდა. გენერალს დიდ დახმარებას უწყევდა მისი მეუღლე, სამეგრელოს მთავრის დავითის<sup>47</sup> და ნინო, ჰკვიანი და შეძენის საკითხებში ძალიან მოხერხებული ადამიანი.

როცა დედაჩემმა ისტერიული ყვირილი მორთო და მთელი აურზაური ატეხა, გენერალმა იმის შიშით, რომ ეს ამბავი საზოგადოებაში არ გახმაურებულიყო და თვით დიდი მთავრის ყურამდგ არ მიეღწია, სამასი დესეტინა მიწის ნაცვლად მოგვცა ოცი დესეტინა გაშენებული ვენახი სოფელ დვალისში. თავათ მოვიდა ჩვენთან და მოიტანა გეგმა. მეტი გზა არ იყო, უნდა მიგველო და გავჩუმებულიყავით.

თქვენ თვითონ განსაჯეთ, თუკი ჩვენ ვერაფერს გავხდით მასთან და ვითმენდით, რაღა უნდა ექნათ გლეხებს!

1895 წელს კნენა ნინო გარდაიცვალა. მართვა-გამგეობა გადავიდა შესანიშნავი, შედარებით ჰუმანიური ადამიანის, გენერლის ვაჟის, თავად კონსტანტინეს ხელში. თვითონ ივანე კონსტანტინეს-ძეც პირველ ხანებში მოკლებული არ იყო კარგ სულიერ თვისებებს. მას გათავებული ჰქონდა პაჟების კორპუსი, მსახურობდა გვარდიისში, პირადად იცნობდა ნიკოლოზ პირველს, რომელიც მას „ჩემს ცელქს“ ეძახდა.

გამბედავი და უშიშარი მეომარი, უკანასკნელად იყოფებოდა რუსეთის ჯარის ავანგარდში და სამეგრელოს



თათრების შემოსევისაგან იცავდა. კნენინა ეკატერინეს იგი დაჟინებით ურჩევდა არ დათანხმებულყო ომარ-ფაშის<sup>48)</sup> დიპლომატიურ წინადადებაზე. ომარ-ფაშა, იგივე მიხეილ ლატოში, ტომით პოლონელი, შვილი იყო 1871 წელს გარდაცვლილ ავსტრიის ჯარის ოფიცრისა.

\* \*

და აი, ჩვენ უკვე თბილისში ვართ, ამჯერად მამამ ჩამოგვიყვანა. მამიდა ანიკომ, რომელსაც თავის ძმა გავიჟებით უყვარდა, დიდი მზრუნველობით მოგვიწყო ნათელი და სასიამოვნო ოთახი ფლიგელში. პლატონის არჩევით მოწვეულ იქნა როგორც რუსულის და სხვა სპეციალურ საგნის, ისე ქართული ენის მასწავლებელიც.

მამიდას მეთვალყურეობით, მეცადინეობას გულიანად მოვკიდეთ ხელი. ანგარიში პლატონისათვის უნდა ჩაგვებარებინა. როცა ვიცელქებდით, ან ჩამეს დავაშაგებდით, პლატონი გვიბრძანებდა სასჯელის მოსახდელად ზევით, ჭერში ავსულიყავით. ამ „სასჯელს“ ჩვენთვის უდიდესი სიხარული მოჰქონდა, რადგან ჭერი სავსე იყო შესანახად ატანილი აუარებელი ხილით და ოქროსფერი ყურძნის ჯაგნებით.

კვირაობით, ანჩისხატის ტაძარში<sup>49)</sup> წირვის შემდეგ, უფროს მამიდა სალომესთან მივდიოდით სათაყვანოდ. იგი მედიდურად იჯდა მაღალ სავარძელში და ისე ღებულობდა სტუმრებს.

ქართულ ტანსაცმელში ჩაცმული, მაგრამ თეთრი ხელთათმანიანი ლაქიები ვერცხლის ლანგრებით ჩამოა-



ტარებდნენ ჩაის და ტკბილეულს; „ხუთსაათიანი ჩაი“ ახლად შემოსული იყო მოდაში.

ქართული არისტოკრატია თავს იყრიდა სასახლეებში, მაგალითად, მარიამ დედოფლისეულ<sup>50</sup>) სასახლეში, ერთმანეთთან მიდიოდნენ ნაწირვებს. უმეტეს წილად წირვის მოსასმენად ანჩისხატში დადიოდნენ, რადგან იქ ქართულ ენაზე წირავდნენ. თითქმის ყველა ფართოთ და მდიდრულად ცხოვრობდა; როგორც ყველგან, აქაც ცდილობდნენ ერთმანეთისათვის ფუფუნებით ცხოვრებაში გადაეჭარბებიათ და ამიტომ ხშირად უხდებოდათ წყეულ „პრიკაზში“ შესვლა, რომელიც ქაობის მსგავსად თანდათან ითრევდა მათ.

ვერცხლის ფოლაქებიანი ლურჯი მუნღირების აჩრდილი გვიზიდავდა, გვაჩქარებდა და ჩვენც თავს უკვე მომზადებულად გვრძნობდით. მაისის დასაწყისში, მამაჩემის თანხლებით, მივედით გამოცდებზე. ლევანმა საუკეთესოდ ჩააბარა გამოცდები და პირველ კლასში მიიღეს, მე ლევანზე ცოტა უფრო ნაკლებად ჩავაბარე გამოცდები და წლოვანების მიხედვითაც უფროს მოსამზადებელში ჩამრიცხეს.

ბედნიერები და კმაყოფილები, გახარებულმა მამამ მოგვიყვანა სახლში. საყვარელმა მამიდამ დაგვახვედრა გაშლილი მაგიდა შესანიშნავი საუზმით და თითო თუმანი ფულად გვაჩუქა.

თავს უმდიდრესებად ვთვლიდით, ჩვენი წარმოდგენით უკვე შეგვეძლო დაგვესაჩუქრებია ჩვენი ძვირფასი ოჯახის წევრები, რა თქმა უნდა, გამდელიც და ზაქროც მათ რიცხვში იყვნენ. მეორე დღესვე, მამიდაჩემის ხელ-

მძღვანელობით ქარვასლაში<sup>51</sup>) ეყიდულობდით ყველაფერს, რისი ყიდვის საშუალებასაც გვაძლევდა ჩვენი თანხები. გული არავისთვის დაგვიწყევტია, მამის ხელით საჩუქრები ყველას გავუგზავნეთ და ამით დიდი სულიერი კმაყოფილება მივიღეთ.

თავად ვორონცოვის დროს დაარსებული რუსული გიმნაზიის<sup>52</sup>) დირექტორი იყო ლევ ლვოვის-ძე მარკოვი, რომელიც მოწაფეებს ძალიან უყვარდათ. განათლებული, ბუნებით კეთილი, ის მოწაფეებს არ არჩევდა ერთი მეორისაგან, შესანიშნავად მართავდა გიმნაზიას, რომელიც მაშინ კულტურის გამავრცელებელ ერთ-ერთ მთავარ კერას წარმოადგენდა.

ლევანი პირველ მოწაფედ ითვლებოდა, მე კი ჩემი სუსტი ჯანმრთელობის გამო, ხოხვით მივიწვევდი წინ. გადავედი სათავადაზნაურო კლასში (ასე ეძახდნენ მეოთხე კლასს—მემამულეთა შვილების განათლების ცენტრის საბოლოო პუნქტს).

გიმნაზიაში შესვლის შემდეგ, ჩვენი ცხოვრება თავის კალაპოტში ჩადგა. ზამთარს თბილისში ვატარებდით, ზაფხულს კი მუხრანში.

თვალუწვდენელ მინდვრებსა და ტყეებში სეირნობის დროს, უნებლიეთ წარმომიდგებოდა ჩვენი ქვეყნის უძველესი სურათები.

ამავე დროს ვოცნებობდი საქართველოს უკეთეს მერმისზე, ხალხის კეთილდღეობაზე და ადამიანის თავისუფლებაზე.

იმ ხანებში მამამ ავადმყოფობა დაიწყო, სულ მეტად და მეტად უარესდებოდა მისი მდგომარეობა. მთელი

თბილისის ექიმები, ვინც კი იყო მაშინ, ექიმობდნენ, მაგრამ ყველაფერი ამაო იყო. მუხრანიდან ჩვენთან ჩამოიყვანეს მამა, ავადმყოფობა საშინელი სიჩქარით ანადგურებდა მის რკინასავით მაგარ ორგანიზმს. ექიმებმა გამოგვიცხადეს, რომ მდგომარეობა უიმედოაო. მე მამას დღე და ღამე არ ვშორდებოდი. ჩემთვის ქვეყნიერება ჩაბნელდა და მასთან ერთად ჩემი ოცნებებიც.

მამაჩემმა იცოდა, რომ მე ძლიერ მიყვარდა ჩვენი სოფელი, მეურნეობა და ჭკუას მასწავლიდა, მარიგებდა, თუ როგორ უნდა მეწარმოებია საქმეები მომავალში, მთხოვდა, დედაჩემი დამეცვა უსიამოვნებისაგან; საერთოდ ჩვიდმეტი წლის ახალგაზრდას მაკისრებდა ჩვენი დიდი ოჯახის მთელ სიმძიმეს. ერთადერთ ნუგეშს ის წარმოადგენდა, რომ ვალები აღარ გვეკონდა და ყველა საქმე მოწესრიგებული იყო. მე ვერ წარმომედგინა ცხოვრება ძვირფასი არსების გარეშე. მამის სასთუმალთან გატარებულ გრძელ ღამეებში ბევრს ვტიროდი, მაგრამ ცრემლები ვერ მიმსუბუქებდნენ სულიერ ტანჯვას. მამა ჯერ კიდევ ახალგაზრდა იღუპებოდა: ის მხოლოდ 50 წლისა იყო.

მამამ იგრძნო სიკვდილის მოახლოება და მოისურვა მუხრანში გადაგვეყვანა, თანაც გვთხოვა დაგვემარხა ღვთისმშობლის სახელობის ეკლესიაში, რომელიც პაპაჩემმა ააშენა.

ეს ეკლესია, ქართველი მხატვრის მიერ, შესანიშნავი ფრესკებით იყო მოხატული (საუბედუროთ, ამ მხატვრის გვარი არ არის ცნობილი). ამ ფრესკებს ყურადღება მიაქცია პატარა და ღამაზ ეკლესიის საკურთხებ-

ლად პაპაჩემის მიერ მოწვეულმა ღრმად განათლებულ-  
მა ეგზარხოსმა ისიდორემ<sup>53</sup>), რომელიც შემდეგ პეტერ-  
ბურგში იქნა დანიშნული მიტროპოლიტად.

პაპამ, ისარგებლა რა იმით, რომ ეკლესიის მოსახე-  
ტად მუხრანში იმყოფებოდა მხატვარი, მას დაახატვი-  
ნა ოჯახის ყველა წევრების დიდი სურათიც.

იმის გამო, რომ ამ დიდ ტილოზე გამოსახული იყო  
11 ადამიანი, ისიც ფრესკული სტილით, ის ძალიან არ  
მოსწონდა მთელ ოჯახს და სადღაც მიგდებული ჰქონ-  
დათ, მაგრამ ჩემთვის ძვირფასი იყო და ამიტომ ვინა-  
ხავდი მას, ახლა კი ეს სურათი მეტეხის მუზეუმშია და  
თითქმის საუკეთესო ექსპონატად ითვლება. აი, ასე იცვ-  
ლება დრო.

მამას ჩვენც წაყვებით. რკინიგზა<sup>54</sup>) უკვე გაყვანი-  
ლი იყო. სადგურ ქსანში დაგვხვდნენ შინა მოსამსახუ-  
რეები, რომლებმაც საკაცით წაიყვანეს ავადმყოფი, რად-  
გან მას ოდნავი მოძრაობაც კი ჯოჯოხეთურ ტკივილებს  
აყენებდა, გასავლელი მანძილი პატარა არ იყო—შვიდ  
კილომეტრს უდრიდა.

მშობლიური ადგილების ხედმა, იმ სახლის დანახვამ,  
სადაც განვლო მისმა ცხოვრებამ, სადაც ცხოვრობდნენ  
მშობლები, სადაც დაიბადნენ მისი შვილები, ყველაფერ-  
მა ამან, ალბათ, იმოქმედა და გაამხნევა მამაჩემი იმდენ-  
ნად, რომ მან მოისურვა საკუთარი ფეხი გადაედგა მშობ-  
ლიურ ზღურბლზე, რამაც ჩვენში დიდი სიხარული გა-  
მოიწვია.

სანამ ადამიანი სუნთქავს, მის მახლობლებს მაინც  
აქვთ რაღაც იმედი, მაგრამ ეს იმედი მოკლე გამოდგა.



შამა ჩაწვა და სულ მალე, 1884 წელს იენისის ბუდეში, ზიარების მიღებისა და ჩვენი დალოცვის შემდეგ, სრული ცნობიერებით გარდაიცვალა წყალმანკისაგან.

სუფთა, მოწმენდილ ცაზე მზე კაშკაშებდა და უხვად აფრქვევდა თავის სხივებს მიწაზე, მაგრამ ჩვენი მზე ჩაესვენა, ჩაქრა ჩვენი ცხოვრების ლამპარი, აღარა გვყავდა ოჯახის თავი. რა უნდა გვექნა?

თვალს ვერ ვაცილებდი მიცვალებულის ძვირფას სახეს, სწორედ ამ წუთებში გამახსენდა მამის ანდერძი და უეცრად ვიგრძენი, რომ შემატებოდა ენერგია და მიმტკიცდებოდა საკუთარი ძალის რწმენა. უკვე ვაჟკაცად ვიგრძენი თავი და მამაჩემის მიერ დაკისრებული ტვირთი მსუბუქად მომეჩვენა.

დაკრძალვაზე ჩამოვიდნენ მთელი ჩვენი ნათესავები, მთელი დუშეთის ოლქი, სამღვდელთა ეგზარხოსის მეთაურობით, მაგრამ მღვდელთმსახურება ეპისკოპოსმა ჭრიგორიმ ჩაატარა (ერისკაცობისას იგი ულამაზესი ვაჟკაცი, თავადი დადიანი იყო).

დიდი ქელეხა გადავიხადეთ, — გლეხებისათვის მაგიდები ორ რიგად იყო გაწყობილი ეზოში; სამღვდელთებისათვის, ნათესავებისათვის და ნაცნობებისათვის — ვეებერთელა დარბაზში და სასადილოში. ჩვენ, შვილები, ყველა ფეხზე ვიდექით, თვალყურს ვადევნებდით, რათა ყველაფერი წესრიგზე ყოფილიყო ჭრიგორც სახლში, ისე ეზოში, რომ უკმაყოფილო არავინ დარჩენილიყო.

მალე ზაქროც ლოგინად ჩაწვა და თანდათანობით მისი ჯანმრთელობაც გაუარესდა. მამაჩემის შემდეგ დიდხანს აღარ უცოცხლია.



სახლი, რომელიც ასეთ მაგარ საძირკველზე იდგა, თითქოს დაინგრა.

ჩაეხიდა მუშაობაში—შემცვლელი არავინ მყავდა. ლევანი გაბრუნდა გიმნაზიის დასამთავრებლად, უმცროსებიც უკვე სასწავლებლებში იყვნენ. ვცდილობდი უმამობა არ დატყობოდა ოჯახს. გავხსენი პატარა არაყის სახდელი ქარხანა და შემოსავალი ოცი ათას მანეთამდე გავზარდე, მაგრამ ამ დროისათვის ლევანმა გაათავა გიმნაზია, არ ისურვა უნივერსიტეტში სწავლის გასაგრძელებლად საქართველოს საზღვრებს გასცილებოდა, და როგორც უფროსმა, მოინდომა მართვა-გამგეობა და მამულების საქმეების წარმოება. ის აუქმებდა ჩემს მიერ დადგენილ წესებს, რითაც უთანხმოებას იწვევდა. მე უფროსების პატივისცემით გაჩუმებული ვიყავი და დიდხანს ვითმენდი, მაგრამ როცა ძკის უყაირათობამ შემოსავლის შემცირება გამოიწვია, მე აღვშფოთდი, ყველაფერი დაწვრილებით ვუამბე დედაჩემს, მაგრამ დედამ არ დამიჭირა მხარი, და მეც გულის ტკივილით დავტოვე მშობლიური სახლი, რადგან არ მინდოდა ოჯახის ამბები საქვეყნოდ გამეხადა, და ფეხი შევდგი სხვა დამოუკიდებელ ცხოვრებაში.

სახლიდან რაიმე დახმარების მიღებაზე უარი ვთქვი და გადავწყვიტე სხვა რამ საქმისათვის მომეკიდა ხელისწორედ იმ ხანებში თბილისში ჩამოვიდა ინგლისის ფირმის წარმომადგენელი მატყლის შესასყიდათ. ფირმა მთელს კავკასიაში აწარმოებდა მატყლის შესყიდვას.

ერთმა მეგობარმა გამაცნო ეს წარმომადგენელი, იგი ხალისით დათანხმდა მიველე სამსახურში და თავის წარ-

შომადგენლად დამინიშნა. შევადგინეთ ხელშეკრულება, დამიტოვა შვიდი ათასი მანეთი ბეს დასარიგებლად, მე კი თვეში ჯამაგირი 300 მანეთი დამინიშნა.

გულმოდგინეთ შეკუდექი საქმეს, თითქმის ოცი ათასი ფუთი გაურეცხავი მატყლისა დავუმზადე. ერთი წლის შემდეგ ჩამოვიდა ჩემი მარწმუნებელი და ძალიან კმაყოფილი დარჩა ჩემი მუშაობით, ქათინაურიც მითხრა, რომ ის არ ელოდა ქართველი კაცისაგან ასეთ საქმიანობას.

როცა შემატყო, რომ მე ნაწყენი დავრჩი როგორც ჩემი ისე ჩემი თანამემამულეების შეურაცხყოფისათვის, ბევრი იბოდიშა, მაგრამ მე მკვახედ მოვუჭერი სიტყვა და ცივად გავშორდი.

გემი, რომელსაც ის მიყავდა მისი სამშობლოს ნისლოვან ნაპირებისაკენ, დაილუპა შავ ზღვაში, და მას აქეთ, ამ ბედუკუთმართ ფირმის შესახებ არაფერი გამიგია.

შემდეგ, ყარსის რკინიგზის იჯარებს მოგვიდეს ხელი. ყარსის რკინიგზას აშენებდა თავის საქმის კარგი მცოდნე ინჟინერი ვურცელი.

ორი წლის მუშაობის შემდეგ, მე უკვე მოგროვილი მქონდა პატარა თანხა, როკელიც ბანკში შევიტანე, და როგორც მონომანიან<sup>5</sup>), სულ მოგზაურობაზე ვოცნებობდი, თანაც ოჯახსაც არ ვივიწყებდი, რომლის საქმეები სულ უფრო ცუდათ და ცუდათ მიდიოდა. ლევანი აირჩიეს დუშეთის მაზრის თავადაზნაურობის წინამძღოლად და საშინლად გატაცებული იყო ამით — სინამდვილეში სრულიად დამლუპველი საქმით. წინამძღოლობას დიდი

ზარჯები მოსდევდა, ლევანი კი მხოლოდ მამულებს შეჩერებოდა.

დადგა 1896 წელი. ახლოვდებოდა რუსეთის მეფის კურთხევა. საქართველოშიაც დაიწყეს დღესასწაულისათვის მზადება. არჩევდნენ დეპუტატებს რუსეთში გასაგზავნად.

თავადაზნაურთა დეპუტაციაში მეც მოვხვდი. ჩვენს დეპუტაციას მეთაურობდა თბილისის გუბერნიის თავადაზნაურობის წინამძღოლი, მეფის კამერგერი, თავადი კონსტანტინე ივანეს-ძე მუხრან ბაგრატიონი.

ჩემთვის ეს დიდი ბედნიერება იყო. საქართველოს საზღვრების დატოვება, უსაზღვროდ ვრცელ რუსეთში წასვლა — პირველი საფეხური იყო საოცნებო უცნობი ქვეყნების ნახვისა. ჩემი ოცნება სინამდვილეთ იქცა. ბედნიერება ასე ახლო იყო და ასე შესაძლო გახდა, და მეც დიდის მონდომებით დავიწყე წასასვლელად მზადება — დავბოდი მკერავებთან ეროვნული ტანსაცმელის შესაკვეთად. ვიყიდე შესანიშნავი ქამარ-ხანჯალი — ერთი ცისფერი მინანქრით, მეორე კი ვერცხლითა და მარჯნით მოოჭვილი, განსაკუთრებით ხანჯალი და ხმალი იშვიათი ოსტატობით იყო გაკეთებული. კმაყოფილი და ბედნიერი, დელეგაციასთან ერთად 10 მაისს გავემგზავრეთ მოსკოვში. ჩასვლისას ვჩქარობდით სასტუმროში ოთახების დაჭერას, რადგან თითქმის მთელი რუსეთიდან და აგრეთვე საზღვარგარეთიდან ჩამოსული სტუმრები ავსებდნენ იქაურობას. ქუჩაში განუწყვეტელი ხმაური იდგა.

ალერსიანი, კაშკაშა მზე უხვად აფრქვევდა თავის სხი-

გებს ამ სხვადასხვა ეროვნებისა და სხვადასხვანაირ ტან-საცმელში გამოწყობილ ხალხს. ამ თვალისმომკრეღმა სანახაობამ ძალზე გამიტაცა და პირდაპირ აღფრთოვანებაში მომიყვანა.

ცოტა დასვენებისა, ტანსაცმელის გამოცვლისა და დანაყრების შემდეგ, ქუჩაში გავედი, ხალხის მორევმა მაშინვე ჩამითრია. ვიქირავე ეტლი, რომ თავისუფლად დამეთვალეირებია რუსეთის უძველესი სატახტო ქალაქი, რომელსაც ჩვენსავით გადატანილი ჰქონდა მრავალი თავდასხმა და შინაბრძოლები. მაისის ამ მშვენიერ, ნათელ დილას მისი ოქროსთავიანი გუმბათების ჯვრები ბრწყინავდნენ, აპობდნენ ცის სილურჯეს და თითქოს ღრუბლებისაკენ მიილტვოდნენ და მოუწოდებდნენ ყველას ეცქირათ ციური დიდებისათვის.

მეორე დღეს, მირქმის ტაძარში დანიშნული იყო მეფის კურთხევა. საქართველოს დეპუტაციას ცალკე ადგილი ჰქონდა მიჩენილი ეკლესიაში. მეფის საგვარეულოს მრავალი წარმომადგენელი, ყველა დიპლომატიური კორპუსები თან მოჰყვებოდნენ მეფის ოჯახს.

ტაძარი მაინცადამაინც დიდი არ არის, მაგრამ მისი მოწყობილობის სილამაზე აოცებდა ადამიანს. ჩემი სიამაღლის წყალობით მე ყველაფერს ვხედავდი.

აუარებელ სანთელთა შუქი, სამღვდელთების მოვერცხლილი სამოსელის ბრწყვიალი, კარისკაცთა და უცხოეთის პრინციების ოქრომკედით ნაკერი მუნდირები, ზანდილოსნების ულამაზესი და უმშვენიერესი ტანსაცმელი, ძვირფასი თვალმარგალიტით მოფენილი თავსართავეები, — ყველაფერი ეს საოცრად ბრწყინავდა.





პავლე კრიუგერი  
ტრანსვაალის პრეზიდენტი



მაგრამ სწორედ ამ დროს გაისმა „ხოდინკა“. 56) ამ სიტყვამ ყველა შეაძრწოლა.

ხოდინკაზე მოხდა არეულობა, რის დროსაც ათასობით ხალხი დაიღუპა. მოსკოვი დამგლოვიარდა, მაგრამ ეტიკეტი და პოლიტიკა მოითხოვდა კურთხევის დღესასწაულის გაგრძელებას.

საჭირო იყო, რომ ჟურნალისტებს არ მიცემოდათ საშუალება დაწვრილებით გამოექვეყნებიათ ის, რაც მოხდა და რომ რუსეთში საპასუხისმგებლო ადგილებზე უპასუხისმგებლო პირები არიან.

ჩუმაღ, კუთხეებში ჩურჩულებდნენ იმის შესახებ, რომ ახალგაზრდა დედოფალმა ბევრი იტირა, რადგან მომხდარ უბედურებას ახალი მეფისა და მისი მეფობისათვის ცუდის მომასწავებლად თვლიდა.

დღესასწაული გრძელდებოდა, მაგრამ მას სევდის ელფერი დაჰკრავდა.

სალამოთი წვეულება იყო გამართული. სურათი სურათს ცვლიდა, უძველესი კრემლი გაცოცხლდა—ყველა დროის ძმბრძანებლების მთელმა მწკრივმა გაიარა მის საუკუნეებით მდგარ თაღების ქვეშ, ყოველი მათგანი ავად თუ კარგად თავის დაღს ასვამდა რუსეთის ცხოვრებას.

ლამაზ ქალთა თაიგულში ერთი მეორეს სჯობდნენ, ერთი მეორეზე მეტად მომწონდა და მალეღვებდა. მათ შორის გამოირჩეოდა ელენე ჩერნოგორსკაია, რომელიც შემდეგში იტალიის დ დოფალი გახდა; აგრეთვე, ყველას ყურადღებას იპყრობდა მეორე ულამაზესი ქალი, ქართველების სასიხარულოდ და სასიქადულოდ—მარიამ მიხეილის ასული სუმბათაშვილი.

ფართოთ გაღებულ კარებიდან, შოპენის<sup>57)</sup> პოლო-  
ნეზის მომჯადოებელ ხმებზე გამოვიდა მბრწყინავი მწკრი-  
ვი, სამჯერ შემოუარეს დარბაზს ირგვლივ, და ყოველ  
შემოვლახე ინაცვლებდნენ წყვილში მყოფ მანდილოს-  
ნებს, შემდეგ დაიწყო ცეკვები.

ამ წვეულებაზე ჩემი ძველი მეგობრები საშა და  
გრიცკო ვიტვინტიენები ვნახე, ისინი თავს ქართველე-  
ბად თვლიდნენ, რადგან მათი დედა დადიანის ქალი იყო.

რუსეთში ყოფნის დროს ვცდილობდი გავცნობოდი  
რუს ინტელიგენციას, რომელიც ძალიან მალლა იდგა,  
დაუფლებული იყო ყოველ დარგს და წინ მიჰყავდა  
თავის მშობლიური მხარის ცივილიზაცია. ამ ინტელი-  
გენციას შეადგენდნენ ნიჭიერი მწერლები, პოეტები,  
მუსიკოსები და მხატვრები.

დეპუტაციასთან ერთად უკან დაბრუნებაზე უარი  
ვთქვი. ნიჟნინოვგოროდში გახსნილი გამოფენა მინდო-  
და მენახა, მთავარი კი ის იყო, რომ ვოლგით, ამ რუ-  
სეთის დედა-მარჩენალით, წამოსვლა მაინტერესებდა. სა-  
ნახავი ბევრი რამ იყო: განიერი, ფირუზის ფერი მდინა-  
რე დღით ნელა მიიკლაკნებოდა, მისი ზვირთები ოდნავი  
ხმაურით გადადიოდნენ ერთი-მეორეზე და იცვლიდნენ  
ფერს; ღამით მთვარე მიცურავდა ვარსკვლავებით მო-  
ჭედილ ცაზე, თავის ანარეკლს თითქოს წყალზე სტო-  
ვებდა, ყოველი ნაბიჯის გადადგმაზე მაოცებდა რუსე-  
თის ბუნების სხვადასხვაგვარი სილამაზე.

ჩემს ბედად, ჯერ კიდევ მოსკოვში შეეხვდი ჩემს მე-  
გობარს, ნადირობის დიდ მოყვარულს, თავად ნიკოლოზ  
ვახტანგის-ძე ორბელიანს.<sup>58)</sup> მე ვთხოვე წამოსულიყო ჩემ-

თან ერთად ნიჟნინოვგოროდამდე, რაზედაც სიამოვნებით დამეთანხმა. ის კარგ გუნებაზე იყო, რადგან კნენა ელისაბედ დიმიტრი ორბელიანის ასულის, ბარიატინსკის მეუღლის, ქონების ნახევარი მიიღო მეპკვიდროებით, მეორე ნახევარი დარჩა ევგენი დავითისძე ქობულაშვილს.

ჩვენი ვოლგაზე მოგზაურობის დროს, მან წინადადება მომცა, ბუნებისა და ნადირობის მოყვარულთა მთელ ჯგუფთან ერთად, წავსულიყავით ლომებზე სანადიროდ ცხელ ქვეყნებში.

აი, აქ ხელახლა წარმომიდგა ტარიელი მთელი თავისი ვაჟკაცობით და გამბედაობით. მე უკვე შემეძლო ვყოფილიყავი მისი პროტოტიპი. სუსტსა და უძლურს ბავშვობაში, ახლა ისეთი ძალა მქონდა, რომ ვერცხლის აბაზიანს სულ იოლად ვტეხდი შუაზე.

ამ წინადადების გაგონებზე, სიხარულისაგან ზევით წამოვხტი.

აღერსიანად მოვხვიე ხელი ჩემს მეგობარს, ვთხოვე საქმის კურსში ვყოლოდი და სამხადისის ყოველგვარი ამბავი ეცნობებია ჩემთვის. ნიჟნინოვგოროდში ერთმანეთს დავშორდით. იქიდან ასტრახანამდე სულ სხვა ხასიათით მივდიოდი, თითქოს ყველაფერი წარსულში გადავიდა, ახალი ცხოვრება მელოდა წინ და მასზე ოცნებამ გაიტაცა მთელი ჩემი არსება.

აუარებელი შთაბეჭდილებებით აღსავსე დავბრუნდი სახლში. ნახული და ჩემს მიერ უშუალოდ განცდილი პირველად დედაჩემს გაეუზიარე, მერმე კვლავ შევუდექი მამულის საქმეების მოწესრიგებას. ჩემი შინ არ ყოფნის დროს მეურნეობა დაქვეითებულიყო, დაუდევრობისა

და უყაირათობის გამო განადგურების პირას იდგა. მინდოდა ოჯახი უზრუნველმეყო და დღელამეს ვასწორებდნენ მუშაობაში, თან ველოდი ორბელიანის წერილს.

ცლა თითქმის ორ წელიწადს მომიხდა. ბოლოს, როგორც იყო დადგა სანატრელი დღე — პეტერბურგიდან მივიღე ორბელიანის დეპეშა, რომლითაც საჩქაროდ მიხმობდა. დაუყოვნებლივ შევუდექი მზადებას, მაგრამ დედაჩემს ვუმაღავედი, რომ ვტოვებდი არა თუ საქართველოს, არამედ რუსეთის საზღვრებსაც, რადგან ვშიშობდნენის ცრემლებს არ დავებრკოლები.

1899 წელს, ზამთრის მიწურულს გავემგზავრე პეტერბურგს.

თბილისის სადგურზე მიმაცილეს ნათესავეებმა და მეგობრებმა. ყველანი გარს მეხვეოდნენ, მისურვებდნენ კეთილ მგზავრობას და შინ მშვიდობით დაბრუნებას.

მესამედ დარეკეს ზარი.

სათითაოდ გადავკოცნე ჩემი კეთილისმდომნი და მევედი ვაგონში.

მატარებელი დაიძრა.

გავშორდი საყვარელ თბილისის საზღვრებს. მატარებლის თანაბარი სვლა ბრაზს მგვრიდა. მეგონა — კი არ მიდიოდა, მილოლავდა.

მეორე დღეს უკვე დაუსრულებელ ტრამალებზე მივქროდი. ყველაფერი თოვლით იყო დაფარული. დაბლა გაწოლილი რუხი ღრუბლები ჩემს ალტაცებულ გუნებას არ ეხამებოდა. ზოგჯერ მასევედიანებდა კიდეც.

როდის იყო, როდის არა მატარებელი შეგრილდა პეტერბურგში.

ვაგონიდან გადმოსვლისთანავე კოლა ორბელიანი გა-

დამეხვია. თავის ბინაში წამიყვანა. იგი ცხოვრობდა მცირე სახლვანო ქუჩაზე.

მიუხედავად ხანგრძლივი, მოსაწყენი მგზავრობისა, თავს მზნედ ვგრძნობდი და ვჩქარობდი გავდგომოდი უფრო შორეულ გზას. კოლას მეგობრებს სასაცილოდაც არ ყოფნიდათ ჩემი ჩქარა გამგზავრების სურვილი და როგორც დონ კიხოტს<sup>59</sup>) ისე მიცქეროდნენ.

ლომებზე ნადირობა ჩემთვის იყო მხოლოდ საბაბი — გავმგზავრებულიყავი შორ ქვეყნებში, მენახა უცხო ხალხები, გავცნობოდი მათ ზნეს, ჩვეულებას, კულტურას. დავმტკბარიყავი უცხო ბუნების სილამაზით. თუმცა მჯეროდა — საქართველოს მსგავსი მეორე ქვეყანა არსად იყო. აბა სად შეიძლება არსებობდეს კიდევ ასეთი მხარე, სადაც ყოველგვარი მცენარე ხარობდეს, ყოველგვარი ყვავილი ჰყვავოდეს, სადაც ამდენი ჩანჩქერები და ნაკადულები ჩქეფდნენ, უკულმა გადაგდებულა მარცვალეც კი წალმა ამოდიოდეს; სადაც ქალი და კაცი ასეთი ლამაზები იყვნენ. განსაკუთრებით ქართველი ქალი იყო და არის არა მარტო ლამაზი, არამედ იგი მამაკაცის ცხოვრების დამამშვენებელია, მისი მხნეობის, სიამაყის წყარო, მისი შთამაგონებელი და ვაჟკაცური სულის აღმზრდელი.

ფენელონი<sup>60</sup>) ამბობს: „მამაკაცებს, რომელთაც დიდი გავლენა აქვთ საზოგადოებაში, არ შეუძლიათ ქალის დაუხმარებლად რაიმე სასარგებლო გააკეთონ ცხოვრებაში“. ეს უწინარეს ყოვლისა, შეიძლება ითქვას ქართველ ქალზე, რომელიც მამაკაცთან ერთად იბრძოდა და იბრძვის უკეთესი მერმისისათვის.

აი, მე უკვე რუსეთის სატახტო ქალაქში ვარ. დი-



დებულის ნევა გრანიტის კალაპოტში ნელა მიატორტმანებს თავის ტალღებს. ნაპირზე დგას საუცხოოდ ნაგებო ე. წ. საზამთრო სასახლე, შორს მოჩანს პეტრეპავლეს ციხის გუმბათი.

აგერ, შესანიშნავი ტაძარი, მეფეთა სამუდამო საფანე; ირგვლივ ძვირფასი სახლები; სწორი, თვალუწვდენი ქუჩები. მათ შორის ყველაზე უფრო შესანიშნავია ნევის პროსპექტი ორივე მხრივ მდიდარი სავაჭროების გაჩაჩხახებულ ვიტრინებით. უთვალავი ეტლები, კარეტები,

ყველაფერი ეს რალაც საარაკო იერს აძლევს ჩემს თვალში ამ ქალაქს, მაგრამ არა, ეს არაა „ათასერთი ლამის“ ზღაპარი, ესაა ნამდვილი, ყოველმხრივ შემკული დიდი ქალაქი.

ერმიტაჟი?<sup>61)</sup> იგი ყველა საუკუნის და ყველა ხალხთა ხელოვნების ნიმუშების საგანძურია. ძნელია თვალი მოწყვიტო მასში მოთავსებულ მაგიურ ტილოებს. სადღა არიან მათი შემქმნელი ჯადოქრები? რა ხელმა შეახამა ეს უთვალავი ფერები და ჩვეულებრივი ფუნჯით გააცოცხლა ასეთი საოცრებანი? აქ შეიძლება განუწყვეტლივ იარო წლების განმავლობაში და ყოველ მისვლისას გეგონოს, თითქოს ყველაფერ ამას პირველად ხედავდე.

არანაკლებ შთაბეჭდილებას ტოვებენ ყაზანისა და ისაკის ტაძრები.<sup>62)</sup>

ძეგლები? აგერ პეტრე დიდის ძეგლი!<sup>63)</sup> ამ კუნთებდაძაბულ ფიგურაში, მისი ცხენის მიმართებაში, გამოსახულია მთელი ხალხის ძალა და წინსვლის დაუშრეტელი სურვილი.

ყველაფერი ეს კარგია, მაგრამ ჩვენი გამგზავრება რომ ყოვნდება? გაზაფხული დგება და ისევ პეტერბურგ-

ში ვარ. კოლას, როგორც იურისტს, რაღაც საქმე გაუჭიანურდა სასამართლოში და იძულებული ვარ ველოდო მის დამთავრებას.

ამ ხნის განმავლობაში ერთი წუთიც არ დამიკარგავს ტყუილუბრალოდ—ყველაფერს ვათვლიერებდი და ვაკვირდებოდი. ვიყავი სმოლნის ინსტიტუტშიც,<sup>64</sup> სადაც იზრდებოდნენ ჩემი ნაცნობი თავად გრუზინსკის ქალიშვილები. ზამთრის მზის მცხრალი შუქი ოდნავ აშუქებდა სვეტებიან დარბაზს და განსაკუთრებულ სინაზეს მატებდა თეთრ წინსაფრებიან ქალწულთა სახეებს.

ვიყავი მარინის თეატრშიაც.<sup>65</sup> მართალია, დიდათ გამიძნელდა ბილეთის შოვნა, მაგრამ სამაგიეროდ მრავინას მომხადოებელმა ხმამ პირდაპირ ფრთები გამომასხა, თუმცა ანტრაქტების დროს, მრავინასაგან მიღებულ შთაბეჭდილებას, მიზხამავდნენ ჩემსკენ მომართული ლორწებები და ბინოკლები.

მე გამოწყობილი ვიყავი ეროვნულ ტანისამოსში—ქულაჯაში, რითაც ვიქცევდი მშვენიერ ბანოვანთა განსაკუთრებულ ყურადღებას. ძლიერ ვნანობდი, რომ დაგუჯერე კოლას და ქულაჯით წავედი თეატრში, რადგან ჩემი ქულაჯის წყალობით შებორკილად ვგრძნობდი თავს, რაც ხელს მიშლიდა უფრო ღრმად განმეცადა მრავინას ხმა.

როგორც იყო, კოლა მორჩა თავის საქმეს და ორივე გავემგზავრეთ პარიზს. აქ უნდა დაგვეცადა დანარჩენი ამხანაგებისათვის, რომლებიც ჩვენთან ერთად უნდა წამოსულიყვნენ ცხელ ქვეყნებში ლომებზე სანადიროთ.

ისევ თოვს, მიწა მთლად დაფარულია თეთრად. ყინავს. ულვაშები და წვერი თოშით მევერცხლება, მაგრამ

გულში გაზაფხული მიღვივის, თვალწინ სახარის ცხელი უდაბნო მესახება...

ვარშავის მატარებელი უკვე პარიზისაკენ, ევროპის ამ ახალ ბაბილონისაკენ მიგვაქროლებს.

მივედით შეპეტოვკაში.

აქ პოლონეთის საზღვარია. ეს ოდესღაც ბრწყინვალე სახელმწიფო, თავის უხეირო მეფეთა წყალობით, ახლა უფლება-აყრილი და დაქუცმაცებული ქვეყანა იყო. მისი დიდი ნაწილი გერმანიის იმპერატორმა ფრიდრიხ II-მ<sup>66</sup>) მიიტაცა.

თოვლნარევი წვიმიანი ამინდი დაგვხვდა პარიზში, მაგრამ ცუდი დარი სრულებითაც არ უშლიდა ხელს მრავალმილიონიან ქალაქის მოუსვენარ ცხოვრებას. პირიქით, ამჟამად, პარიზი განსაკუთრებული სიცხოველით მოძრაობდა. მალე უნდა გახსნილიყო მსოფლიო გამოფენა და გამალებული ემზადებოდნენ დედამიწის ყოველი კუთხიდან სტუმრების მისაღებად.

გამოფენის ადგილას დღედაღამ განუწყვეტელი მუშაობა იყო.

მთელი პარიზი ცდილობდა ერთხელ კიდევ დაემტკიცებია ქვეყნიერებისათვის, რომ უმეფოთაც შეიძლება ცხოვრება, რომ პარიზი ახლა უფრო ცივილიზაციის კერაა, ვიდრე იყო ლუდოვიაკების დროს.

მართლაც, პარიზის ყოველი ძარღვი განსაკუთრებული ინტენსივობით ფეთქდა.

ტყუილა როდი უყვარდა პარიზი გერცენს.<sup>67</sup>) კარლ V-ემ<sup>68</sup>) კი პარიზს უწოდა მთელი სამყარო.

აი ეიფელის კოშკი.<sup>69</sup>) მისი მწვერვალიდან გადმოხედვის დროს, პარიზი მომეჩვენა უსასრულო ზღვად,

ადამიანთა ტალღები ბობოქრობდნენ და ქალაქის ნაპირებს ეხეთქებოდნენ.

მაგრამ იყვნენ ისეთებიც, რომლებიც ამ მღელვარე ცხოვრებიდან განზე იდგნენ. არსებული წესწყობილების გარდა, მათ არც ის მოსწონდათ, რომ მსოფლიო გამოფენისათვის ასეთი აურზაური იყო ატეხილი.

სალამოს მე და კოლა ვიჯექით ერთ კაფეში. გამოველაპარაკეთ უცნობ მოქალაქეს. ჭიქა ღვინოზე საუბრის დროს ამ მოქალაქეს შევატყვეთ, რომ იგი ალმაცერად უყურებდა არსებულ წესწყობილებას და მსოფლიო გამოფენის წინააღმდეგ იყო. „ამ კოსმოპოლიტურ ფუსფუსისაგან, — თქვა მან, — საფრანგეთი, ფრანგი ხალხი, ზარალის მეტს ვერაფერს გამოორჩება. აი თქვენ ნახავთ, ეს გამოფენა მსოფლიო გასართობი უფრო იქნება, ვიდრე ხალხთა შორის კულტურის, ცოდნისა და მეცნიერების გადანერგვის საშუალება. ჩამოვლენ ამერიკელები, ვიღაც პრინცები, პარიზის საკვირველებათა ნახვის სურვილით ალტკინებულნი სხვადასხვა ქვეყნის მილიონერები და გაიმართება ორგია. საკვები პროდუქტები კი გაძვირდება და ღარიბი ხალხი კიდევ უფრო გაჭირდებაში ჩავარდება“.

\* \*

მთელი ქალაქი გაჩირადდნებულა.

სენის ნაპირებზე ხეებზედაც კი სანათურები ჰკიდია.

ჩვენ დავდექით კონტინენტალის ქ. № 3 მდებარე სასტუმროში. სასტუმრო მაინცადამაინც ვერ იყო პირველხარისხოვანი, მაგრამ ამ ორომტრიალში უკეთესი ბინის

შოვნაზე ფიქრიც კი ზედმეტი იყო. ყველა სასტუმრო უკვე დაკავებული იყო უცხოელი სტუმრებისაგან.

დიდხანს დარჩენას არც ვაპირებდი პარიზში. მე გული უფრო ცხელი ქვეყნებისაკენ მიმიწევდა. მაგრამ კოლას პარიზელმა ქალებმა ისეთი თავბრუ დაახვიეს, რომ ფეხის გადგმაც არსად უნდოდა. შენი ლომები და ვეფხვეები არსად წაელენ, ნუ გეშინიაო, — მეუბნებოდა იგი სიცილით. არც კოლას მეგობრები ჩანდნენ. ისინი დაგვიპირდნენ პარიზს მალე ჩამოვიდოდნენ და ერთად წავიდოდით სამოგზაუროდ, მაგრამ რატომღაც იგვიანებდნენ.

სხვა გზა არ იყო, ხვედრს უნდა დაემორჩილებოდით. ერმიტაჟში ნახული მქონდა ეკატერინე II-ის მიერ საფრანგეთში შექმნილი გობელენები და გადავწყვიტე დამეთვალეწიერებია ის ფაბრიკა, სადაც ასეთ იშვიათ ქსოვილებს ამზადებდნენ. სახელმწიფოს შემოსავლის გადიდების მიზნით ეს ფაბრიკა თავის დროზე მოუწყვია ლიუდოვიკ XIV-ის<sup>79)</sup> ფინანსთა მინისტრს კოლბერს.

გავემგზავრე ლიონს, ფაბრიკის დირექტორმა დიდი თავაზით მიმიღო, ფაბრიკის ყველა ცეხი გამაცნო და დაწვრილებით ამიწერა მათი მუშაობის პროცესები. როცა გაიგო, რომ მე ბაგრატიონი ვარ, ფაბრიკის საგანგებო კოლექციიდან გამოითხოვა თამარ მეფის სურათი და გაცა განკარგულება ამოექარგათ იგი აბრეშუმზე. ამ ამბებამა დიდათ გამახარა და თანაც გამაოცა. ეს პატარა გობელენი დღესაც შინ მაქვს სრულიად დაუზიანებელი. დავბრუნდი პარიზს.

უკვე ოთხ თვეზე მეტი დრო გავიდა, რაც საფრანგეთში ვიყავით და კოლა ჯერ კიდევ არ აპირებდა პა-



რიზიდან დაძვრას, გადავწყვიტე მარტო გავმგზავრებულ-  
ლიყავი. კოლა ბევრს ეცადა, მაგრამ განზრახვაზე ხელი  
ვერ ამალებინა.

სექტემბრის ბოლო რიცხვებში, შაბათ დღეს, ჩავედი  
მარსელში. მშვენიერი დარი იყო. კვირას დღის 12 სა-  
ათზე საოკეანო გემით უნდა გავმგზავრებულყავი აფ-  
რიკისაკენ.

იწყებოდა ჩემს ცხოვრებაში სრულიად ახალი ხანა.  
რა მელოდა?

სრულ 12 საათზე კაპიტანი და ლოცმანი ავიდნენ სა-  
კომანდო კიბეზე, მეზღვაურებმა ფუსფუსი დაიწყეს. ას-  
წიეს ლუზა. გემის სიღრმეში აგუგუნდნენ მანქანები და  
ჩვენ თანდათან მოვშორდით ნაპირს, სადაც აუარებელი  
ხალხი იდგა და ხმამაღლა გვეთხოვებოდნენ, თან ცხვირ-  
სახოცებსა და ქუდებს გვიქნევდნენ. გემმა სვლას მოუმა-  
ტა. იგი საოცრად დიდ ნაპრალს ტოვებდა სარკეთ-  
ქცეულ ზღვაზე, რაც მალე ისევ ივსებოდა. ხმელთაშუა-  
ზღვაში შორს შევედით. სამხრეთის მოწმენდილ ციდან-  
მზე უხვად გვაფრქვევდა სხივებს.

ალტაცებული გავცქეროდი დატოვებულ ხმელეთს,  
რომელიც თანდათან სივრცეში ქრებოდა.

ერდოზე დიდხანს ვეღარ გავძელი, თავი ცუდათ-  
გივრძენი და კაიუტაში ჩავედი.

ზღვძს ავადმყოფობამ დამრია ხელი.

მიუხედავად დიდი ცდისა, საექიმო პერსონალმა ოდ-  
ნავათაც ვერ შემიმსუბუქა მდგომარეობა.

ვიწექი უძრავად, არაფერს ვჭამდი. ვსვამდი მარტო  
ლიმონიან წყალს.

შეორე დღეს ცოტა უკეთ გავხდი, მაგრამ ადგომის  
თავი მაინც არ მქონდა.

ერდოზე და მეზობელ კაიუტებში გაჩაღებული იყო  
ხმამაღალი ლაპარაკი და დავა ინგლისელების მიერ ბუ-  
რების წინააღმდეგ მოსალოდნელი გალაშქრების გამო.  
ზოგი ამტკიცებდა, რომ ინგლისელებს ამერიკელებიც  
დაეხმარებიანო, და ფრანგები აძაგებდნენ როგორც ინგ-  
ლისელებს, ისე ამერიკელებს, ჰკიცხავდნენ ინგლისის  
პრემიერს<sup>71</sup>) და ამერიკის პრეზიდენტს მაკ-კინლეის.<sup>72</sup>)

გეიზე იმყოფებოდნენ ინგლისელებიც და ამერიკელებიც.  
ფრანგი კაპიტანი ფრთხილობდა დავა ხელჩართულ  
ჩხუბად არ გადაქცეულიყო, ამიტომ მეზღვაურები წეს-  
რიგის აღსადგენად წინასწარ მომზადებული ყავდა.

მივედით ალექსანდრიაში<sup>73</sup>), მეზღვაურებმა ხელით გა-  
დამიყვანეს ხმელეთზე. ფეხზე დგომა არ შემიძლო. მთვრა-  
ლივით ვბანდალებდი. კეთილმა და თავაზიანმა კაპიტან-  
მა ჩემი თავი ჩააბარა ვილაც ფრანგს, რომელმაც მიმიყ-  
ვანა სასტუმროში. სასტუმროს პატრონი, ისიც ფრან-  
გი, თავის თანამემამულესავით გულშემატკივარი აღმოჩნ-  
და, საუკეთესო ოთახში მომათავსა და ცხოვრების ყო-  
ველგვარი პირობები შემიქმნა.

მომგვარეს ექიმში. იგი ლამაზი კაცი იყო, წარმოსადგეი,  
მაგრამ რა ეროვნებას ეკუთვნოდა, მგონი თვითონაც არ  
იცოდა. მშვენივრად ლაპარაკობდა როგორც ფრანგულად  
ისე ინგლისურ ენაზე... ჩემი ავადმყოფობა მან მიაწერა ხედ-  
ვითი ორგანოების სისუსტეს და მირჩია ზღვით მგზავრო-  
ბის დროს უთუოდ მეტარებია წითელ შუშიანი სათვალე-  
ექიმის წასვლის შემდეგ, სასტუმროს პატრონმა თავა-  
ზიანი საუბარი გაპიბა.

გამოირკვა, რომ სასტუმროს პატრონმა, ჩემი აღმო-  
სავლური იერის გამო, თურმე ეგვიპტის პრინცად შე-  
მიცნო. მე გულიანად გამეცინა. ვერაფრით ვერ დავარწ-  
მუნე, რომ ეგვიპტე თვალთაც არ მქონდა ჯერ ნახუ-  
ხული, მას უფრო ჯეროდა პასპორტის, რომელშიაც აღ-  
ნიშნული იყო ჩემი ტიტული. პირდაპირ საოცარია—  
ზოგიერთი ფრანგი, რა გინდ რესპუბლიკელიც არ უნდა-  
იყოს ის, არისტოკრატის დიდი თაყვანისმცემელია.

ამრიგად, მე უკვე იმ ზღაპრულ ქალაქში ვცხოვრობ, რომელიც შექმნა ალექსანდრე მაკედონელის<sup>74</sup> გენიამ და რომელიც ახლა იმყოფებოდა ინგლისის პროტექტორატის ქვეშ.

ამბობდნენ: მაკედონელი წუხდაო, რომ აღარსად დარჩა დაუპყრობი ქვეყანა.

მართლაც, როგორც ვიცით, იგი ბრწყინვალე, გენიალური სარდალი იყო, მრავალ გამარჯვებათა გამო, მას არაბები თითქმის ღმერთად თვლიდნენ, ხოლო ეგვიპტელები მზის შვილს ეძახდნენ.

გარდა იმისა, რომ მაკედონელი იყო იშვიათი მხედართმთავარი, მან ფართოდ გაშალა ანტიკური ქვეყნის პორიზონტიც და გაამდიდრა მისი კულტურა.

ალექსანდრიას ირგვლივ ზღვა არტყია. იგი განთქმულია თავისი აბანოებით და მუზეუმით, სადაც თავმოყრილია ძველი მსოფლიოს ხელოვნების ნიმუშები. ქალაქში უამრავი ლაბირინთია. სასმელი წყლის სიმცირის გამო, მიწის ქვეშ მოწყობილია მრავალი ქა.

ალექსანდრიის ბიბლიოთეკა—ეს იყო ადრინდელი, საუცხოო საგანძური, სადაც ინახებოდა ურიცხვი, იშ-

ვიათი, უნიკალური ფოლიანტი და პერგამენტი, მაგრამ განდალიზმმა არ დაინდო ძველი მსოფლიოს კულტურის ეს შესანიშნავი კერაც. 640 წელს ხალიფ ომარის დროს ბიბლიოთეკის საგრძნობი ნაწილი განადგურებულ იქნა. ამ უგნურ ქცევას იმით ამართლებდნენ, რომ თიფქოს მასში დაცული ყოფილიყო მუსულმანებისათვის მიუღებელი შინაარსის ხელნაწერები. თუმცე ძვირფასი პერგამენტებით კარგახანს ათბობდნენ აბანოებს, რომლებიც ასე უხვადაა აღექსანდრიაში.

უკანასკნელ საუკუნეებში დამპყრობლებმაც ბევრი რამ მოიტაცეს. მიუხედავად ამისა, ბიბლიოთეკა მაინც მდიდარია.

მეორე დღეს, დილით, როცა ქალაქში გავედი, გავვოცდი, ქუჩები სავსე იყო ახმაურებული ხალხით. თეთრი წამოსასხამები, ქრელი დოღბანდები, სხვადასხვა ფერის ტანისამოსი, აქა-იქ ევროპელ ქალ-ვაჟთა მორთულობა, ყველაფერი ეს მეტად კოლორიტულ სურათს ჰქმნიდა.

კარგახანს ვიდექი ერთ ადგილას ამ სანახაობით მოხიბლული: მშობლიური ქვეყნის ფერი და სურნელი ვიგრძენი.

მეორე სურათი კიდევ უფრო წარმტაცსა და დიადს წარმოადგენდა.

მშვიდად მოტორტმანე ზღვაზე, დილის ბურუსში გახვეული იყო მრავალი გემი, სამხედრო და სამკზავრო, მათი ანძების ტყე თვალსაწიერზე ოდნავ ირხეოდა.

აღექსანდრია როგორც თავის გარეგნობით, ისე ცხოვრებით დიდათ განსხვავდება სხვა ქალაქებისაგან. ზედმიწევნით თავისებურია. იგი მთლიანად აღმოსავლურ სტილზეა გაშენებული. ყოველ ფეხის ნაბიჯზე ჩანან ლა-

შაზი, ჰაეროვანი თეთრი მინარეთები, რომლებიდანაც  
გსურს გესმოდეს მშვენიერი ჰანგები და არა მუეძინების  
გულის ამრევი ხმა.

ამ ზღაპრულ ქალაქში, ეტყობა, დღეს არაჩვეულებ-  
რივადაა ხალხი აღგზნებული.

მიზეზი?

დიდმა, ძლიერმა, ცივილიზაციით მოამაყე ინგლისმა  
ომი გამოუცხადა სამხრეთ აფრიკაში მცხოვრებ პატარა  
ხალხს—ბურებს.<sup>75</sup>)

ქალაქში ხმაური თანდათან ძლიერდებოდა.

ადამიანები ყვიროდნენ, ერთმანეთს ეხლებოდნენ,  
სადღაც მიიჩქაროდნენ.

გაზეთების გამყიდველი ბავშვები საოცრად გაჰკიოდ-  
ნენ და ცეცხლწაკიდებულივით დარბოდნენ აქეთ-იქით.  
ხალხის მღელვარებამ მეც შემიპყრო.

დავბრუნდი სასტუმროში. სასტუმროს პატრონმა  
შითხრა:

— საზიზღრები არიან ეს ინგლისელები! თავისუფ-  
ლების მოყვარული ბურები უნდათ გადააქციონ მონებათ,  
ზოლო მათი ქვეყანა—კოლონიად.

გამახსენდა საყვარელი საქართველო!

მთელი ჩემი არსება მოიცვა ბურებისადმი თანაგრძ-  
ნობამ და უყოყმანოდ გულში ღრმად ამოვიჭერი დავხ-  
მარებოდი თავისუფლების მოყვარულ პატარა ხალხს,  
რომელსაც ინგლისი მოსპობას უპირებდა.

ცხელი ქვეყნებიდან დაბრუნების შემდეგ, მინდოდა  
შენახა რომი, ანტიკური ხელოვნების ეს დიდი სავანე,  
სადაც ამდენი უკვდავი მხატვრები და მოქანდაკენი დაი-  
ბადნენ, დამეთვალყვიებია მისი შესანიშნავი ძეგლები,



მაგრამ ბურებთან წასვლის სურვილმა ყველაფერზე ხელი ამაღებინა.

ბურების მდგომარეობა როგორღაც მაგონებდა ჩემს სამშობლოს და მწამდა, თუ შევებრძოლებოდი ბურების მტერს, ეს იმასაც ნიშნავდა, რომ მე ამით სამაგიეროს გადავუხდიდი ჩემი ქვეყნის მტრებსაც.

ჩემთვის ყველა დამპყრობელი, მოძალადე, ერთნაირად საძულველი იყო და ყოველთვის გული მიმიწევდა დავხმარებოდი დაჩაგრულს.

გადავწყვიტე ახლავე დამეტოვებია აღექსანდრია.

მხოლოდ ერთი რამ მაღელვებდა:

მიმიღებენ როგორც უცხოელს ბურები თავის ჯარში? მითხრეს: ყველა პატიოსან უცხოელ მოხალისეს ბურები ხელგაშლით ხვდებიანო.

ისიც გავიგე, რომ მათ არ ყავდათ, თურმე, მუდმივი ჯარი, მაგრამ თითოეული მამაკაცი განსაზღვრული ვადით, განსაზღვრულ ასაკამდე ვალდებული იყო შეესწავლა სამხედრო საქმე. შრომის მოყვარე ბურები იმავე დროს შესანიშნავ მსროლელებად, დისციპლინის მოყვარულ ვაჟკაცებად, გამბედავ მეომრებად ითვლებოდნენ და მუდამ მზად იყვნენ მკერდით დაეცვათ თავიანთი ლამაზი ქვეყანა.

თავისუფალი ბურები პრეზიდენტს და პარლამენტს — ნამდვილ სახალხო სამსჯავროს, ყოველგვარი ძალდატანების გარეშე და ალალი გულით ირჩევდნენ.

ამ ჟამად ბურებს პრეზიდენტად ყავდათ ყველასაგან პატივცემული და საყვარელი 75 წლის მხნე მოხუცი — პავლე კრიუგერი.<sup>76)</sup>

კრიუგერს ძულდა ინგლისელები.



პეტრე ყუბერი  
ბურების მთავარსარდალი

მან მტკიცედ უარყო მათი წინადადება პროტექტორატის შესახებ, მოხუცი პრეზიდენტი შეეცადა შეენარჩუნებია თავისი ქვეყნის თავისუფლება და ინგლისელთა მეორე თავდასხმისაგანაც ხალხი გამარჯვებული გამოეყვანა.

ყველა ამ ცნობებისათვის და, აგრეთვე, სტუმართმოყვარეობისათვის დიდი მადლობა მოვახსენე ჩემი სასტუმროს პატრონს.

შევუდექი მზადებას. საჭიროა ვიჩქარო. ფელდმარშალი ფრენჩი<sup>77</sup>) თურმე უკვე იოჰანესბურგშია. მაშა, სადაბე, სამხედრო მოქმედება ჯერ თუ დაწყებული არაა, მალე დაიწყება.

ჩემმა ლამაზმა ექიმმა მომამარაგა ლიმონით, წამლებით და წითელშუშიანი სათვალით.

მეორე დღეს ნავსადგურზე გამაცილეს სასტუმროს პატრონმა, ექიმმა და ახალგაზრდა მომვლელმა ქალმა. მან გემზე შესვლის წინ მიძღვნა პატარა, მაგრამ შესანიშნავი, სურნელოვანი თაიგული, რამაც ძლიერ გამახარა. დაიძრა გემი.

ისეთი გრძნობა მქონდა, თითქოს უცხო ქალაქს კი არ ვტოვებდი, არამედ მშობლიურს და ნათესავ-მეგობრებით სავსე ადგილს ვშორდებოდი.

ამ ჯერად ზღვის ავადმყოფობას გადავურჩი.


მთელი გზა თავს კარგად ვგრძნობდი.

გემმა მადაგასკარში შეუხვია სასმელი წყლისა და ნახშირის მოსამარაგებლად. იქ ერთი დღელამე დავყავით.

მადაგასკარი, რომელიც იმ ხანად საფრანგეთის კოლონიას წარმოადგენდა, მდებარეობს აფრიკის პარალელ-

ლურად, მათ ერთმანეთისაგან ჰყოფს მოზამბიკის სრუ-  
ტე. მადაგასკარის ბუნება ტროპიკულია, ცა მსოფყე ლურ-  
ჯი ფერისაა. ჩვენი, ქართული ღამეები მშვენიერია, მაგ-  
რამ მადაგასკარზე ღამე კიდევ უფრო წარმტაცია... იქ  
ვარსკვლავები საოცრად დიდნი და ბრწყინვალენი ჩა-  
ნან. მეტეორები ერთი კდიდან მეორემდე განუწყვეტ-  
ლივ სერავენ ცის კაბადონს და ფოსფორული ბრწყინ-  
ვალეებით ისარკებიან ოკეანის ვრცლად გადაშლილ მუქ  
შკერდზე. ოკეანე ღამით უძრავი იყო, არაფერი არღ-  
ვევს მის დიდებულ, მეფურ სიმშვიდეს.

მადაგასკარის მოსახლეობა საკმაოდ ქრელია. მცხოვ-  
რებნი თავიანთი იერით მალაელებს გვანან. ბევრია მონა-  
ზანგი. გოვას ტომის შვილებს უფრო ეტყობათ ცივი-  
ლიზაცია, მაგრამ სამაგიეროდ ულამაზონი არიან. ვნახე  
კიდევ გაურკვევი ტომი, რომელიც, ჩემის აზრით, თეთრ-  
კანიანებთან შერეული ტომი უნდა იყოს. მათი ქალები  
საოცრად ღამაზები არიან.







## ნაწიდი მეორე

ჩვენი გემი შევიდა დელაგოას ნავსადგურში. იგი მოწყობილია აფრიკის სამხრეთ ნაპირთან და არსებობს 1646 წლიდან. გადმოვედი გემიდან. მატარებლის გასვლამდე გადავწყვიტე დამეთვალეირებინა ახლო-მახლო ადგილები. როგორც კი ცოტა გავცდი ნავსადგურს, დავინახე ნახევრად შიშველი მამაკაცების ბრბო. ყველა შათვანი მეტად ლამაზი, მაღალი, მოყვანილი და ევროპელზე უფრო თეთრკანიანი იყო. ქერა გრძელი თმა მხრებზე ეყარათ.

წელზე თითოეულს რაღაც ხანჯლისმაგვარი ეკიდა. მათი ლამაზი, ლურჯი თვალების გამოხედვა თვინიერი

იყო. ერთმანეთს მხიარულად ეხმაურებოდნენ. ირგვლივ თოფებშომარჯვებული ინგლისელი ჯარისკაცების მჭიდრო რკალი ერტყათ.

ერთ-ერთ გამვლელ ფრანგს ვკითხე, თუ ვინ იყვნენ ეს შიშველი ადამიანები.

იგი შეჩერდა და რატომღაც გაოცებით შემომხედა.

— კაცის მჭამელები არიან, — მიპასუხა მან, — როცა ერთი ადგილიდან მეორე ადგილზე გადადიან, შეიარაღებული ინგლისელები მიაცილებენ დანიშნულ ადგილამდე და შემდეგ გაუშვებენ. ასე რომ არ იყოს, ვინ იცის რამდენ ჩვენგანს იმსხვეპლებდნენ.

ცოტახნის მერმე კვლავ განაგრძო:

— კაციქამია-კანიბალები ცხოვრობენ აფრიკის ახლო კანიბალის კუნძულებზე. კანიბალებს მეტად თავისებური ენა აქვთ. მათი წარჩინებული წარმომადგენლები ლაპარაკობენ ინგლისურადაც. კანიბალებს ყავთ თავიანთი მეფე, რომელიც ინგლისის ტახტის ვასალია, მაგრამ იგი მაინცაღამაინც არ ექვემდებარება ინგლისის დედოფალს ვიქტორიას<sup>78</sup>) და ხშირად ეურჩება მას.

ციემა ჟრუანტელმა დამიარა, როცა წარმოვიდგინე კანიბალების მიერ ადამიანების შეჭმის სურათი. ასეთი შემთხვევა კი ხშირია თურმე.

აქედან პირდაპირ გავემგზავრე ტრანსვაალის რესპულიკის დედაქალაქში პრეტორიაში, სადაც კრიუგერის რეზიდენცია იყო, მაგრამ პრეზიდენტი ვერ ვნახე. მითხრეს პრეზიდენტი იოჰანესბურგშიაო. დაუყოვნებლივ წავედი, მაგრამ იგი არც იქ აღმოჩნდა.

იოჰანესბურგი ძლიერ მომეწონა. საგსებით კეთილ-

მოწყობილი ქალაქია. აქ არსებობს ბურჟუაზიული ქალაქის ყველა ატრიბუტი—ბანკი, ბირჟა, მაღაზიები. მაღაზიები სავსე იყო მაშინ ინგლისური საქონლით. ტრანსვაალის ბაზრები ინგლისელებს ჰქონდათ დაპყრობილი. ამას ურიგდებოდნენ ბურები, მაგრამ როცა ინგლისელებმა დააპირეს მათი ეროვნული ღირსების შელახვა და მთელი რესპუბლიკის უბრალო კოლონიად გადაქცევა, ბურებმა მყისვე აისხეს იარაღი და მოძალადეებს მრისხანედ წინ გადაუდგნენ.

ცივილიზებულ ბარბაროსებისაგან კრიუკერის ქვეყანას დიდი საფრთხე ელოდა. ბურების შემართული იარაღი თუ ვერ გაიმარჯვებდა, რესპუბლიკა დაილუპებოდა.

ეს კარგად იცოდა მოხუცმა პრეზიდენტმა, ამიტომ არ ცილდებოდა თავის ჯარს და ამხნევებდა მას.

დიახ, ინგლისელები ემუქრებოდნენ ბურების რესპუბლიკას, მათ თავისუფლებას.

ეს სავსებით ჩვეულებრივი ამბავი იყო ინგლისის ისტორიისათვის. ინგლისის კაპიტალისტები მუდამ იმით იყვნენ გართულნი, რომ ყოველგვარ ახალს ებრძოდნენ, თავისუფალ ხალხს თავისუფლებას ართმევდნენ და თავიანთ მონებად ხდიდნენ.

ამ ლიუციფერებისაგან<sup>79)</sup> დიდიხანია მოსვენება არა აქვს კაცობრიობას.

განსაკუთრებით ისინი აღმოსავლეთში ეწევიან პოლიტიკურ ავანტიურას, აგრესიას და სადაც კი ფეხს დაადგამენ, ყველგან ცრემლისა და სისხლის ტბებს აყენებენ.

ინგლისის ყველა მთავრობა, მიუხედავად მათი მრწამსისა, ერთმანეთს გვანან და ერთიმეორის გზას აგრძე-

ლებენ სხვა ხალხების დასამონებლად, მათი დოვლათისა და განძის ხელში ჩასაგდებათ.

ისინი უსულგულონი და პირწავარდნილი მაკიაველები<sup>80</sup>) არიან სხვების მიმართ.

მაგონდება ერთი ამბავი:

ბალკანეთის ომის დროს, რუსეთის ერთ-ერთმა მეფისწულმა ინგლისის ტახტის მემკვიდრეს მიმართა თხოვნით ინგლისი დახმარებოდა ბალკანეთს.

უფლისის პრინცმა ეს თხოვნა გადასცა პრემიერ-მინისტრს პალმერსტონს, რომელმაც თავის მხრით რუსეთის მეფისწულს შემდეგი უპასუხა:

„მე ბედნიერი ვარ დაგარწმუნოთ ინგლისის ტახტის მემკვიდრის გულკეთილობაში, მაგრამ ამავე დროს გაცნობებთ, რომ თვითონ ინგლისს გული არა აქვს“.

კრიუგერს ჯეროდა, რომ სიმართლე მის მხარეზე იყო, რომ ევროპის სახელმწიფოები დაეხმარებოდნენ და ახლაც გადაარჩინდა რესპუბლიკას.

კრიუგერს დიდი იმედი ჰქონდა გერმანიის იმპერატორ ვილჰელმ II<sup>81</sup>), რომელსაც იგი თავის მეგობრად თვლიდა. ვილჰელმი კრიუგერს „დაეხმარა“ ინგლისელებთან პირველ შეტაკების დროს და მოხუც პრეზიდენტს ეგონა გაჭირვებაში არც ახლა დაივიწყებდა იგი. მაგრამ ამ დროს იფეთქა ბოქსიორთა აჯანყებამ ჩინეთში<sup>82</sup>) და მოკლეს გერმანიის ელჩი ბარონი კეტტელერი. აჯანყებულთა დახმარებით ჩინეთის ქვრივმა დედოფალმა უშუალოდ ხელში ჩაიგდო უზარმაზარი ქვეყნის მართვის სადავეები და მოინდომა ყველა უცხოელის განდევნა თავის ქვეყნის საზღვრებიდან.

ვილჰელმისათვის ახლა ხელსაყრელი არ იყო ინგლი-



სის გადაკიდება და თავისი ჯარი დაძრა არა კრიუგერის დასახმარებლად, არამედ ჩინეთის წინააღმდეგ — სხვა მოკავშირე სახელმწიფოებთან ერთად.

არც დანარჩენი ვეყნები ქვამოეხმაურნენ კრიუგერს.

მიუხედავად დიდი გამოცდილებისა, კრიუგერი ვერ ანსხვავებდა ინგლისთან პირველ შეტაკებას\*) ახლანდელ ომთან.

ინგლისთან პირველი ომი, ომი კი არ იყო, არამედ ის წარმოადგენდა ინგლისის მიერ ყაჩაღურ თავდასხმას და მას არ ჰქონდა ოფიციალური სახე. მაშინ ვილჰელმმა ბურებში გერმანიის გავლენის მოსაპოვებლად გაუწოდა ხელი კრიუგერს და გამარჯვებისთანავე გაუგზავნა მას მილოცვა, რითაც ინგლისელების აღშფოთება გამოიწვია.

ახლა კი საქმე სხვანაირად იყო.

ინგლისმა ოფიციალურად გამოუცხადა ომი ბურებს. ეს იმას ნიშნავდა, რომ ვინც ბურებს დაეხმარებოდა, ის ინგლისის აშკარა მტერი ხდებოდა. ბურების გული-სათვის ასეთი ნაბიჯის გადადგმას კი ყველა ერიდებოდა და არ უნდოდათ საომარ მდგომარეობაში ჩამდგარიყო მაშინ უძლეველი ინგლისის წინააღმდეგ.

\* \*

1497 წელს პორტუგალიელმა ვასკო-დე გამამ ჰოლანდიის გემით მოიარა სამხრეთ აფრიკის ნაპირები. შემდეგ აშისა, იქ ჰოლანდიელებმა დააარსეს პატარა კოლონია, მალე ამ ადგილებში გადმოსახლდნენ უმიწაწყლო და ბოგანო ფრანგებიც, ხელისუფლების მიერ დევნილი და ხელისუფლებასთან შეურიგებელი ადამიანები. გად-

მოსახლებულთა უმრავლესობას შეადგენდნენ ჰუგენოტები<sup>84</sup>). ახალ მიწაზე დასახლებულებმა პირველ რიგში ხელი მიჰყვეს მიწის დამუშავებას. ამრიგად, წარმოიშვა ბორთა, ანუ ბურთა<sup>85</sup>) ახალი ქვეყანა.

ბურმა ფერმერებმა ერთიმეორისაგან საკმაოდ დაშორებით მოაწყვეს ხუტორული მეურნეობა. ბურები ეწეოდნენ მესაქონლეობას, მევენახეობას და მიწის დამუშავებას. ბევრმა მოაშენა სირაქლემები, რომელთა ნაკრტენები მეტად ძვირად ფასობდა ევროპაში, ამ უცნაური ფრინველების შენახვა კი იოლი იყო. ბურებს აგრეთვე ჰქონდათ ოქროს მდიდარი საბადოები.

სამხრეთის მშვენიერმა ბუნებამ, ჯანსაღმა ჰაერმა და ნოყიერმა მიწამ, განსაკუთრებით შრომის დიდმა სიყვარულმა, ბურებს საშუალება მისცა სწრაფად გაეფუძოებინათ თავიანთი მდგომარეობა. თითოეული ბური თავს ვალდებულად რაცხდა რესპუბლიკისათვის გაეღო განსაზღვრული წვლილი. დაგროვილი თანხებით შენდებოდა ევროპული ქალაქები, გაყავდათ რკინიგზები, წყალსადენები და გზატკეცილები.

ბურები მუდამ დაღვრემილნი არიან, მათ სახეზე იშვიათად ნახავთ ღიმილს. ეს ნირი უთუოდ ბათლომეს ღამის<sup>86</sup>) შემდეგ მოდევთ მათ. როგორც ცნობილია, ამ ღამეს თავისი დედის ეკატერინე მედიჩის ჩაგონებით კარლ IX გასცა ბრძანება ამოეწყვიტათ ჰუგენოტები. ამავე ღამეს კათოლიკებმა ფანჯრიდან გადააგდეს და მოკლეს სამშობლოს წინაშე დამსახურებული მოხუცი ადმირალი კოლინი, რომელიც ითვლებოდა ჰუგენოტების ერთ-ერთ მეთაურად.

ბურები ზოგჯერ უცნაურებიც არიან. ისინი ომობენ თავიანთი განწყობილებისა და შეხედულებისამებრ, რასაც ხშირად მოყოლია კატასტროფა. მათი დისციპლინა, უმთავრესად, რელიგიაა, რამაც, აგრეთვე, რესპუბლიკის სახელმწიფოებრივ ორგანიზაციას უდავოდ თავისი დალი დაასვა. მიუხედავად ამისა, მათ ყავდათ შესანიშნავი გენერლები, რომლებიც ბრწყინვალედ აწარმოებდნენ პარტიზანულ ომს.

საერთოდ კი ბურებს მტკიცე ხასიათი აქვთ და ღრმად დარწმუნებულნი არიან თავიანთ ძალაში.

XVIII საუკუნის მიწურულამდე ბურები მშვიდად ცხოვრობდნენ. ჰქონდათ თავიანთი პარლამენტი და ყავდათ არჩეული პრეზიდენტი.

მაგრამ, აი გამოჩნდნენ ინგლისელები და შექმნეს ახალი ახალშენები. ისინი პირველად დასახლდნენ ნატალში და როცა ფეხი კარგად მოიკიდეს, მოითხოვეს სხვა რესპუბლიკეობთან უფლებრივი გათანასწოლება, იმავე დროს ისინი უარს ამბობდნენ ეკისრათ სამოქალაქო ვალდებულებანი რესპუბლიკის წინაშე, კერძოდ, არ უნდოდათ სამხედრო ვალის მოხდა.

მიუხედავად ინგლისის მხარის დაქერისა, ბურების პარლამენტმა ისინი არ მიიღო რესპუბლიკის სრულუფლებიან მოქალაქეებად.

მაშინ ინგლისის მთავრობა შეეცადა ხელში ჩაეგდო ინგლისელებით დასახლებული ნატალი. დიდხნის დავისა და დიპლომატიურ მოლაპარაკების შემდეგ, ბურები იძულებულნი გახდნენ დათმობაზე წასულიყვნენ და მათთვის მიეყიდნათ ნატალი.

ბურებს კვლავ დაუწყეს შევიწროვება ინგლისელებმა, მაშინ ბურების ერთმა ნაწილმა დატოვა კასკის თავდაპირველი საბინადრო და პრეტორიუსის მეთაურობით გადავიდნენ მდინარე ვაალის გაღმა, დააარსეს ტრანსვაალის ახალი რესპუბლიკა და პირველ პრეზიდენტად აირჩიეს პრეტორიუსი.

ბურების მეორე ნაწილმა დააარსა მეორე რესპუბლიკა ორანჟი.<sup>87)</sup>

ნატალზე აღმოჩენილ ალმასის დამუშავებას აწარმოებდა ინგლისური საზოგადოება სესილ როდსის მეთაურობით. სესილ როდსმა<sup>88)</sup> მოინდომა ხელში ჩაეგდო ტრანსვაალში აღმოჩენილი მდიდარი საბადოებიც. როცა ბურები წინ აღუდგნენ, მაშინ ინგლისელებმა მიმართეს ძალადობას, მაგრამ აჯანყებულმა ბურებმა სასტიკად დაამარცხეს ისინი. ამ გამარჯვების გამო ბურებმა თავიანთ მთავარ ქალაქს პირველი პრეზიდენტის პრეტორიუსის პატივსაცემად დაარქვეს პრეტორია.

ბურების წინააღმდეგ ინგლისის ამ გალაშქრებამ დიდი აღშფოთება გამოიწვია მთელ მსოფლიოში. სწორედ ამ დროს ინგლისის მთავრობას სათავეში ჩაუდგა ლიბერალი გლადსტონი,<sup>89)</sup> რომელმაც ინგლისის რეზიდენტს აფრიკაში გაუგზავნა ცნობილი დეპეშა: „ჩვენ დამნაშავე ვართ ბურებთან, დადევნი ზავი“. მაგრამ ეს იყო თვალთმაქცობა. ინგლისს ერთი წუთითაც არ შეუწყვეტია ფიქრი ტრანსვაალის დასაპყრობად. უცდიდნენ უფრო ხელსაყრელ პირობებს და აი, ინგლისის მთავრობამ ახლა ომი გამოუცხადა ბურებს.

ეს მოხდა 1899 წელს.



ამ ამბავმა, როგორც ერთი კაცი, ფეხზე დააყენა მთელი რესპუბლიკა და მოხუცი პრეზიდენტის მეთაურობით შეუდგა ომისთვის სწრაფად მზადებას.

კრიუგერი არც იოჰანესბურგში აღმოჩნდა. იგი ფრონტზე წასულიყო.

მეორე დღეს გადაწყვიტე პრეზიდენტის დაბრუნებამდე დამეთვალე რებია მახლობელი მიდამოები და გავცნობოდი სოფლად მცხოვრებ ბურებს.

სასტუმროს პატრონმა ფრანგმა ჰუგენოტმა დაუყოვნებლივ მიშოვა ადგილობრივი ჯიშის, დაბალტანიანი ცხენი და შავკანიანი გამყოლი.

მისივე დახმარებით შევიძინე რევოლვერი, მოკლე ლულიანი თოფი და ვაფემგზავრე.

მიუხედავად იმისა, რომ ოქტომბერი იყო, საკმაოდ ცხელია.

ჩემი ცხენი შესანიშნავი თოხარიც გამოდგა.

ჰაერი გაქლენთილი იყო უცხო ყვავილთა სურნელებით.

ფართოდ გაშლილ უღრუბლო ცას კრიალი გაუდიოდა. ირგვლივ თვალს იტაცებდა ტროპიკული ტყე. კოკოსის მაღალი, მწვანე ხეები ლურჯ ცის თაღებს წვდებოდნენ. ტყეში გაბმით ისმოდა ჭრელი ჩიტების ჟღურტული. ათასგვარი ფერის ბუმბულით შემოსილი თუთიყუშები გაოცებით მადევნებდნენ თვალს.

შუადღისას მზე საოცრად გავარვარდა. გარემოვხტი ცხენიდან და შევედი ღრმად ტყეში, რომ ცოტა სული მომეთქვა.

უცებ გამოჩნდა მომცრო ტაფობი და გაოცებული შევდექი:

პატარა მაკაკები თავდავიწყებით დარბოდნენ, თითქოს თვალხუჭობანას თამაშობენო. ზოგი კუდიტ ეკიდა ტოტზე და ქანაობდა.

დაუფიქრებლად მყისვე ამოვიღე რევოლვერი და ვესროლე ერთ მაიმუნს.

დაჭრილმა საშინლად, ბავშვურად იყვირა. მიცვივდნენ სხვა მაკაკები და მომაკვდავს ზრიალით გარს შემოეხვივნენ.

თავი დამნაშავედ ვიგრძენი, ჩემი გამყოლი კი იცინოდა.

მაშინვე გამოვედი ისევ გზაზე, რომელიც შუაგულ ტყეში იყო გაჭრილი.

კარგახანს ვიარეთ.

ოდნავ დაჰქროლა ნიაემი და გზისპირას ჩარიგებული ხეების ფოთლები ააშრიალა. ცას ახლა მწიფე ატმის ფერი გადაჰკვროდა. ყოველივე თვალის მომტაცი ფერებით იყო შემკული.

მხლებელი უკან მოდიოდა და რალაცას ღიღინებდა.

ჩემი ცხენი უეცრად შედგა და გაქვავდა. მოულოდნელად შეჩერების გამო ლამის უნაგირიდან გადმოვვარდი. გაკვირვებულმა ირგვლივ მიმოვიხედე, არაფერი არ ჩანდა. ათრთოლებულ ცხენს დეზი ვკარი, მაგრამ აღგილიდან ვერ დავძარი. ამ დროს წამომეწია შეშინებული გამყოლი და მან დამანახვა საშინელი სურათი: ჩვენგან კარგა მოშორებით გზაზე გარდიგარდმო იწვა უზარმაზარი რუხი მახრჩობელა გველი. ბოლო გზის ერთ ნაპირის ტყეში ჰქონდა, თავი მეორე ნაპირის ბუჩქებში. გველს ეძინა და ეს იყო ჩვენი ხსნა. ცხენები განზე მივაბრუნეთ და ელვის სისწრაფით გავკურცხლეთ. მათ აღარ

ჭირდებოდათ წაქეზება, თავისთავად მთელი სისწრაფით მიჰქროდნენ.

მე არა ვარ მშიშარა, მაგრამ ამ საოცრების დანახვამ თავგზა ამიბნია. ცხოველური შიშის გამო ყოველი კუნთი მითრთოდა.

გამოჩნდა განმარტოებული ფერმა და ჩვენ გიჟებით შევაგელვეთ მასში ცხენები. ფერმის პატრონებმა თავაზიანად მიგვიღეს. აფუხსენით რის გამოც ვიყავით ასე შეშფოთებულნი. ცოტა არ იყოს, მასპინძლებიც შეკრთნენ. შემიყვანეს ერთ მომცრო ოთახში, გამყოლი კი გარეთ დარჩა გაქაფული ცხენების მოსავლელად.

კვლავ მახრჩობელა გველი მელანდებოდა.

ბეწვზე გადავრჩით. რომ არ ძინებოდა, მის გიგანტურ ნახტომებს, რა თქმა უნდა, ვერ გავასწრებდით. ამ საშინელი ცხოველის ერთი დანახვაც კი ყოველგვარ მხეცს, მათ შორის ლომებსაც, ძრწოლას გვრის.

ცოტა დავისვენე. გონს მოვედი.

გამყოლი მოვიკითხე, იგი, თურმე სამზარეულოში იყო და მადიანათ შეექცეოდა სადილს.

მეც მალე მიმიწვიეს სასადილოთ.

ჩემს მასპინძელს 5 შვილი ყავდა, ორი მათგანი ქალი იყო, ასე 15—17 წლის. სუფთა ოთახში მაგიდაზე ერთი ბოთლი ღვინის გვერდით ყვავილებიანი თიხის ლარნაკი იდგა.

სადილის წინ მასპინძელმა ბიბლია გაშალა და ამ დღისათვის შესაფერი თავი წაიკითხა. მერმე უფროსმა ვაჟმა ლოცვა წარმოსთქვა, რის შემდეგაც შემოვუსხედით სუფრას. საკმელი გლახური—მსუყე და ვემრიელი იყო.

მთელმა ოჯახმა პირველი ჭიქით ჩემი სადღეგრძელო შესვა.

სადილის შემდეგ მასპინძელს ვთხოვე ეჩვენებინა ჩემთვის თავის მეურნეობა.

გავედით გარეთ.

დიდი, სუფთა ეზოს ირგვლივ გარს ერტყა უხეშად მოჭრილი ქვის მაღალი ლობე. ეზოს ერთ ყურეში თივის ზვინები შეენიშნე. მის მახლობლად თავლა იყო გამართული, იქვე ორთვალნიანი ბოსელი იდგა, ერთ დიდ თვალში სუფთა ბაგაზე ორი ჯიშნიანი ძროხა ება, მეორე თვალში ხბოებს ამწყვდევენ. ყველგან ყველაფერი კრიალებდა. თავლასა და ბოსელში ელექტრონი იყო გაყვანილი.

მეორე მხარეს მოწყობილი იყო საკმაოდ დიდი ფარეხი.

ჩემი მასპინძელი ტიპიური ჰოლანდიელი იყო, რემბრანდტის<sup>90</sup>) ფუნჯით დახატული. ფრანგულად ლაპარაკი უჭირდა. შემომჩივლა, რომ ამ ბოლო დროს მის ფერმას შეჩვევია საოცარი სიდიდის ვეფხვი და რამდენიმე ცხვარი უკვე მოუტაცნია.

იგი აგრეთვე წუხდა ინგლისელების მიერ ომის გამოცხადების გამო. კარს მომდგარი ორივე ეს საწიშროება ეტყობოდა მას ძლიერ აშფოთებდა.

როცა მთელი კარ-მიდამო დავათვალიერე, მასპინძელმა მირჩია დამესვენა. მართლაც, ძლიერ დაღლილი ვიყავი და თანაც შიშნაქამი, ამიტომ მაშინვე შევედი ჩემთვის განკუთვნილ ოთახში, მაგრამ ვერ დავიძინე და მზის ჩასვლისთანავე ზეზე წამოვდექი. ცხელი დღე შე-



იცვალა გრილი ლამით. ფანჯრებიდან გავხედე ცას. იგი ვარსკვლავებით იყო მოჭედილი. მაგრამ ბრწყინვალე ცა ერთბაშად დაბნელდა და ატყდა საშინელი ქექა-ქუხილი.

დედამიწა ირყეოდა.

წამდაუწუმ თვალის მომკვეთად ელავდა.

მალე წამოვიდა კოკისპირული ტროპიკული თქეში.

ქექა-ქუხილი გრძელდებოდა. ცისა და მიწის ზანზარს თან ერთვოდა გარეული მხეცების ღმუილი.

შემოვიდა მასპინძელი და მიმიწვია ყავაზე. ყავა შესანიშნავი იყო. მისი დამატრობელი სურნელება მთელ ოთახში იდგა. გაიმართა საუბარი. დამიწყეს ფრთხილად გამოკითხვა: ვინა ვარ და რა მინდა მათ რესპუბლიკაში. თანაც თვალს არ აშორებდნენ ჩემს ჩაცმულობას.

მე სიამოვნებით დავაკმაყოფილე მათი სრულიად ბუნებრივი ცნობისმოყვარეობა, ხოლო როცა განვაცხადე, რისთვისაც ვიყავი ჩასული, ოჯახის წევრები მაშინვე წამოდგნენ და დიდი მოწიწებით სათითაოდ ჩამომართვეს ხელი.

უცებ ზედ სახლის კარებთან გაისმა გაბმული ღრიბლი, რამაც ყველას ფერი გაგვიკრთო.

მყისვე ფეხზე წამოვხტი, მეორე ოთახში დატოვებული თოფი გამოვარბენინე და მიუხედავად მასპინძლების წინააღმდეგობისა კარი გამოვადე. უკვე აღარ წვიმდა, მთვარისაგან ყველაფერი თეთრად ქათქათებდა. თვალი მოვკარი ვეფხვს. მისი შავფორეჯებიანი ოქროსფერი ტანი ათასფერად ლივლივებდა მთვარის შუქზე.

დავუმიხნე და ვესროლე. სროლის ხმასთან ერთად

გაისმა საშინელი ღრიალი. ვესროლე მეორეჯერაც. ვეფხვი კიდევ ერთხელ შეხტა და მიწაზე უსულოდ დაეცა.

ეს უკვე ტარიელის გმირობას უდრიდა და მე საკუთარი თავით მეტად კმაყოფილმა დავაპირე სახლში შესვლა, მაგრამ კარები დაკეტილი დამხვდა.

— ნუ გეშინიათ, გააღეთ, ვეფხვი მოკლულია! — რატომღაც ყვირილით მივმართე შეშინებულ მასპინძლებს. გაბედეს გარეთ გამოსვლა.

მე კი დასაძინებლად შევედი შინ.

დილის 6 საათზე უკვე მეღვიძა. ოჯახის წევრები საუზნეზე მელოდებოდნენ.

კვლავ ბიბლიის კითხვა და ლოცვის წარმოთქმა.

გულდაგულ ვისაუზნეთ, რის შემდეგ მასპინძლებს დიდი მადლობა მოვახსენე და ეზოში გავედი.

ჩემს გამყოლს ცხენები უკვე სამგზავროდ მოემზადებია.

ფერძის პატრონმა სამახსოვროდ მომართვა წუხელ ჩემს მიერ მოკლული ვეფხვის ტყავი.

ეს მართლაც დიდი საჩუქარი იყო და გახარებულმა მასპინძელი ლამის გადავკოცნე.

ამ დროს ჭიშკარს მოადგა ხელისუფლების წარმომადგენელი, რომელმაც ჩემს მასპინძელს თხოვა თავის ხვედრი ფული ვადაზე ადრე გადაეხადა, და აგრეთვე შეძლებისამებრ, სურსათ-სანოვაგე ჩაებარებია ჯარის გამოსაკვებად.

ოჯახის უფროსი მაშინვე შეუდგა რესპუბლიკის წინაშე თავის წმინდა მოვალეობის მოსახდელად საჭირო თადარიგს.



გენერალი ბოტა  
ბურჯინის უკანასკნელი მთავარსარდალი

ხელისუფლების წარმომადგენელს გამოველაპარაკე.

მისი სიტყვიდან გავიგე, თავდაცვის ხაზიდან პრეზიდენტი გუშინ სალამოს დაბრუნებულიყო იოჰანესბურგში და უკვე პრეტორიაში გამგზავრებულიყო. გადავწყვიტე აქედან მეც პირდაპირ პრეტორიაში წავსულიყავი. მანვე მასწავლა, თუ რომელი გზით უფრო უხიფათო იქნებოდა ჩემი უკან დაბრუნება, წინააღმდეგ შემთხვევაში შეიძლებოდა ინგლისელების განლაგების ზონაში მოვხვედრილიყავი.

დავემშვიდობე ყველას და გავუდექი გზას.

მიუხედავად წუხანდელი თქემისა, მიწა ამ დილით მთლად მშრალი იყო. ტყეში ფოთოლიც არ ირხეოდა. დიდი ბობოქრობის შემდეგ ბუნება თითქოს ისვენებდა. მზე კარგა მაღლა იყო წამოსული, მაგრამ გუშინდელთან შედარებით გაცილებით გრილოდა.

ინგლისელებისა და მახრჩობელა გველის შიშით, მე და ჩემი გამყოლი ახლა უკან ვბრუნდებოდით სულ სხვა მიმართულებით, რის გამოც ზოგან გაუფლელი ადგილების გადალახვაც გვიხდებოდა, რაც აბრკოლებდა ჩვენს მგზავრობას.

მხოლოდ მზის ჩასვლისას მივალწიეთ პრეტორიას. სასტუმროში მისვლისთანავე სასტუმროს პატრონს ვთხოვე გაეგო, თუ როდის შეიძლებოდა მენახა პრეზიდენტი.

— რა თქმა უნდა, დღეს აღარ მოხერხდება მისი ნახვა. მიუხედავად ყოველგვარი მდგომარეობისა, პრეზიდენტი მუდამ სალამოს 7 საათზე წვება და დილის 3 საათზე დგება. შემიძლია გავიგო მხოლოდ ხვალ რა

ბ. ნ. ბაგრატიონი



დროს ისურვებს იგი თქვენს მიღებას, — მითხრა მან და წავიდა.

მალე დაბრუნდა.

— ვნახე ძალუა სამა, — მაცნობა მან ალერსიანად, — მისი სიტყვით, პრეზიდენტს შეგიძლიათ ეახლოთ მხოლოდ ზეგ, ორშაბათს, დილის 11 საათზე.

— სამა ვინაა? — ვკითხე მე.

გამოირკვა, რომ ბურები თავის მოხუც პრეზიდენტს, კრიუგერს, ეძახოდნენ ბიძია პავლეს, ხოლო მის მეუღლეს — ძალუა სამას.

ზეგამდე გაძლება არ გინდოდა?

მეორე დღეს კვირა იყო. ამ დღეს ყოველი ბური მხოლოდ ეკლესიაშია და მერმე თავის ოჯახში. ესაა კულტი. კვირაობით არც ერთ უცხო კაცს არ იღებენ. არც გარეშე ამბებზე მსჯელობენ. ეკლესიაში ლოცულობენ, ოჯახში ისვენებენ და აქაც სასოებით არიან გამსჭვალულნი. როგორც ჩანს, ახლაც, ომის პირობებში, ამ წესს არ არღვევენ, თორემ ძალუა სამა ხვალვე უთუოდ მომიწყობდა პრეზიდენტთან შეხვედრის საქმეს.

გულდაწყვეტილი დავწექი. გუშინ და დღეს მგზავრობითა და განცდილით დაღლილს ღრმად ჩამეძინა.

დილის 8 საათზე სასტუმროს პატრონმა გამაღვიძა და მირჩია, თუ პრეზიდენტის დანახვა მინდოდა, გავჩერებულყავი ფანჯარასთან.

დაუყოვნებლივ წამოვდექი.

სასტუმრო ისეთ ადგილზე იყო, რომ ეკლესიაში ლოცვის მსურველს უთუოდ მის წინ უნდა გაეგლო. პატარა ტაძარი ძველ ჰოლანდიურ ხუროთმოძღვრების ნიმუშს

წარმოადგენდა. მღვდელთმსახურებაც ჰოლანდიურ ენაზე წარმოებდა. აქვე უნდა შევნიშნო, რომ ბურების სახელმწიფო ენად ითვლებოდა ჰოლანდიური.

გაფაციცებით ვიცქირები თანჯარაში.

აი, გამოჩნდა ეკლესიისაკენ მიმავალი პრეზიდენტის ამალა. წინ მოუძღვება კრიუგერი, მალალი, მხარბეჭიანი მხნე მოხუცი, რომელსაც მკლავდამკლავ მოყავს თავის მეუღლე. პრეზიდენტის მეუღლე ქმარზე უფრო დაბალია და გამხდარი. იგი წარმოშობით ფრანგი-ჰუგენოტია, და მრავალი შვილის დედა.

მათ უკან, დაშორებით, მოყვებათ სამი წარჩინებული სამხედრო პირი—ჟუბერი,<sup>91)</sup> კრონიე<sup>92)</sup> და დელარეი.<sup>93)</sup> შემდეგ მოდიან სხვადასხვა თანამდებობის პირნი და პრეზიდენტის ოჯახის წევრები. მთელ ამ ამალას, როგორც მცველები, ირგვლივ არტყია თეთრ მუხნდირებში გამოწყობილი ბური ოფიცრების წრე.

გადავწყვიტე მეც წავსულიყავი ეკლესიაში.

— უხერხული ხომ არ იქნება, ან თავხედობათ ხომ არ ჩამეთვლება უცხო ეროვნებისა და სარწმუნოების კაცი თქვენს ეკლესიაში წავიდე? — ვკითხე სასტუმროს პატრონს.

მან დამარწმუნა—მლოცველ ბურებს ეს სასიამოვნოდაც დარჩებათო.

გავხსენი ჩემოდანი და ამოვიღე ახალთახალი ჩოხა-ახალუხი, მე იგი ამ დღეს პირველად ჩავიცვი.

არა თუ რევოლვერი, ხანჯალიც კი არ დამიკიდია. სასტუმროს პატრონიც წაძომევა.

როდესაც ეკლესიის ზღურბლს გადავაბიჯეთ, საკმე-

ველის მძაფრი სურნელი ვიგრძენით. ყველა სკამი დაკავებული აღმოჩნდა. მლოცველები გართული იყვნენ ლოცვაში და ჩვენი მისვლა არც კი გაუგიათ.

განმარტოებით, ფრთხილად დავდექით კუთხეში.

ორღანო რაღაც ღვთის სადიდებელ მელოდიას უკრავდა. მალე ორღანოს ხმაზე მლოცველებმა დაიწყეს ამ დღისათვის განკუთვნილი ფსალმუნის გალობა.

ეტყობოდა, ყველა განსაკუთრებული ექსტაზით იყო მოცული და იმავე დროს ყველას იმედი ჰქონდა—ღმერთი უთუოდ გაამარჯვებინებდათ მტერზე.

დამთავრდა წირვა.

ხალხმა წყნარად დაიწყო ეკლესიიდან გასვლა.

ისე მოხდა, რომ მე და ჩემი სასტუმროს პატრონი სულ ახლოს აღმოვიჩნდით ძალუა სამასთან.

ამით ისარგებლა მან და გამაცნო პრეზიდენტის თანამეცხედრეს.

საიამ დედობრივი კილოთი მთხოვა ხვალ, 11 საათზე უთუოდ ვწვევოდი მის მეუღლეს.

მე დიდი მადლობა მოვახსენე და განზე გავდექი.

პრეზიდენტი და მისი მხლებლები იმავე წესით გაემართნენ შინისაკენ, როგორც მოვიდნენ ეკლესიაში.

ძალუა სამამ ჩემზე წარუშლელი შთაბეჭდილება დატოვა. იგი უყვარდათ არა მარტო ბურებს, არამედ, რაც მეტად საკვირველია, ინგლისელებსაც. თუ გადმოცემის მიხედვით განვსჯით, ის თითქოს არ იყო მიწიერი არსება. ეს მოხუკი კეთილი ქალი მტერსა და მოყვარეს ერთნაირი მხრუნველობით ექცეოდა და ყველას მწუხარებას თავის მწუხარებად თვლიდა.

იგი გულწრფელად ლოცულობდა, როგორც ბურების, ისე ინგლისელების საკეთილდღეოთ, რასაც მას საერთოდ ადამიანის სიყვარული უკარნახებდა. იგი ცხარე ცრემლით დატიროდა ორივე მხარის მიერ გაღებულ მსხვერპლს, რის გამოც მას დიდათ პატივს ცემდნენ ბურების ისეთი მოძულე ინგლისელი გენერლებიც კი, როგორიც იყვნენ რობერტსი<sup>94</sup>) და კიტჩენერი.<sup>95</sup>)

ეს სათნო ადამიანი ჭირსა და ლხინში თავის მეუღლის განუყრელი მეგობარი და კეთილი აზრების შთამაგონებელი იყო. ამიტომაც მისმა სიკვდილმა დიდი მწუხარება გამოიწვია, როგორც მოხუც პრეზიდენტში, ისე თითოეულ ბურში.

სამა გარდაიცვალა 1900 წელს, იენისის პირველ რიცხვებში, წყალმანკისაგან. ამ დროს პრეზიდენტი ევროპაში იყო, რათა ევროპის სახელმწიფოებს დახმარება გაეწია ბურებისათვის და მათი რესპუბლიკა ეხსნათ ინგლისელების უღლისაგან.

ინგლისელებმა ყაჩაღურად დაარღვიეს საერთაშორისო წესი და ჰააგის კონფერენციის დადგენილება. მოხუც კრიუგერს არ ეგონა, თუ ამ კონფერენციის დადგენილება იყო უბრალო, ლიტონი სიტყვა და ამიტომ ელოდა დღეს თუ არა ხვალ მაინც ევროპა ჩაერეოდა ორთა ბრძოლაში და დაიცავდა სრულებით უდანაშაულო ბურების უფლებებს.

მაგრამ ამაო იყო კრიუგერის ოცნება!

იგი იმედგაცრუებული დაბრუნდა თავის რესპუბლიკაში. მაგრამ ქედი როდი მოუხრია საშიშროების წინაშე! იგი ახალი ძალით შეუდგა ქვეყნის დაცვის საქმეს.



მას ღრმად წამდა, რომ სიმართლე უთუოდ გაიმარჯ-  
ვებდა, სიმართლე კი ბურების მხარეზე იყო. მან ამაყად  
ასწია ჭალარა თავი და თანამემამულეთ მოუწოდა უკა-  
ნასკნელი სისხლის წვეთამდე ებრძოლათ ბოროტების  
წინააღმდეგ.

კრიუგერი იყო ნამდვილი ციციანატი<sup>96</sup>). როგორც  
ციციანატი, იგი ომის დროს ომობდა, ხოლო მშვიდო-  
ბიანობის დროს უბრალო გლეხივით მუშაობდა მიწდე-  
რათ. მაგალითად, კრიუგერი პირადათ იღებდა მონაწი-  
ლეობას ინგლისელების მიერ აჯანყებულ კაფრების <sup>97</sup>  
წინააღმდეგ ომში, ხოლო 1880 წელს ებრძოდა ინგლი-  
სელებს, ახლაც იგი ნახევარჯერ ფრონტზე იყო.

აქვე მინდა მკითხველს ვუამბო კრიუგერის უკანას-  
კნელი ცხოვრების ერთი ეპიზოდი.

ქვრივი პრეზიდენტი შეუყვარდა სიცოცხლით საე-  
სე, სრულიად ახალგაზრდა ერთ ფრანგ ქალს, რომელ-  
საც აგრეთვე ერქვა სამა. იგი მეტად ლამაზი იყო და  
აუარებელი თაყვანისმცემლები ეხვია მუდამ ირგვლივ,  
მაგრამ მან ყველას არჩია კრიუგერი.

კრიუგერმა იგი შეირთო.

რამდენადაც ვიცი, მოხუც პრეზიდენტს ძლიერ უყ-  
ვარდა თავის ახალგაზრდა ცოლი და ხშირად ეჭვიანობ-  
და კიდევ.

ბოდიშს ვიხდი მკითხველის წინაშე, რომ ამბების  
თანამიმდევრობას გადავუხვიე.

გათენდა ორშაბათი.

მე და ჩემი სასტუმროს პატრონი, რომელიც თარ-  
ჯიმანის მაგივრობის გასაწევად წავიყვანე, ისეთი ვარა-

უღით გავედით სასტუმროდან, რომ სრულ 11 საათზე უთუოდ პრეზიდენტის სასახლეში ვყოფილიყავით, მაგრამ წარმოიდგინეთ ჩემი გაოცება, როცა სასახლის ნაცვლად მივაღდექით ერთ სადა სააგარაკო სახლს. სახლი იდგა ბაღში და შესავალში მას მწოლიარე მარმარილოს ორი ლომის ქანდაკება ამშვენებდა.

ეს იყო და ეს სხვა სახლებისაგან ამ სახლის განმასხვავებელი სამკაული.

სადღესასწაულოდ გამოწყობილი გუშაგები შიშველი ხმლებით იდგნენ სახლის წინ.

სალუტით შეგვეგებენ.

ცხადია, ეს ჩემს პატივსაცემად იყო გამართული, მაგრამ რა დამსახურებისათვის?

სასტუმროს პატრონს უნდოდა ჩამომშორებოდა, მაგრამ გავაფრთხილე არ მომცილებოდა, რადგან კრიუგერთან საუბარს მისი დახმარების გარეშე ვერ მოვახერხებდი. მან კარგად იცოდა ჰოლანდიურიც, კრიუგერი კი მხოლოდ ამ ენაზე ლაპარაკობდა.

საკვირველია, მაგრამ პრეზიდენტმა სხვა ენა არ იცოდა, ამიტომ ევროპაში მოგზაურობის დროს თან დაყავდა თავის მდივან-მწიგნობარი რეიცი, ან თავის მეგობარი, მეზობელ რესპუბლიკის ორანჟის პრეზიდენტი შტეინი.<sup>98</sup>) შტეინი კრიუგერზე გაცილებით ახალგაზრდა იყო და ღიდათ უყვარდა მოხუცი მეგობარი. როგორც კრიუგერს, მასაც ძლიერ ძულდა ინგლისელები, მიუხედავად იმისა, რომ კრიუგერისაგან განსხვავებით, შტეინს განათლება მიღებული ჰქონდა ინგლისში.

მართალია კრიუგერმა არ იცოდა ინგლისური ენა,

მაგრამ როგორც შტეინი, ისიც კარგად იცნობდა ინგლისის იმპერიალიზმის წარმომადგენლების—დიზრაელების<sup>99</sup>) და ჩემბერლენის<sup>100</sup>) პოლიტიკას.

ოთახი, სადაც ღრმა სავარძელში იჯდა კრიუგერი და ხელში ყავით სავსე დიდი ფინჯანი ეჭირა, საკმაოდ ვრცელი იყო. როგორც კი შევედი, პრეზიდენტმა თავი ასწია და შედარებით პატარა, მაგრამ ჭკვიანური თვალები გაოცებით მომაპყრო. მერმე ფინჯანისაგან ხელი გაიკალა და სწრაფად წამოდგა. მე მყისვე მივედი და ხელი ჩამოვართვი.

კარგახანს მიცქერდა. ახლა ქულაჯა მეცვა. ეტყობოდა ჩემმა ჩაცმულობამ ძლიერ გააკვირვა. დავსხედით. დამიწყო თავაზიანი საუბარი. ჩემმა ვინაობამ იგი კიდევ უფრო გააოცა. ქართველი და საქართველო მას, თურმე, არასოდეს გაეგონა. ცოტა მეწყინა, მაგრამ გამახსენდა, რომ მეც არ ვიცოდი აქამდე ბურების არსებობა და მხოლოდ სულ ბოლოს გავიცანი მათი ხალხი და ქვეყანა, ისიც ჯერ კიდევ არა საკმაოდ.

ყველაფერი ეს პირდაპირ ვუთხარი, რაც მას არა თუ ეთაკილა, არამედ ჩემი გულახდილობა მოეწონა, რის დასამტკიცებლადაც კიდევ ერთხელ ჩამომართვა ხელი.

ამის შემდეგ მე პრეზიდენტს ვუთხარი, რომ შორეულ საქართველოდან ჩამოვედი მათ დასახმარებლად და ფთხოვე მიველე მოხალისედ რესპუბლიკის ჯარში.

ამ ამბავმა მეტად გაახარა მოხუცი, იგი კვლავ წამოდგა და თარჯიმანს უთხრა—ჩემთვის გადმოეცა მისი და ყველა ბურის უღრმესი მადლობა. შემდეგ გამოიხმო „ძალუა სამა“, რომელიც, ჩემდა გასაოცად, რევერანსით

შომესალმა, რაც სრულებით არ შეეფერებოდა რესპუბლიკის პრეზიდენტის მეუღლეს, მით უფრო მის ასაკში მყოფ მანდილოსანს.

კრიუგერმა მეუღლეს აცნობა ვინც ვიყავი და თანაც განუმარტა ჩემი სტუმრობის მიზანი. გახარებულმა სამამ, მადლობის ნიშნად, თავის ხელით გამომიტანა ყავა.

როცა დიასახლისი გავიდა, კრიუგერს კვლავ ვთხოვე მიველე მოხალისედ, მხოლოდ შოქმედ არმიის ისეთ ნაწილში გავეგზავნე, რომლის უფროსსაც ფრანგული ენა ეცოდინებოდა.

კრიუგერმა დარეკა ზარი. შემოვიდა ადიუტანტი. რაღაც უთხრა. ადიუტანტი მყისვე გაბრუნდა. რამდენიმე წუთის შემდეგ გამოცხადდა სამი სამხედრო პირი. ერთი მათგანი იყო გენერალი ჟუბერი, ბურების შესანიშნავი მთავარსარდალი: იგი შიშის ზარს სცემდა ინგლისელების მიერ აჯანყებულ კაფრებსა და თვით ინგლისელებს. სამხედრო მოღვაწეობის გრძელ მანძილზე მას არ უნახავს არც ერთი დამარცხება. ჟუბერს არა ერთხელ ჰქონდა მოვლილი გერმანია, საფრანგეთი და ჰოლანდია.

როგორც ყოველი ფრანგი-ჰუგენოტი, რომელსაც წინათ გამუდმებით დევნიდნენ, ჟუბერიც ცოტა ზედმეტად ფრთხილი და ექვიანი იყო ადამიანებისადმი. იმავე დროს მას მეტად ღრმად სწამდა ღმერთი და უყვარდა თავის ქვეყანა. ამ სიყვარულს სახელოვანი მხედართმთავარი უნერგავდა თავის მებრძოლებსაც.

რაც შეეხება გენერალ კრონიეს, მისთვის ომი გმირობისა და მოხერხებულობის ასპარეზი იყო. იგი განსაკუთრებით დიდ სიმარჯვესა და გამომგონებლობის



უნარს იჩენდა მტრისაგან გარემოცვის პირობებში. ერთ-  
შეხედვით, კრონიე სათნო კაცის შთაბეჭდილებას ტო-  
ვებდა და მხედრისათვის უჩვეულო სიმსუბუქე იგრძნო-  
ბოდა მთელ მის აღნაგობაში. მაგრამ ნამდვილად მტრი-  
სათვის ღვთის რისხვას წარმოადგენდა.

იგი განაგებდა არტილერიის საქმეს და ყოველთვის  
ენერგიულად აქეზებდა თავის ხელქვეითებს — „ჯოზეფ  
ჩემბერლენის ქუხილისათვის“ გამანადგურებელი გრგვინ-  
ვით ეპასუხნათ.

ინგლისელები არა ერთხელ გაუკვირვებია კრონიეს  
თავის სამხედრო ტალანტით.

მესამე გენერალი დელარეი კი იყო ნამდვილი გი-  
განტი, უშიშარი, სამხედრო სულისკვეთებით მთლად  
გამსკვალული. ზოგჯერ წრესგადასულ სიფიცხის გამო  
შეეძლო გაებედა მარტო შებრძოლებოდა ყველა ინგლი-  
სელს და როგორც გველები გაესრისა თავისი მაგარი  
ტერფებით. მას თავისი ტაქტიკით არა ერთხელ ჩაუყე-  
ნებია ინგლისელები მძიმე მდგომარეობაში.

დელარეი რატომღაც ერთბაშად მომეწონა, ეტყო-  
ბოდა მასაც თვალში მოუვედი. იგი სხვა ორ გენერალ-  
თან ერთად, მხედრის წესისამებრ, მხრებგასწორებუ-  
ლი იდგა და ზოგჯერ, მგონი ჩემს შესახებ, რაღაცას  
მორიდებით ელაპარაკებოდა მათ.

როცა პრეზიდენტმა წარუდგინა გენერლებს ჩემი  
თავი და აცნობა, რისთვისაც ვიყავი შორეულ ქვეყნი-  
დან აფრიკაში ჩასული, დელარეი მოვიდა ჩემთან და  
დიდიხნის უნახავი მეგობარივით ჩამომართვა ხელი, იმა-  
ვე დროს წინადადება მომცა მასთან მემსახურა.

მისი დივიზია შედიოდა კრონიეს არმიაში.

მე დიდი სიამოვნებით განვუცხადე თანხმობა.

დელარეიმ მითხრა გამოვცხადებულიყავი ხვალ, დილის 8 საათზე მისი დივიზიის შტაბში, რომელიც მან-ლობელ სახლში იყო მოთავსებული.

აუდიენცია დამთავრდა. როგორც უბრალო ჯარისკაცი შორიდან დავემშვიდობე ყველას და დავაპირე წასვლა, მაგრამ კრიუგერმა შემაჩერა, მოვიდა და მომეხვია.

ვიგრძენი მშობლიური მამის სიტბო და გული ამიჩქროლდა. მოხუცი მეხვეოდა და თარჯიმანის მეშვეობით მიხდიდა მადლობას, მთავაზობდა ფულს, მამულს, მე, რა თქმა უნდა, უარი განვაცხადე. თან დავურთე, რომ ყოველგვარი ანგარი განზრახვის გარეშე გამოვიარე ამოდენი გზა და გულწრფელად მსურდა დავხმარებოდი ბურებს.

კრიუგერმა ბოლოს მთხოვა, ხვალ დელარეიდან მასთან შემეველო და დამეღია ერთი ფინჯანი ყავა.

როგორც შემდეგ გავიგე, ეს იყო დიდი პატივისცემის ნიშანი. ყველას როდი ჰქონდა ბედნიერება პრეზიდენტის ასეთი მასპინძლობის ღირსი გამხდარიყო.

თვითონ კრიუგერი მთელი დღე სვამდა ყავას და ეწეოდა ყალიონს.

მეორე დილას წავედი დელარეის შტაბში.

ბურებს, როგორც მის პრეზიდენტს, არასოდეს გაეგონათ საქართველო და ქართველი, მაშასადამე ჩემი გვარიც მათ არაფერს ეუბნებოდათ, მაგრამ პრინცის ტიტულმა კი საოცრად დიდი აღტაცება გამოიწვია შტაბში, ბედნიერი ღიმილით ჩამომართვეს ხელი და თან იმეორებდნენ: „პრინცი, პრინცი“.

გაკვირვებული ვიდექი. როგორც შემდეგ გამოირკვა, ბურებს ეგონათ მათ რიგებში პრინციის ყოფნა ეს იქნებოდა ევროპის თვალში კიდევ ერთი ზედმეტი საბუთი იმისა, რომ ინგლისელების წინააღმდეგ მათი ბრძოლა იყო ბრძოლა სამართლიანი.

ეს, მეტი რომ არ ვთქვათ, წარმოადგენდა ნამდვილ ბავშვურ გულუბრყვილობას. მოვლენების სწორედ ასეთ-მა მიაბიჭურმა შეფასებამ მიიყვანა ბოლოს ბურები სავალალო მდგომარეობამდე. მაგრამ ამის შესახებ შემდეგ.

მივიღე ბური ჯარისკაცისათვის შესაფერი ტანისამოსი—ევროპული ყაიდის კოსტუმი და კეპი. მართალი გითხრათ, არაფრად მესიამოვნა, როცა ამ ტანისამოსში წარმოვიდგინე თავი. მაგრამ სხვა რა გზა მქონდა, ჩემი ქულაჯით ან ჩოხა-ახალუხით ხომ ვერ წავიდოდი ფრონტზე.

ახალი მორთულობა სასტუმროში გავგზავნე, თვითონ, გუშინდელ დაპირებისამებრ, გავეშურე პრეზიდენტთან. ისევ ქულაჯა მეცვა, რის გამოც კმაყოფილი დავრჩი, რადგან გამოირკვა კრიუგერს ამ დილით ჩემთან სურათის გადაღება ნდომებოდა.

მოვიდა ფოტოგრაფი. პატარა მაგიდასთან შუა ადგილას დამსვენს. მაგიდაზე ყავის ჭურჭელი ეწყო. პრეზიდენტი და მისი მეუღლე აქეთ-იქიდან მომისხდნენ. სურათის გადაღების პროცესი მოხუც პრეზიდენტს მეტად მოწონდა, იგი ცოლს მხიარულად ელაპარაკებოდა და თან ისე გულიანად იცინოდა, თითქოს ინგლისელები ქვეყნად სულ არ არსებულებოდნენ და არც სადმე ომი ყოფილიყო.

შევსვით ყავა. როგორც მშობლებს, გულთბილად და-  
ვემშვიდობე მოხუც ცოლ-ქმარს და წავედი. ტალანში  
შევხვდი დელარეის, დავპატიჟე სადილად, მაგრამ მოუც-  
ლელობის გამო თავაზიანი უარი მითხრა, იმავე დროს გა-  
მაფრთხილა—სრულ ხუთ საათზე შტაბში ვყოფილიყავი,  
რომ აგრილებისთანავე ფრონტზე გავმგზავრებულყავით.

ჩემი სასტუმროს პატრონის დახმარებით ვიყიდე სა-  
კუთარი ფულით კარგი ცხენი, ჩავიცვი ნამდვილ ბური-  
სებურად და სასტუმროს პატრონს გავუმართე სადილი,  
რის დროსაც დიდი მადლობა მოვახსენე გაწეული დახ-  
მარებისა და მზრუნველობისთვის.

დანიშნულ დროს მივედი დელარეის შტაბში და მასთან  
ერთად მალე დავტოვე პატრიარქალური პრეტორია.

თბილი, ნელი სიო ქროდა. ოდნავ ირხეოდა პალმე-  
ბის ხეივნის წვეროები. შორს მოჩანდა დაისით ვარ-  
დისფრად აელვარებული ლაჟვარდი. ბინდი შეუმჩნე-  
ვლად ეპარებოდა მიდამოს და მხურვალე მიწა გრილი  
ხდებოდა.

სიჩუმე ისადგურებდა. უკვე აღარ ისმოდა ფრინვე-  
ლების ჟრიამული. ბნელი ღამე ჩამოწვა. ცაზე ერთი  
ვარსკვლავიც არსად კიაფობდა. გამალებული ძივქრო-  
დით. ჩვენს ცხენებს თითქოს ფრთები ესხათ, ნიადაგს  
ფლოქვებს არ აკარებდნენ.

„აი ბანაკიც“, — ამბობს დელარეი. მე გაკვირვებით  
დავიწყე ცქერა აქეთ-იქით, რომ იქნებ ღამეში თეთრი  
კარვების ანარეკლი მაინც დამენახა. მსგავსიც არაფერი  
ჩანდა. ყველაფერი მოეცვა კუპრივით ბნელ ღამეს. ჩქა-  
მიც არ ისმოდა.

არც გუშაგები ჩანდნენ. ეს როგორი სამხედრო ბანაკია? უცებ სასწაული მოხდა — გაისმა სტვენისმაგვარი რაღაც და ყოველი ხე ბურად იქცა. როგორც კი პირველმა გუშაგმა შეიცნო დელარეი, მყისვე მისი მისვლა გაიგო მთელმა ბანაკმაც. აქა-იქ ციციანათელების მსგავსად აციალდნენ პატარა ფარნები, მაგრამ მალე ისევ ტყე ბნელმა შთანთქა. ჩვენთან დარჩა ორი-სამი კაცი. გადმოვხტით ცხენებიდან. დელარეი მაცნობს მათ და მოკლედ უხსნის, თუ რისთვისაც მივედი ბანაკში.

შეგდივართ პალმებისაკან გაკეთებულ კარავში. თავი რობინზონი მგონია, მაგრამ განსხვავება იმაშია, რომ მარტო არ ვარ და ირგვლივ მახვევია შავწვერიანი გოლიათები, რომლებიც მეტად თავაზიანად მეპყრობიან. ერთი მათგანი ცარიელ ყუთებს გვთავაზობს, რომ დავისვენოთ. მალე ვახშამიც მოგვიტანეს. მართალია, კონსერვი თვალის დასანახავად მეზარება, მაგრამ აუცილებელია აქედანვე შევეჩვიო მას, ორი დღით ხომ არ ვარ მოსული ამ ტყეში!

დამხვდურთა საუბრიდან ვატყობ, ბურები პარტიზანულ ომს განაგრძობენ და ერიდებიან გადამწყვეტი, ან ნახევრად გადამწყვეტი ხასიათის ბრძოლებს. ეს გამოწვეულია მათი მცირე რიცხვისა და რეგულარული ჯარის უყოლობის გამო.

ისიხი თითქმის, როგორც პანსიონერები, ისე არიან ფრონტზე, მრავალი მათგანი შაბათ საღამოს ორშაბათ დილაძდე მიდის თავის ფერმაში, რითაც არევ-დარევა შეაქვთ ჯარში და იმავე დროს მტერს საშუალებას აძლევენ მთელი კვირის განძავლობაში ბრძოლით მოქანცულმა ახალი ძალა მოიკრიბოს.



გენერალმა ბოტამ<sup>101</sup>) ამის აღსაკვეთად რამდენიმე გამოუსწორებელი დეზორგანიზატორი დახვრიტა, ყველა დივიზიასთან ჩამოაყალიბა თავდადებული ახალგაზრდა ბურებისა და მტკიცე ხასიათის მოხუცთა ბატალიონები, მათში შეურია უცხოელ მოხალისეთა რაზმები და ამ ბატალიონებს დააკისრა დივიზიებში სრული წესრიგის დაცვა. ჯარში დისციპლინის აღდგენას ხელი შეუწყვეს ქალებმაც. როცა ოჯახის ქალებმა გაიგეს, რომ მათი ქმრები და შვილები ზოგჯერ თვითნებურად ტოვებდნენ ფრონტს, საშინლად გაწყრნენ და ასეთებს შინ არ უშვებდნენ.

უნდა ითქვას, რომ ბურებს შესანიშნავი გენერლები ყავდათ. ჩემს მიერ ჩამოთვლილ გენერლებს გარდა, შემთხვევა მქონდა გაგცნობოდი კიდევ მრავალ გმირ გენერალს, მათ შორის ნამდვილ აქილევას. ეს იყო დე-ვეტა<sup>102</sup>). მისი ენერგიული სახე, მუდამ ელვარე მჯილის ოდენა თვალებით გაშუქებული, მოწიწებას იწვევდა მნახველებში.

დე-ვეტა ინგლისელებისთვის ყოველთვის მოულოდნელი უბედურება იყო. თითქოს მას უჩინ-მაჩინის ქუდი ხურებოდეს, სადაც არ ელოდნენ, სწორედ იქ დაატყდებოდა მტერს თავზე სამშობლოსათვის თავდადებული ვაჟაკი.

დღე და ღამე ყველგან დე-ვეტა ელანდებოდათ.

დე-ვეტა ატარებდა ფრენჩისმაგვარ ტანისამოსს, თავზე ეხურა წითელ-ბაფთიანი და ფართოფარფლებიანი ქუდი. ასეთ ქუდებს ატარებდნენ მისი ოფიცრებიც.

მისი ტაქტიკა იყო შესანიშნავი. იგი თავის ჯარით, მუდამ მოძრაობდა ინგლისელების ჯარის პარალელურად,

რის დროს მოულოდნელად თავს ესხმოდა მათ, იტყუებდა ისეთ ადგილებში, საიდანაც გამოსვლა მტერს ძვირად უჯდებოდა.

გარდა ამისა, მოთარეშე რაზმების მეოხებით, მოპირდაპირეს გამუდმებით უნადგურებდა კომუნიკაციებს, სურსათ-სანოვაგეს და საჭურველის მიმწოდებელ ბაზებს.

იგი თავისი გაწვრთნილი მებრძოლებით ქარივით დაქროდა მტრის ახლომახლო, ხან ავანგარდში იყო, ხან არიერგარდში—იმისდა მიხედვით, თუ სად ითხოვდა მის დახმარებას მდგომარეობა.

დე-ვეტა ვერცხლის წყალივით მოძრაობდა და სულის ამოთქმის საშუალებას არ აძლევდა ინგლისელებს. მისი სახელი თავხარს ცემდა თითოეულ მათგანს.


დე-ვეტა განათლებით იურისტი იყო.

დაუშრეტელი უნარის მქონე ორი გენერლის—დევეტისა და ბოტას მისვლამ ჯარში, ბურების ძალ-ღონე გააორკეცა, თუმცა ფართო შეტევაზე გადასვლას მაინც არიდებდნენ ჯერ კიდევ თავს.

ბურების წინააღმდეგ ინგლისელების მიერ უსამართლოდ ატეხილმა ომმა დიდი აღშუოთება გამოიწვია მაშინდელ მსოფლიოს პროგრესულ ადამიანებში. ბურების დასახმარებლად სხვადასხვა ქვეყნებიდან განუწყვეტილად მოდიოდნენ მოხალისეთა რაზმები.

პოლკოვნიკ ვილბუა-დე-მორელის მეთაურობით დგებოდა იხტერნაციონალური პოლკი, რომელშიც უკვე ირიცხებოდა 1000 მოხალისე.

დელარეის და მის ხელქვეითებთან კარგა ხანს საუბ-



66  
St. Helena

Boer Prisoners marching through James town on their way to Deadwood Camp

ელენეს კუნძულზე გადასახლებული ტყვეები მიჰყვით ქუჩაში



რის შემდეგ, გულში გადავწყვიტე, ჩავრიცხულიყავი ვო-  
ლონტერთა<sup>103</sup>) პოლკში. ალბათ, შუალამე გადასული იყო,  
როცა დასაძინებლად დავიწყეთ მზადება, მაგრამ გვე-  
ლის მეშინია, აქ მორიელებიც ბევრია და შიშველ მი-  
წაზე რა დამაძინებს?

ამ დავიდარებაში რომ ვარ, შემოიტანეს დასაკეც-  
გასახსნელი რკინის საწოლები და ზედ სუფთა ლოგინები  
გაშალეს. სული მოვითქვი, გაუხდელად დავწექი და მა-  
შინვე ჩამეძინა.

\* \*

ინგლისელების მიერ ბურების წინააღმდეგ დაწყებუ-  
ლი ომი ყოველგვარ ომზე უფრო საშინელი იყო. ეს  
იყო უბრალოდ ცინიკური სურვილი, მოესპოთ პატარა,  
მაგრამ მდიდარი სულის პატრონი ხალხი.

ბურები კი თავის მხრით იჩენდნენ გასაოცარ სულ-  
გრძელობას. ტყვედ წამოყვანილ ინგლისელებს ბურები,  
როგორც სტუმრებს, ისე ეპყრობოდნენ, მალე კი მთლად  
ათავისუფლებდნენ.

გერმანელმა მოხალისე ოფიცრებმა კრიუგერს, მას-  
თან შეხვედრის დროს, განუცხადეს: „თვალი თვალის  
წილ, კბილი კბილის წილ“, მაგრამ მოხუცმა პრეზი-  
დენტმა მათი მოთხოვნილება არ გაიზიარა.

ამის გამო გერმანელებმა დატოვეს ბურების ჯარი  
და უკან დაბრუნდნენ.

ლმობიერად მოეპყრნენ ბურები უნისტონ ჩერჩილ-  
საც<sup>104</sup>), რომელიც იმ ხანებში ტყვედ შეიპყრეს.

მე ერთხელ გენერალ ბოტას ბანაკში მოვხვდი. ჩემი  
T. ნ. ბაგრატიონი

იქ ყოფნის დროს მოიყვანეს ტყვედ ჩავარდნილი რამდენიმე ინგლისელი. ერთი მათგანი იყო წითელ-ლოყე-ბიანი 20—25 წლის ახალგაზრდა ოფიცერი, შემდეგში ყველასათვის ცნობილი უინსტონ ჩერჩილი. იგი მაშინ „მორწინებ პოსტის“ სამხედრო კორესპონდენტის სახელით მოეწვინა სამხრეთ-აფრიკას და ითვლებოდა ბურების დაუძინებელ მტრის, სესილ როდსის დიდ თაყვანისმცემლად. ბურებმა ეს ახალგაზრდა ტყვედ შეიპყრეს შემდეგ პირობებში: ჩერჩილი უნდა ჩასულიყო ლედსმიტში, მაგრამ ქალაქი ბურების მიერ ალყა შემორტყმული იყო. ინგლისელები შეეცადნენ ჯავშნიან მატარებლით ალყის გარღვევას, მაგრამ ბურებმა მატარებელი ხელთ ჩაიგდეს და სხვა რამდენიმე ინგლისელთან ერთად ჩერჩილიც ტყვედ წაიყვანეს.

ახალგაზრდა ტყვე ოფიცერი გერცოგის შთამომავალი აღმოჩნდა. დედამისი ამერიკელი ჟურნალისტის „ნიუ-იორკ ტაიმსის“ პატრონის, ჯერომის ქალი ყოფილიყო. ჩერჩილი დაბადებულა 1874 წელს, მიუღია სამხედრო განათლება, მაგრამ პირველადვე, როგორც ვთქვით, ბედმა არ გაუღიმა და ტყვედ ჩავარდა.

გენერალმა ბოტამ ტყვეები ზურგში, პრეტორიაში გადააგზავნა, საიდანაც ჩერჩილმა იოლად მოახერხა გაქცევა და თავი შეაფარა პორტუგალიის ბოლახს — ლორენსო მარკოს, აქედან კი, როგორც შემდეგ გავიგე, იგი გადასულიყო ინგლისელების კოლონიაში, ნატალში.

რამდენიმე ხნის მერმე გენერალ ბოტას ბანაკიდან გენერალ დევეტას მოქმედ არმიაში მომიხდა ბრძოლა. ერთ დღეს გენერალს გავუმჟღავნე ვილბუა-დე-მორე-



ლის პოლკში ჩარიცხვის სურვილი. მან მეგზურად გამათანა ერთ-ერთი ბური, რომელმაც შედარებით ჩქარა მიმიყვანა ვილაციის დიდ ფერმაში, სადაც იმყოფებოდა პოლკოვნიკი ვილბუა.

ჩვენი შეხვედრა და გაცნობა იყო გულითადი. პოლკოვნიკმა ვილბუამ ბროსეს<sup>105</sup>) შრომების მეოხებით საქართველოზე ბევრი რამ იცოდა. განსაკუთრებით აინტერესებდა ბაგრატიონების ვინაობა, კერძოდ, პეტრე ივანეს ძე ბაგრატიონის ბიოგრაფია<sup>106</sup>).

შემდეგ განმიცხადა, რომ მნიშნავდა თავის ადგილტანტად, რამაც ძლიერ გამახარა. ბოლოს მაცნობა ინგლისის მთავრობის მიერ გენერალ რობერტსის გაწვევისა და მის ადგილას გენერალ კიტჩენერის დანიშვნის ამბავი. ვილბუას აზრით, კიტჩენერი მოსვლისთანავე შეეცდებოდა ბურები პარტიზანულ ომიდან გადასულიყვნენ პირდაპირ ბრძოლებზე.

— ეს კი დააჩქარებდა ბურების „ყოფნა არ ყოფნის“ საკითხის გადაჭრას, — დაურთო მან.

ბურებმა იცოდნენ, რომ ახლოვდებოდა ეს წამი და დღელამე ემზადებოდნენ გამოცდილ გენერლის კიტჩენერის დასახვედრად.

ინგლისელები ყოველგვარ ძალადობას მიმართავდნენ, რათა გაეტეხათ ბურების მხნეობა. დაპყრობილ ადგილებიდან ქალსა და ბავშვებს ერეკებოდნენ არა ტყვეთა ბანაკებში, არამედ პირდაპირ სასაფლაოზე.

ყველაზე საშინელი ადგილი იყო, ე. წ. კიმბერლეი. იქ ალმასის საბადოებში უჭქელ-უსმელ ბავშვებსა და ქალებს საშინელ სიციხეში ამუშავებდნენ. საბადოების

პატრონები მდიდრდებოდნენ საათობით, ბურების დედები, შვილები და ცოლები კი ბუზებივით იხოცებოდნენ.

ბურების მხარეზე გადმოსული შოტლანდიელის სიტყვით, პოლკოვნიკმა ვილბუამ, რომელმაც კარგად იცოდა ინგლისური ენაც, გაიგო, რომ კიტჩენერი ემზადებოდა დელარეის დივიზიისათვის ალყის შემოსარტყმელად დამის გასანადგურებლად. ამ დივიზიაში შედიოდა ჩვენი პოლკიც.

ნათქვამის შესამოწმებლად და კიტჩენერის ჯარის მოძრაობის დასაზვერავად, პოლკოვნიკმა ვილბუამ ჩემი მეთაურობით გამოყო პატარა რაზმი. რაზმში ჩემს გარდა შედიოდა ფრანგი გრაფი ბრედა და ვაჟკაცური გამომეტყველების რამდენიმე შვედი ოფიცერი.

როცა კარგად შეღამდა, გავუდექით გზას. მეგონა, ყოველ ტროპიკულ ბუჩქიდან ვეფხვი გვითვალთვალებდა და ემზადებოდა სასიკვდილო ნახტომის გასაკეთებლად. ხელში შემართული რევოლვერი მეჭირა. ირგვლივ სამარისებური სიჩუმე იდგა. ჩვენ ნელა მივიკვლევდით გზას პალმებს შორის გაბარდულ უსურვაზებსა და სათუთ ტოტებიან მცენარეებში. საკუთარი გულისცემა გვესმოდა.

მოვიკრიბე ძალა, რომ ზედმეტ მღელვარებისაგან თავი შემეკავებია და არ ავყოლოდი პირველად ჩასახულ შიშს. აქ ხომ მართლა სანადიროდ არ ჩამოვსულვარ! მე ბურებთან მომიყვანა ჩემმა ადამიანურმა მემ, რათა დაეხმარებოდი უბედურებაში ჩავარდნილ ადამიანებს და, შეძლებისდაგვარად, შემემსუბუქებია მათი ტანჯვა-

შიში და ხიფათი რას მიქვია!

დავალება ზედმიწევნით შევასრულეთ. შოტლანდიელის ნათქვამი დადასტურდა. ახლა ვწევარ და ვისვენებ სახელდახელოდ გაკეთებულ ჩემი კარავის წინ. ქვეშ ხასხასა, სურნელოვანი მოლია. ირგვლივაც ათასგვარი ამბრითაა ჰაერი გაჟღენთილი.

ბრწყვიალა ფერებიანი ბუზანკლები თავზე დამფრინავენ და განუწყვეტლივ ბზუიან.

ვწევარ გულალმა და მივჩერებივარ მოკიაფე ვარსკვლავებს. ერთი წუთით უკვე საქართველოში ვარ, ნათესავთა და ახლო მეგობართა შორის, მაგრამ ერთი წუთი— და თვალები მეხუჭება. სულ ცოტახანს მეძინა, კვლავ ფეხზე ვარ. დილის შეტევისათვის ვემზადებით.

სამხედრო თათბირზე გადაწყდა—დელარეის მთელმა დივიზიამ მოულოდნელად დაარტყას ინგლისელებს. საჭიროა მხოლოდ ვიჩქაროთ, რომ ტროპიკულმა მხემ ამოსვლა არ დაგვასწროს და ჩვენი განზრახვა უნებლიედ შტერს არ გაუმჯლავნოს.

ადგილიდან დავიძარით. ირიჟრაჟა თუ არა, დაიგრიალა ჩვენმა ზარბაზანმა. ეს იყო ნიშანი. მთელი დივიზია ელვის სისწრაფით გადავიდა შეტევაზე. მირბიან ქვეითნი, მიჰქრიან ცხენოსნები. კრონიემ ახლა ყველა ზარბაზანს ამოადგმევინა ენა. იგი ყველგანაა. წამლის ბურუსშიაც არტილერიისტის გამჭრიახი თვალი ყველაფერს ზედავს.

ჩვენი ზარბაზნების ქუხილისა და ყუმბარების აფეთქებისაგან ინგლისელები უმწეოდ გარბი-გამორბიან, მაგრამ ეტყობა კიტჩენერმა მალე მოიყვანა ისინი გონს

და ახლა მოწინააღმდეგე მხრიდანაც ატყდა საშინელო გრგვინვა.

ჩაღდება დაუნდობელი, სისხლისმღვრელი ბრძოლა. ბურებს სათადარიგოდ ყავთ დე-ვეტა და ბოტა. მაგრამ ბოტა ცოტა შორსაა. არა უშავს, გაჭირვების დროს ის ჩვენთან გაჩნდება. პირველ დღეს, ორივე მხრივ თავდადებული ბრძოლა თითქმის უშედეგოთ დამთავრდა.

ენახოთ, რა მოჰყვება ხვალინდელ დღეს.

ვიღბუა ვაჟკაცურად და მოხერხებულად ხელმძღვანელობდა პოლკს, რის გამოც მის პოლკს მხოლოდ 100 კაცი გამოაკლდა, მათ შორის ნახევარზე მეტი დაჭრილია.

ჩვენი პოლკი სავსებით ინტერნაციონალურია. კარბობენ ლამაზი, წარმოსადეგი და ხალისიანი შვედები. შემდეგ ყველაზე მეტნი არიან ფრანგები. მე დავუშეგობრდი ერთ ფრანგ გრაფს ბრედას. იგი ჩემთან შედარებით მომცრო ტანის იყო, ხმელ-ხმელი.

არიან ჰოლანდიელებიც.

დაღლილობისაგან ხალხს მუხლები ეკვეთება. ლაპარაკის თავიც არავის აქვს. ბანაკში თანდათან სიჩუმე მყარდება. მარტო პოლკოვნიკი ფხიზლობს თავის კარავში. იგი რუკას დაცქერის და მოსალოდნელ ბრძოლის ადგილებს აზუსტებს.

ვურჩევ ცოტა დაისვენოს, ყავა დალიოს, მაგრამ არ მიჯერებს. კვლავ რუკას დატრიალებს. მისი დაღვრემილი იერი, მოღუნებული ქცევა რაღაც არ მომწონს და მეც ნაღველი მერევა. უხმოდ გამოვდივარ გარეთ პოლკოვნიკის კარავიდან.

საჭიროა ცოტა მაინც თვალი მოვატყუო, რომ დი-



ლას ბედს წელგამართული შეეხვდე, თორემ ჩემს დღე-  
განდელ დაღლილობას თუ უძილობაც დაერთო, ხვალ  
ბრძოლაში შეიძლება სირცხვილი ვქამო.

ნეტავი ამ ინგლისელებს კისერს მალე მოგტეხავდეთ  
და ბურების გამარჯვების შემდეგ, საშართლიანობის  
წინაშე ვალმოხდილი, ჩემს საქართველოში დავბრუნდე-  
ბოდე, მაგრამ...

„ვა, სოფელო, რაშიგან ხარ, რას გვაბრუნებ, რა ზნე გჭირსა,  
სად წაიყვან სადაურსა, სად აღუფხვრი სადით ძირსა“.

დასწყევლოს ღმერთმა, ამ საღამოს ეს რა მომდის,  
ლამის სევდამ დამრიოს ხელი!

„ჭირსა შიგან გამაგრება ისე უნდა, ვით ქვითკირსა!“

მაგონდება შოთას მეორე ლექსი და მხნეობა მემა-  
ტება.

ცას გავხედე. მზე კარგა ხნის ჩასულია, მაგრამ ლაქ-  
ვარდი ისევ სარკესავითაა. ცისა და მიწის შუა ნისლის  
გოდოლებია აღმართული—ეს გახურებული მიწიდან ასუ-  
ლი ოზშივარია.

დასაწოლი ადგილი მოენახე. მხარეთეძოზე ვწვები.  
სიჩუმეა.

ფოთოლიც კი არ ირხევა.

ერთბაშად ბნელდება. ცა სრულებით აღარ ჩანს.  
უფარსკვლავო ღამემ თავის შავი ფრთები გადააფარა  
სამყაროს.

რული თანდათან მომერია. როცა თვალი გავახილე,  
ღამე უკვე გაცრეცილიყო. ასე სწრაფად დაბნელება და  
გათენება მგონი მარტო აფრიკაში იცის.

უცებ ქუხილი გაისმა.

ეტყობათ ბურებმა ბრძოლა დაიწყეს.

ინგლისელთა მხრიდანაც ატეხეს საპასუხო სროლა. მათი ყუმბარები მოშორებით ხან აქ, ხან იქ ეცემიან და ჯერჯერობით ბურებს ვერ აზიანებენ. ისინი მიმოფანტულად, კარგად გათხრილ სანგრებში სხედან.

კრონიეს მიერ გასროლილი ყუმბარები კი, ეტყობა მტრის განლაგებას ანადგურებს, რადგან მოწინააღმდეგის ცეცხლი მალე შენელდა.

ჩვენც კარგი საფრები გვაქვს, მაგრამ როდემდე უნდა ვისხდეთ აქ გულზელდაკრეფილნი? ირკვევა, ჩვენს პოლკს სათადარიგოთ ინახავენ. საგანგებო ბრძანებამდე შორიდან მაცქერალის როლში უნდა ვიყვნეთ.

საერთოდ, დღეს ბურები რატომღაც აგვიანებენ იერიშზე გადასვლას, რის გამოც ვიღბუა დელავს.

უკვე შუადღე წამოვიდა, მზე ცხარედ იკბინება, ოფლი ღვარად გვდის, წყურვილი გვკლავს, მაგრამ ერთი პატარა ნაკადულიც კი არსადაა ახლომანლო, მდინარიდან მეტად შორს ვართ.

კიტჩენერიც თავს იკაავებს ბრძოლაში ჩაბმისაგან. როგორც ბოლოს გავიგეთ, მაშველ ჯარს ელოდა თურმე. გარდა ამისა გაეგო, რომ მოპირდაპირე მხრიდან გენერალი ლუი ბოტა მოეშურებოდა დელარეის დივიზიასთან შესაერთებლად. ვხას ქარიშხლის ფრთებიანი დევეტა უკვლევდა და ამიტომ კიტჩენერი განსაკუთრებულ სიფრთხილეს იჩენდა.

რა კარგი იქნებოდა, ბურებს იძულებული გაეხადათ იგი თავის ბუნაგიდან გამოსულიყო, ან იმავე ბუნაგში დასხმოდნენ თავს!

კრონიე კი დარწმუნებული იყო მტერი შეტევაზე თვითონ გადმოვიდოდა და დასახვედრად ყოველმხრივ მზად იყო, მაგრამ გაოცებული დარჩა, როცა მზვერავებმა აცნობეს, რომ კიტჩენერი დამხმარე ძალებს ელის რკინიგზით და მათ მოსვლამდე იერიშზე გადმოსვლას არ აპირებსო.

კრონიემ მყისვე გააგზავნა 1000 კაცი, რათა რკინიგზა დაენგრიათ და მტერი თავის ბაზებისაგან მოეწყვიტათ, მაგრამ როგორც ჩანს, კრონიეს ეს ღონისძიება დაგვიანებული გამოდგა და ინგლისელებმა ამ ბრძოლაში ბურები უკუაგდეს.

ასე უქმად ვიდექით რამდენიმე დღეს.

ვილბუას მკაცრი ბრძანება იყო ჩვენი პოლკის მებრძოლები სანგრების სანახებს არ გაცილებოდნენ, მაგრამ, შე, ჩემი მოუსვენარი ხასიათის გამო, ბურებთან ერთად დამლაშობით მივდიოდი სათარეშოდ.

ერთ ღამეს, ჩემი თაოსნობით, თარეშზე წასულებმა ხელთ ვიგდეთ ინგლისელთა დიდი აღალი, დატვირთული სურსათ-სანოვაგით. აღალში აღმოჩნდა ხორცი, დიდძალი სხვადასხვა კონსერვი, ყავა, შიკოლადი და სხვ.

მეაღალენი და მათი მცველები ტყვედ წამოვიყვანეთ, რომლებიც ირლანდიელები აღმოჩნდნენ, მაგრამ ბანაკში მოყვანისთანავე ბურებმა ისინი ყველანი გაუშვეს.

ჩვენმა მოპოებულმა დავლამ პირდაპირ სულზე მოუსწრო ბურებს, რადგან სურსათ-სანოვაგე უკვე საგრძნობლად აკლდა ყველას.

გახარებულ მებრძოლებს უნდოდათ ჩემი ხელში აყვანა და ჰაერში აბურთაყვება, მაგრამ ეს არც ისე ადვი-

ლი იყო — მ ფუთზე მეტს ვიწონიდი, თანაც არ მინდოდა ამ ამბავს ვილბუას ყურამდე მიეღწია, ამიტომ ჩემს სანგარში სასწრაფოდ დავბრუნდი.

ბედი მწყალობდა. არა მარტო ამ ფრონტზე, სხვა ადგილებშიაც არა ერთხელ ვყოფილვარ ხან სათარეშოდ, ხან დაზვერვაზე, ხელჩართულ ბრძოლაშიაც მიმიღია მონაწილეობა, მაგრამ ამოდენა ტანის კაცს უბრალოდ კანიც არ გამკაწვრია. განსაკუთრებით მეშინოდა ციებ-ცხელება არ შემეყოდა, ამ საშინელი სენისაგანაც რალაც მანქანებით უვნებლად გადავრჩი.

მაგრამ, პირველ ხანეში მაინც, ერთი რამ კი მტანჯავდა, ეს იყო — დღე აუტანელი სიცხე და ღამით მკაცრი სიცივე.

კარგახნის სიჩუმის შემდეგ, ერთ დილას ინგლისელებმა მომალლო ადგილზე აათრიეს უზარმაზარი საზღვაო ზარბაზანი და აგვიტეხეს სროლა.

ამ გამოწვევას ბურები არ გამოეხმაურნენ. ისინი დიდი შეტევისათვის ემზადებოდნენ და განგებ თავს იმკვდარუნებდნენ.

ინგლისელები მძიმე მდგომარეობაში იყვნენ, ხაფანგში მომწყვდეულებივით გრძნობდნენ თავს. წინ ჩვენ ვიყავით, სხვა მხრივ პარტიზანთა გაძლიერებული რაზმები იდგნენ, მაშველი ჯარი იგვიანებდა, მათ დარჩენილათ ან ელოდნათ, ან პირდაპირ შეტევაზე გადმოსულიყვნენ, მაგრამ ამას ვერ ბედავდნენ. ვერ ბედავდნენ ამიტომ, რომ სანგრიდან კრონიეს ამოგდება ადვილი არ იყო. გარდა ამისა, ეშინოდათ გაჩაღებული ბრძოლის დროს უკანიდან, ან გვერდიდან გენერალი ბოტა არ



წადგომოდათ თავს. თანაც უცნობ ადგილებში შესაძლო იყო მოწინააღმდეგის მარწუხებში მოხვედრილიყვნენ, მაშინ მდინარესა და თავიანთ ბაზებს მთლად მოწყვეტილნი, მართლაც დაილუპებოდნენ.

მაგრამ ეტყობოდა, ლოდინს ისევ იერიშზე გადმოსვლა არჩიეს. კიტჩენერის ბრძანებით, ლორდ მეტუენმა შეაგროვა რაც მის ხელში საშუალებანი იყო, ყოველი სახის იარაღი მოქმედებაში მოიყვანა და დაიძრა ჩვენს წინააღმდეგ.

ინგლისელები, როგორც მზვერავებმა მოიტანეს ცნობები, ღამით კოკისპირულ თავსხმაში წამოსულან, იმ ვარაუდით, რომ განთიადისას ჩვენს პოზიციებს მოდგომოდნენ.

მართლაც, ინათა თუ არა, ისინი მოგვიახლოვდნენ, მაგრამ ინგლისელთა მოწინავე ჯარის სარდალმა უოშოპმა ბრძოლის დასაწყებად ბრძანების გაცემაც ვერ მოასწრო, ბურებმა ერთბაშად დააყარეს ტყვიები.

ტყვიები კალიასავით მიფრინავდნენ და მოწინავე ჯარის რიგებს უმოწყალოდ ცვლავდნენ. ბრძოლის დაწყებისთანავე ბურების ტყვიამ იმსხვერპლა თვითონ უოშოპი. ინგლისელებმა ახლა თავის დავლა ცადეს, იმავე დროს ლორდმა მეტუენმა ჯარის ახალ ნაწილს უბრძანა ბურებისათვის აუცილებლად წაერთმია დაკავებული პოზიცია.

ბურები მომალლო ადგილზე იყვნენ გამაგრებულნი, მტერი კი დაბლობებში მოქმედებდა. როგორც კი ინგლისელები ახალ იერიშზე გადმოვიდნენ, ბურებმა მოულოდნელად საპასუხო შეტევა დაიწყეს. ბრძოლაში ჩვენი პოლკიც ჩაება და შეერთებული ძალით მტერს პირ-

დაპირ მუსრი გავავლეთ. ვინც გადარჩა, ზოგი ნებით დაგვენება ტყვედ, ზოგი დავიმორჩილეთ, ზოგიც გაიქცა. ტყვეებმა ვრცლად გადაგვიშალეს ინგლისელების გეგმები. ბურებმა ტყვეები დააპურეს და სალამოს გაუშვეს, რაც ყოვლად მიზანშეუწონელი იყო. ასეთი ზედმეტი ქრისტიანული დამოკიდებულება მტრისადმი, ბოლოს სანანებლად გაუხდათ ბურებს, მაგრამ გვიანლა იყო.

სალამოს გამოჩნდა მტრის არტილერია, რომლის დაგვიანება ჩვენთვის გაუგებარი იყო. კრონიემ მტრის არტილერიას განლაგებაც არ აცალა, მათ ადგილსამყოფელზე ქვა-ქვაზე დაადულა.

ინგლისელებმა უკან დაიხიეს. ჩვენ ფეხდაფეხ მივდევდით. უკვე მეზობელ ორანჟის რესპუბლიკის იმ ადგილს შივადწიეთ, რომელსაც კიმბერლენი ეწოდება და სადაც აღმასის საბადოები იყო. ამ საბადოებს ინგლისელები განსაკუთრებით იცავდნენ.

ბურები დიდი გულისხმიერებით ეკიდებოდნენ ჩვენი პილკის მეთაურის ვილბუა-დე მორელის აზრს. მან ურჩია ბურებს იერიში მიეტანათ ქალაქ ლედი-სმიტზე, სადაც თავმოყრილი იყვნენ ინგლისელების მთავარი ძალები. იქვე იყო მათი ბაზაც.

კრონიე ახლა კიმბერლენის მიდამოებში იბრძოდა და ჰქმნიდა ორანჟის მებრძოლთა მტკიცე ბირთვის, ჩვენ კი ვილბუა-დე-მორელის სარდლობით ვიბრძოდით ლედი-სმიტის სანახებში. ქალაქ ლედი-სმიტს იცავდა ინგლისელი გენერალი უაიტი.

ქალაქის მისადგომებთან პირველი ფლანგის გასამარებლად ინგლისელებმა გავზავნეს პოდპოლკოვნიკი

კარლსტონი. მისი რაზმი დაიძრა ღამით. დილას დაინახეს, რომ მათ რაზმს გარს ერტყმიან ბურები გენერალ ჟუბერის სარდლობით.

გაჩაღდა ცხარე ბრძოლა, რაც ინგლისელთა დამარცხებით დამთავრდა.

ეს იყო გენერალ ჟუბერის უკანასკნელი ბრძოლა. იგი ამის შემდეგ მალე მოკვდა. ბურებისათვის ეს დიდ დანაკლისს წარმოადგენდა. ჟუბერი შესანიშნავი ადამიანი და მეტად ნიჭიერი მხედართმთავარი იყო.

იგი ვილბუას მეგობრობდა.

მეგობრის წინაშე უკანასკნელი ვალის მოსახდელად ვილბუა პრეტორიაში წავიდა და მეც თან წაყვევით.

გენერალი დაკრძალული დაგვხვდა.

მივედით მის ქვრივთან სამძიმრის სათქმელად. დიდგემოვნებით მოწყობილ სახლში იჯდა შავებით მორთული აზიზი აღნაგობის ქალი, რომელსაც სასიამოვნო სახის იერი ჰქონდა. იგი არც მოთქვამდა, არც ჩუმად ტიროდა დამწუხრებული კი ძლიერ იყო.

ქვრივს გარს ეხვივნენ სამხედრო უფროსთა ცოლები, რომელთა შორისაც თავის სილამაზით გამოირჩეოდა დე-ვეტას მეუღლე.

ზახვის ახალგაზრდა ქალმა ვერცხლის სინით მარდათ ჩამოგვირიგა ყავა.

მამაკაცებს მოგვიტანეს მაგარი სასმელიც. აფრიკაში ჩასვლამდე მე მას ახლოსაც არ ვეკარებოდი, აქ კი, ფრონტზე ისე შევეჩვიე, რომ ცივ ღამეებში უიმისოდ დავალების შესრულება მიჭირდა.

ცერემონიალის შემდეგ, დაუყოვნებლივ დავტოვეთ პრეტორია და მივაშურეთ ჩვენს პოლკს.

ომი გრძელდებოდა. კიტჩენერი უმწეო იყო შეესრულებია თავისი დაპირება ბურების სწრაფად დამარცხების შესახებ. ბურები თავგანწირულად იცავდნენ თავიანთი რესპუბლიკის ყოველ მტკაველ მიწას. ინგლისელებს კი გადაწყვეტილი ჰქონდათ უთუოდ ხელში ჩაეგდოთ ეს მდიდარი ქვეყანა, რისთვისაც მზად იყვნენ სასაფლაოდ გადაექციათ მთელი ტრანსვაალი.

კიტჩენერი თხოულობდა ჯარის ახალ-ახალ ნაწილებს. ამ ჟამად მის განკარგულებაში მყოფი ჯარი საგრძნობლად შეთხელებული და მოქანცული იყო ბურების მოთარეშე რაზმებთან განუწყვეტელ ბრძოლებში.

ღიან, კიტჩენერს ეგონა, ბურებს, როგორც „მეამბოხეებს“, მალე მოუღებდა ბოლოს საექსპედიციო კორპუსით, მაგრამ ვარაუდში მოტყუვდა. ამიტომ ინგლისი იძულებული გახდა გამოეგზავნა ახალი არმიები.

ინგლისიდან ჯარის გადმოყვანას რ კვირას უნდებოდნენ. ამ ხნის განმავლობაში მგზავრობით დაღლილნი და ზღვის ავადმყოფობით ღონეგამოღებულნი, შეუძლებელი იყო ხმელეთზე გადმოსხმისთანავე ჩაებათ ომში. ბურები კი სულისმოთქმის საშუალებას არ აძლევდნენ მოულოდნელი თავდასხმებითა და პარტიზანული თარეშებით.

ინგლისელებს უხდებოდათ უცნობ გარემოცვაში და შეუჩვეველ ბუნების პირობებში ბრძოლა. გარდა ამისა, ისინი დაქირავებულნი იყვნენ და იბრძოდნენ სხვის ქვეყანაში, ბურები კი თავის ნებით იბრძოდნენ თავისივე ქვეყნის დასაცავად. ეს გარემოება ბურებს ენერგიას



უორკეცებდათ და შეუძლებელს ხდიდა მათი მხნეობის გატეხვას.

ბურებს ერთი უპირატესობაც ჰქონდათ, ისინი შესანიშნავი ცხენოსნები იყვნენ. ცხენებიც ადგილობრივ პირობებთან შეგუებული და კარგად დაურევებული ყავდათ.

ინგლისელების ცხენები კი ყოველივე ამას მოკლებულნი იყვნენ. ამავე დროს ცხელ ჰავის გარდა, მათ ცხენებს უკანასკნელ ძალას აცლიდნენ შხამიანი ბუზები, ე. წ. „ცეცე“, რომელთა მოგერიებას თავიანთი შექრილი კუდებით ისინი ვერ ახერხებდნენ.

ასეთ პირობებში მტრის კიდევ უფრო შესაფიწროებლად, ბურები საჭიროების და მიხედვით, ადგენდნენ რაზმებს, რომელთაც ეწოდებოდათ „კომანდო“. ეს რაზმები, პარტიზანების მსგავსად და პარტიზანებთან შეთანხმებით, მოსვეხებას არ აძლევდნენ ინგლისელების ჯარის ნაწილებს, იმავე დროს იგივე რაზმები ებრძოდნენ შინაურ მტრებსაც.

ზოგჯერ ინგლისელები აქა-იქ ახერხებდნენ მომხრეების შოვნას. ინგლისელების მიერ გაბრიყვებული სულ-მოკლე ადამიანები ბოლოდროს არც თუ ისე ცოტანი იყვნენ. ისინი გადადიოდნენ მტრის ბანაკში და სამწყუხაროდ, პატარა დახმარებას როდი უწყევდნენ მას. ბურები თუ ტყვეებს სათნოთ ეპყრობოდნენ, მოღალატეებს როგორც კი ხელში ჩაიგდებდნენ, მაშინვე ხვრეტდნენ.

ერთხელ გენერალ ლუი ბოტასთან გამოცხადდა ინგლისელების მიერ გადაბირებული ბური, როგორც პარლამენტური და კიტჩენერის სახელით შეთავაზა ზავი.

გაცეცხლებულმა ბოტამ იგი იქვე თავისი ხელით დახვრიტა.

კრონიეს ჯარი 7—8 ათასი კაცის რაოდენობით, როგორც ვთქვით, უმთავრესად განლაგდა კიმბერლენის გარშემო. დელარეი კი დარჩა ლორდ მეტუენის ჯარის წინააღმდეგ ბრძოლის გასაგრძელებლად. კრონიემ ვილბუას პოლკი თავის მოქმედების არეში გადაიყვანა, საჭიროების დროს ღია ბრძოლაში გამოსაყენებლად.

დელარეიმ სასტიკად დაამარცხა ლორდ მეტუენის ჯარი და თვითონ მეტუენი ტყვედ ჩაიგდო. მაგრამ მანვე იგი მალე გაანთავისუფლა.

ინგლისელებს არც სხვა ფრონტზე ჰქონდათ სახარბიელოდ საქმე. ამ გარემოებამ, აგრეთვე ედუარდ VII (107) სურვილმა, რომ მისი გვირგვინის კურთხევის დღისათვის ბურებთან ომი დამთავრებულიყო, ინგლისის მთავრობა აიძულა საზავო წინადადებით მიემართა ტრანსვაალის და ორანჟის რესპუბლიკებისათვის. ორივე რესპუბლიკა მყისვე დათანხმდა. დაიწყო მოლაპარაკება.

ბურებმა წარადგინეს სამი პირობა:

1) ორივე რესპუბლიკისათვის დამოუკიდებლობის შენარჩუნება.

2) ომისაგან მიყენებულ ზარალის ანაზღაურება ბურებისათვის.

და 3) ამნისტიის გამოცხადება, რომლის ძალითაც არ უნდა დასჯილიყვნენ კაპსკის კოლონიის მცხოვრები აფრიკელები ინგლისის წინააღმდეგ აჯანყების გამო.

ინგლისის მთავრობა არც ერთ ამ პირობას არ დაეთანხმა.

ვინაიდან ევროპიდან დახმარებაზე ფიქრიც ზედმეტი იყო, თანაც ინგლისელებმა აფრიკაში ნახევარ მილიონამდე ჯარს მოუყარეს უკვე თავი, ბურებმა არჩიეს დათმობაზე წასულიყვნენ. ისინი დათანხმდნენ უარი ეთქვათ დამოუკიდებლობაზე, თუ მათ ექნებოდათ ფართო უფლებებიანი ავტონომია. ამრიგად ჩაისახა ტრანსვაალის, ორანჟის, ნატალის და კაპსკის კოლონიის სამხრეთ-აფრიკის შეერთებული შტატების იდეა. ამ შტატებს უნდა ჰქონოდა თავის კონსტიტუცია და პარლამენტი, ინგლისის უზღველესი მფარველობის ქვეშ.

სამაგიეროდ ბურებისათვის ზარალის ასანაზღაურებლად ინგლისმა იკისრა 10 მილიონი სტერლინგის გაღება, აგრეთვე კაპსკის კოლონიისათვის ამნისტიით დანაშაულის პატიება.

მაგრამ, ვინაიდან მოლაპარაკება გაჭიანურდა და ამ მოლაპარაკების დროს დროებითი ზავი არ ყოფილა დადებული, ომი კვლავ გრძელდებოდა. ინგლისელები, განსაკუთრებით დევნიდნენ დელარეის, მაგრამ დელარეის მარწუხებში მოქცევა არც ისე ადვილი იყო.

მან ერთ დღეს ბრწყინვალედ დააღწია თავი გარემოცვის საშიშროებას. იმავე დღეს, საღამოს დელარეიმ დაამარცხა მტრის საკმაოდ ძლიერი მეორე რაზმი.

აღმოსავლეთ ტრანსვაალიდან ნატალისაკენ სწრაფად მოეშურებოდა ლუი ბოტა.

ამავედროს კიტჩინერი ცდილობდა ედუარდის გვირგვინის კურთხევის დღისათვის ბურებთან ომი გამარჯვებით უთუოდ დაემთავრებია. ამისათვის მან აამოქმედა მთელი ჯარი და ყოველგვარი სახის იარაღი. იმავე

დროს მან ბურების წინააღმდეგ მიმართა ისეთ ველურ-რობას, რაც ატილასაც<sup>108</sup>) არ ჩაუდენია. კიტჩენერმა ბოლო ხანებში, ბურებზე შეტევისას წესად შემოიღო ქალებისა და ბავშვების წინ გამძღვარება. როცა ასეთი საფარით ბურებს მტერი მიუახლოვდებოდათ, ისინი იძულებული იყვნენ პოზიცია დაეთმოთ, მაგრამ ახლასხვა პოზიციაზე მაგრდებოდნენ, ან მტერს თავს დაუვლიდნენ და სამაგიეროს ერთი-ორად აზღვევინებდნენ. ამას ბურები უფრო თარეშით ახერხებდნენ და ამიტომაც ამ ხერხს ხშირად მიმართავდნენ.

ინგლისელებმა მთელი ფრონტი ბლოკჰაუსებით<sup>109</sup>) დასერეს, მაგრამ მათ შორის დე-ვეტა და დელარეი მაინც უვნებლად დაჰქროდნენ. ისინი ხან აქ, ხან იქ ზედიზედ ანგრევდნენ რკინიგზებს, რაც ინგლისელებს მეტად უძნელებდა ომის წარმატებით წარმოებას.

კიტჩენერი დარწმუნდა, რომ ბურების ცალ-ცალკე რაზმების დევნა და მათი გარემოცვაში მოქცევის სურვილი ამაო იყო, ამიტომ გადაწყვიტა დაეწყო გაშლილი ფრონტით ღია თანმიმდევრული შეტევა. კიტჩენერმა დაიწყო მზადება. ვემზადებოდით ჩვენც, რადგან უკვე ვიცოდით მისი განზრახვა.

\* \*

ქუბერის სიკვდილის შემდეგ, მთავარსარდლად დაინიშნა გენერალი ლუი ბოტა.

თავის გმირული ბრძოლებით, ბურებმა დიდათ დააზარალეს ინგლისელები, რომლებსაც უკანასკნელად ამ



პატარა ხალხის წინააღმდეგ გამოიყენეს დიდძალი სა-  
უკეთესოდ შეიარაღებული ჯარი.

მარტო 20.000 კაცი გამოყოფილი იყო დე-ვეტას შე-  
საპყრობად. დე-ვეტამ კი, თავის მხრით, ერთხელ ლამის  
ტყვედ ჩაიგდო თვითონ კიტჩენერი.

კიტჩენერმა დაიწყო შეტევა ყველა ფრონტზე. პირველ  
რიგში მან 40.000-იანი არმია დაძრა კრონიეს წინააღმ-  
დეგ და აიძულა იგი უკან დაეხია. კრონიე უკან იხევდა  
ბრძოლით. ბოლოს იგი გამაგრდა ქალაქ ბოსგოფის კედ-  
ლებთან. აქ 9 დღეს გაგრძელდა სასტიკი ბრძოლა. ამ  
ბრძოლაში გმირულად დაიღუპა ჩვენი პოლკის ნახევარ-  
ზე მეტი.

ამავე ბრძოლაში დაეცა ჩვენი პოლკის შესანიშნავი  
სარდალი ვილბუა-დე-მორელი.

ვილბუა ყუმბარის ნატეხით მძიმედ დაიჭრა თავში.  
იგი იწვა ჩემს მკლავზე და თანდათან ვაჟკაცურ სულს  
ლევდა. ირგვლივ კი კვლავ გააფთრებული ბრძოლა წარ-  
მოებდა, ზარბაზნებძის ქუხილი აზანზარებდა ცასა და  
მიწას. ვილბუა კვდებოდა და წუხდა, რომ აღარ შეეძ-  
ლო თავის პოლკის უკანასკნელ ჯარისკაცამდე ებრ-  
ძოლა.

მას ერთი წუთითაც არ დაუკარგავს გონი. როცა  
მთლად შეუწყდა მაჯისცემა, უკანასკნელად ამოიღულ-  
ლულა: „საფრანგეთი“, და სამუდამოთ დახუჭა ერთ დროს  
მგზნებარე და სიცოცხლით სავსე თვალები.

ყველა მეტად დაამწუხრა მისმა სიკვდილმა. მე კი  
ვილბუას სიკვდილს განვიცდიდი, როგორც ღვიძლი მა-  
მის დაკარგვას. დიახ, ის იყო ჩემთვის არა მარტო მამა,

არამედ ძმა, მეგობარი, რაღაც კიდევ უფრო მეტი. ამ შესანიშნავ მებრძოლთან და ადამიანთან მე გვერდით-გვერდ ვავატარე თითქმის ორი წელიწადი, მერე და როგორი ორი წელიწადი! ერთი დღეც არ გვექონია ისეთი, რომ ქარცეცხლში არ ვყოფილიყავით.

არა ნაკლებ შეაძრწუნა მისმა სიკვდილმა კრონიეც-ვილბუა იყო კრონიეს ნამდვილი მარჯვენა ხელი ბრძოლაში და საუკეთესო მრჩეველი ბრძოლის დაწყების წინ. და ახლა, როცა არა თუ კრონიეს, არამედ მთელი რესპუბლიკის ბედი ბეწვზე ეკიდა, ვილბუა მას გვერდით აღარ ყავდა.

სასტიკი ბრძოლა გრძელდებოდა.

დე-ვეტა და ბოტა ამაოდ ცდილობდნენ კრონიეს გამოხსნას. ინგლისელების ურიცხვ ჯარს იგი მომწყვდეული ყავდა ორმაგ რკალში. ბურები იხოცებოდნენ ვაჟკაცურად. მთელი არემარე აივსო გვამებით. მათ დასამარხად არავის ეცალა. მცხუნვარე მზისაგან გახრწნილი ნეშტები წამლავდა ჰაერს და სუნთქვა ჭირდა.

იფეთქა ეზიდემიამ.

ამავე დროს გამოგველია არა მარტო ტყვია-წამალი, არამედ სურსათ-სანოვაგაც. ჩვენივე ხელით ვკლავდით ჩვენს ერთგულ ცხენებს და მათ ხორცს ვწვავდით მოვარვარე მზეზე. მე ძალისძალად ვყლაპავდი ნახევრად უმსა და სავსებით უმარილო ხორცის ნაჭრებს. ზოგჯერ ამიტყდებოდა საშინელი პირღებინება და დედის რძეც აღარ შემრჩებოდა.

შიმშილზე უფრო გეტანჯავდა წყურვილი.

მდინარეს მოწყვეტილი ვიყავით. წყალსადენის მი-

ლები კი, სადაც იყო, ინგლისელებმა გადაგვიჭრეს, თანაც სწორედ ამ დროს ტროპიკული სიცხე მძვინვარებდა და რაც გარემოცვაში მოვეყვით, ერთხელაც არ მოსულა წვიმა.

ჩვენს მდგომარეობაზე უფრო საშინელი იყო ჩვენთან ერთად გარემოცვაში მოყოლილ ლტოლვილ ბავშვებისა და ქალების მდგომარეობა. ჩონჩხად ქცეული ბავშვები ჭერეხივით ეყარნენ ყველგან, ხოლო მომაკვდავი ჩვილი ბავშვები შეშლილებივით ეჭირათ გამხდარ ხელებში ძუძუ გამშრალ დედებს. დასუსტებული ბავშვები კატის კნუტებივით კნაოდნენ.

მე შემიძლია თამამად ვთქვა, რომ ნამდვილ ჯოჯოხეთში ვიყავი.

კრონიემ ველარ გაუძლო ამდენი ხალხის წამებას. იგი იძულებული გახდა მტერს დანებებოდა.

დავყარეთ იარაღი.

კიტჩენერის ჯარმა დაიკავა ჩვენი პოზიციები. ტყვედ ჩავარდნილები ჯგუფ-ჯგუფად გაგვიყვანეს ბრძოლის ველიდან.

ინგლისელებმა განაგრძეს შეტევა.

ბურებმა კი ყველა ფრონტზე დაიწყეს უკან დახევა.

მაშ ასე, მე უკვე ტყვე ვარ. ტყვეების ერთი ნაწილი გაგზავნეს წმ. ელენეს კუნძულზე<sup>110</sup>) ნაწილს ყოველგვარი სამსჯავროს გარეშე, რაღაც მოსაზრების გამო დახვრეტა მიუსაჯეს. მათ შორის ვიყავი მეც.

ყველაზე უფრო ის მაწუხებდა, რომ 2 წლის განმავლობაში სამართლიანობისათვის ბრძოლისა და გმირი ხალხის რესპუბლიკის დაცვისათვის ათასგვარ ტანჯვა-

გამოვლილი მტერს უნდა დავეხვრიტე, როგორც ავა-  
ზაკი.

ეს მიშფოთებდა სულს მხოლოდ.

მერმე თანდათან აპატიამ შემიპყრო. ახლა ჩემთვის  
სულ ერთი იყო ერთი საათის, თუ ერთი დღის შემდეგ  
დამხვრეტდნენ.

უკვე აღარაფერს ვაქცევდი ყურადღებას.

დაღამდა. ურიცხვი ვარსკვლავები კვლავ აკიაფდნენ  
სუფთა ცაზე. თოფ-ზარბაზნების საშინელი ქექა-გრგვინ-  
ვის ნაცვლად, ახლა ირგვლივ გულისგამწყვალელებელი  
სიჩუმე იდგა.

ვეგდე მიწაზე და უხალისოდ შევცქეროდი მოციმ-  
ციმე ვარსკვლავებს.

გამახსენდა საქართველო, ჩემი სახლ-კარი მუხრანში,  
მოხუცი დედა... ნათესავეები... მეგობრები...

ერთხელ ვიღბუამ მითხრა, რომ ფრანგულ, ხშირად  
ამერიკულ გაზეთებშიაც შენზე ბევრს წერენო, ალბათ,  
ახლა ჩემი დახვრეტის ამბავსაც გამოაქვეყნებენ. თუ ეს  
ამბავი რუსულმა გაზეთებმაც გადაბეჭდეს და მათი მე-  
ობებით დედაჩემმა გაიგო ჩემი ცხოვერების ასეთი სა-  
ვალალო ბოლო, ეს იქნება პირდაპირ საშინელება მო-  
ხუცისათვის!

დედის მოგონებამ რალაცნაირად გული შემიქანა.  
გულის ჯიბიდან ამოვიღე მშობლის სურათი, რომელსაც  
მუდამ თან ვატარებდი და მთვარის შუქზე დავცქერო-  
დი, მისი სახით კვლავ თვალწინ წარმომიდგა შორს დარ-  
ჩენილი ჩემი საყვარელი სამშობლო.

მთელი ღამე რული არ მომკარებია. როგორც კი



ირიჭრაჟა, ყველანი ფეხზე წამოგვეყარეს. 100 კაცი ვიქ-  
ნებოდით. გაგვიყვანეს და ქალაქის კედლებთან გაგვამ-  
წკრივეს. თითოეულ ჩვენთაგანს პირდაპირ თოფმომარჯ-  
ვებული თითო ინგლისელი დაგვიყენეს.

მე მებრაზებდა ინგლისელ ოფიცრების ნელი, გულ-  
გრილი მოქმედება, რის დროსაც ისინი განსაკუთრებულ  
პუნქტუალობას იჩენდნენ ჩვენი დახვრეტის წინ. ეს  
პროცედურა აღმაშფოთებელი იყო იმიტომ უფრო, რომ  
ისინი დასჯას უპირებდნენ იმ ადამიანებს, რომლებიც  
იცავდნენ თავიანთ რესპუბლიკას და სამართლიანობას.

დასახვრეტად გამზადებულთა შორის იყვნენ ახალ-  
გაზრდა და ხანდაზმული ბურებიც, რომლებიც ამაყად  
თავაწეულნი იდგნენ მოღერებულ ლულების წინ.

მე მათ შორის ვიყავი.

ყველასაგან გამოვირჩეოდი ჩემი არაჩვეულებრივი  
სიმაღლისა და იერის გამო.

ვიდექი უძრავად. ხელში კვლავ დედის სურათი მე-  
ჭირა—სიკვდილის წინ მინდოდა კიდევ ერთხელ დამე-  
ხედა მისთვის.

ერთმა ოფიცერმა შორიდან თვალი გამიშტერა, მერ-  
მე ახლო მოვიდა, ამათვალისწინებდა ჩამათვალისწინებდა, ბოლოს  
ხელში სურათი შემნიშნა და გამომართვა.

რალაც გაკვირვება დაეტყო.

დედაჩემს ქართული ძველებური ყურთმაჯებიანი კა-  
ბა ეცვა და ჩიხტი-კოპი ეხურა.

— ვინ არის ეს ქალი ასე უცნაურად შორთული? —  
მკითხა მან.

— ჩემი დედაა! — ფრანგულად ვუპასუხე მე.

— დედა? შენ თვითონ ვინ ხარ?

— ქართველი! გვარად ბაგრატიონი!

ამის გაგონებისთანავე ოფიცერმა მყისვე უკან დაიხია, მერმე ბრძანა ჩემი მწკრივიდან გამოყვანა და სადღაც გაიქცა. კი არ წავიდა—გაიქცა.

მალე იქაურობას მომაშორეს.

წამიყვანეს და ჩამაგდეს ქალაქის ხაროში, რომელსაც ისინი სატუსალოს ეძახდნენ, მაგრამ ეს იყო ნამდვილი ჯოჯოხეთი. საკანში მხოლოდ ერთ პატარა ქუჭრუტანიდან შემოდის დღის სინათლე. პირველ ხანებში ვერაფერი გავარჩიე, მერმე, როცა თვალი თანდათან შევაჩვიე სიბნელეს, საშინელი სურათი წარმომიდგა: ქვის იატაკიან საკმაოდ დიდი ოთახის ნესტიან კედლებზე მიჯაჭვული იყვნენ ტუსალები, რომელთაც ადამიანის აღარაფერი ეტყობოდათ. ჩონჩხად ქცეულებს გაბურძღვნილ თმასა და წვერში მარტო თვალებილა მოუჩანდათ.

დაკონკილი ძველმანები სანახევროდაც ვერ უფარავდათ ქუჭყიან, გაძვალტყავებულ სხეულს.

კარგახანს ვიდექი სიზმარში მყოფივით და ხან ერთს მივჩერებოდი, ხან მეორეს, ბოლოს ერთბაშად ძილი მომეკიდა, დავწექი ჩემს ნარზე, მაგრამ ბაღლინჯოები მაშინვე დამესია და წათვლემის საშუალებაც არ მომცეს.

მთელი ღამე წამებით გავატარე. დილას ავტებზე არაადამიანური ხმით ყვირილი. გყვიროდი, რომ მე სამხედრო ტყვე ვარ და არა ყაჩაღი.

ყვირილი მანამ არ შეეწყვიტე, ვიდრე ციხის მესვეურებს ხმა არ მივაწვდინე. როგორც იყო, გაიღო საკანის

კარი, შემოვიდა ორი შეიარაღებული ჯარისკაცი და გამიყვანეს. უცებ აღმოვჩნდი ნათელ, რაც მთავარია, შედარებით სუფთა ოთახში.

მაშინვე დავეცი იქვე მდგარ ტახტზე, მკლავზე კარგად თავის დადებაც ვერ მოვასწარი, რომ ღრმად ჩამეძინა. მეორე დილამდე გვერდი არ მიცვლია, მორალურად და ფიზიკურად მოქანცვის გამო, მკვდარივით ვეგდე.

ზედამხედველმა მითხრა, რომ ვერაფრით ვერ გამაღვიძეს თურმე.

მომიტანეს საკმაოდ ნოყიერი საუზმე და ერთი ჭიქა არაყისებური რაღაც მაგარი სასმელი, თავი კვლავ მხნელ ვიგრძენი.

საუზმის შემდეგ, იმავე ზედამხედველმა გამომიციხადა, რომ კიტჩენერს უნდა წარვდგომოდი. და აი, 3 დღის ტყვეობის შემდეგ, შეიარაღებულმა ჯარისკაცებმა წამიყვანეს ინგლისის არმიის მთავარსარდალთან.

გაიღო კარი და აღიუტანტმა კაბინეტში შემიხმო.

მაღალჭკრიან, ლამაზად მორთულ ფართო ოთახში განიერ მაგიდასთან იჯდა კიტჩენერი. ჩემი შესვლისთანავე აღვა, მაგიდას გამოცილდა და ნელი ნაბიჯით წამოვიდა ჩემსკენ.

ზურგზე ხელებ დაწყობილი მომიახლოვდა.

მეგონა მრისხანე იუპიტერის <sup>111)</sup> მზერას მესროდა, მაგრამ ნაცვლად ამისა, თავაზიანად მომაპყრო თავისი უცნაური თვალები, რომლებიც ქამელეონივით <sup>112)</sup> იცვლიდნენ ფერს. პირველად მე ისინი ჭროლა მეჩვენა, ერთი წუთის შემდეგ კი დაფანჩულსა და მოშავო წარბებს ქვეშ დავინახე მუქი წაბლისფერი გუგები.

კიტჩენერი შესანიშნავად ფლობდა ფრანგულ ენას, ყოველგვარი კილოს გარეშე ლაპარაკობდა, რაც ინგლისელთა შორის იშვიათი შემთხვევაა.

ის იყო დაბალი, ჯმუხი. მე წელამდეც ვერ მწვდებოდა და ძალაუნებურად მაღლიდან დაეყურებდი.

რამდენიმე წუთს უხმოდ ვუცქეროდით ერთმანეთს. ჩემს წინ იდგა კაცი, რომელიც ასე მხეცურად მუსრს ავლებდა ბურებს და იმავე დროს წარმოუდგენელ სისასტიკეს იჩენდა მათი ბავშვებისა და ცოლებისადმი.

მან მკითხა:

— თქვენ ბაგრატიონი ხართ?

ჩემი დადებითი პასუხის შემდეგ, განაგრძო:

— რატომ იბრძვით ჩვენს წინააღმდეგ?

— აფრიკაში მე მოვედი, როგორც მოგზაური. ჩემი ჩამოსვლა დაემთხვა ძლიერი ინგლისის მიერ პატარა ხალხის წინააღმდეგ ომის გამოცხადების ამბავს. მაშინვე გადავწყვიტე ჩავმდგარიყავი ბურების რიგში, რადგან ბურების ბრძოლა მე მიმაჩნია საერთოდ თავისუფლებისათვის ადამიანების ბრძოლად. ყველა ხალხს უნდა შეეძლოს თავისუფლად იცხოვროს ამ ქვეყანაზე. ამისათვის ხალხი არ უნდა ისჯებოდეს.

კიტჩენერის თვალებში ახლა სხვა ფერის შუქმა გაივლია, მაგრამ თავი შეიკავა და თავიდანვე აღებულ კილოთი მოკლედ მითხრა:

— ჩვენ ვხვრეტთ მემამბოხეებს. თქვენ კი, როგორც სამხედრო ტყვე, ინგლისის მთავრობის განკარგულებით, იგზავნებით წმ. ელენეს კუნძულზე, — ეს თქვა და შებრუნდა.

ადიუტანტმა, რომელიც ამ ხნის განმავლობაში კარებთან უძრავად იდგა, ტალანში გამიყვანა და ჩემი თავი კვლავ შეიარაღებულ ჯარისკაცებს გადასცა.

ბურები კიტჩენერს ეძახდნენ მახრჩობელა გველს. მათმა სისხლმა, ბური ქალების და ბავშვების ცრემლმა ბოლოს უწია მას: იგი დაიღუპა 1916 წელს, როცა სამხედრო გემით ინგლისიდან რუსეთში მიემგზავრებოდა.

\* \*

რამდენიმე დღის შემდეგ უკვე გემში ვიყავი, მაგრამ არა როგორც თავისუფალი მოგზაური, არამედ როგორც სამხედრო ტყვე. თავისუფლებასთან ერთად დაგვარგე ჩემი წითელი სათვალეებიც, თუმცა მე იგი აღარ მჭირდებოდა, რადგან ზღვას სულაც ვერ ვხედავდი: ზღვის ავადმყოფობით გასავათებული სადღაც გემის ჯურღმულში ვიყავი მიგდებული.

არც კი გამიგია რამდენი დღე ვიმგზავრეთ და როდის მივედით წმ. ელენეს კუნძულთან. როცა კუნძულის მთავარ ქალაქის ჯემსტოუნის ნავთსადგურში გემმა ღუზა ჩაუშვა, ჩემმა თანამებრძოლებმა ცოცხალ-მკვდარი ძლივს გადამიყვანეს ხმელეთზე. საშუალება მოგვცეს დაგვესვენა. ცოტა დაგვანაყრეს კიდევც, მერმე ჩავვაყენეს მწკრივში და წავგვასხეს ტყვეებისათვის განკუთვნილ ბანაკისაკენ, რომელიც ქალაქიდან კარგა შორს აღმოჩნდა.

ქალაქში გზად გავლისას, ჯემსტოუნი საკმაოდ კეთილმოწყობილად მომეჩვენა: მთავარ ქუჩაზე, ერთი სტილისა და მოყვანილობის სახლები, მალაზიები.



მივდიოდით აჩქარებით, რომ დაღამებამდე მივსულიყავით ბანაკში.

მართლაც, დაბინდებამდე მივედით ბანაკში, რომელიც მოწყობილი იყო მთიან ადგილას. მე მომცეს გვარიანი კარავი, რომელშიაც ცარიელი ტახტის მეტი არაფერი იყო.

ტყვეებს სასტიკად აკრძალული გვქონდა ბანაკის ფარგლებს გავშორებოდით. ყველგან გუშაგები იდგნენ. მაგრამ სად უნდა გავქცეულიყავით? ირგვლივ უსაზღვრო ოკეანე გვერტყა.

შიშველ კლდეებზე ატლანტიკის ოკეანეს ტალღების ტლაშუნი სევდას მგვრიდა. იმავე დროს მოტორტმანე ზღვის ზედაპირზე, დილით ამომავალი მზის შუქის და საღამომობით დაისის მეწამული ფერის ციაგი თვალს მიხარებდა.

ხშირად ვიჯექი მარტოდ-მარტო კლდის ქიმზე და ჯავცქეროდი უსაზღვრო მოციმციმე სივრცეს.

აღბათ, არა ერთხელ უცქერია ამ დიდებულ სურათისათვის ნაპოლეონს თავის მარტოობის ჟამს.

ნაპოლეონის სასახლე, რომელიც უფრო ჩვეულებრივ სახლს წარმოადგენდა, აგებული იყო კუნძულის მეორე მხარეს, მდიდარ ტროპიკულ მცენარეთა შორის.

ნაპოლეონმა, როგორც ტყვემ, თავის მცირე ამალით აქ დაჰყო 1815 წლიდან 1821 წლამდე, აქვე გარდაიცვალა, აქვე იქნა დამარხული, შემდეგ ინგლისელების ნებართვით, გადაასვენეს პარიზში.

კუნძულზე ორი თვის ყოფნის შემდეგ მე და გრაფ ბრედას ნება დაგვრთეს გვენახა ის სახლი, სადაც ნა-

პოლეონმა გაატარა თავისი სიცოცხლის უკანასკნელი წლები. ნება დაგვრთეს, აგრეთვე ჩვენი გვარები ჩაგვეწერა მნახველთათვის განკუთვნილ წიგნში.

ნაპოლეონისეულ სახლის ერთ ნაწილში ცხოვრობდა საფრანგეთის ელჩი, მეორე ნაწილი წარმოადგენდა მუზეუმს, სადაც იდგა ნაპოლეონის საუცხოო ბიუსტი.

ერთ დროს რუსეთის ველებზე მას ებრძოდა პეტრე ბაგრატიონი, ახლა ცხრა მთასა და ცხრა ზღვის გადაღმა მისი პატარა ბიუსტის წინაშე ვიდექი მე, მეორე ქართველი, და ცივ ქვად ქცეულ სარდალს შევეყურებდი! გამახსენდა ნაპოლეონის მამელუკი(ც.118).

მართლაც, საოცარია ცხოვრება!

...ბურებთან ყოფნის დროს, მე ვწერდი დღიურებს, მაგრამ ინგლისელებმა ტყვედ წაყვანის დროს ჩამომართვეს. ალბათ, მისი ერთი ფურცელიც აღარაა ახლასადმე, შეიძლება შექორჩენილიც იყოს, ვინ იცის! კუნძულზე კი რაიმეს წერის ნებას არ გვაძლევდნენ. შეგვეძლო ოჯახში გაგვეგზავნა მხოლოდ ერთი ღია ბარათი, თვეში ერთხელ, ისიც სამხედრო ცენზურის დასტურის შემდეგ.

ერთხელ გადავწყვიტე დედისათვის ქართულად მიმეწერა წერილი, მაგრამ ეს ბარათი უკანვე დამიბრუნა კუნძულის ხელისუფლებამ.

ბანაკში ოფიცრები ცალკე გამოყვეს, მეც მათ ჯგუფს მიმაკუთვნეს, ჯარისკაცები კიდევ ბანაკის მეორე მხარეს დააბინავეს.

როგორც ვთქვი, კარავი კარავი მქონდა, მაგრამ საფსებით მოუწყობელი იყო.

ტრანსვაალიდან ჩამომყვა ბაჯალლო ოქროს მონეტები, რომელზედაც ამოტვიფრული იყო კრიუგერის სახე, მაგრამ ამ ფულს ვიზოგავდი საკპლისათვის. ბოლოს, იძულებული გავხდი, ამ ფულიდან შემეძინა ცოტარამ. პირველ რიგში ვიყიდე პურის ფქვილის ცარიელი ტომრები, გავტენე თივით და ნაალად დავიგე. ეს ჩემი მოუსვენარი თავიც თივის მუთაქაზე მედვა.

კომენდანტმა დამითმო ცარიელი ხის ყუთები, რომლისაგანაც საკუთარი დურგლობით გავიკეთე მაგიდა, სკივრი და სკამი. მაგიდაზე იდგა ბოთლი შიგ ჩარკობილი სანთლით. ეს იყო ჩემი ლამპარი. სკივრში ვინახავდი მცირე სურსათ-სანოვაგეს.

თუ დარი იყო, ჩემს კარავს არა უშავდა, მაგრამ ტროპიკული წვიმის დროს შიგ ტლაპო დგებოდა, ხის იატაკის დაგების საშუალება კი არ მქონდა და შევნატროდი სხვებს, რომლებიც ამ მხრივ ჩემზე უფრო ბედნიერები იყვნენ.

მალე მთლად შემომაცვდა მოგვები, იძულებული ვიყავი წვიმაში ფეხშიშველს მევლო. აღარც თეთრეული გამაჩნდა. ტანისამოსიც ძონძებად მექცა, ერთი სიტყვით, პირდაპირ მათხოვარს დავემსგავსე. ძალიანაც გავხდი, 8 ფუთის ნაცვლად უკვე 5 ფუთს ვიწონიდი.

ჩემმა მეგობრებმა ჰოლანდიელებმა კაპიტნებმა ფიგელიუსმა და ვიტხამორმა, განსაკუთრებით კი გრაფმა ბრედამ სესხად შემომთავაზეს ფული, მაგრამ მე უარი ვთქვი, რადგან არ ვიცოდი როდის შევძლებდი ვალის გადახდას.

ბოლოს, ბრედამ მაიძულა მისგან სესხად მიმეღო ბა-

ნაკის პირობებში საკმაოდ დიდი თანხა. ამ ფულით, უწინარეს ყოვლისა, შევიძინე უბრალო, მაგრამ სუფთა ტანისამოსი, ფეხსაცმელები და ლოგინი. დანარჩენი გადავინახე საზრდოსათვის.

„კრიუგერებიც“ მქონდა, ასე რომ გაჭირვებას როგორც იყო თვალი გავუსწორე.

ბანაკის ხელისუფლება ბოლო ხანებში, რატომღაც განსაკუთრებულ ყურადღებას იჩენდა ჩემდამი. მომვლელად ერთი ფრანგი ვინმე კოსტი მომიჩინეს. კარგად შევეწყვეთ ერთმანეთს. როგორც ბავშვს ისე მივლიდა. შედარებით მაძლრად ვიყავით, მაგრამ ჩემი მორთულობით კოსტი უკმაყოფილო იყო და სულ იმას მეჩიჩინებოდა უფრო ხეირიანი კოსტუმი მეყიდა, მაგრამ მე საოცარ სიძუბუნეს ვიჩენდი. უწინარეს ყოვლისა ჯანს უნდა გაუფრთხილდეს კაცი, ვეუბნებოდი მას, ტანისამოსი კი ეს ისეთი ქერქია, რომლის გამოცვლა ყოველთვის შეიძლებამეთქი. მართლაც, სურსათ-სანოვაგის შესაძენად უფრო გულუხვობას ვეწეოდი, თუმცა ყაირათიანობას აქაც ვიცავდი, რადგან მეშინოდა ბრედასაგან ნასესხები ფული და ჩემი „კრიუგერები“ მალე არ გამომლეოდა.

ერთ დღეს ჩემი ფარფლებიანი ძველი ქუდი ქარმა მომტაცა და ახლა რაღაც ჩვარით თავწაკრული დავდიოდი. უცნობმა ბურმა ერთი კვირის შემდეგ საჩუქრად გამომიგზავნა სრულიად ახალი ქუდი, რამაც მართალი გითხრათ, დიდად გამახარა.

მალე ზოგიერთებს, მათ შორის მე და ბრედასაც ნება დაგვრთეს, განსაზღვრულ დღეებსა და საათებში, ბანაკს გარეთ, სადაც გვსურდა, წავსულიყავით.

ერთხელ, ბანაკის კომენდანტმა მე და ბრედა საუზმეზე მიგვიწვია და ერბოკვერცხით გაგვიმასპინძლდა. ეს მეტად ძვირფასი საუზმე იყო, თუ მხედველობაში მივიღებთ, რომ კუნძულზე თითო კვერცხი ოქროს 5 მანეთად ფასობდა. საუზმის შემდეგ სამივე გავემგზავრეთ საფრანგეთის ელჩთან, რომელთანაც მშვენიერი დრო გავატარეთ.

ამ დღიდან მოკიდებული ბანაკს შიგნითაც დავიწყეთ ერთმანეთს შორის სტუმრად მისვლა-მოსვლა.

პირველად, სალამოს შეიკრიბენ ჩემთან. მოსვლისთანავე ბანქოს თამაშს შეუდგნენ. შავი დღისათვის შემონახული გროშების წაგების შიშით მე შორიდან ვუცქეროდი. ამაზე უფრო ის მაწუხებდა, რომ არ შემეძლო სტუმრებისთვის ჩაის მეტი სხვა რამ მიმერთმია. ისიც, აქაური უვარგისი წყლის გამო, ყოვლად უგემური იყო.

წყალს რაღაცნაირი, უხეირო გემო ჰქონდა. იგი ხელს უწყობდა ბანაკში მუცლის ალხის გავრცელებას. ეს საშინელი სენი რომ არ შემეყოდა, მე მას წვეთობით ვსვამდი.

მეორე სალამოს შევიკრიბეთ ფიგელიუსთან, ჩამოვარდა ლაპარაკი პოლიტიკაზე, შემდეგ ჩინეთზე, სადაც ბოქსიორთა აჯანყება, როგორც ჰოლანდიური გაზეთები წერდნენ, ფართო ხასიათს იღებდა. ეს გაზეთები კორებსაც წერდნენ, თითქოს, ბოქსიორების ხელში ჩავარდნის შიშით, ევროპელებმა საკუთარი ხელით დახოცეს თავიანთი ქალები და ბავშვებიო, ხოლო თვითონ ისინი დაახლოვებით 800 კაცი, ჩინელებმა ამოწყვიტესო. შემ-





ტყვეების ერთი ჯგუფი ელენეს კუნძულზე  
დგანან მარცხნიდან მარჯვნივ: ჰოლანდიელები—ფიგე-  
ლიუსი და ვინტამორი. სხედან: ნიკო ბაგრატიონი  
და ფრანგი გრაფი ბრედა

დეგ საუბარი გადავიდა ბურებზე, რომელთა საბოლოო დამარცხება უკვე საეჭვო აღარ იყო.

მწუხარე ფიქრებიდან თავის დასაღწევად დავიწყეთ ჭადრაკის თამაში, რასაც მშვენიერი ვახშამი მოჰყვა — ჩვენმა მასპინძელმა ამსტერდამიდან<sup>114</sup>) მიღებული ძეხვის თითო ნაჭერი ჩამოგვირიგა.

თითქმის მთელი თვის განმავლობაში მოდიოდა წვიმა, რის დროსაც ხანდახან საოცარი გრივალი მძვინვარებდა. ქარიშხალმა არა ერთი და ორი კარავი მოიტაცა. ამ საშინელ ამინდში მე და კოსტი ვიჯექით ჩვენს ტალახიან კარავში და ყოველ წუთს ველოდით, რომ გრივალი მას წაგვართმევდა.

ზოგჯერ კარავში ველარ ვძლებდი და გავდიოდი გარეთ.

ქექა-ქუხილი კუნძულს აზანზარებდა. ელვის ნაპერწკლებიანი მახვილი უწყალოდ ჩეხდა ცას. მისი ბრწყინვალეობა თვალის ჩინს ართმევდა ადამიანს, ხოლო გამუდმებული გრგვინვა და მეხის გრიალი ვის არ შეაძრწუნებდა!

ოკეანე ხომ პირდაპირ დუღდა. მისი აქოჩრილი ქაფიანი ტალღები გამაყრუებელი ღრიალით ეხეთქებოდნენ კუნძულის კლდოვან ნაპირებს.

ეს იყო ბუნების ძალთა დიდებული გამოვლინება. ამ დროს თავი რაღაც უმწეოდ, სავსებით უსუსურად მოგეჩვენებოდა კაცს.

მაგრამ იმის დასამტკიცებლად, რომ ადამიანი მაინც უფრო ძლიერია სტიქიაზე, ერთ ასეთ მშფოთვარე დღეს, გამოჩნდა გემი, რომელიც ცამდე ატყორცნილ ტალღებს ამაყად მოარღვევდა.

მთელი ბანაკი აფუსფუსდა.

ყველა მოელოდა წერილს და ამანათს ახლობლები-  
საგან.

მე კი?

ნუთუ ახლაც არ გამიღიმებს ბედი? ნუთუ დავაფიწყ-  
დი ყველას? მაგრამ დედას როგორ დავაფიწყდი? შეუძ-  
ლებელია! — ვინუგეშებდი მე თავს, — შეუძლებელია, რომ  
მას მაინც არ ვახსოვდე. ალბათ, ჩემი ერთი წერილიც არ  
მიუღიათ...

მაშინვე შევუდექი ახალი ბარათის წერას...

ეს კი მიაღწევს?

\* \*

ბანაკში ოფიცრები საკუთარი სახსრებით ვცხოვრობ-  
დით, ბევრს, მათ შორის მეც, მეტად მცირე რამ გვქონ-  
და, რომ გაჭირვებისათვის გაგვეძლო. უფრო აუტანელ  
პირობებში იყვნენ ტყვე ჯარისკაცები. ისინი პირდაპირ  
პირველყოფილი ადამიანებივით ცხოვრობდნენ ამ მო-  
ტიტვლებულ კლდეებში.

მათი ხვედრის შესამსუბუქებლად გადავწყვიტე რამე  
გვეღონა. ერთ დღეს მოვიწვიე ტყვეების წარმომადგე-  
ნელთა კრება.

გაბმული წვიმებისა და ქარტახილის შემდეგ მშვენი-  
ერი წყნარი, მზიანი ამინდი დადგა.

დაწყნარებულ ბუნების წიაღში კრებამ საჭიროდ მიიჩ-  
ნია ბანაკში შეგვექმნა ვალეიბოლის და ტენისის მოთამა-  
შეთა გუნდები, აგრეთვე მოგვეწყო შომღერალთა კაპელა.

ამავე კრებაზე გადაწყვეტით დაგვეარსებინა ღია ცის ქვეშ ტყვეთა კლუბი, რომლის გამგეობის თავმჯდომარეთაც ამირჩიეს მე.

კლუბი სათავეში ჩაუდგა ჩამოთვლილ გუნდების ჩამოყალიბებისა და გაწვრთვნის საქმეს. მალე, დიდი თხოვნისა და დავიდარაბის შემდეგ, კუნძულის ხელისუფლებისაგან მივიღეთ ნებართვა ქალაქში გაგვემართა კონცერტები და ტენისის თამაში. შემოსული ფული ინახებოდა კლუბის სალაროში, საიდანაც დახმარებას ვუწევდით ტყვეებს.

პირველ ხანებში ხალხი ბლომად გვესწრებოდა, მაგრამ მერმე და მერმე, წინასწარ გაწეულ უმნიშვნელო ხარჯებსაც ველარ ვინაზღაურებდით.

კლუბს მუშაობა მაინც არ შეუწყვეტია. იგი ახლათვით ბანაკში შეუდგა კულტურულ საქმიანობას, რასაც ერთგვარი სიხალისე და შუქი შეჰქონდა ჩვენს ერთფეროვან და მოწყენილ ცხოვრებაში.

კლუბი მოწყობილი გვექონდა კლდის ძირას გაშლილ საკმაოდ ვრცელ ტაფობზე. შევიძინეთ დიდი ტილო, აი ისეთი, როგორსაც ნავსადგურებში ხმარობენ წვიმისაგან ბარგის დასაცავად.

ეს ტილო გადავჭიმეთ ბოძებზე, ამ სახით ჩვენი კლუბი უფრო ტალავარს ჰგავდა, სადაც დიდი სიცხისა და მოულოდნელი წვიმის დროს თავს ვაფარებდით. კლუბს ჩემს წილად შევწირე საკუთარი ხელით გაკეთებული მაგიდა და ლამაზად გამოთლილი ქადრაკის ფიგურები. გვექონდა სხვადასხვა ქვეყნებიდან გამოგზავნილი გაზეთები და სასულიერო შინაარსის ჟურნალები.



კლუბში ვხვდებოდით ერთმანეთს, ვსაუბრობდით, ვკამათობდით.

კლუბის მესვეურებმა გადავწყვიტეთ 14 ივლისს გვედღესასწაულა ბასტილიის აღების დღე.<sup>115</sup>)

ხალისიანი, მზიანი დილა გათენდა.

ტყვეებმა აღრიანად იწყეს შეკრება. თითქმის არავინ დაკლებია. ტაფობი ხალხს ველარ იტევდა. ჩვენი მომღერალთა გუნდი ავიყვანე კლდის წინ გამოშვერილ ქიმზე, საიდანაც მთელი ტაფობი ხელის გულივით ჩანდა, შორს კი მშვიდად გაწოლილიყო რამდენიმე დღის წინათ მობობოქრე ოკეანე.

ტყვეებს ნიშანი მივეცი და ჩამოვარდა სამარისებური სიჩუმე. გუნდმა დაიწყო მარსელიოზა, რასაც თანდათან მთელი ტაფობი აყვა და მალე იქაურობა მგზნებარე ხმებით აივსო. მღეროდა ყველა — ფრანგი, ჰოლანდიელი, ზანგი, ვმღეროდი მეც. ვმღეროდით ყველა და ეს იყო თავისუფლების ნამდვილი ჰიმნი. ეს დიდებული გუგუნნი ატორტმანებდა მთელ ტაფობს და მიჰქონდა სადღაც შორს, შორს ოკეანეს იქით.

შუა სიმღერის დროს, ორიათასზე მეტი კაცი უცებ მუხლებზე დაეცა. ახლა სიმღერა რაღაც სასოების მომგვრელ ღაღადს უფრო ჰგავდა, ვიდრე ბრძოლაში მიმავალთა ქუხილს, მაგრამ ღაღადი თანდათანობით ისევ მქუხარე ხმებად იქცა და არემარემ ცველავ იწყო ტორტმანი.

მე ახლაც თვალწინ ცხადლივ მიდგია შუაგულ ოკეანეში მზით გაჩახჩახებულ კუნძულის განაპირას მუხლებზე დაცემული თვალეზავზნებული ადამიანები და მესმის



შათი შესანიშნავი სიმღერა. ისინი დაჩოქილი იყვნენ არა მტარვალთა წინაშე, არამედ თავისუფლებისათვის ბრძოლაში დაღუპულ გმირთა ხსოვნისადმი მოკრძალების ნიშნად.

\* \*

ვგრძნობ სამშობლოზე დარდი თანდათან მერევა. ვებრძვი ამ დარდს, მაგრამ რაც უფრო მეტს ვცდილობ მისგან თავის განთავისუფლებას, მით უფრო მეკუმშება კაემნით გული. ნეტავი ერთი პატარა ბარათი მომივიდოდეს ქართულად დაწერილი, ეს ბარათი პირდაპირ მკედრეთით აღმადგენდა, მაგრამ ჩემი ნატვრა კვლავ ამოა.

ვიღაც ხშირ-ხშირად მიგზავნის გერმანულ ენაზე დაბეჭდილ სასულიერო შინაარსის წიგნებს, მე გერმანული არ ვიცი, მაგრამ მაინც მადლობელი ვარ იმ უცნობ ადამიანის, რომელიც ასეთ მზრუნველობას იჩენს ჩემზე.

ხშირად ვზივარ ჩემი კარვის წინ, გავცქერი ზღვას და კვლავ ვფიქრობ: ნუთუ ყველას დავავიწყდი? ნუთუ ასე უნდა დამთავრდეს ჩემი ცხოვრება? ნუთუ აქ უნდა გავატარო ჩემი ცხოვრების საუკეთესო წლები და აქვე, როგორც უკვისტომომ, სამუდამოთ დავხუჭო თვალი?

თითქმის ყველა ღებულობს წერილს, მე ვარ გამონაკლისი, რომელიც აღარავის ვახსოვარ ჩემს სამშობლოში.

მეგობრები ცდილობენ გამიფანტონ მწარე ფიქრები, გამართონ. კმუნვის გადასაყრელად, ვიღაცამ თავის ხელით სადათ გაკეთებული ციტრა<sup>116</sup>) მაჩუქა. სულ მოკლე ხანში თავისუფლად ვისწავლე მასზე დაკვრა. მისი

მელოდიური ხმები მტკივნეულ გულს მიყუჩებდნენ და ზოზინით მიმაყალ დროს მიმოკლებდნენ.

ესეც მომწყინდა.

ვნატრობდი წიგნებს. ჩემს უცნობ კეთილისმდომელს, რომელიც სისტემატიურად მიგზავნიდა სასულიერო წიგნებს, წერილით ვთხოვე მოეწოდებია რუსული წიგნები, მაგრამ მათ ნაცვლად ახლა გამომიგზავნა ფრანგული ჟურნალი „ფიგარო“, რომელიც დიდი სიამოვნებით რამდენჯერმე გადავიკითხე თავიდან ბოლომდე.

ბანაკის კომენდანტმა მიიღო ინგლისური გაზეთები. კომენდანტისაგან გავიგე, რომ რუსეთის სინოდს ტოლსტოის<sup>117</sup>) ნაწერებთ მიუჩნევია ხალხისათვის მავნებელ წიგნებად და აპირებს თურმე მათი ავტორის შეჩვენებას.

იმის მაგივრად, რომ ლიტერატურის ამ ბრწყინვალე კორიფეით იამაყოს სახელმწიფომ, მას დევნიან! საკვირველია სწორედ.

ამინდი კვლავ შეიცვალა. სუსხიანი ქარი ქრის.

ქუდი კვლავ წამართვა ქარმა.

კარგახანია ცუდ გუნებაზე ვარ, მაგრამ ეს ფიზიკურად არ მეტყობა, პირიქით, ბოლო დროს ჯანზე ისე ვარ, როგორც ვიყავი აფრიკაში ჩასვლამდე. პირდაპირ გოლიათის ღონეს ვგრძნობ, რომ შემასახელოს ვინმემ, მგონი ამ კლდეს მოვიკიდებ ზურგზე.

დილას ჩემთან შემოირბინა ვიტხამორმა და შემომთავაზა ცოლისაგან გამოგზავნილი შოკოლადის ერთი მომცრო კვერი. მანვე მაცნობა, რომ ფრანგმა ოფიცერმა, მეიმ, ინგლისელებისაგან მიიღო საფრანგეთში დაბრუნების ნებაო.

აღბათ, ნათესავები დაეხმარნენ.

მე ნუთუ მუდმივ ტყვედ უნდა ვიყო?

არა, როგორმე უნდა გავიქცე აქედან. ქვეყნად შეუძლებელი არაფერია. ამ აზრით მოცული, მეგობრებთან ერთად მივემგზავრები კუნძულის დასათვალიერებლად, იქნებ აღმოჩნდეს ისეთი ადგილი, საიდანაც მოვახერხოთ ტყვეობიდან თავის დაღწევა!

კარგახანს ხეტიალის შემდეგ, გზაზე შემოგვხვდნენ საფრანგეთის ელჩის ქალიშვილები, რომლებიც ვირებით წამოსულიყვნენ სასეირნოდ.

ამ სურათმა ღიმილი მომგვარა. გამახსენდა საქართველო, სადაც ქალის ვირზე შეჯდომა სათაკილოდ ითვლება.

ფრანგმა ქალიშვილებმა მშობლიურ ენაზე ერთი სიტყვაც არ იცოდნენ, იძულებული ვიყავი მუნჯივით ხელებით მეპასუხნა ზოგი რამ.

მათ მალე გავცილდით.

ცოტა ცივა. მზე თითქო სუდარაში იყოს გახვეული, მკრთალად ანათებს.

მახლობელ მთებზე უკვე დაუთოვია. ზამთარი იწყება? დაღონებული დავბრუნდი ბანაკში. სად გაიქცევი! აქედან ჩიტიც ვერ მიაღწევს დიდ მიწამდე. ნავს კი აბა ზინ მოგცემს. გემი კი იშვიათად მოადგება ჩვენს კუნძულს, მაშინაც ახლოს არავინ მიგიშვებს.

სალამოს შევიკრიბეთ ფოგელიუსთან, თითო პატარა სასმისით რაღაც მაგარი სითხე დაგვალევინა, შესატანებელი კი არაფერი ჰქონდა. რამდენიმე ხელი ჭადრაკი ვითამაშეთ, ვისაუბრეთ. 11 საათზე დავბრუნდი კარავ-

ში. ძალზე მშოიოდა. ჩემი კიდობანი გადმოვებრუნე, მაგრამ შიგ პურის ერთი ნამცეციც ვერ ვიპოვე. დავწექი. მაშინვე დამეძინა. ტყუილი უთქვამთ — მშიერს ძილი გაუტრბისო, დილამდე გვერდიც არ მიცვლია.

ჩემმა კოსტიმ სადღაც ერთი ნატეხი შაქარი მიშოვა და სამი დღის შემდეგ, ამ დილით შაქრიან ყავას პირველად ვსვამ. რა ცოტა უნდა ადამიანს! მძვენიერ ხასიათზე დავდექი. გავედი გარეთ და ჩვეულებრივად შევუდექი ვარჯიშობას. ვარჯიშობის შემდეგ კიდევ უფრო გამომიკეთდა გუნება. პირდაპირ ამირანის ძალას ვგრძნობ კუნთებში, მაგრამ რაში მარგია!

კარავის წინ დავჯექი.

ვფიქრობ, ჩემი ღონის პატრონი რად უნდა ვიყო ნაცარქექიასავით უმწეო? მაგრამ ამ ღონესთან ერთად ნაცარქექიას მოხერხების უნარი რომ მომცა, წმ. ელენეს კუნძულს დანტეს<sup>118</sup>) ჯოჯოხეთს რომ გავს, ნამდვილ სამოთხედ ვაქცევდი.

რა გავაკეთო ისეთი, ამ ხალხს ტკბილი ყავა მაინც რომ ჰქონდეს ყოველდღე?

ღოღი!

ეს რა კარგი აზრი მომივიდა! კუნძულის მცხოვრებთათვის ეს უთუოდ უცხო სანახაობა იქნება და ჩვენი კლუბის დაშრეტილი სალარო შეიძლება კვლავ იქცეს უკვდავების წყაროდ.

გავიქეცი ფიგელიუსთან. იქ დამხვდა ვიტხამორიც. მალე გრაფი ბრედაც მოვიდა.

გავუზიარე მათ ჩემი განზრახვა, თან დავუმატე, რომ ღოღის შემდეგ მაყურებლებს ვაჩვენებ ჩემი მკლავების ძალას-მეთქი.

შაინც რას აპირებო, — ჩამაცივდნენ მეგობრები.

იძულებული გამხადეს საიდუმლოდ მეაქვა მათთვის, რასაც ვაპირებდი.

კომენდანტს მოციქულად მივუგზავნეთ გრაფი ბრედა.

დიდი ყოყმანის შემდეგ იგი დათანხმდა 10 ცხენი ორი კვირის განმავლობაში ენათხოვრებია ჩვენთვის.

მეორე დღეს შევარჩიე ტყვეებიდან 10 საუკეთესო ცხენოსანი და შევუდექი მათ გაწვრთნას.

\* \*

ქალაქის მახლობლად საჯირითო მოედნის გამოძებნა და აფიშების დაბეჭდვა-გაკერის საქმის მოგვარება იკისრა ფიგელიუსმა. მანვე რომელიღაც მაღაზიიდან ქირით იშოვა სიმებიანი ინსტრუმენტები, ტყვეებს შორის აღმოჩნდნენ მშვენიერი დამკვრელები ფორტეპიანოზე, ვიოლინოზე, ვიოლონჩელზე.

ბანაკის კომენდანტმა მოითხოვა: ორკესტრსა და მომღერალთა გუნდს დოლის დაწყების წინ უთუოდ შეესრულებია ინგლისური ჰიმნი. ეს არაფრად გვეჭაშნიკა, მაგრამ იძულებული ვიყავით ძალას დავმოჩილებოდით. გუნდი და ორკესტრი უხალისოდ შეუდგა ჰიმნის შესწავლას.

ზანგებმა ცალკე შეადგინეს ეროვნული გუნდი.

უკვე გაიკრა აფიშები, რომლებზედაც ჩემი გვარი ფიგელიუსს დიდი ასოებით გამოეცხადებია.

მოახლოვდა დანიშნული დღეც.



ბანაკში ყველა ღელავდა. ჩვენზე არა ნაკლებ ღელავდნენ, თურმე, ქალაქის მცხოვრებლებიც. ბილეთები წინასწარ გაიყიდა.

გათენდა 15 აგვისტო.

კოსტი დილა აღრიან შეუდგა ჩემი გამოხუნებულ კოსტუმის წმენდას. ხუმრობა ხომ არ იყო, მთავარი მომქმედი პირი დღეს მე უფრო ვიყავი, ვიდრე სხვები.

დოლი დანიშნული იყო დღის 12 საათზე, მაგრამ სტუმრებმა 10 საათიდან იწყეს მოსვლა. მალე მთელ კუნძულზე უვრცესი მინდორი ხალხით აივსო. ტყვეების მიერ სახელდაწვლად გაკეთებული უბრალო ფიცრის მერხები საკმარისი არ აღმოჩნდა, უმრავლესობა ფეხზე იდგა.

საუცხოო დარი დაგვესწრო. მოწმენდილ ციდან მზე უხვად გვაფრქვევდა თავის სხივებს, მაგრამ რაც მთავარია, სრულებითაც არ იყო მცხუნვარე.

ირგვლივ უჩვეულო ყრიაბული იდგა.

ყველაზე უფრო მეტს ხმაურობდნენ მხიარული და მოუსვენარი ფრანგები.

დოლის შეფი იყო ბანაკის კომენდანტი, ინგლისელი პოლკოვნიკი შილი. საზეიმოდ გამოწყობილს მეტად ცივი, იმავე დროს ყოყოჩური, მიუჟარებელი გამომეტყველება ჰქონდა.

ქალაქის მაღალ თანამდებობის პირებს იგი ეგებებოდა ხოლმე, თავისი უცნაური თავაზიანობით.

სრულ 12 საათზე გაისმა საკომენდანტოდან მოტანილი დაფ-დაფის ხმა. ერთბაშად ჩამოვარდა სიჩუმე.

გუნდმა და ორკესტრმა დაიწყო ინგლისის სახელმწიფო ჰიმნი, რასაც მაინცადამაინც დიდი აღფრთოვანება არ გამოუწვევია.

შემდეგ ორკესტრის აკომპანიმენტზე გუნდმა შეასრულა ცნობილ ევროპელ კომპოზიტორების რამდენიმე საგუნდო სიმღერა.

პირველი განყოფილების დასასრულს გამოვიდნენ ზანგები, რომლებიც მეტად მელოდიურად მღეროდნენ თავიანთ ეროვნულ ჰანგებს, იმავე დროს კეთილხმოვანად, მაგრამ უცნაური გატაცებით აჟღერებდნენ უბრალო სპილენძის ნაჭრებს, პატარა ქვაბებს და სპილენძისავე სინებს. ასევე გატაცებით უკრავდნენ ლერწმისაგან გაკეთებულ სხვადასხვა ზომის სალამურებს.

ეს იყო რაღაც ჯაზისმაგვარი.

დაიწყო დოლი.

დოლში მონაწილეობდნენ კუნძულის მცველ ინგლისელთა ჯარის საუკეთესო ცხენოსნებიც, მაგრამ მათ ტყვე ბურებმა აჯობეს.

დადგა ჩემი გამოსვლის დრო.

შუაგულ მოედანზე საკომენდანტოს მეჯინიბე ოთხმა ზანგმა გამოიყვანა ორი ცხენი, ორ ზანგსაც მათზე გამობმული თასმები ეჭირათ.

ცხენებს რომ შევხედე, ცოტა შიშმა გამკრა—მეტად ფიცხნი და ღონივრები ჩანდნენ, მეჯინიბეები ძლივს უჭერდნენ თავებს.

ეტყობა კომენდანტს განგებ შეურჩევია ყველაზე დიდი და ღონიერი ცხენები, რომ ამდენი ხალხის წინაშე სირცხვილი მაჭამოს. ეს მისი საქციელი უფროა შურისძიე-

ზას გავს, ვიდრე ჩემი მკლავების ძალაში დარწმუნების სურვილს.

არ მეგონა პოლკოვნიკი შილი თუ ასეთი მუხანათი გამოდგებოდა. მან კარგად იცოდა, რომ მე ცირკის ჯამბაზი არ ვიყავი და არც პირადი სარგებლობის მიზნით გამოვდიოდი ამ მოედანზე, არამედ მინდოდა, რითაც შემეძლო, ტყვეების გაჭირვებულ მდგომარეობის შემსუბუქების საქმეში ჩემი წვლილი შემეტანა.

რა გაეწყობა! უკან დახევა უკვე გვიანაა!

მოვიკრიბე მთელი ძალ-ლონე და მტკიცე ნაბიჯით გავედი მოედანზე.

ისეთმა სიჩუმემ დაისადგურა, თითქოს მთელ არემა-რებზე ერთი კაციც არ ყოფილიყო.

მარჯვენა ფეხს დავეყრდნე, მარცხენა ოდნავ წინ წავდგი და მკლავები მოვხარე. მეჯინიბეებმა, ცხენების გრძელი თაშების ყულფები როგორც კი ჩამომაცვეს მკლავებზე, მყისვე კისერზე გადმოდებულ მაგარ ღვედს ჩავავლე ხელები, ამრიგად ყულფები ნიდაყვებთან მოვიქციე. ეს მთავარი იყო.

— გაუშვით ხელი! — ვიყვირე მე და მეჯინიბეები, რომელთაც ცხენები აქეთ-იქით აღვირებით ეჭირათ, განზე გახტნენ.

ცხენებმა წამსვე გაიწიეს, მაგრამ ადგილზევე შედგნენ. მაშინ მეჯინიბეებმა ცხენებს შოლტები გადაჰკრეს. ახლა ცხენებმა მოინდომეს ერთბაშად თავის დაღწევა, მაგრამ როცა ადგილიდან ოდნავადაც ვერ დამძრეს, ყალყზე აიმართნენ.

ვატყობდი ძარღვები დაწყდომაზე შქონდა, მაგრამ

მაინც ვიდრე, როგორც მიწაში ღრმად ფესვებგამდგარი მუხა, ცხენები თითქოს ჩემს ორ ტოტზე გამობმული ყოფილიყვნენ.

გახლებული ცხენები ცდილობდნენ გამსხლტომოდნენ, მაგრამ ამაოდ.

მეჯინიბეებმა კვლავ გადაჰკრეს შოლტები და თან უცნაური ხმით დასჰყივლეს ისედაც ცეცხლმოდებულ მერნებს.

ცხენები ერთხელ კიდევ აიტოტნენ, მერმე გაქაფულებმა ერთხელ კიდევ გაბედულად დაჰკრეს ტორები მიწას და თანდათან დაცხრნენ, დაოკდნენ.

ყულფები მკლავებიდან წავიყარე და მოედნიდან გასვლა დავაპირე, მაგრამ ამ დროს მოირღვა რკალი და ხალხის ტალღამ გზა გადამიღობა.

ატყდა უცნაური ყვირილი, აღტაცებულთა ყიჟინა, ტაში.

ყველას უნდოდა ხელი ჩამოერთმია, შემხებოდა, გადავეკოცნე.

როგორც იყო თავი დავალწიე გაგიჟებულ მაყურებლებს და მაშინვე გავწიე ბანაკისაკენ. ნახევარი მოედანი გამომყვა თან.

ბანაკის ალაყაფთან იძულებულნი გახდნენ შეჩერებულიყვნენ, მე შევედი ჩემს კარავში და ლოგინზე მივეგდე. ალაყაფთან შემდგარი ხალხის ყიჟინა კიდევ კარგახანს მესმოდა.

მიუხედავად ასეთი გამარჯვებისა, მე საშინლად დამცირებულად და შეურაცხყოფილად ვგრძნობდი თავს და ძლიერ ვნანობდი, რომ ბრბოს ველური ინსტინქტების გაღიზიანების მიზეზად ვიქეცი.

ჩამეძინა. ძილში ვგრძნობდი თუ როგორ მიკრთოდა ყოველი კუნთი, როგორ აჩქარებით მიძგერდა გული, შინდოდა თვალის გახელა, მაგრამ ქუთუთოები აღარ მემორჩილებოდნენ.

მართალია, მე უკმაყოფილო ვიყავი დღევანდელი დღის, მაგრამ სამაგიეროდ ჩვენს ღარიბ სალაროს 2500 გირვანქა სტერლინგი შეემატა.

\* \*

ბანაკში დაიწყო ჩვეულებრივი ცხოვრება.

ერთ დილას გამაღვიძა ბანაკის მცველი ჯარის სასულე ორკესტრმა.

რა მოხდა? რა უხარიათ ინგლისელებს?

კოსტიმ მომიტანა სამწუხარო ამბავი:

ინგლისელებს ბურებთან ერთ-ერთ გადამწყვეტ ბრძოლაში გაუმარჯვიათ, 5000 ბური ტყვედ ჩაუგდიათ, ტყვედ წაუყვანიათ მათი გენერალიც პრენცლო.

ბოლმა შემომაწვა.

წარმოვიდგინე მოხუცი კრიუგერი, რომელიც ჯერ კიდევ იდგა რესპუბლიკის სათავეში მაგრამ რესპუბლიკა კი თითქმის უკვე აღარ არსებობდა.

ამ დილით ბურები თითქოს მიწამ ჩანთქაო, არსად ჩანდნენ. ბანაკი მიტოვებულ ადგილს ჰგავდა.

კუნძულიდან გაქცევის სურვილი თანდათან მოსვენებას მიკარგავს, მაგრამ რა გზით გავაღწიოთ თავი ამ ჯოჯობხეთს?

მშვიდად გაწოლილ ზღვას გავცქერი. ცა რატომღაც



დღეს ძლიერ დაწეულა დაბლა. ცასა და ზღვას შორის მკრთალი ნათელი შუქი დგას. უცებ ამ შუქში გამოჩნდა შავი ჩრდილი. იგი თანდათან იზრდება და უახლოვდება კუნძულს.

უკვე კარგად ვარჩევ, რომ ეს ჩრდილი დიდი საოკეანო გემია, რომლის მალალ ანძაზვდაც ფრიალებს ამერიკული ალაში.

მთელი ბანაკი გამოეფინა ნაპირზე.

გემი ჩქარა მოდიოდა.

თვალს არ ვაშორებდით, გვეშინოდა მოჩვენება არ ყოფილიყო და მასთან ერთად არ გამკრალიყო წერილებსა და ამანათების მიღების იმედი.

არა, ცხადად გემია! იგი უკვე ნავსადგურში შევიდა.

ვისაც ბანაკის დატოვების ნება ჰქონდა, ყველა გაეშურა ნავსადგურისაკენ. მე კი ბანაკში დავრჩი, რადგან დარწმუნებული ვიყავი ამჟამადაც არავის გავახსენდებოდი.

კარგახანს ვიჯექი ქვაზე, მწუხარე ფიქრებით შეპყრობილი.

ფიქრებიდან სასწრაფოდ მოსულმა ოფიცერმა გამომარკვია.

— კომენდანტი გთხოვთ ახლავე გამოცხადდეთ ნავსადგურში,— მითხრა მან.

ცოტა გაოცებული წამოვდექი და გავყევი.

„ნეტავი რა საქმე აქვს ჩემთან კომენდანტს, ისიც ნავსადგურში?“— ვფიქრობდი გზადაგზა.

როგორც კი ნავსადგურში მივედი, კომენდანტმა გამაცნო გემის კაპიტანი, რომელმაც თავაზიანად მომმართა:

— თქვენ ბრძანდებით. ბაგრატიონი?

— დიახ.

— ეს გემი თქვენს სახელზეა გამოგზავნილი სამხრეთ-ამერიკიდან, იგი ამერიკელ ფრანგი ქალების მიერ შეგროვილი საჩუქრებითაა დატვირთული. გთხოვთ თქვენი გვარი მოაწეროთ ამ ქალაქზე, რომ მასში აღნუსხული საჩუქრები, ნამდვილად მიიღეთ,—მითხრა მან ფრანგულად და საბუთი გამომიწოდა.

მართალი გითხრათ, გაკვირვებასთან ერთად, ჩემში ამ ამბავმა სწორედ უჩვეულო სიხარული გამოიწვია. განსაკუთრებით მიხაროდა ის, რომ ნებით თუ უნებლიედ, შემეძლო კიდევ ერთხელ დავხმარებოდი ჩემს თანამებრძოლებს.

კაპიტანმა აგრეთვე მთხოვა, პირადათ დავსწრებოდი გემის გადმოტვირთვას.

მე ბურების სახელით დიდი მადლობა გადავუხადე და ხელი მაგრად ჩამოვართვი.

კაპიტანი შუახნის კაცი იყო, წარმოსადგვი, პირში განუწყვეტლივ ჩიბუხი ჰქონდა.

კომენდანტის ბრძანებით მოიყვანეს ტყვეები, რომლებიც დიდი ხალისით შეუდგნენ გემის გადმოტვირთვას.

მე და კაპიტანი კომენდანტის თანდასწრებით განვაგრძობდით საუბარს. ცოტახნის მერმე კაპიტანმა ბოლოში მოიხადა და გემზე ავიდა. მალე დაბრუნდა. უკან მეზღვაური მოჰყვებოდა, რომელსაც რაღაც საგანგებოდ შეხვეული მოჰქონდა.

— ეს საჩუქარი პირადათ თქვენ გეკუთვნით. იგი

*Eug. Girou*  
 10 MÉDAILLES D'OR  
 1 DIPLOME D'HONNEUR.  
 MÉDAILLE D'OR EXPOSITION UNIVERSELLE 1889  
 23. RUE ROYALE  
 PARIS

გრაფი ბრელა და ნ. ბაგრატიონი  
 პარიზში, ტყვეობიდან განთავისუფლების შემდეგ

ერთმა ლამაზმა ქალმა გამომატანა და მთხოვა ჩემი ხელით მომერთმია თქვენთვის.—ამ სიტყვებით კაპიტანმა ამანათი გადმომცა, რაც თავშეკავებული სიხარულით ჩამოვართვი და გადავაბარე იქვე ჩემს უკან გაჩერებულ კოსტის.

კომენდანტის ნებართვით აქვე დავწერე ფრანგულ ენაზე სამადლობელი წერილი და კაპიტანს ვთხოვე იგი ამერიკაში დაბრუნებისთანავე გადაეცა ჩემი კეთილისმყოფელ უცნობ მანდილოსნისათვის.

სალამოს დავემშვიდობე კაპიტანს და დავბრუნდი ბანაკში.

კოსტის უკვე გაეხსნა ხავერდის მანდიკი და ამოელაგებია საჩუქრები—მშვენიერი შავი კოსტუმი, ორი წყვილი თეთრეული, ერთი გახამებული პერანგი, წინდები, ფეხსაცმელები, ქუდი, ყელსახვევი, ცხვირსახოცები და რამდენიმე შოკოლადის ლორწინი.

სავსებით დენდივით გამოვეწყვე.

მაგრამ ამ მორთულობას მერჩია დედის ხელით ქართულად დაწერილი პატარა ბარათი მიმეღო!

დავიჯერო კოლა ორბელიანსაც დავავიწყდი? დიდიხანია, ალბათ, პარიზიდან პეტერბურგში დაბრუნდა და ამ ხნის განმავლობაში ერთხელაც არ მოვგონებდითვარ. ასე რომ არ იყოს, უთუოდ რამეს იღონებდა. მას ხომ უამრავი გავლენიანი ნაცნობები ყავს!

იქნებ ჩემი ასავალ-დასავალის არაფერი იცის?

შეუქლებელია არ იცოდეს.

ათასჯერ ვიყავი მოხსენებული ფრანგულსა, ჰოლანდიურსა და ინგლისურ გაზეთებში.



თვითონ თუ არ წაიკითხა, ვინმე მაინც ეტყობა, მაგრამ ვაი თუ მას ჩემზე უარესი რამ დაემართა?

ერთი კვირაა გაოგნებული ვარ.

აქედან თავის დაღწევის სურვილი ისე ამეკვიატა განსაკუთრებით დღეს, რომ ლამის ჭკუაზე შევიშალო.

დილიდან მოკიდებული აგერ შუადღემ მოაღწია და შეუსვენებლივ მიმოვდივარ ჩემი კარავის წინ.

კოსტი ხანდახან გაოცებული თვალებით შემომხედავს და კვლავ კარავში მიიმალება.

მოულოდნელად ისევ გამომეცხადა საკომენდანტოს ოფიცერი და გადმომცა კომენდანტის ბრძანება—სასწრაფოდ მივსულიყავი მასთან.

უგუნებოდ წავედი.

კიბის თავთან კომენდანტიდან ახლად გამოსული სახეგაბრწყინებული გრაფი ბრედა შემომხვდა, — როგორც კი დამინახა, მაშინვე უსიტყვოდ მომეხვია და გადამკოცნა, მერმე კიბეზე დაეშვა და თავის კარავისაკენ გაიქცა.

სრულებით ვერაფერს მივხვდი.

შევედი კომენდანტთან. იგი მყისვე წამოდგა და სალამის ნაცვლად მითხრა:

— გსურთ დაბრუნდეთ ევროპაში?

სიხარულისაგან ენა დამემა. ერთ წუთს ჟრუანტელმა ტერფებამდე დამიარა. ცოტა წავბარბაცდი და მაგიდას ცალი ხელით დავეყრდნე.

კომენდანტმა ჩემს პასუხს აღარ დაუცადა და განაგრძო:

— თქვენ უნდა მოგვცეთ წერილობითი პირობა, რომ



აფრიკაში აღარასოდეს ჩამოხვალთ, და გაემგზავრებით  
საკუთარი ხარჯით.

— ომის განმავლობაში აფრიკაში აღარ ჩამოვალ,  
აღბათ, არც სხვა დროს მექნება საშუალება კვლავ ვი-  
ნახულო ეს მხარე, მაგრამ ახლა კი უთუოდ უნდა გავი-  
არო პრეტორიაში, რათა იქ ბანკში შენახული ფული  
და ნივთები დავიბრუნო. სხვა სახსრები მე არ მაქვს  
ევროპამდე ჩემი ხარჯით რომ ვიმგზავრო.

— გადმომეცით საბუთი და ჩვენ გამოვითხოვთ თქვენს  
ქონებას ბანკიდან.

— ქვითარი ჯერ კიდევ ტყვედ ჩავარდნამდე დავკარ-  
გე. პრეტორიაში თუ თვითონ ჩავალ, მაშინ მოწმეთა  
ჩვენებით მიბარებულ ქონებაზე ჩემს უფლებებს აღ-  
ვიდგენ.

— პრეტორიაში თქვენი დაბრუნება შეუძლებელია, —  
ცოტახნის დაფიქრების შემდეგ მიპასუხა მან, — დიახ,  
ეს არა თუ შეუძლებელი, წარმოუდგენელიცაა. რაღაც  
სხვა საშუალება უნდა გამოიხატოს. წინააღმდეგ შემთხვე-  
ვაში, ომის დამთავრებამდე მოგიწევთ აქ ყოფნა.

გოჭივით გამოვარდი გარეთ.

წინ გრაფი ბრედა, ფოგელიუსი და ვიტხამორი შე-  
შომხვდნენ.

გრაფს ახლა დამშვიდებული სახე ჰქონდა. მის მოძ-  
რაობაში უკვე თავისუფალი ადამიანის სიამაყე იგრძ-  
ნობოდა.

ფოგელიუსი და ვიტხამორი კი მოუსვენრად იყვნენ.

— როდის მივდივართ, მეგობარო! — დინჯად მკითხა  
გრაფმა.

მე ვუთხარი რაც მამრკოლებდა.

— ეგ არაფერია. ფული მე მაქვს. ხვალ-ზეგ იმდენს მივიღებ საფრანგეთიდან, რომ თუ ნებას დამრთავენ, ნახევარ ბანაკს წავიყვან ჩემი ხარჯით. დამშვიდდი. ახლა წავიდეთ და ამ მეგობრებთან ერთად განთავისუფლების სადღეგრძელო შევსვათ.

ოთხივემ ნელი ნაბიჯით გავიარეთ ბანაკის ალაყაფის კარი.

ჩავედით ქალაქში. ერთ პატარა რესტორანში შემოვუჯექით მაგიდას.

დიდხანს ვისაუბრეთ.

სალამოს გვიან დავბრუნდით ბანაკში.

მეორე დღეს ბარგი უკვე შეეკარი, მაგრამ ორ კვირაზე მეტხანს მომიხდა ლოდინი.

მოვიდა ჯავშნოსანი სამხედრო გემი „ვიქტორია.“ მე და ბრედას გამოგვიცხადეს, რომ ამ გემით უნდა წავსულიყავით.

ჩამოვიარე თითქმის მთელი ბანაკი და ყველას დავემშვიდობე.

რალაც უხერხულობას ვგრძნობდი, თითქოს დანაშაულს ჩავდიოდი, რომ მე მივდიოდი და ისინი კი ტყვეობაში რჩებოდნენ. ბურება კი აღტაცებით მართმევდნენ ხელს და იმავე დროს თითოეული მათგანი თავს ვალდებულად თვლიდა ბანაკში თავის ხელით გაკეთებული რამე ნივთი ესახსოვრა ჩემთვის.

მე საკმაოდ დიდი ბარგით მივედი ნავსადგურში.

1901 წლის 10 ნოემბერს დაიძრა გემი.

ნაპირზე დარჩენილი ფოგელიუსი, ვიტხამორი და

კოსტი თანდათან პატარავდებოდნენ. მალე კუნძულიც თვალს მიეფარა.

ჯავშნოსანი, რომელსაც მე და ბრედა უნდა მივეყვანეთ ინგლისში, შესანიშნავი გემი იყო. ისე სწრაფად მიდიოდა, რომ სრულებით არ ქანაობდა.

საუცხოო კაიუტებში მოვთავსდით.

მეორე დღეს კვლავ ზღვამ დამცადა და ავად გავხდი... მთელი გზა ვიწექი. გემის ექიმმა ვერატრით ვერ შემიმსუბუქა მდგომარეობა.

\* \*

6 კვირაზე მეტხანს გაგრძელდა მგზავრობა და ამ დროის განმავლობაში ხეირიანად თავიც არ ამიწევია ბალიშიდან.

როდის იყო და როდის არა, მივედით ღუვრში. 119) კაპიტანმა ჩვენი თავი გადასცა ორ ოფიცერს, რომლებიც, წეტყობოდათ, გველოდებოდნენ. ოფიცრებმა მაშინვე ჩაგვსვეს წასასვლელად გამზადებულ მატარებელში.

მეორე დილას გადმოვედით მატარებლიდან, ჩავსხედით ავტომობილში და მივედით კომფორტაბელურ სასტუმროში, სადაც მე და ბრედამ გვერდი-გვერდ დავიჭირეთ ოთახები. სასტუმროში მისვლისთანავე დავწექი. მგზავრობით ისე ვიყავი გაღაბული, რომ ჩემს თავს ველარ ვცნობდი, მაგრამ კარგი ექიმების წყალობით მესამე დღეს უკვე წამოვდექი.

ბრედამ მაშინვე გამოუძახა მკერავს. მკერავმა აგვი-

ლო ორივეს თარგი. ეს იყო დილის 10 საათი. საღამოს 7 საათზე უკვე ახალი კოსტიუმები გვეცვა, მაგრამ მერმე რა,—სასტუმროდან რესტორანში ჩასვლის ნებაც არ დაგვრთეს ჩვენზე მოჩენილმა ოფიცრებმა.

ბრედამ ნომერში მოითხოვა ძვირფასი ვახშამი.

ორივე გათენებამდე ვისხედით მაგიდასთან და ტკბილად ვსაუბრობდით.

დილას ვთხოვეთ ოფიცრებს საშუალება მოეცათ ავტომობილიდან მაინც დაგვეთვალაიერებია ლონდონი.

ნება დაგვრთეს, მაგრამ ისინიც თან წამოგვყვნენ.

თითქმის მთელი ლონდონი დავიარეთ.

მე იგი არ მომეწონა. მიუხედავად შესანიშნავი შენობებისა, სწორი, კრიალა ქუჩებისა, ქალაქს აკლდა მიმზიდველობა. შეიძლება ასე იმიტომაც მომეჩვენა, რომ ამ დღეს ლონდონი მთლად ნისლში იყო გახვეული. ირგვლივ მძიმე სიჩუმე იდგა. როგორც მითხრეს, არც მზიან დღეებშია თურმე იგი მაინცადამაინც ხალისიანი.

სასტუმროში დაბრუნებისთანავე დავწექით და წუხანდულ უძინრებს ღრმად ჩავვეძინა.

ერთი კვირის შემდეგ გადავცურეთ ლამანში<sup>120</sup>) და უკვე სიცოცხლით სავსე, ნათელ პარიზის ქუჩებში მიგვაქროლებდა ავტომობილი.

\* \*

მშობლები ბრედას გაშლილი ხელებით შეხვდნენ. აღფრთოვანებული ბრედა ხან აცრემლებულ დედას ეხვეოდა, ხან ცრემლშეკავებულ მოხუც მამას.

ცოტა შურიანი თვალით ვუცქერდი ბრედას, მაგრამ თავს იმით ვინუგეშებდი, რომ მალე მეც ასე სიხარულით შემომეგებებოდნენ ჩემიანები ჩემს სამშობლოში.

ბრედას მშობლებმა მეც დიდი სიხარულით მიმიღეს.

ცოტახნის მერმე მე ისინი დავტოვე და წავედი სასტუმროში. სასტუმროში მისვლამდე შევიარე ფოსტა - ტელეგრაფში და საქართველოში გავაგზავნე დეპეშა.

ორი დღის შემდეგ სასტუმროში მოვიდა ჩემთან გრაფი ბრედა და წამიყვანა თავის საგვარეულო კოშკში, რომელიც ქალაქ ტურიდან სულ ახლოს იყო.

ტურის სანახები მეტად მომეწონა. ძველი ფრანგული არისტოკრატია თითქმის ტურის მიდამოებში ცხოვრობდა. აქ ზოგან იყო ისეთი ძველი ციხე - კოშკებიც, რომელთაც ირგვლივ უხარმაზარი სქელი გალავნები ერტყათ, წინ ღრმა თხრილებში წყალი ჩაუდიოდათ, ხოლო თხრილებზე გადასვლა ასაწევი ხიდებით შეიძლებოდა.

გრაფ ბრედას კოშკის გალავანი ისეთი სქელი იყო, ზედ ეტლი თავისუფლად გაივლიდა. შიგნით რამდენიმე კოშკი იდგა, ყველაზე მაღალ კოშკზე ბრედას საგვარეულო დროშა ფრიალებდა.

ეზო საუცხოოდ მოვლილი იყო. მთავარ კოშკში მრავალ დარბაზებს შორის, ყველაზე დიდი დარბაზი ბიბლიოთეკას ეჭირა. აქ იყო საუკეთესო წიგნები არა მარტო ნაბეჭდი, არამედ ხელნაწერებიც თითქმის ყველანაზე. ბიბლიოთეკაში შესაფერ ადგილებზე იდგა ფრან-



ვი კლასიკოსების კორნელის,<sup>121)</sup> ჟან-ჟაკ რუსოს,<sup>122)</sup> დიდროს<sup>123)</sup> და დალამბერის<sup>124)</sup> ბიუსტები.

მცირე დარბაზში დაცული იყო სხვადასხვა დროის იარაღები, მათ შორის თოფები, ხმლები, მუხარადები, ჯაჭვის პერანგები და ფარები.

ბრედას მშობლები იქ დაგვხვდნენ.

ღვიძლი შვილიდან არ მარჩევდნენ.

მოხუცები უსაზღვროდ ბედნიერები იყვნენ, რომ თავიანთ ერთადერთ შვილს ასე ახლო ხედავდნენ. ბრედაც ბედნიერათ გრძნობდა თავს მოხუც მშობლებთან, რომლების ნახვასაც ამდენი ქარცეცხლში გავლის შემდეგ კიდევ ეღირსა. ბრედას ეძნელებოდა მშობლების დატოვება, მაგრამ ჩემი მარტოდ გაშვებაც არ უნდოდა, და აი, ორი კვირის შემდეგ კვლავ პარიზში დავბრუნდით.

პარიზში უკვე დამხვდა დედაჩემის მიერ სასწრაფოდ გადმოგზავნილი 1000 მანეთი. ცალკე ფულის მიღებამ გამახარა, ცალკე იმ ამბავმა, რომ დედა ცოცხალი და კარგად ყოფილა.

ორ დღეს დავრჩი კიდევ პარიზში. მთელი ეს ორი დღე ჩემმა მეგობარმა ბრედამ სად არ მატარა — ხელახლა ვიყავი ლუერში,<sup>125)</sup> ვერსალში,<sup>126)</sup> ვნახე ტრიანონი<sup>127)</sup>.

სალამოს ვეწვიეთ ვარიეტეს<sup>128)</sup> და მულენ-რუჟს.

წამოსვლის წინა სალამოს ვიჯექით ტროკადეროს ერლოზე. ვუცქეროდით „ღამის დღესასწაულს“. ჩვენს წინ უხარმაზარ კვარად ენთო ვიფელის კოშკი. მის ირგვლივაც შუქთა ზღვა ლივლივებდა.

უკანასკნელად ვართ ერთად. ბრედა ცოტა მოწყენილია.

მე ევპატიყები საქართველოში. ის მპირდება, მაგრამ ფაქტობრივად თავისი დაპირების თვითონვე არ ჯერა.

შესანიშნავი კაცი იყო ბრედა. იგი გამოირჩეოდა თავისი ფართო, დიდი გულით, კეთილშობილებით, დემოკრატიული სულისკვეთებით.

სამართლიანობისა და ადამიანისადმი სიყვარულმა წაიყვანა ის აფრიკაში და ააღებია თოფი ხელში.

ღიას, ბურებისათვის თავგანწირვა მისი დიდი ჰუმანიური გრძნობით იყო გამოწვეული, თორემ მას სხვებზე უფრო უზრუნველად შეეძლო ეცხოვრა თავის საყვარელ საფრანგეთში.

მშვიდობით, კარგად იყავი, ჩემო გულითაღო მეგობარო!

ვინ იცის კიდევ შეგხვდებით თუ არა ერთმანეთს!  
ვინ იცის!

დილას უკვე რუსეთისაკენ მიმაქროლებს ექსპრესი.

დრო ნელა მიდის, თუმცა ექსპრესი ფრთამალი მერანით მიაპობს სივრცეს.

აი გამოჩნდა ეკლესიების გუმბათები. ცოტაც კიდევ და მე უკვე პეტერბურგში ვარ.

სადგურზე გადმოსვლისთანავე გამომეცხადა პეტერბურგის გუბერნატორის ადიუტანტი და სამხედრო სამინისტროს განკარგულებით სადგურიდან პირდაპირ წაიყვანეს ჰაუპტვახტში.

ერთი კვირის შემდეგ მაცნობეს, რომ აკრძალული მაქვს პეტერბურგში თავისუფალი ცხოვრება. იმავე

დღეს ჩამსვეს მატარებელში და საქართველოში გამო-  
მამგზავრეს.

ეს ყველაფერი ისე მოულოდნელი იყო, რომ კოლა  
ორბელიანი ისათვის შეტყობინებაც ვერ მოვიფიქრე.

ეჰ, რაც იყო, იყო. მთავარი ისაა, რომ მე უკვე სა-  
ქართველოსაკენ ვადგივარ გზას.

რუსეთში ზამთარია. ყველგან დიდი თოვლი დევს.  
ღრუბლებს მზე ხანდახან თუ დააღწევს თავს, მაგრამ  
მალე ისევ ბურუსი ნთქავს. როცა კავკასიის საზღვრებს  
მოვუახლოვდი, ცა თანდათან მოწმენდილი წგახდა, სა-  
ქართველოს საზღვართან მთლად მოისარკა და კაშკაშა  
მზე სხივებს უხვად აფრქვევს.

სალამი, ჩემო ქვეყანავ!



8860835880

1. (გვ. 3) მცხეთაში სვეტიცხოვლის აგებას მიაწერენ ვახტანგ გორგასალს (მეფობდა მე-5 საუკ. მეორე ნახევარში). მე-11 საუკუნის პირველ ნახევარში იგი განუახლებია და შეუმკია მელქისედეკ კათალიკოსს. ტაძრისადმი 1040 წელს გაცემულ მელქისედეკ კათალიკოსის გუჯარში სწერია: „უამთა შლილობით გარშემო სტოვანი დაქცეულიყო და აღარავინ იყო მწე აღშენებად და არცარავის ძალედეა აღშენება მისი“-ო.

2. (გვ. იქვე) წილკნის ეკლესია, ვახუშტი ბატონიშვილის ცნობით, აშენებულია ბაქარ მეფის მიერ IV საუკუნეში. VI საუკუნეში აქ დაარსდა საკათალიკოსო კათედრა. პირველი ეპისკოპოსი იყო ისო წილკნელი, ხოლო უკანასკნელი—გერვასი, გვარად მაკავარიანი. (გარდაიცვალა 1817 წელს).

3. (გვ. 10) არჩილი დაიბადა 1647 წელს, მამამისი ვახტანგ მეხუთე, შაჰნავაზად ზედწოდებული, ცნობილი მეფე იყო. მისი გონივრული მეფობის დროს საქართველო მოღონიერდა. 1661 წელს, 14 წლის არჩილი მამამ გაამეფა იმერეთში. იმ უამად იმერეთის ტახტის მამყიებელი ბევრი იყო. შეიქნა ქიშპობა და აღრეულობა. აჯანყებულებმა ხონტქრის დახმარებით ტახტი წაართვეს არჩილს. სწორედ ამ ხანებში შაჰ-აბას მეორემ მოჰკლა კახეთის მეფე თეიმურაზ პირველი და მის ადგილას ტახტზე აიყვანა არჩილი. შემდეგ არჩილმა კახეთის ტახტი დაუთმო მის კანონიერ მემკვიდრეს ერეკლე პირველს და თვითონ დაიბრუნა იმერეთის ტახტი, მაგრამ კვლავ დაკარგა. დახმარებისათვის 1682 წელს გაემართა რუსეთს. გზაზე დიდხანს დაჰყო. მოსკოვს ჩავიდა 1685 წელს, შვილი ალექსანდრე



შიაბარა სამხედრო სასწავლებელში და უიმისოდ ისევ ჩამოვიდა საქართველოში. ამის შემდეგ იმერეთის ტახტს სამჯერ დაეუფლა, მაგრამ სამივეჯერ წაართვეს. როცა მეხუთეაჯ დაკარგა მეფობა, არჩილი 1699 წ. სამუდამოდ გადასახლდა მოსკოვს. პეტრე პირველმა, რომლის ბავშვობის მეგობარიც იყო მისი შვილი ალექსანდრე, დევნილი მეფე დიდი პატივით მიიღო. არჩილი თავის ამალით დასახლდა მოსკოვთან ახლოს, სოფ. ვსენსვიატსკოეში, სადაც მთაწყო სტამბა და ხელი მიჰყო მწიგნობრობას. იგი იყო თავის დროის შესანიშნავი პოეტი. მისი ლექსების უმრავლესობა პატრიოტული და მორალურ-დიდაქტიკური შინაარსისაა. გარდაიცვალა 1713 წელს. დასაფლავებულია დონის მონასტერში, მოსკოვში.

4. (გვ. იქვე) პეტრე პირველი დაიბადა 1672 წ., ათი წლის პეტრე 1872 წელს გამოცხადებული იქნა მეფედ. გარდაიცვალა 1725 წელს. იგი იყო რუსეთის სახელმწიფოს დიდი რეფორმატორი და შესანიშნავი მხედართმთავარი.

5. (გვ. იქვე) პოლტავის ბრძოლა მოხდა 1709 წელს, გახაფხულზე. ამ ბრძოლაში შვედების მეფე კარლოს XII სასტიკად დაამარცხა პეტრე პირველმა. დამარცხების შემდეგ შვეცია იქცა მეორეხარისხოვან სახელმწიფოდ. შვედებმა აქ ჩაიგდეს ტყვედ არჩილ მეფის შვილი ალექსანდრე ბაგრატიონი.

6. (გვ. იქვე) სტოკჰოლმი შვეციის სატახტო ქალაქია.

7. (გვ. იქვე) გენერალი ოგლობჟიოტომით ბულგარელი იყო. რუსეთ-თურქეთის ომის დროს ბულგარეთი დაპყრობილი ჰქონდა თურქეთს. თაშა ზიული გენერალ ოგლობჟიოს თურქეთის ქვეშევრდომად თვლიდა, ამიტომ უწოდა მოლალატე. გენერალი ოგლობჟიო თავისი ჯარით ომის დაწყებისას იღვა ოზურგეთში.

8. (გვ. 11) იგულისხმება რუსეთ-თურქეთის ომი. ამ ომში (1877-78 წელს) რუსეთმა დაამარცხა თურქეთი და განდევნა საქართველოს მრავალი ადგილიდან, კერძოდ, ბათუმიდან. ამავე დროს განთავისუფლებული იქნა ყარსიც.

9. (გვ. იქვე) ნადირ-შაჰი სპარსეთის ტახტზე ავიდა 1736 წელს. ერეკლე II ჭაბუკობისას პირველად მის ჯარში გაიტყვა სახელი როგორც შესანიშნავმა სარდალმა.

10. (გვ. იქვე) სპარსეთში ანარქია გრძელდებოდა 13 წლის განმავლობაში.

11. (გვ. იქვე) ეკატერინე მეორე—რუსეთის დედოფალი, დაიბადა 1729 წ. გამეფდა 1762 წელს, გარდაიცვალა 1796 წ.

12. (გვ. იქვე) ალექსანდროპოლის თავდაპირველად ერქვა გუმბრი, იგი მდებარეობს თბილისიდან ერევანში მიმავალ დიდ გზაზე, 1877 წელს რუსეთ-თურქეთის ომის დროს აქედან დაიძრა რუსეთის ჯარების მთავარი ძალები ყარსისა და არზრუმის წინააღმდეგ. სომხეთში საბჭოთა ხელისუფლების დამყარების შემდეგ ამ ქალაქს დაერქვა ლენინაკანი.

13. (გვ. 13) ნიკოლოზ პირველი დაიბადა 1796 წელს. ტახტზე ავიდა 1825 წლის 12 დეკემბერს. პეტერბურგში, 14 დეკემბერს, როცა ჯარს ერთგულების ფიცი უნდა დაედგა, მოხდა დეკაბრისტების აჯანყება. აჯანყება დამარცხდა. აჯანყებულთა ხელმძღვანელების ნაწილი, მათ შორის პოეტი რილეევი, ჩამოახრჩვეს, დანარჩენი გადაასახლეს ციმბირში.

დეკაბრისტების აჯანყების დროს პუშკინი პეტერბურგში არ იმყოფებოდა. როცა იგი დაბრუნდა, ნიკოლოზ პირველმა ერთ-ერთ შეხვედრისთანავე ჰკითხა: შენ რომ აქ ყოფილიყავი, ვის მხარეზე იქნებოდიო. აჯანყებულების მხარეზეო,—უყოყმანოდ უპასუხა პოეტმა.

14. (გვ. იქვე) საქართველოში ნიკოლოზ პირველი ჩამოვიდა 1837 წლის ოქტომბრის 7-ს. სამხედრო ისტორიკოსის პოტოლს გადმოცემით, მეფის პატივისცემის ნიშნად მადათოვის კუნძულზე შემდგარა ჯარების დიდი აღლუმი. შემდეგ ქართველ თავადაზნაურების ერთი ნაწილის მეთაურობით გაუმართავთ შესანიშნავი წვეულება, რომელზედაც გამხიარულებულ იმპერატორს პოლონები უცეკვია პირველად—სილამაზით განთქმულ მართა სოლოლაშვილთან, მეორედ—ქალაქის მოურავის სარაჯიშვილის მეუღლესთან. სხვათა შორის, როცა ქალაქს ათვალთქვებდა, მდინარე ვერასთან (ახლანდელ აბრეშუმის ფაბრიკის ადგილას) ნიკოლოზს ეტლი გადაბრუნებია, რის დროსაც მსუბუქად დაშავებულა. მისი ასე იოლად გადარჩენის გამო, შემთხვევის ადგილას აღუმართავთ ქვის ჯვარი „ღვთისადმი სამადლობელი“ წარწერით.

15. (გვ. იქვე) ეგზარქოსობა საქართველოში, კათალიკოსობის ნაცვლად, შემოღებული იქნა 1811 წლიდან. უკანასკნელი კათალიკოსი იყო ანტონ მეორე, ერეკლე მეფის-ძე, (გარდ. 1828 წ.) შემდეგ საქართველოს ეკლესიას მეთაურობდნენ რუსეთის „უწმინდესი სინოდის“ ეგზარქოსები. პირველ ეგზარქოსად დანიშნული იქნა ვარლამ ერისთავი. საქართველოში ნიკოლოზ პირველის ჩამოსვლის დროს ეგზარქოსად იყო ევგენი (ბაჟანოვი). იგი ამ თანამდებობაზე გამომწესებული იქნა 1834 წელს, ეგზარქოსობდა 1844 წლამდე. მან პირველმა დაიწყო მცხეთის სვეტიცხოვლის „რესტავრაცია“, რის დროსაც დაიღუპა მრავალი შესანიშნავი ძველი ფრესკა.

16. (გვ. იქვე) ვორონცოვი მიხეილ სიმონის-ძე კავკასიის მთავარმართებლის ნეიდგარტის ადგილზე მეფის ნაცვლის სახელწოდებით და განუსაზღვრელი უფლებებით დაინიშნა 1844 წლის დეკემბერში, თავის მოვალეობის შესასრულებლად თბილისში ჩამოვიდა 1845 წლის მარტში. ვორონცოვი საქართველოში მანამდეც იყო ნამყოფი. მაგალითად, 1808 წელს იგი მონაწილეობას იღებდა მაშინდელი მთავარმართებლის პავლე, ციციანოვის სამხედრო ოპერაციებში. მისივე დავალებით ვორონცოვი გაიგზავნა იმერეთის მეფე სოლომონთან დიპლომატიური მოლაპარაკების საწარმოებლად.

მეფის მოადგილის მოვალეობის ასრულების დროს ვორონცოვი მოხერხებულად ეწეოდა კავკასიაში თვითმპყრობელობის განმტკიცების პოლიტიკას და იმავე დროს ხელს უწყობდა სავაჭრო კაპიტალის განვითარებას. მან მეფის ნაცვლის თანამდებობაზე დაჰყო 9 წელიწადს. 1853 წელს გადასახლდა ოდესაში, სადაც 3 წლის შემდეგ გარდაიცვალა. საქართველოში საბჭოთა ხელისუფლების დამყარებამდე მისი სახელი ერქვა ახლანდელ კარლ მარქსის სახელობის ხიდს. მტკვრის მარცხენა ნაპირას, ხიდთან პატარა მოედანზე იდგა მისი ბრინჯაოს დიდი ქანდაკება.

17. (გვ. 14) ავტორს თუ მხედველობაში აქვს გლახთა აჯანყება ქსნის ხეობაში, ეს მოხდა არა 1810 წელს, არამედ 1809 წელს, ხოლო თუ იგი გულისხმობს გლახთა აჯანყებას კახეთში, აჯანყება კახეთში მოხდა 1811 წლის მიწურულს.

18. (გვ. იქვე) მარკიზ პაულუჩი, ფილიპე ოსიპის-ძე, საფ-

რანგეთის ჯარიდან 1807 წელს გადავიდა რუსეთის ჯარში პოლკოვნიკის ხარისხით. მალე მიიღო გენერალ-ადუტანტობა და კავკასიაში მთავარმართებლად დაინიშნა 1810 წელს.

19. (გვ. იქვე) ვლადიკავკავი—ძუჯიყაუ.

20. (გვ. იქვე) ალექსი პეტრესძე ერმოლოვიკავკასიის მთავარმართებლის მოვალეობას ასრულებდა 1817-27 წლებში.

21. (გვ. იქვე) კონსტანტინე ივანესძე ბაგრატიონ-მუხრანელი დაიბადა 1837 წელს. 1876-77 წლებში, როგორც ერთ-ერთი პოლკის მეთაური, მონაწილეობდა თურქეთთან ომში. ბოლო ხანებში რამდენჯერმე იყო არჩეული თბილისის გუბერნიის თავადაზნაურთა წინამძღოლად.

22. (გვ. იქვე) გორის რაზმი, იგულისხმება ე. წ. მილიცია.

23. (გვ. 15) პლატონ იოსელიანი დაიბადა 1809 წელს. მამამისი ეგნატე იყო საქართველოს უკანასკნელი მეფის გიორგის კარის ეკლესიის მღვდელი. პლატონმა დაამთავრა პეტერბურგის სასულიერო აკადემია. საქართველოში დაბრუნდა 1835 წ., მეგობრობდა ალ. ჭავჭავაძეს, ნიკ. ბარათაშვილს, გრ. ორბელიანს. იგი მანანა ორბელიანის სალონის ხშირი სტუმარი იყო. მას ეკუთვნის მრავალი შრომა საქართველოს ისტორიიდან. თანამშრომლობდა „ცისკარში“, „კავკაზში“. თვითონ რედაქტორობდა „ზაკავკაზსკი ვესტნიკს“. მან, სხვა ძეგლთა შორის, გამოსცა იოსებ თბილელის „დიდმოურავიანი“, დასწერა მონოგრაფია „ცხოვრება გიორგი მეცამეტისა“, რომელიც სრული სახით გამოვიდა საბჭოთა ხელისუფლების დროს, 1936 წელს, აკაკი გაწერელიას რედაქციით, წინასიტყვაობითა და შენიშვნებით.

24. (გვ. იქვე) რაფიელ ერისთავი, ცნობილი პოეტი და საზოგადო მოღვაწე, დაიბადა დედის სოფელში, ჭალაში, 1822 წელს. თბილისის გიმნაზია დაამთავრა 1845 წელს. მისი პირველი ლექსები „დარიგება“ და „ყვავილი“ დაიბეჭდა ჟურ. „ცისკარში“ 1852 წელს. ამ დღიდან მოკიდებული მისი პოეტური შემოქმედება თანდათან იზრდება და მალე ერისთავი ცნობილი პოეტი ხდება. სამწერლო მოღვაწეობასთან ერთად იგი ეწევა საზოგადოებრივ მუშაობასაც. მის დროს საქართველოში არ ყოფილა ისეთი, ცოტათ თუ ბევრათ მნიშვნელოვანი წამოწყება, რომელშიაც მას



მონაწილეობა არ მიეღოს. მსახურობდა დიდ საპასუხისმგებლო თანამდებობებზედაც. მაგ. იგი 1856 წელს მართავდა ახალციხის მაზრას, 1857 წ. დაინიშნა ზუგდიდის ოლქის უფროსად. მან თარგმნა მრავალი რუსი და უცხოელი პოეტის ლექსები (პუშკინი, კრილოვი, ოგარევი, მიცკევიჩი, ბერანჟე და სხ.). რ. ერისთავმა თავის რედაქტორობით გამოსცა სულხან-საბა ორბელიანის ცნობილი ლექსიკონი. მანვე დაბეჭდა „მოკლე ქართულ-ლათინური ლექსიკონი მცენარეთა, ცხოველთა და ლითონთა სამეფოდან“.

ღვაწლმოსილ მაცოვან პოეტს 1895 წელს 22 ოქტომბერს თბილისში დიდი ხეიმით გადაუხადეს 50 წლის მოღვაწეობის აღსანიშნავი იუბილე. ახალგაზრდა სოსო ჯულაშვილმა იუბილარს უძღვნა შესანიშნავი ლექსი, რომელიც სოსელს ფსევდონიმით დაიბეჭდა გაზ. „ივერიაში“.

რაფიელ ერისთავი გარდაიცვალა 1901 წლის თებერვლის 19, დაკრძალული იყო თავის სოფელში, ქისტაურში საიდანაც 1938 წლის ნოემბრის 13-ს გადმოსვენებული იქნა ქ. თელავში და დაძარხეს ერეკლე მეორის სასახლის ეზოში. იქვე დასაფლავებულნი არიან მწერალი ქალი ბარბარე ჯორჯაძისა და მუშა-პოეტი იოსებ დავითაშვილი. ამ ადგილს ეწოდა „კახელ მოღვაწეთა პანთეონი“. საბჭოთა ხელისუფლების დროს გამოვიდა რაფიელ ერისთავის ნაწერების სრული აკადემიური გამოცემა პროფ. შალვა რადიანის რედაქტორობით.

25. (გვ. 16) ბ ა ტ ო ნ ყ მ ო ბ ა აღმოსავლეთ საქართველოში გადავარდა 1864 წელს, ხოლო დასავლეთ საქართველოში — 1865-67 წლებში. გლეხები „განთავისუფლებულ“ იქნა უმიწოდ. რუსეთში ბატონყმობა გაუქმდა თითქმის 3 წლით ადრე, ანუ 1861 წელს.

26. (გვ. იქვე) ვ ა ხ ტ ა ნ გ VI დაიბადა 1675 წ., გარდაიცვალა 1737 წელს. ის იყო მეტად განათლებული მეფე, მწიგნობარი და პოეტი. აღიზარდა სულხან-საბა ორბელიანის ხელმძღვანელობით. ვახტანგის თაოსნობით და უშუალო მონაწილეობით დამუშავებული იქნა საქართველოს ისტორია, ქართული სამართალი და სხვ. 1709 წელს ვახტანგმა მოაწყო თბილისში პირველი სტამბა, სადაც პირველად დაიბეჭდა მისივე რედაქტორობით „ვეფხისტყაოსანი“. ვახტანგი იძულებული გახდა გაცლოდა სამშობლოს, 1724 წლის ივლისის 15 იგი



დიდი ამალით წავიდა რუსეთს, სადაც 13 წლის შემდეგ გარდაიცვალა. ვახტანგის ლექსების კრებული ცალკე წიგნად გამოვიდა მხოლოდ საბჭოთა ხელისუფლების დროს. წიგნი გამოსცა 1947 წელს „საბჭოთა მწერალმა“ პროფ. ალ. ბარაჩიძის რედაქციით და შენიშვნებით.

27. (გვ. 18) ეკატერინე, რევაზ ერისთავის მეუღლე. იყო ნიკოლოზ ბარათაშვილის უფროსი და. ბარათაშვილის უმცროსი და, სოფიო, ჰყავდა — ვასილ ალექსანდრეს-ძე სუმბათაშვილს, ალექსანდრე სუმბათაშვილ-იუჟინის ბიძას. სოფიო და ვასილ სუმბათაშვილების შვილი გიორგი სუმბათაშვილი ამჟამად მუშაობს გამოცემლობა „საბჭოთა მწერალში“.

28. (გვ. 20) ეკატერინე — პოეტ ალექსანდრე ჭავჭავაძის ასული, (დაიბ. 1816 წ.) ცოლად გაჰყვა სამეგრელოს მთავარს დავით დედინს, ქმრის გარდაცვალების შემდეგ 1853 წელს დაინიშნა სამეგრელოს გამგებლად. სამეგრელოს მართავდა 4 წლის განმავლობაში. გარდ. 1882 წ. დაკრძალულია მარტვილის მონასტერში.

29. (გვ. იქვე) ვორონცოვ-დაშკოვი ილარიონ ჩვანეს-ძე, შემდეგში თვითონ იყო მეფის ნაცვლად კავკასიაში. იგი ამ თანამდებობას ასრულებდა 1905 წლიდან 1915 წლამდე. დაშკოვი რევოლუციური მოძრაობის დაუძინებელი მტერი იყო და სასტიკად დევნიდა რევოლუციონერებს.

30. (გვ. იქვე) მილტოზი — რევაზ ერისთავის საგვარეულო მამული ქს.ნში.

31. (გვ. 21) ალექსანდრე მეორე — ნიკოლოზ პირველის ძე, დაიბადა 1818 წელს. სხვათა შორის, მისი ერთ-ერთი აღმზრდელი იყო ცნობილი რუსი პოეტი ვასილ ჟუკოვსკი. ალექსანდრე მეორემ 1855 წელს ტახტზე ასვლისთანავე გამოამყლავნა თავისი რეაქციონური ზრახვები. იგი ეყრდნობოდა ყველაზე უფრო მემარჯვენე, კონსერვატორულ ელემენტებს სას.ხლში. როცა მეფისნაცვალმა გორჩაკოვმა ვარშავაში დახვრიტა მშვიდობიანი მანიფესტაცია, ალექსანდრე მეორემ მას უბრძანა — მანიფესტაციის განმეორების შემთხვევაში მთელი ქალაქისათვის დაეშინა ზარბაზნები. დესპოტმა მეფემ გამოიგონა და მან პირველმა შექმნა ჩრ.-აღმოსავლეთ ციმბირში ე. წ. „პოლარული ჯოჯოხეთი“, სადაც ასახლებდნენ თავისუფლებისათვის მებრძოლებს.

მიუხედავად ამისა, რუსეთში თანდათან ფართო ხასიათს იღებდა რევოლუციონური მოძრაობა. ცნობილი რევოლუციონერის ანდრეი ივანეს-ძე ყელიაბოვის (1851-81) ხელმძღვანელობით მომზადებული იქნა ალექსანდრე მეორეზე უკანასკნელი თავდასხმა, მაგრამ ყელიაბოვი დააპატიმრეს თავდასხმამდე ორი დღით ადრე. ამ გარემოებაში ყელიაბოვის ამხანაგებს ხელი ვერ შეუშალა მეფეზე თავდასხმის განზრახვა სისრულეში მოეყვანათ—1881 წ. მარტის 1-ს მეფე მოკლული იქნა, მკვლელები იმავე დღეს დააპატიმრეს. ყელიაბოვმა პროკურორს გაუგზავნა განცხადება, რომ მეფეზე ყველა თავდასხმა, მათ შორის უკანასკნელიც, მოწყობილი იყო მისი უშუალო ხელმძღვანელობით და რომ მხოლოდ სულელური შემთხვევის გამო პირადად ვერ მიიღო მეფის მოკვლაში მონაწილეობა. სხვა თავდამსხმელებთან ერთად (პეროვსკაია, კიბალჩიჩი, ტ. მიხაილოვი და რისაკოვი) ყელიაბოვიც ჩამოახრჩვეს პეტერბურგში, სემიონოვის მოედანზე 1881 წლის აპრილის 3-ს.

32. (გვ. იქვე) დ ი დ ი მ თ ა ვ ა რ ი მ ი ხ ე ი ლ ნ ი კ ო ლ ო ზ ი ს ძ ე იყო ნიკოლოზ I-ის მეოთხე შვილი. დაიბადა 1832 წელს. კავკასიის ჯარების მთავარსარდლად და მეფის მოადგილედ დაინიშნა 1863 წელს, ამ თანამდებობას ასრულებდა 1881 წლამდე. რევოლუციამდე მისი სახელი ერქვა ხაშურს.

33. (გვ. 22) ბ ა რ ი ა ტ ი ნ ს კ ი ალექსანდრე ივანეს-ძე მეფის ნაცვლად და კავკასიის ჯარების სარდლად დაინიშნა 1856 წელს. იგი ხელმძღვანელობდა დაღესტნისა და ჩეჩნეთის წინააღმდეგ ომს. 1859 წლის 25 აგვისტოს ტყვედ ჩაიგდო შამილი.

ბარიატინსკის ცოლად ყავდა დიმიტრი ორბელიანის ასული ელი-საბედი. ბარიატინსკის სახელი ერქვა ახლანდელ ჯორჯიაშვილის ქუჩას (კომუნარების ბაღის გვერდით). ამ ქუჩაზე არსენ ჯორჯიაშვილმა ბომბი ესროლა და მოკლა შავრაზმელი გენერალი გრიაზნოვი.

ბარიატინსკი დაიბადა 1815 წელს, გარდაიცვალა 1879 წელს ენევაში.

34. (გვ. 27) ა ნ დ ე რ ს ე ნ ი ჰ ა ნ ს - ხ რ ი ს ტ ი ა ნ , ცნობილი პოეტი-მებლაპრე, დაიბადა დანიის ქალაქ ორდენგებში, კუნძულ ფიონიაზე, 1805 წელს. ის შესანიშნავად იცნობდა თავისი ხალხის მდიდარ

შექმულები და ძველ სიმღერებს. მამამისი იყო მეჩქემე, რომელსაც უყვარდა ხალხური ლექსების სიმღერებად აწყოება და კარგადაც მღეროდა. ანდერსენი გარდაიცვალა 1875 წელს. ანდერსენის ზღაპრები ქართულად თარგმნეს ნინო ნაკაშიძემ და თედო სახოკიამ. ნ. ნაკაშიძემ თავის თარგმანები ცალკე წიგნად გამოსცა 1896 წ., ხოლო თ. სახოკიამ—1897 წ.

35. (გვ. იქვე) მაინრიდი ცნობილი ინგლისელი მწერალი. იგი უმთავრესად წერდა სათავგადასავლო რომანებს. დაიბადა 1818 წელს, გარდაიცვალა 65 წლის ასაკში. მაინრიდის რომანი „ავრორა“ ინგლისურიდან 1863 წელს თარგმნა გრიგოლ რჩეულიშვილმა და დაბეჭდა ჟურ. „ცისკარში“. ქართულად თარგმნილია, აგრეთვე მისი „ტყის შვილები“.

36. (გვ. იქვე) ყიულგერნი (1828-1905), ფრანგი მწერალი. მსოფლიო სახელი მოიხვეჭა თავისი მეცნიერულ-ფანტასტიკური რომანებით. ყ. ვერნის „კაპიტან გრანტის შვილები“, „ოთხმოცი ათასი კილომეტრი წყალქვეშ“ და „საიდუმლო კუნძული“ ქართულად ცალკე წიგნებად გამოვიდა საბჭოთა ხელისუფლების დროს. სამივე წიგნი თარგმნილია ნიკო კურდღელაშვილის მიერ.

37. (გვ. 29) საქართველოს რუსეთთან შეერთება. ალექსანდრე პირველმა 1801 წლის სექტემბრის 12-ის თარიღით გამოსცა უმაღლესი რესკრიპტი, რომლის ძალითაც აღიარებული იქნა საქართველოს რუსეთთან სამუდამოთ შეერთების ფაქტი. ეს ის ალექსანდრე პირველია, რომელმაც თავის მამის პავლე პირველის წინააღმდეგ მოაწყო შეთქმულება, შეთქმულებს მოაკვლევინა მეფე და ტახტი მიიტაცა. მამის სისხლი არ ასვენებდა მას. იგი შეიპყრო მისტიციზმმა და შიშმა. თვეობით არ გამოდიოდა გარეთ. ეგონა, ასეთი უღირსი საქციელის გამო, მას სამაგიეროს გადაუხდიდნენ. მისი ასეთი კარჩაკეტილობა ერთბაშად შეიცვალა, როცა რუსის ხალხმა დაამარცხა ნაპოლეონი, რომელმაც რუსეთის ველებზე დაჭარბა თავისი უზარმაზარი არმიის უდიდესი ნაწილი. ალექსანდრე პირველი 1814 წლის მარტის 31-ს მოკავშირე სახელმწიფოთა არმიებს ხეიმით შეუძღვა პარიზში და იქცა-ევროპაში ყველაზე უფრო გავლენიან და ცნობილ კაცად. ბოლო ხანებში კვლავ შეიპყრო მისტიციზმმა და ნახევრად შეშლილი გარდაიცვალა 1825 წელს.

38. (გვ. 30) გოლოვინი ევგენი ალექსანდრეს-ძე, კავკასიის მთავარმართებლად იყო 1837-42 წლებში. რევოლუციამდე მისი სახელი ერქვა თბილისში ახლანდელ რუსთაველის პროსპექტს.

39. (გვ. იქვე) ნეიდგარტი ალექსანდრე ივანეს-ძე, გოლოვინის ადგილას დაინიშნა 1842 წელს, ამ თანამდებობაზე დაჰყო მხოლოდ 2 წელიწადს.

40. (გვ. 35) რტიშჩევი ნიკოლოზ თედორეს-ძე, იყო მთავარსარდლად საქართველოში 1811-13 წლებში. მისი სახელი ერქვა ახლანდელ ჯაფარიძის ქუჩას.

41. (გვ. იქვე) „გაყრა“, გიორგი ერისთავის სამმოქმედებიანი კომედია საჯაროდ პირველად წარმოდგენილ იქნა 1850 წლის იანვრის 2-ს (ძვ. სტილით) გიმნაზიის შენობაში. მიკირტუშ გასპარიჩის როლს ასრულებდა თვითონ ავტორი. იონა მეუნარგიას გადმოცემით, წარმოდგენას შესანიშნავად ჩაუვლია, რომელსაც თავის სახლობით და ამალით დასწრებია მეფისნაცვალს მ. ს. ვორონცოვი.

42. (გვ. იქვე) მანანა ორბელიანი იყო მირმანოზ ერისთავის ასული. დაიბადა 1808 წელს, გარდაიცვალა 1870 წელს. განათლებული და ლიტერატურის მცოდნე მანანა ორბელიანი დიდ მფარველობას უწევდა ქართულ ხელოვნებას, კერძოდ მწერლობას. მის სალონში, სადაც თავს იყრიდნენ მაშინდელი არისტოკრატიული საზოგადოების საუკეთესო წარმომადგენელნი, ხშირად კითხულობდნენ ახალ პოეტურ ნაწარმოებებს და მსჯელობდნენ ქართული კულტურის საკითხებზე.

43. (გვ. 36) ათონის ქართველთა მონასტერი (ათონი საბერძნეთშია) აშენდა 980-983 წლებში, ამ მონასტრის აგების თაოსანი და მისი პირველი წინამძღვარი 983-1005 წლებში იყო სამცხელი იოანე ვარაზ-ვაჩე ჩორდვანელი.

იოანეს შემდეგ 1005-1019 წლებში მონასტერს წინამძღვრობდა მისი შვილი, შესანიშნავი მწერალი და მოაზროვნე ექვთიმე ათონელი (დაბ. 955 წ., გარდაიცვ. 1028 წ.). შემდეგ ათონის ქართველთა მონასტრის თვალსაჩინო წინამძღვარი იყო გიორგი ათონელი (1009-1056), რომელმაც ღრმა კვალი დასტოვა ძველ ქართულ ლიტერატურაში, იგი ათონის მონასტრის წინამძღვრად აირჩიეს 1044 წელს და სიკვდილამდე განაგებდა მას.



ათონის ქართველთა, ანუ როგორც მას უწოდებდნენ „ივერიის მონასტერში“ ქართული ლიტერატურა აყვავდა და გაიშალა ექვთიმე და გიორგი ათონელების დროს. აქ არა მარტო ბერძნულიდან თარგმნიდნენ სასულიერო მწერლობის კლასიკურ თხზულებებს, არამედ ქმნიდნენ ორიგინალურ ქართულ ნაწარმოებებსაც. სხვათა შორის, აქ ექვთიმე ათონელმა ქართულიდან ბერძნულად თარგმნა ცნობილი სასულიერო რომანი „სიბრძნე ბალავარისა“, რომლიდანაც შემდეგ ეს რომანი გავრცელდა თითქმის ყველა ენაზე.

ათონის „ივერიის მონასტერში“, იქაური ქართული ხელნაწერების შესწავლის მიზნით, პლატონ იოსელიანმა იმოგზაურა 1849 წელს, შემდეგ ალ. ცაგარელმა (1883 წ.) და სხ.

44. (გვ. იქვე) პლატონ იოსელიანის ქვრივი ნინო ნიკოლოზ ბაგრატიონის ასული, ქმრის გარდაცვალების შემდეგ აღიკვეცა მონაზვნათ. იგი დაკრძალულია მცხეთაში სამთავროს დედათა მონასტერში.

45. (გვ. 37) ივანე კონსტანტინეს-ძე ბაგრატიონ-მუხრანელი, 1832-50 წლებში მონაწილეობდა მთიელებთან ომში, ხოლო 1854-55 წლებში იბრძოდა ოსმალეთის წინააღმდეგ. ამ ხანებში იგი სარდლობდა იმერეთში და სამეგრელოში განლაგებულ ჯარებს და ებრძოდა ომარ-ფაშას. იყო გენერალ-ლეიტენანტი. ბოლო ხანებში ხელი მიჰყო სოფლის მეურნეობას, განსაკუთრებით მეღვინეობას. მისი „შამპანიური“ განთქმული იყო მთელ რუსეთში. 1870-იან წლებში აირჩიეს თბილისის გუბერნიის თავადაზნაურობის წინამძღოლად.

46. (გვ. იქვე) სენატორი და სახელმწიფო საბჭოს წიორი გიორგი კონსტანტინეს-ძე ბაგრატიონ-მუხრანელი (1820—1877) იყო ძმა ივანე ბაგრატიონისა, მან 1872 წელს რუსულ ენაზე დაბეჭდა ბროშურა სათაურით: „О существе национальной индивидуальности в образовательном значении крупных народных единиц“, რომელშიც ამტკიცებდა მცირერიცხოვან ხალხების დიდერებში გათქვეფის აუცილებლობას. ბროშურამ დიდი აღშფოთება გამოიწვია მაშინდელ პროგრესულ საზოგადოებაში. კერძოდ, ილია ჭავჭავაძემ სასტიკად დაჭგმო ამ გადაგვარებულ თავადის ლაყბობა.



მანვე ბროშურის ავტორზე დასწერა პამფლეტი, სათაურით: „რჩევა“ (ეს ლექსი დაიბეჭდა გაზ. „დროებაში“, 1872 წლის სექტემბრის 8, № 35). როცა ხსენებული ბროშურა ბაგრატიონმა, სხვათა შორის, დავით ერისთავსაც გაუგზავნა, „სამშობლოს“ ავტორმა და თავის მამის გიორგი ერისთავის ღირსეულმა შვილმა, წიგნი უკანვე დაუბრუნა მას შემდეგი რუსული წარწერით:

О существе ты написал,  
Мой друг, более ста страниц,  
Но этим только доказал  
То, что мы знали без того:  
Что ты совсем не существо  
И нуль меж крупных единиц.

47. (გვ. 38) დ ა ვ ი თ დ ა დ ი ა ნ ი იყო სამეგრელოს მთავრის ლევან დადიანის პირმშო. 1837 წელს საქართველოში ყოფნისას, ნიკოლოზ პირველი ეწვია სამეგრელოსაც. მეფემ სამი დღე დაჰყო ლევანთან ზუგდიდში. ამ დროს დავითი იზრდებოდა ბარონ როზენტანს. იგი სამეგრელოს მართვა-გამგეობას შეუდგა მამის სიცოცხლეშივე 1842 წელს. ლევანი გარდაიცვალა 1853 წელს. დავითი იყო სამეგრელოს უკანასკნელი მთავარი, მას ცოლად ჰყავდა ეკატერინე, ალექსანდრე ჰავჭავაძის ასული.

48. (გვ. 39) ო მ ა რ - თ ა შ ა მ სამეგრელოზე გამოილაშქრა. 1855 წლის ოქტომბერში იგი თავის ჯარით ინგურს მოადგა 25 ოქტომბერს.

49. (გვ. 42ვე) ა ნ ჩ ი ს ხ ა ტ ი ანუ ე. წ. ხელთუქმნელი ხატი, ანუ პირიღვთისა, თქმულებით, კლარჯეთში შემოუტანია ანდრია მოციქულს. იგი დასვენებული ყოფილა ანჩში. თამარ მეფის საბოძვრით ანჩელ ეპისკოპოსს იოანეს (სალარისძეს) ხატი მოუჭედვინებია ბექა ოპიზარისათვის. თურქების შემოსევის დროს ეს ხატი სამცხედან 1664 წელს თბილისში ჩამოუტანია ვაჭარ ამირჯანა ივანგული-შვილს, რომლისგანაც შეუძენია საქართველოს პატრიარქს დომენტი მეორეს (1560—1675) მუხრან-ბატონის-ძეს, მასვე განუახლებია სიონის მახლობლად ძველი ტაძარი და შიგ დაუსვენებია. ხატზე მრავალი საგულისხმო ისტორიული წარწერაა.

50. (გვ. 40) მარია მ დედოფალი, საქართველოს უკანასკნელი მეფის გიორგი XII ქვრივი, გიორგი ციციშვილის ასული, დაიბადა 1778 წელს. მარიამმა მოჰკლა გენერალი ლაზარევი, რომელიც უხეშად მოექცა მას. 1803 წ. აპრილის 18 დედოფალი წაიყვანეს რუსეთში შვილებით, 1811 წლამდე იყო ბელგოროდის დედათა მონასტერში, შემდეგ ნება მიეცა ეცხოვრა მოსკოვს, სადაც გარდაიცვალა 1851 წლის 30 მარტს. მისი ცხედარი ჩამოასვენეს და დაკრძალეს მცხეთაში.

51. (გვ. 41) ქარვასლა აგებული იყო ახლანდელ ბერიას სახელობის მოედანზე.

52. (გვ. იქვე) გიმნაზია. კავკასიის ჯარების მთავარსარდალმა პავლე ციციანოვმა 1804 წელს თბილისში დააარსა „კეთილშობილთა სასწავლებელი“, რომელიც 1830 წელს გადაკეთდა გიმნაზიად.

53. (გვ. 43) ეგზარქოსი ისიდორ ნიკოლსკი (1794-1892) საქართველოში ეგზარქოსათ იყო 1845 წლის ნოემბრიდან 1858 წლის 1 მარტამდე.

54. (გვ. იქვე) რკინიგზა საქართველოში პირველად გაიყვანეს 1871 წელს თბილის-ფოთის მიმართულებით.

55. (გვ. 46) მონომანი მედიცინის ენაზე ნიშნავს ერთი რამის აკვიტებას. მონომანიით შეპყრობილი შეიძლება სხვა მხრივ სრულებით ჯანსაღი გონების პატრონი იყოს.

55. (გვ. 49) ხოდინკა ეწოდება დიდ მინდორს მოსკოვის ახლოს, სადაც ნიკოლოზ II მეფედ კურთხევის დღეს, მოსკოვის გენერალ-გუბერნატორმა სერგეი ალექსანდრეს-ძემ (მეფის ბიძამ) მოაწყო „სახალხო ხეიმი“. გაავრცელეს ხმა, რომ ხეიმის დროს დაარიგებენ საჩუქრებსო. დილიდანვე მინდორზე შეიკრიბა დიდძალი ხალხი. წინასწარ არ ყოფილა არავითარი ზომები მიღებული წესრიგის დასაცავად. დამთვრალმა ხულიგნებმა ატეხეს ჩხუბი, რასაც მოჰყვა არეულობა მთელ მინდორზე. ამ არეუ-დარევისას ჩაინგრა ორმოცზე სანულდახელოდ დაფარებული ფიცრები. ხალხი დაფრთხა, რის დროსაც გადაქელეს და გწარისეს 2000 კაცამდე. დაიჭრა და დაშავდა ათიათასობით. სერგეი ალექსანდრეს-ძეს, მისი დაუდევრობით გამოწვეულ ამ კატასტროფის გამო, მუშებმა უწოდეს „თავადი ხოდინსკი“. ხოდინკაზე კატასტროფა მოხდა 1896 წლის მაისის 17.

57. (გვ. 50) შოპენი ფრედერიკი, გენიალური პოლონელი კომპოზიტორი და პიანისტი. დაიბადა 1809 წლის მარტის 1-ლს, ვარშავის ახლოს, სოფ. ჟელიაზოვა-ვოლიაში. 9 წლის ბავშვი მიაბარეს პიანისტ ცივნის. მასთან 7 წლის მეცადინეობის შემდეგ, შოპენი თეორიული ცოდნის მისაღებად სწავლობდა კომპოზიტორ ელსნერთან. 1829 წლიდან იწყებს არტისტულ მოღვაწეობას. იგი გამოდის ვენაში, კრაკოვში და დიდი წარმატებით ასრულებს თავისივე ნაწარმოებებს. 1831 წლიდან იგი ცხოვრობს პარიზში, სადაც მისი პირველი კონცერტი ტრიუმფად იქცა. მაშინ შოპენი 22 წლის იყო. სამშობლოს მოცილებულ ახალგაზრდა მანსტროს ხშირად იპყრობდა სევდა. ამას დაემატა ცნობილი მწერალი ქალის ყორჟ ზანდის სიყვარული, რამაც მას ბოლოს დიდი მწუხარება განაცდევინა. შოპენი გარდაიცვალა 1849 წლის ოქტომბრის 17-ს.

შოპენი კომპოზიტორებში ყველაზე უფრო აფასებდა მოცარტს, მისი რეკვიემი კულტად ჰქონდა გადაქცეული. შოპენის ანდერძისამებრ, მეს დასაფლავებაზე შესრულებულ იქნა მოცარტის რეკვიემი მაშინდელ ცნობილ მსახიობების მიერ. პოლონელმა პატრიოტებმა საგანგებო ღაზრანკით სამშობლოში ჩამოიტანეს მისი გული და მოათავსეს ვარშავის წმ. ჯვრის ტაძარში. მეორე მსოფლიო ომის დროს, ფაშისტების თავდასხმისას, ხალხმა შოპენის გული გადაძალა. შოპენის მუსიკა ჰარმონიული სილამაზისა და მელოდიურობის მსოფლიო შეფევრების გვირგვინს წარმოადგენს. იმავე დროს იგი ღრმად ეროვნული შემოქმედების ნაყოფია.

58. (გვ. იქვე) კოლაორბელიანი იყო პოეტ ვახტანგ ორბელიანის შვილი. „კაცი განათლებული, პროკურორად ნამყოფი, კარგი მოლაპარაკე, არც უნიჭო, მაგრამ ფუჭი ცხოვრების ამყოლი, უთავბოლო, რომელმაც მამისაგან დარჩენილი დიდი შეძლება იმ დროს გამოჩენილ მოჭიდავე კულა გლდანელს და ნადირობას გადააგო.“ (იხ. იაკობ მანსვეტაშვილის „მოგონება“. გამოვიდა ლ. ასათიანის რედაქციით. 1936 წ.).

59. (გვ. 53) „დონ კიხოტი“ ეკუთვნის ცნობილი ესპანელი მწერლის სერვანტესის კალამს. სერვანტესი დაიბადა 1547 წელს, გარდაიცვალა მადრიდში 1616 წლის აპრილის 23-ს (ძვ. სტ.) ცხოვ-

რებაში მწერალმა ბევრი განსაცდელი და გაჭირვება გამოიარა. სიკვდილის შემდეგაც ბედმა თითქოს დასცინა: მისი საფლავი დაიკარგა. ძეგლი დაუდგეს მხოლოდ 1835 წელს და პიედესტალზე ლათინურად წააწერეს: „მიგუელ სერვანტესს, ესპანელ პოეტების მეფეს“.

უკვდავი „დონ კიხოტი“-ს გარდა მას დარჩა მრავალი პიესა, ნოველა და ბრწყინვალე სონეტები.

ქართულად „დონ კიხოტი“ თარგმნა ნიკ. ავალიშვილმა (1844-1929) და ორივე ნაწილი შეპოკლებით გამოსცა 1864 წ. მეორედ პირველი ნაწილი სრულად, დორეს სურათებით, დაიბეჭდა და „ცნობის ფურცელის“ ხელისმომწერლებს პრემიად დაურიგდა 1906 წელს.

იგივე თარგმანი იბეჭდება და წელს გამოვა მთლიანი სახით (ორივე ნაწილი) ნიკ. აგიაშვილის რედაქციით. ბეჭდავს საბლიტგამი.

60. (გვ. იქვე) ფ ე ნ ე ლ ო ნ ი ი ყ ო XIV საუკუნის ფრანგი მწერალი და მოაზროვნე.

61. (გვ. 54) ე რ მ ი ტ ა ყ ი — მსოფლიო მნიშვნელობის ძეგლთა საგანძური ლენინგრადში. ერმიტაჟი განსაკუთრებით განთქმულია ყველა ეროვნებათა გენიალური მხატვრების სურათების კოლექციით.

62. (გვ. იქვე) ყ ა ზ ა ნ ი ს და ი ს ა კ ი ს ტ ა ძ რ ე ბ ი. ყაზანის ტაძარი ლენინგრადში აგებულია აკადემიკოს ვორონინის გეგმით 1811 წელს, ხოლო ისაკის ტაძარი—მონფერანის გეგმით 1818-58 წლებში. მისი აგება გრძელდებოდა 40 წელიწადს.

63. (გვ. იქვე) პ ე ტ რ ე პ ი რ ვ ე ლ ი ს ძ ე გ ლ ი გააკეთა, ცნობილმა ფრანგმა მოქანდაკემ მორის ფალკონემ (1716—1791). ძეგლი შესანიშნავია თავის კომპოზიციით და მონუმენტალობით.

64. (გვ. 55) ს მ ო ლ ნ ი ს ქ ა ლ თ ა ი ნ ს ტ ი ტ უ ტ ი წინათ იყო დედათა მონასტერი, რომელიც ინსტიტუტად გადაკეთდა 1868 წელს. ინსტიტუტში სახელმწიფო ხარჯზე. იზრდებოდნენ პრივილეგიური წოდების ქალიშვილები. სმოლნის შესანიშნავი ტაძარი აგებულია ცნობილ არქიტექტორის რასტრელის მიერ.

65. (გვ. იქვე) მ ა რ ი ნ ი ს თ ე ა ტ რ ი ს ა დ გ ი ლ ა ს, ძველ პეტერბურგში, სამეფო ცირკი იყო.



იგი ოპერის თეატრად გადაკეთებულ იქნა 1860 წელს. ახლა მასში მოთავსებულია კიროვის სახელობის სახელმწიფო ოპერისა და ბალეტის თეატრი.

66. (გვ. 55) ფ რ ი დ რ ი ხ მ ე ო რ ე (1720-86) შვილი იყო ვილჰელმ პირველის. ფრიდრიხი გამუდმებულ ომებს აწარმოებდა მახლობელ სახელმწიფოების ტერიტორიების დასაპყრობად, რაც მძიმე ტვირთად აწვებოდა განსაკუთრებით გლეხობას.

67. (გვ. იქვე) გ ე რ ც ე ნ ი ალექსანდრე ივანეს-ძე დაიბადა 1812 წელს. გარდაიცვალა 1870 წელს. იგი იყო: „მწერალი, რომელმაც დიდი როლი შეასრულა რუსეთის რევოლუციის მომზადებაში“ (ლენინი). მეფის მთავრობა მას გამუდმებით დევნიდა. რწმდენჯერმე იყო დაპატიმრებული, 1847 წელს იძულებული გახდა დაეტოვებია რუსეთი. სხვადასხვა ქვეყნებში ცხოვრების შემდეგ, გერცენი 1852 წელს დასახლდა ლონდონში. აქ მან მოაწყო „თავისუფალი რუსული სტამბა“, სადაც ბეჭდავდა რევოლუციური შინაარსის კრებულებს, 1857 წლიდან ოგარიოვთან ერთად დაიწყო ჟურ. „კოლოკოლის“ გამოცემა. ამ ჟურნალში, სხვათაშორის, რიონელის ფსევდონიმით, თანამშრომლობდა ნიკო ნიკოლაძეც, რომელიც პირადად კარგად იცნობდა გერცენს.

68. (გვ. იქვე) კ ა რ ლ V, გერმანიის იმპერატორი, გარდაიცვალა 1558 წელს.

69. (გვ. იქვე) ე ი ფ ე ლ ი ს კ ო შ კ ი აგებულია ინჟინერ ვიფელის მიერ 1888 წელს, მისი სიმაღლე აღემატება 140 მეტრს. კოშკი მთლიანად რკინისაა. 1905 წელს პარიზში ყოფნისას აკაკი წერეთელმა დასწერა ლექსი „ვიფელის კოშკი“, რომელიც დაბეჭდა გაზ. „ივერიაში“ 1906 წელს.

70. (გვ. 58) ლ ი უ დ ო ვ ი კ XIV (1638-1715). მან შესძლო აბსოლუტური ერთმმართველობის მონარქიული ძალაუფლების ხელში ჩაგდება. „სახელმწიფო—ეს მე ვარო“ ამბობდა იგი. ვერსალში მისმა ზღაპრული ფუფუნებით ცხოვრებამ და ხშირმა ომებმა გააღატაკა ხალხი, რის გამოც ხშირი იყო აჯანყებები.

71. (გვ. 61) ი ნ გ ლ ი ს ი ს პ რ ე მ ი ე რ ა დ მაშინ იყო სალისბერი უფრო სწორად სალსბრი, (1830—), კონსერვატორების ლიდერი,



რომელმაც თავის აგრესიული პოლიტიკით 1899 წელს ინგლისის მიიყვანა ტრანსვაალთან ომამდე.

72. (გვ. იქვე) მაკკინლეი ამერიკის პრეზიდენტად არჩეულ იქნა 1897 წელს.

73. (გვ. იქვე) ალექსანდრია ანუ ისკანდერიე, როგორც მას უწოდებდნენ არაბები, ალექსანდრე მაკედონელმა დააარსა 331 წელს ჩვენს ერამდე.

ალექსანდრიის ბიბლიოთეკაში თავმოყრილი იყო ნახევარ მილიონამდე ხელნაწერი. ამ ბიბლიოთეკამ შემოუნახა კაცობრიობას ჰომეროსის, ესქილეს, არისტოფანეს, საფოს, ალკეოსის ტექსტები და ევრიპიდეს ტრაგედიების დედნები. ბიბლიოთეკაში უმთავრესად მუშაობდნენ იმ დროის გამოჩენილი ისეთი პოეტები, როგორიც იყვნენ კალიმაქე და აპოლონიოს როდოსელი. როდოსელმა აქ დასაწერა თავის შესანიშნავი პოემა „არგონავტიკა“ ანუ თქმულება ოქროს საწმისზე. ამ პოემაში დაცულია ძვირფასი ცნობები, როგორც ძველ საქართველოზე, ისე მაშინდელი ქართული ტომების—ხალიბების, ტიბარენების და მოსინიკების ზნე-ჩვეულებათა და ყოფა-ცხოვრების აღწერილობანი. პირველად როდოსელმა მოკვცა თავის „არგონავტიკაში“ კოლხიდის ქალაქის—ქუთაისის სურათი.

74. (გვ. 61) ალექსანდრე მაკედონელი დაიბადა მაკედონიაში 356 წელს ჩვ. წელთაღრიცხვამდე. მისი აღმზრდელი იყო ბერძენი ფილოსოფოსი არისტოტელი. ალექსანდრემ ზედმიწევნით იცოდა მაშინდელი ლიტერატურა და ფილოსოფია. განსაკუთრებით უყვარდა „ილიადა“. გამეფდა მამის, ფილიპეს, სიკვდილის შემდეგ. მან დაიპყრო თითქმის მთელი აღმოსავლეთი. თავის უზარმაზარ სახელმწიფოს სატახტო ქალაქად გამოაცხადა ბაბილონი. როცა მან ეგვიპტე დაიპყრო, იქაურ წესებსა და ტაძრებს ხელი არ ახლო, რისთვისაც ქურუმებმა იგი ამონის (მზის ღმერთი) შვილად გამოაცხადეს.

ძველი ქართული წყაროების მიხედვით ალექსანდრე მაკედონელს იბერიაც დაულაშქრავს. მათიანე „მოქცევაჲ ქართლისაჲ“ (IX ს. ძეგლია) გადმოგვცემს, რომ მაკედონელი შემოსულა მტკვრის ხეობაში, დაუპყრია იგი და მცხეთაში გაუმეფებია ე. წ. არან ქართლის მეფის ძე ახლი, მეორე უძველეს (XI ს.) მათიანეში „მეფეთა ცხოვრებაში“

ლეონტი მროველი წერს: მაკედონელმა „დაიპყრნა ყოველნი კიდენი ქვეყნისანი, ესე გადმოვიდა დასავლით, და შევიდა სამხრით, შემოვიდა ჩრდილოთ, გარდავლნა კავკასნი და მოვიდა ქართლად“. ნახევარი წლის განმავლობაში ალექსანდრეს აუღია მრავალი ციხე-ქალაქი (ხერთვისი, ოძრხე, ურბნისი, კასპი, უფლის-ციხე, მცხეთა, რუსთავი), მაგრამ ძლიერ გაძლიანებია ქალაქი სარკინე. მაკედონელის საქართველოში ლაშქრობის ამბავს აღწერს დავით აღმაშენებლის ისტორიკოსიც (XII ს. პირველი ნახ.), ამასვე იმეორებს გახუშტიც (1696-1772). და სხვ.

უფრო ადრინდელი უცხოელი ისტორიკოსებიც აღნიშნავენ საქართველოში მაკედონელის ლაშქრობას (მაგ. რომელი ისტორიკოსი რუფუსი, სოლინიუსი და სხ.). მე-19 საუკუნის და შემდეგ დროის ზოგიერთ ქართველ მკვლევარს კი მაკედონელის ყოფნა საქართველოში საეჭვოდ მიაჩნიათ.

ალექსანდრე გარდაიცვალა 323 წელს ჩვ. წელთაღრიცხვამდე, ციებ-ციხელებით.

75. (გვ. 63) ინგლისმა ბურების რესპუბლიკას, ტრანსვაალს ოფიციალურად ომი გამოუცხადა 1899 წლის ოქტომბრის 11-ს და ამავე დღეს დაიწყო საომარი მოქმედება.

76. (გვ. 64) პ ა ვ ლ ე კ რ ი უ გ ე რ ი --სამხრეთ-აფრიკის ბურების რესპუბლიკის გამოჩენილი პოლიტიკური მოღვაწე. დაიბადა 1825 წ. ინგლისის გამგებლობაში არსებულ კაპსკის კოლონიაში, საიდანაც, ინგლისის აგრესიის გამო, 1835 წელს მისი მშობლები სხვა ბურებთან ერთად გადასახლდნენ მდ. ორანჟის ჩრდილოეთით. ბურებმა აქ, მდინარეების ვაალისა და ლიმპოპოს შორის დააარსეს რესპუბლიკა, სახელწოდებით ტრანსვაალი. რესპუბლიკის საკმაოდ ვრცელ ტერიტორიაზე უხვად მოიპოვებოდა მადნეული, გარდა ამისა, ნიადავი ნოყიერი, ბუნება ლამაზი და ჰავა ჯანსაღი იყო. კრიუგერი 1864 წელს არჩეულ იქნა რესპუბლიკის მთავარსარდლად. იგი თავგამოდებით იბრძოდა ინგლისის წინააღმდეგ, როველსაც სურდა ტრანსვაალის დაპყრობა. 1880-81 წელს ინგლისის მიერ ატეხილ ომის დროს, გენერალ ჟუბერთან და რესპუბლიკის პირველ პრეზიდენტთან ერთად კრიუგერი სათავეში ჩაუდგა რესპუბლიკის ჯარს

და სასტიკად დაამარცხა ინგლისელები. 1883 წელს კრიუგერი აირჩიეს პრეზიდენტად. შემდეგ ამისა იგი ხედი-ხედ კვლავ არჩეულ იქნა პრეზიდენტად 1888, 1893 და 1898 წლებში.

ინგლისელებმა ტრანსვაალის დასაპყრობად 1899 წელს ბურებს გამოუცხადეს ახალი ომი. მიუხედავად თავგანწირული ბრძოლისა, მტრის მეტად ჭარბმა ძალებმა ბურები დაამარცხეს.

კრიუგერი გარდაიცვალა 1904 წელს შვეიცარიაში.

77. (გვ. 65) ფრენჩი (1852-1925). ინგლისის ფელდმარშალი-ინგლის-ბურების ომის დაწყებისას სარდლობდა ცხენოსანთა ჯარს-ფრენჩი ატარებდა სპეციალურ თარგით შეკერილ პიჯაკს, რომელიც შემდეგ გავრცელდა და ეწოდა მისი სახელი.

78 (გვ. 68) დედოფალი ვიქტორია—დიდი ბრიტანეთის და ირლანდიის დედოფალი 1837 წლიდან. დაიბადა 1819 წელს, გარდაიცვალა 1901 წელს.

79. (გვ. 69) ლუციფერი ახალი აღთქმით იყო თავხედი ანგელოზი, რომელიც წინ აღუდგა ღვთის ნებას, რის გამოც ჩაგდებულ იქნა ქვესკნელში. ამის მიხედვით ლუციფერი წარმოადგენს თვალთმაქცის, ბოროტი სულის სინონიმს.

80. (გვ. 70) მაკიაველი ნიკოლო-დი-ბერნარდი (1469-1527) იყო იტალიის სახელმწიფო მოღვაწე და მწერალი-დრამატურგი. თავის პოლიტიკურ ტრაქტატებში და ცნობილ ნაწარმოებში („ხელმწიფე“) ქადაგებდა ცბიერ პოლიტიკურ მოღვაწეობის წესებს და დიპლომატებს ურჩევდა არასოდეს არ ეხელმძღვანელათ მორალური პრინციპებით, ამის შემდეგ იქცა მისი გვარი არაპირდაპირობის, დაუნდობლობის და მზაკვრობის სინონიმად.

81. (გვ. იქვე) გილჰელმ II გერმანიის უკანასკნელი იმპერატორი. 1914-18 წლის ომში დამარცხების შემდეგ გაიქცა ჰოლანდიაში.

82. (გვ. იქვე) ბოქსიორთა აჯანყება ჩინეთში მოხდა 1899 წელს. აჯანყებას სათავეში ჩაუდგნენ ე. წ. „ი-ხე-ციუან“ („მუშტი სამართლიანობისა და წესრიგის დასაცავად“), აგრეთვე, მეორე საზოგადოება სახელწოდებით „დაო-დაო-ხუი“ („დიდი დანა“) და „დაციაუან-ხუი“ (სახ-ბა „დიდი მუშტი“). ასეთ სახელწოდებათა გამო ინგლისელებმა აჯანყების მონაწილეებს დაარქვეს ბოქსიორები.

აჯანყება უმთავრესად მოაწყვეს გლეხებმა და ქალაქის ღარიბმა მშრომელებმა.

აჯანყების მიზანი იყო უცხოელების განდევნა ჩინეთის საზღვრებიდან. როგორც ცნობილია, ჩინეთი უნდოდათ კოლონიად გადაექციათ გერმანიის, ინგლისის, საფრანგეთის, ამერიკის იმპერიალისტებს და მეფის რუსეთს. ამ მიზნით ჩინეთში გავლენის მოსაპოვებლად ისინი ერთმანეთს ეცილებოდნენ, მაგრამ აჯანყების დროს იძულებულნი გახდნენ შეერთებულიყვნენ. აჯანყებას პირველ ხანებში მხარი დაუჭირა ჩინეთის ქვრივმა დედოფალმა ცხი სიმ. მაგრამ შემდეგ, როცა აჯანყებამ ფართო ხასიათი მიიღო, შეეშინდა ხალხს თავის რისხვა მისკენაც არ მიემართა და უცხოელებს მიემხრო, რომ ტახტი შეენარჩუნებია. უცხო სახელმწიფოთა კავშირმა ჩინეთის რეაქციონერებისა და დედოფლის დახმარებით აჯანყება ჩააქრეს. ამ აჯანყების დროს მოკლეს გერმანიის ელჩი ბარონი კეტტელერი.

83. (გვ. 71) იგულისხმება ინგლისის ვერაგული გალაშქრება ბურების წინააღმდეგ 1880 წელს.

84. (გვ. 72) ჰუგენოტები პროტესტანტებს ეწოდებათ. ჰუგენოტი წარმოდგება ჟენევის მოქალაქის სახელიდან—გიუგა, რომელიც იყო პროტესტანტობის მქადაგებელი. მიუხედავად სასტიკი დევნისა, პროტესტანტობა საფრანგეთში ჩქარა გავრცელდა, განსაკუთრებით კალვინის (მოღვაწეობდა 1564 წლამდე, წარმოშობით ფრანგი, უმთავრესად ცხოვრობდა ჟენევაში) მოძღვრების შემდეგ. ამიტომ პროტესტანტებს კალვინისტებსაც ეძახიან.

პროტესტანტულსა და კათოლიკურ ეკლესიის შორის ჩამოვარდნილი უთანხმოება ხშირად ქცეულა აჯანყებად და შინაურ ომად.

85. (გვ. იქვე) ბური ჰოლანდიური სიტყვაა და ნიშნავს გლეხს; მიწის მუშას.

86. (გვ. იქვე) ბათლომეს დამე, ესაა 1572 წლის 24 აგვისტოს ღამე, სხვაგვარად ამ ღამეს ეძახიან პარიზის სისხლიან ქორწილს. 24 აგვისტოს, ღამით, პარიზში შეიკრიბნენ ჰუგენოტები, რომ ედღესასწაულათ თავიანთი წინამძღოლის ჰენრიხ ნავარიელის და კარლ IX დის მარგარიტა ვალუას ქორწილი. კარლ IX დედა ეკატერინე მედიჩი ჰუგენოტების საშინელი მტერი იყო, რადგან ჰუგენოტების



გაძლიერების გამო ეშინოდა სასახლეში მისი გავლენა არ შემცირებულყო. განსაკუთრებით არ უყვარდა ჰუგენოტების სულისჩამდგმელი ადმირალი კოლინი, რომელსაც ყოველთვის დიდ ანგარიშს უწევდა კარლ IX. შედიჩიმ თავის სუსტი ნების შვილს ჩააგონა, რომ თითქოს ჰუგენოტებს მისი ტახტიდან გადაგდება უნდოდათ. დედისვე რჩევით კარლმა გასცა ბრძანება დის ქორწილის ღამეს მოეწყოთ ჰუგენოტების მასიური ქლეტა. კარლმა თავის ბრძანებას სარჩულად დაუდვა კათოლიკური ეკლესიისადმი ჰუგენოტების მტრული დამოკიდებულება. ბათლომეს ღამეს პარიზში გაწყვიტეს 2000 ჰუგენოტზე მეტი. მათ შორის ფანჯრიდან გადააგდეს და მოკლეს ადმირალი კოლინიც. ამის შემდეგ საფრანგეთის სხვა ქალაქებშიაც გაჟლიტეს 30.000-მდე ჰუგენოტი. შემდეგშიც არ შეწყვეტილა პროტესტანტების დევნა, რასაც ბოლოს მოყვა ჰუგენოტების მასიური გაქცევა საფრანგეთიდან, მათი ნაწილი გადასახლდა სამხრეთ-აფრიკაში. სხვადასხვა ქვეყნებში გაფანტულმა ჰუგენოტებმაც მალე აფრიკას მიაშურეს.

87. (გვ. 74) **ორანჟის რესპუბლიკა** დააარსეს ბურებმა 1836 წ. ინგლისელებმა 1848 წელს მოინდომეს ორანჟის დაპყრობა, მაგრამ წააწყდნენ ბურების უდიდეს წინააღმდეგობას და იძულებული გახდნენ განზრახვაზე ხელი აეღოთ. 1870 წელს ორანჟის ტერიტორიაზე აღმოჩნდა ალმასის საბადო, ამ საბადოს საკმაოდ ვრცელი ტერიტორია ინგლისელებმა ხელთ ჩაიგდეს 1876 წელს. ორანჟის რესპუბლიკის პრეზიდენტმა, შტეინმა, ბურების მეორე რესპუბლიკასთან, ტრანსვაალთან 1896 წელს დადო ხელშეკრულება, რომლის ძალითაც ორანჟიმ ინგლის-ბურების ომის დროს (1899-1902 წ.) დაიჭირა ტრანსვაალის მხარე და მასთან ერთად იბრძოდა დამპყრობელი ინგლისელების წინააღმდეგ.

88. (გვ. იქვე) **სესილ როდსი**, ინგლისელი კაპიტალისტი, მან სამხრეთ-აფრიკაში 1890 წ. შექმნა საზ-ბა „პრივილეგიური კომპანია“, რომელსაც უნდოდა ხელში ჩაეგდო ტრანსვაალიც, იქ აღმოჩენილ ოქროს და ალმასის მდიდარი საბადოების გამო. სესილ როდსი იყო ბურების რესპუბლიკის ერთ-ერთი მთავარი მტერი და მის წინააღმდეგ ომის წამოწყების ინიციატორი.

89. (გვ. იქვე) **გლადსტონი** ვილიამ-ევარტი (1809-98) ინგლი-



ის გამორჩენილი სახელმწიფო მოღვაწე, მრავალი წლის განმავლობაში იყო ინგლისის მთავრობის პრემიერ-მინისტრი. როგორც შინაურ, ისე საერთაშორისო საკითხებში აწარმოებდა შედარებით ლიბერალურ პოლიტიკას.

90. (გვ. 78) რ ე მ ბ რ ა ნ დ ტ ვ ა ნ - რ ე ი ნ , უდიდესი ჰოლანდიელი მხატვარი და გრაფიკორი, იყო მეწისქვილის შვილი. დაიბადა 1606 წლის ივლისის 15. რემბრანდტის უფროსი ძმები ყველანი ხელოსნები იყვნენ. მამამ გადაწყვიტა რემბრანდტისათვის მანც ესწავლებია, მაგრამ ბავშვი უხალისოდ დადიოდა სკოლაში. მას უფრო მხატვრობა იტაცებდა. მამა იძულებული გახდა დაეკმაყოფილებია შვილის სურვილი და იგი მიაბარა მხატვარს ვან-სვანენბიურზს. სამი წლის შემდეგ რემბრანდტი გადასახლდა ამსტერდამში, სადაც პიტერ ლასტმანის ხელმძღვანელობით დაიწყო მეცადინეობა. 1627 წლიდან რემბრანდტი სახელოვანი მხატვარი ხდება. 1634 წელს შეირთო სასკია იულენბორხი, რომელმაც განსაკუთრებული პირობები შეუქმნა ქმარს შემოქმედებისათვის, მაგრამ მისი სიკვდილის შემდეგ რემბრანდტის ცხოვრების პირობები გაუარესდა. ახლა მხატვარს გვერდში ამოუდგა მისივე მოსამსახურე გენდრიკიე. მან მოაწყო საყვარელი ძმატვრის სავაჭრო გალერეა და რემბრანდტის მატერიალური მდგომარეობა ცოტათი გამოკეთდა. მალე გარდაიცვალა გენდრიკიეც და იგი კვლავ უმწეოდ დარჩა. რემბრანდტს აკლდა პრაქტიკული ცხოვრების ნიჭი. სრულიად გაღარიბებული გენიალური მხატვარი მოკვდა ულუკმაპუროდ 1669 წლის ოქტომბრის პირველ რიცხვებში.

91. (გვ. 83) ე უ ბ ე რ ი პ ე ტ რ ე , იყო ბურების გამორჩენილი მთავარსარდალი. იმავე დროს 1896 წ. არჩეულ იქნა ტრანსვაალის რესპუბლიკის ვიცე-პრეზიდენტად. წარმოშობით ფრანგი, ჰუგენოტი, დაიბადა 1831 წლის იანვრის 20-ს. გარდაიცვალა 1900 წლის მარტის 27-ს.

92. (გვ. იქვე) კ რ ო ნ ი ე ა რ ნ ო ლ დ , ბურების შესანიშნავი მხედართმთავარი, რამდენჯერმე მან სასტიკად დაამარცხა ინგლისელები. 1900 წელს ინგლისელებმა ტყვედ ჩაიგდეს. დაიბადა 1840 წელს.

93. (გვ. იქვე) დ ე ლ ა რ ე ი ი ა კ ო ბ , ბურების პოლიტიკური მოღვაწე და გენერალი, დაიბადა 1847 წელს. 1893 წლიდან იყო ბურების სახალხო საბჭოს წევრი. დელარეიმ ინგლის-ბურების ომის

დროს 1899-1902 წლებში თავი ისახელა როგორც პარტიზანული ბრძოლის საუკეთესო ხელმძღვანელმა. გარდაიცვალა 1914 წელს.

94. (გვ. 85) რობერტს ფრედერიკ, ლორდი, ინგლისის გენერალი, დაიბადა 1832 წელს. ბურებთან ომის დროს იყო სამხრეთ-აფრიკაში ინგლისის სამხედრო ძალთა მთავარი სარდალი.

95. (გვ. იქვე) კიტჩენერ გერბერტ, ინგლისის ფელდმარშალი (1850-1916). ინგლის-ბურების ომის დროს პირველად იყო რობერტის შტაბის უფროსად, შემდეგ რობერტის უკან გაწვევის გამო, 1900 წელს დაინიშნა მთავარსარდლად. ბურებთან ომში გამოიჩინა ნამდვილი ველურობა. ბურების ქალებს და ბავშვებს ყრიდა საკონცენტრაციო ბანაკებში, წვადა ბურების სახლ-კარს, ანადგურებდა ნათესებსა და პირუტყვს. როცა 1916 წელს რუსეთში მიდიოდა, კრეისერი „მამპშირ“ წააწყდა ნადმს და გემთან ერთად დაიღუპა.

96. (გვ. 86) ციცინატი იყო რომის სახელოვანი მხედართმთავარი (460 წ. ჩვენს ერამდე). ყოველი ომის შემდეგ, იგი უბრუნდებოდა მიწის მუშაობას.

97. (გვ. იქვე) კაფრი ზანგების სხვადასხვა ტომია სამხრეთ-აფრიკაში.

98. (გვ. 87) შტეინი — ორანჟის რესპუბლიკის პრეზიდენტი.

99. (გვ. 88) დიზრაელი (ბიკონსფილდ) ბენჯამენ (1804-81), ინგლისის გრაფი, კონსერვატიული პარტიის ბელადი, პრემიერი. ისტორიაში ცნობილია როგორც დახელოვნებული და ცბიერი დიპლომატი.

100. (გვ. იქვე) ჩემბერლენი ჯოზეფ, ინგლისის პოლიტიკური მოღვაწე, დაიბადა 1836 წელს. ის იყო ინგლისის იმპერიალისტური ექსპანსიის მეთაური და ბურების წინააღმდეგ ომის დაწყების მთავარი ინიციატორი. ამ ხანებში მას ეჭირა ინგლისის კოლონიების საქმეთა მინისტრის პოსტი. ჩემბერლენი დიდი პოპულარობით სარგებლობდა ინგლისის შოვინისტურ წრეებში. მამის გზას გაჰყვა მისი შვილიც ნოილ ჩემბერლენი.

101. (გვ. 95) გენერალი ბოტა იყო ბურების გამოჩენილი გენერალი. ჟუბერის სიკვდილის შემდეგ დაინიშნა ბურების მთავარ-

სარდლად. ბურების თვალში მან დაიმსახურა ეროვნული გმირის სახელი. ლუი ბოტა დაიბადა 1862 წ. გარდაიცვალა 1919 წელს.

102. (გვ. იქვე) დევეტხრისტიანი, ბურების ცნობილი გენერალი და პოლიტიკური მოღვაწე. დაიბადა 1854 წელს. ინგლის-ბურების პირველი ომის დროს 1880-81 წელს იყო ოფიცერი, მეორე ომის დროს კი თავი ისახელა როგორც გულადმა და ნიჭიერმა გენერალმა. გარდაიცვალა 1922 წელს. ჰოლანდიურ ენაზე დასწერა მოგონება ინგლის-ბურების ომის შესახებ, რომელიც მრავალ ენაზე ითარგმნა.

103. (გვ. 97) ვოლონტერი ეწოდება თავის ნებით ჯარში წასულს და მტრის წინააღმდეგ რაიმე სამხედრო ამოცანის სურვილისამებრ შემსრულებელს.

104. (გვ. იქვე) უინსტონ ჩერჩილი დაიბადა 1874 წელს, იგი შეიღია ცნობილ კონსერვატორის რადოლფის (1849-95). უინსტონ ჩერჩილი მუშათა კლასის სასტიკი მტერია. ამიტომაც იგი თავიდანვე იყო „საბჭოთა რუსეთის უდიდესი მოძულე“ (ლენინი). ჩერჩილი ახლაც თავგამოდებით იბრძვის საბჭოთა კავშირის წინააღმდეგ და გააფთრებით ცდილობს ახალი მსოფლიო ომის გაჩაღებას.

105. (გვ. 99) მარი ბროსე (1801-1880) ცნობილი ფრანგი ისტორიკოსი. აღმოსავლურ ენებიდან პირველად მან ჩინური შეისწავლა, შემდეგ ქართული და სომხური. დაწერილი აქვს ქართული და სომხური ლიტერატურის, ისტორიის და არქეოლოგიის გამოკვლევებზე კერძოდ მას დიდი ღვაწლი მიუძღვის საქართველოს ისტორიის და ქართული წარსული კულტურის ძეგლების შესწავლის საქმეში. ბროსეს მოუხილველი არ დარჩენია თითქმის არც ერთი ქართული ისტორიული წყარო. მისი მრავალი შრომა საქართველოზე უმთავრესად გამოცემულია ფრანგულად. პეტერბურგში 1849 წელს მან პირველმა გამოსცა ქართულად „ქართლის ცხოვრება“ (I ტომი).

106. (გვ. იქვე) პეტრე ბაგრატიონი (1765—1812), რუსეთის ჯარის გამოჩენილი გენერალი, მხედართმთავრების სუვოროვის და კუტუზოვის თანამებრძოლი. 1812 წელს სასიკვდილოდ დაიჭრა ბოროდინოს ველზე ნაპოლეონთან ბრძოლაში.

107 (გვ. 112) ედუარდ VII, დედოფალ ვიქტორიას შვილი, დაიბადა 1841 წელს. 1900 წელს იგი ესტუმრა პეტერბურგს, როცა უკან ბრუნდებოდა, დანიაში გზად გავლისას, ბრიუსელში ახალგაზრდა რევოლუციონერმა მუშამ სიპდომ ესროლა, მაგრამ ააცდინა. ვიქტორიას სიკვდილის შემდეგ იგი ინგლისის ტახტზე ავიდა 1901 წლის 22 იანვარს.

108. (გვ. 114) ატილა — ჰუნების მეფე 433 წლიდან. შექმნა უდიდესი სახელმწიფო ვოლგიდან დაწყებული გერმანიამდე. მალე ცეცხლითა და მახვილით დაიპყრო მთლად გერმანია, გალია და რომის იმპერიის აღმოსავლეთი მხარე. იგი შიშის ხარს ცემდა რომს, ბიზანტიას და ევროპას. რეზიდენცია ჰქონდა ხემო უნგრეთში. შესახედავად ართვალის კაცი იყო. დაუნდობლობისა და თავისი ველური ხასიათის გამო „ღვთის რისხვა“ შეარქვეს. ატილამ 453 წელს შეერთო ბურგუნდელი ილდიკო, მაგრამ ქორწინების ღამეს იგი გარდაიცვალა. ფიქრობენ თითქოს ატილა ილდიკოს მოეკლას თავისი ხალხის განადგურების გამო. გადმოცემით, ატილას ცხედარი ჩაუსვენებიათ ჯერ ოქროს კუბოში, მერმე ოქროს კუბო მოუთავსებიათ ვერცხლისაში, ვერცხლის კუბო კი ჩაუდვიათ რკინის კუბოში და დაუკრძალავთ მდინარე ტისას ფსკერზე, რისთვისაც მდინარე გადაუგდიათ სხვა მიმართულებით, დაკრძალვის შემდეგ კი ისევ ძველ კალაპოტში გადაუშვიათ.

109. (გვ. 115) ბლოკჰაუსი — მტრისაგან თავდასაცავი სიმაგრე, რომელშიაც ცხოვრება შეიძლება. ასეთ შენობას უფრო მიწის ქვეშ აგებენ.

110. (გვ. 117) წმ. ელენეს კუნძული აღმოჩენილი იქნა 1501 წელს პორტუგალელ მეზღვაურის კასტელის მიერ წმ. ელენეს დღეს, რისთვისაც კუნძულს უწოდეს „წმ. ელენეს კუნძული“. 1645 წ. კუნძულზე დასახლდნენ ჰოლანდიელები, შემდეგ დაიპყრეს ინგლისელებმა და აქციეს თავის კოლონიად. მკვიდრ მცხოვრებლებს, უმთავრესად, შეადგენდნენ ზანგები. კუნძული მდებარეობს სამხრეთ-აფრიკის დასავლეთით. ატლანტიკის ოკეანეში ამართულს, უზარმაზარი პირამიდული შესახედაობა აქვს. იგი მთაგორიანია, კლდოვანი, მაგრამ აქვს ვაკე ადგილებიც. ერთ-ერთ ასეთ ვაკეზე, სახელწოდებით



ლონგეუდზე, ცხოვრობდა ნაპოლეონი. კუნძულზე ყველაზე უფრო ცივა ავვისტოში, ცხელა — თებერვალში.

111. (გვ. 121) ი უ პ ი ტ ე რ ი — ძველ რომაელების წარმოდგენით წვიმისა და ჭექა-ქუხილის ღმერთი; ბერძნულ მითოლოგიაში — იგივე ზევსი, ღმერთების მამა და მეფე.

112. (გვ. იქვე) ქ ა მ ე ლ ე ო ნ ი — ხელიკის ერთ-ერთი ჯიშია. აქვს უცნაური თვისება — ყოველწამს შეუძლია იცვალოს ფერი. ცხოვრობს ხეზე აფრიკასა და ინდოეთში.

113. (გვ. 125) ნ ა პ ო ლ ე ო ნ ი ს მ ა მ ე ლ უ კ ი იყო ქართველი. მის შესახებ კონსტანი\* თავის მემუარებში წერს შემდეგს: „იმპერატორის მამელუკის სახელით ცნობილი რუსტანი იყო კარგი ოჯახის შვილი საქართველოდან. ექვსი თუ შვიდი წლის იქნებოდა, როცა ის მოიტაცეს და წაიყვანეს ქაირში, სადაც იგი იზრდებოდა, როგორც მონა, სრულ ასაკამდე, რის შემდეგაც გახდა მამელუკი. ეგვიპტეში ლაშქრობისას გენერალ ბონაპარტს\*\* ქაირის შამა საჩუქრად მიართვა რამდენიმე არაბული ცხენი და ამავე დროს. ორი მამელუკი რუსტანი და იბრაჰიმიც თან გაატანა. ნაპოლეონმა ქართველი მამელუკი რუსტანი დაიტოვა თავის ამალაში, ხოლო მეორე მამელუკი შემდეგში აღის სახელწოდებით ცნობილი, განამწესა ყოზეფინას ამალაში. რუსტანი ისე დაიახლოვა იმპერატორმა, რომ იგი ყველგან აუცილებლად ახლდა მას, სადაც კი საჯაროდ გამოჩნდებოდა. რუსტანი აგრეთვე იმპერატორს ახლდა მოგზაურობების დროს და, რაც განსაკუთრებით შეადგენს რუსტანის დამსახურებას, იგი მონაწილეობას იღებდა ყველა მის ომში. ნაპოლეონის შტაბის წევრთა შორის თავისი იერით და აღმოსავლური ჩაცმულობით ყველაზე უფრო ბრწყინვალე შთაბეჭდილებას ახდენდა რუსტანი. იგი სარგებლობდა ნაპოლეონის დიდი ნდობით, რასაც ზოგიერთები ხსნიან იმით, რომ ერთხელ რუსტანმა მტრის მოქმედი ული ხმალი ააცდინა ნაპოლეონს და შეჭველ სიკვდილს გადაარჩინა. რუსტანმა ცოლად შეირთო ახალგაზრდა ლამაზი ფრანგის

\* კონსტანი იყო ნაპოლეონის კარის უფროსი გამრიგე.

\*\* ეგვიპტიდან ინგლისის განსადევნად დირექტორიამ 1798—99 წელს ნაპოლეონის სარდლობით გააგზავნა ექსპედიცია. მაშინ ნაპოლეონი ბრიგადის გენერალი იყო.



ქალი, გვარად დუჟილ, რომლის მამაც იყო დედოფალ ჟოზეფინას კამერდინერი. ცოლის შერთვის შემდეგ რუსტანს ველარ ვხედავთ ნაპოლეონის ამაღლებაში; გაზეთები უსაყვედურებდნენ რუსტანს იმას, რომ იგი 1814 და 1815 წლებში ბოლომდე არ მიჰყვა იმპერატორის ბედს“ (Constant. Mémoires sur la vie privée de Napoleon sa famille et sa cour. Paris M. DCCC. XXX გვ. 63).

ნაპოლეონის შინაგან საქმეთა მინისტრის ფუშეს ცხოვრების და მოღვაწეობის მკვლევარის ლუი მადლენის მოწმობით, ყოფილა მომენტები, როცა ნაპოლეონს ფუშეს ადგილას უნდოდა დაენიშნა რუსტანი.

1827 წელს ერთ-ერთ სასამართლოში მოწმედ ყოფნისას, რუსტანი დაკითხვის დროს აცხადებს, რომ იგი წარმოშობით ქართველია, დაიბადა თბილისში, საქართველოში, არის ორმოცდაოთხი წლის. მამასადამე იგი დაბადებულია 1783 წელს, ხოლო ტყვედ გაუყიდიან 1789-90 წელს.

ქართველ მამელუკს სახელი შეუტვალეს რუსტანად, რომელიც მას გვარის მაგივრობასაც უწევდა. ყველა დოკუმენტებში იგი იხსენიება მართა ამ სახელწოდებით.

პარიზიდან 50 კილომეტრის დაშორებით, ერთ პატარა ქალაქ დურდანში 1845 წლის დეკემბრის 7-ს გარდაიცვალა, ყველასაგან მივიწყებული, ერთ დროს ნაპოლეონის ბრწყინვალე მამელუკი რუსტანი. (ამ ცნობებზე მიმითითა მამია ხუხუნმა, რისთვისაც მას მადლობას მოვანსენებ).

114. (გვ. 129) ამსტერდამი ჰოლანდიის დედაქალაქია. აქვს პირველხარისხიანი ნავსადგური. ამსტერდამი მსოფლიო მნიშვნელობის სავაჭრო-სამრეწველო ცენტრს წარმოადგენს.

115. (გვ. 132) ბასტილიის აღება, ბასტილია მე-14-17 საუკუნეებში წარმოადგენდა სტრატეგიულ დიდი მნიშვნელობის პარიზის ციხე-სიმაგრეს. მისი აგება დაიწყო 1369 წელს, დამთავრდა 1382 წელს. მეფერამეტე საუკუნის დასაწყისიდან ის იქცა სახელმწიფო სატუსალოდ, სადაც ამწყვედებდნენ თავისუფლებისათვის მებრძოლებს და თავისუფალ აზრების მქადაგებლებს. ბასტილიაში ორჯერ იჯდა დიდრო, პირველად 1717 წ., მეორედ 1726 წელს. მასში დაპატიმრებულნი იყვნენ, აგრეთვე, აბატი მორელი,

ლენგე, ბრისო და სხვ., ციხეში სვამდნენ არა მარტო ავტორებს, არამედ მათ წიგნებსაც ბასტილიის ჯურღმულებში ყრიდნენ. ერთ დროს აქ ლპებოდა დიდროსა და დალამბერის ენციკლოპედია. იყო ისეთი კურიოზული შემთხვევებიც, როცა მასში ამწყვდევდნენ ცოლქმრობის მოლაღატის ცოლს, ურჩი შვილის მამას და სხ. ბასტილია წარმოადგენდა ძველი რეჟიმის სიმბოლოს, ამიტომ ხალხს დასანახავად ძულდა ის. როცა ახლად დაწყებულ რევოლუციურ მოძრაობის ჩასახშობად პარიზში რეაქციონერებმა დაიწყეს ჯარის თავის მოყრა და ამავე დროს გადადგა პოპულარული მინისტრი ნეკერი, პარიზის მცხოვრებლები აღშფოთდნენ და ქუჩაში გამოვიდნენ. აჯანყებული ხალხი პირველად სწორედ ბასტილიას მიადგა. ხანმოკლე, მაგრამ ძლიერი შეტევის შემდეგ, ბასტილია დანებდა აჯანყებულებს. ეს მოხდა 1789 წლის ივლისის 14-ს. ხალხის მოთხოვნით თავისუფლად არჩეულმა ნაციონალურმა კრებამ დაადგინა ბასტილიის დანგრევა, რაც სისრულეში მოყვანილი იქნა 1791 წელს.

116. (გვ. 133) ც ი ტ რ ა ხალხური სიმებთან საკრავია გერმანიასა და ავსტრიაში. იგი უფრო გავრცელებულია ტიროლში. ხედ გაბმულია 30-მდე ლარი, ზოგჯერ უფრო მეტიც.

117. (გვ. 134) ლ ე ვ ნ ი კ ო ლ ო ზ ი ს-ძ ე ტ ო ლ ს ტ ო ი, დაიბადა 1828 წელს აგვისტოს 28-ს (ძვ. სტ.) დედის მამულში—იასნაია პოლიანაში, რომელიც მდებარეობს ტულასთან ახლოს. თავის გენიალურ მხატვრულ ნაწარმოებებში და აგრეთვე ტრაქტატებში ტოლსტოი უარყოფს ღმერთს, უარყოფს ღმერთკაცის ქრისტეს არსებობას, ზღაპრად აღიარებს იმ ამბავს, რომ თითქოს ქრისტეს დაბადებამდე მარიამი ქალწული ყოფილიყო. ტოლსტოი ეკლესიასა და მღვდელთ-მსახურებას ებრძოდა, არ ცნობდა იმიერ ცხოვრებას და ადამიანს აკისრებდა ელვაწა მხოლოდ ამ ქვეყნად სამართლიან და კეთილ ცხოვრებისათვის.

ასეთი მოძღვრებისათვის რუსეთის ე. წ. უწმინდესი სინოდის 1901 წლის თებერვლის 22-ს განჩინებით, ტოლსტოი შეჩვენებული იქნა.

118. (გვ. 136) დ ა ნ ტ ე - ა ლ ი გ ი ე რ ი იყო არა მარტო იტალიის, არამედ საშუალო საუკუნოების გენიალური პოეტი მთელ

მსოფლიოში. დაიბადა 1265 წელს, გარდაიცვალა 1321 წელს. უკვ-  
დავი სახელი დაიმკვიდრა თავის „ღვთაებრივი კომედიით“, რომე-  
ლიც შესდგება სამი ნაწილისაგან: „ჯოჯოხეთი“ „სალხინებელი“ და  
„სამოთხე“. „ღვთაებრივი კომედია“ გამოვიდა ქართულად საბჭოთა  
ხელისუფლების დროს 1941 წ.; პირველი წიგნი ერთად თარგმნეს  
კონსტანტინე გამსახურდიამ და კონსტანტინე ჭიჭინაძემ, მეორე და  
მესამე თარგმნა საკუთრივ კონსტანტინე გამსახურდიამ.

„ღვთაებრივი კომედიის“ გარდა დანტეს აქვს აგრეთვე შესანიშ-  
ნავი სონეტები და კანცონები.

119. (გვ. 149) დ უ ვ რ ი — ინგლისის ძლიერი გამაგრებული საზ-  
ღვაო ქალაქია კენტის საგრაფოში, ლამანშთან.

120. (გვ. 150) ლ ა მ ა ნ შ ი ს ს რ უ ტ ე — ინგლისის ჰეოფს საფ-  
რანგეთიდან. ლამანშის ვიწრო ნაწილს ეწოდება პა-დე-კალე.

121. (გვ. 152) კ ო რ ნ ე ლ ი პ ი ე რ (1906—84), ცნობილი ფრან-  
გი დრამატურგი-კლასიციისტი. ტრაგედიებს წერდა ლექსად.

122. (გვ. იქვე) ყ ა ნ - ყ ა კ - რ უ ს ო, უდიდესი ფრანგი მწერალი და  
მოაზროვნე, „ენციკლოპედიის“ თანამშრომელი, დაიბადა 1712 წელს  
გარდაიცვალა 1778 წელს. იგი ავტორია „ახალი ელოიზის“, „ემი-  
ლი“-სა და „ალსარების“.

123. (გვ. იქვე) დ ი დ რო დ ე ნ ი (1713-84), ცნობილი ფრანგი ენ-  
ციკლოპედისტი და მწერალი. ქართულად თარგმნილია მისი „რამოს  
ძმისწული“ და სხვ.

124. (გვ. იქვე) და ლ ა მ ბ ე რ ი ყ ა ნ - ლ ე - რ ო ნ (1717-83), დიდროს-  
თან ერთად სცემდა „ენციკლოპედიას“. გამოჩენილი მათემატიკოსი  
და ფილოსოფოსი.

125. (გვ. იქვე) ლ უ ვ რ ი — ყველაზე ძველი სამეფო სასახლე პა-  
რიზში. პირვანდელი სახით იგი ააგეს 1204 წელს, მაგრამ, მრავალ-  
ჯერ იქნა გადაკეთებული. საბოლოოდ მისი შენება დამთავრდა 1857  
წელს. ამჟამად იგი წარმოადგენს მუზეუმს, სადაც თავმოყრილია უძ-  
ველესი და შემდეგი დროის ყველა ხალხთა კულტურის ძეგლები და  
მხატვრულ ნაწარმოებთა მდიდარი კოლექცია.

126. (გვ. იქვე) ვ ე რ ს ა ლ ი ი ყ ვ. საფრანგეთის მეფეების რეზი-  
დენცია. განთქმულია თავისი ბაღით.

127. (გვ. იქვე) ტ რ ი ა ნ ო ნ ი ეწოდება ორ სასახლეს ვერსალის ბაღში პარიზთან ახლოს, ერთი დიდი, ტრიანონი ააგო ლიუდოვიკ XIV, მეორე უფრო მამცრო—ლიუდოვიკ XV.

128. (გვ. იქვე) ვ ა რ ი ე ტ ე, მ უ ლ ე ნ - რ უ ჟ, ტ რ ო კ ა დ ე რ ი ა — გასართობი ადგილებია პარიზში.

## ნიკო ბაგრატიონის მოგონება: „ბურებთან“

თავისუფლებისათვის ბურების გმირულმა ბრძოლამ განსაკუთრებული თანაგრძნობა მოიპოვა მაშინდელ მსოფლიოს პროგრესულ საზოგადოებაში. იმავე დროს მოწინავე ინტელიგენცია და მშრომელთა ფართო მასები „თავიანთ გულისწყრომას გამოთქვამდნენ ინგლისელ დამპყრობელ იმპერიალისტების წინააღმდეგ, რომლებიც სისხლში ახრჩობდნენ ბურების რესპუბლიკას.

საქართველოშიაც დიდი გამოხმაურება ჰყოფა ბურების ბრძოლამ. მაშინდელი ქართული ჟურნალ-გაზეთები სავსეა ინგლის-ბურების ომის მიმოხილვებით, ბურებისადმი თანაგრძნობის წერილებით, ბურების გამოჩენილ გენერლების და მებრძოლების სურათებით.

სხვადასხვა ქვეყნებიდან ბურების დასახმარებლად წავიდნენ მოხალისეები, მათ შორის იყო ნიკო ბაგრატიონიც. მისი მოგონება უთუოდ საინტერესო დოკუმენტია. ეს მოგონება, რომელიც ბაგრატიონს რუსულად დაუწერია და ხელნაწერის სახით დარჩენია, თარგმნის დროს ჩვენ სათანადო ლიტერატურულ მდგომარეობაში მოვიყვანეთ, თანაც დავურთეთ მედარებით ვრცელი შენიშვნები, რომ მკითხველს სამუალება ექნეს ფართოდ გაეცნოს ბაგრატიონის მიერ აღნიშნულ მოვლენებს, ფაქტებს და პიროვნებებს.

ნიკო ბაგრატიონი დაიბადა მუხრანში 1868 წელს, გარდაიცვალა 1933 წელს, თბილისში.

Н. БАГРАТИОНИ

У б у р о в

(На грузинском языке)

Изд-во „Сабчота мцeralи“.

Тбилиси, 1951

Типография изд-ва „Сабчота мцeralи“

\* \*

რედაქტორი გ. ნატროშვილი

\* \*

ტექნედაქტორი შ. ღემეტრაძე

მხატვარი შ. ბერივაშვილი

კორექტორი დ. ზეგინიძე

კონტროლიორ-კორექტორი მ. ჯაფარიძე

\* \*

შეღებოწერილია დასაბეჭდად 30. IV 1951 წ.,

ანაწეობის ზომის 5 X 7,25, სსსტ, ფორმა: 14,5,

შაბლონის სიგანე-სიღრმე. ფ. 8,56, ტირ. 10,000.

შეკვეთის № 322.

უკ 02601

\* \*

გამ-ბა „საბჭოთა მწერალი“-ს სტამბა,

თბილისი, ძღუწანოვის, 181



## კორექტორების მიერ დაშვებული შეცდომების გასწორება

- 1) სურათზე „ტყვეების ერთი ჯგუფი ეღენეს კუნძულზე“, ჰოლანდიელების გვარები უნდა იკითხებოდეს ასე: ფოგელიუსი და ვიტხამორი.
- 2) მე 4 შენიშვნაში დაბეჭდილია: „ათი წლის პეტრე 1672 წელს გამოცხადებული იქნა მეფედ“, უნდა იყოს: „1682 წელს“.

გამომცემლობა „საბჭოთა მწერალი“ სსრკ-ს  
ქ. თბილისი, ვლენახანოვის, 181,  
წიგნში დეკემბრის აღმზღვის შემთხვევაში,  
გობთათ დაბრუნთ წიგნი ამ იარღიკთან  
ერთად.  
მ.ჩ.  
წუნმდებელი 1.

7 806.

94/99

8 146